


კვირის პალიტრა



კრიკალაშვილის
ოჯახი

63

N22(51) 31/V.-6/VI.2001.
ფასი 60 თ.

ახალი რომანი
— „ბედისწერა“


გიანს გულისტვის
„ბეტიერს“ წინ
დავუწვებოდი

1168
2001

როგორ შეაშინა
„გობიჩა“ თოვლის კაცმა

დედ-მამა, მათი
მკვლელი ვაჟი და მისი და —
ფოტოები სოჯახო ალბომიდან





მედოლე გიორგი:

**„აჭარულის“ ცეკვას მიხედვით — ისე
გავუსვამ ხოლმე, რომ ერთხელ ჩემმა
შემხედვარმა, შუახნის ქალმა ხმადაღდა
თქვა — ამხელა უკანაღიტი კაცი ასე
სხარტად ცეკვავდეს, პირველად ვხედავო...“**

გვ.18

მინიატურები

წინ - ქართული
აერაქტუმა-მოგილესკენ“! 3

სიტუაცია

„ბია არის კანი, რომლისთვისაც
ღირდა, „ბებერის“ წინ
დაწვრილილიყავი“ 4

ოპოზიცია

ნემო ბურჟუაჰა: „ამ კეზლის
გახსნას დატინვალ მივიჩნევ...“ 7

მსახიობი

„გოგინა“ - შანსოს ქმაკასი 8

ტკივილი

„აფსაგებთან შეხვედრისას,
თვალნათლივ ვხედავ, წინ
როგორ მივიწევთ...“ 10

მსოფლიო

მნობილი კომპოზიტორის
ბიოგრაფიის ამოუხსნობი
მოვლენები 13

ანტიდუარკანანტი

ინფორმაციულ-შეგეგმვითი
კოლაჟი გოჩა ღვალის
ზუის წიგნაკიდან 16

შეშინება

პოლიტიკური თავშესაფარი
მარტო ბელგიაში 200
ლეიბორისტს მოუთხოვია 16

აღაზიანი

„ინღურ ფილმეზგე, ვბიქვები...“ 18

კრიჟინალი

- „ღელ-მაგის მკვლელობა
მან მშვიდად აღგვიწერა...“ 20
- სანიღუმლოებით მოცული
მკვლელობა უნივერსიტეტში 22

შეჩაკებული წავი

წინაპარი, ღიდ წინაპართა
შთამომავალი 25

ოსტატი

„სამოთხის ჩიბები“ ჩვენში
არავის სჭირდება 26

გაგველი

„ქართველები ესროდნენ
ერთმანეთს და
გვესროდნენ ჩვენს...“ 28

ტესტი

ერთგული გიჟთხველი 30

ფსიქოლოგიური თავაჟი

რამდენად გამომსახველობითი
მეხსიერება გაქვთ 31

**„ბია არის კანი, რომლისთვისაც ღირდა,
„ბებერის“ წინ დაწვრილილიყავი“**



„ბეტვერს“ წინ გადავუდექი,
მუშტები დავუშინე და ვიყვირე:
აფსაგებითდან ცოცხალი ჩამო-
მივიდა, ღმერთმა გაღამირჩინა
და თქვენ აქ გინდათ მომი-
კლათ-მეთქი?! არ ვიცი, როგორ
მოხდა, რომ „ბეტვერმა“ უკან
დაიხია.

4

**როგორ მოვიხსნა უღ
„აზიური გეგნები“**

კორეულმა გაცნობისთანავე შე-
იძლება გკითხოს, რამდენი წლისაა
შენი ცოლი, ან - რა ზომის ფეხსაც-
მელს აგარებს? ასეთი კითხვები, აღ-
მოსავლური გაგებით, არათუ უხ-
ერსულად არ ითვლება, არამედ
ყურადღების გამოხატვის საუკეთესო
ფორმასაც წარმოადგენს...



40

**„ღელ-მაგის მკვლელობა მან
მშვიდად აღგვიწერა...“**



ოჯახი კარჩაკეცილად ცხოვრო-
ბდა. ურთიერთობა მეზობლებთან
ნაკლებად ჰქონდათ. ამის მიზეზი აჩი-
კოს ღელა იყო, რადგან ხშირად
მეზობლებთან ჩხუბი მოსდიოდა ხო-
ლმე. მათ ქვემოთ მცხოვრები მე-
ზობლის თქმით, ამ ფაქტის გამოამ-
კარავებამდე, ძველიმეზობლების ბი-
ნიდან ვაჟას ყვირილის ხმა გაუგია...

20

**მნობილი კომპოზიტორის
ბიოგრაფიის ამოუხსნობი მოვლენები**

აბაზანაშიც ისეთი შეგრძნება
მქონდა, თითქოს ვიღაც მიყურებდა.
გავიფიქრე - ახლა აქ თუ ვინმეა,
რაიმე ნიშანი მაინც მომეცეს-მეთქი.
ამის გაფიქრება იყო და მესმის, იქვე
მღგარ მაგიდაზე დაკაკუნებისა და
ძლიერი დარგყმის ხმა. ეს ნამდ-
ვილი საოცრება იყო...



სამარტოვლოს
ეროვნული
გიგლიტეტიკა

13

საყარო

ღამწერლობა - კანცობრიობის უდიდესი მონაპოვარი 32

წილანაღი

მეფე, კოეტი ღა წმინღანი - მთქმელი „მენ ხარ მენახისა“ 34

ისტორიის გაკვეთილები

1918 წლის ლეჩხუმის აღანყება 35

ჰოლივუდი

ღაჩაგრული ვარსკვლავები ღა გაბრიყვებული სენარისტები 38

მოგზაურის ღლიურები

როგორ მოვინახული „აღიური ვეფხვი“ 40

ცივილიზაცია

ღაროღამო კარღანი - ასტროლოგი ღა გამომგონებელი 43

კატანტროფა

სამხრეთკორეული ავიაღინების ტრაგედია 44

შეამონებით თქვენი ხოღა

ტესტი ერულიციაღე 45

ვარსკვლავი

ღარა ფლინ ბოიღი: „მე ღა ღეკ ნიკოლსონი ერთი ღიუმისანი ვართ“ 46

ბომოღი

48

როღანი

ნიკო აშკარელი. ბეღისწერა (ღასაწყისი) 49

ავტო

52

ესიღები

„რასან შეეხო, ყვეღაური გზნებით ღამუსტა“ 54

ღანერეთლოღა

● წყალი ღა სიღამაღე 56
● ნიორი ღა მისი
სამეკურნალო თვისებები 57

აღაღინანი-ღაღენღა

„საუკუნის მგარსველი“ 58

სანწორღი

61

ჰოროსკოვი

კვირის (4-10 ივნისი) ასტროლოგიური პროგნოზი 62

ტესტი

როგორი ქმარი გყავთ? 63

კალენღოსკოვი

ღრელ-ღრელი ამბები 64

გარეკანღა: გიორგი შორწულიანის კოღაღი

საწოგადლომბრიფ-ჰოლიტიკური შურნალი „გზა“ გამოღის კვირაღი ერთხელ, ხუთშაბათოღით გაცემი „კვირის კალიტრის“ ღამატღბა შურნალი ხელმღღანელობს თავისუფალი პრესის პრინციპებით. რეღაქციის აზრი შესაღლოა არ ემოხვეოღეს მასღლის ავტორის აზრს. მთავარი რეღაქტორი: ზურაბ აბაშიძე რეღაქტორი: გონა ტყეშელაშვილი მენეჯერი: კიაზო ბიჩინაშვილი მისამართი: თბილისი, აკურის ქ. №8 ტელ: 33-50-32 შურნალი იბეჭღება გომომცემღობა „კოლორში“

ღეროღამო კარღანი - ასტროლოგი ღა გამომგონებელი



...მასხრად ავღებულმა ღა შეწვენებულმა კარღანომ, თავისი წინასწარმეგყეღების სისწორის ღასაღასგურებღად, უარი განაცხაღა საკვების მიღებაღე ღა შიმშილისგან გარღაცივღაღა.

43

ჰოლიტიკური თავუესაღარი მარტო გეღბიეღი 200 ლეიბორისტს მოუტოსღიეღი

- კარგით, რა! კენეღის მკვლელობა ღღემღე გაუხსნელი რჩება ღა თქვენ როგორ გვინიათ - რომე განვეცხადო, მაშინვე გახსნიან ლეიბორისტული პარტიის კორღინაგორღე ან ღიღუბის თყისმე თავღასხმის საქმეს ღა ღამნაშავეღებსაც თქერაგოღულად ღაიჭერენ?! რას ამბობთ!



16

„მე ღა ღეკ ნიკოლსონი ერთი ღიუმისანი ვართ“



ამბავღმა, რომ ნიკოლსონს 33 წლით ახალგაზრღა ქალი შეუყვარღა, ჰოლივუღში ფურორი მოახღინა. ის ნიკოლსონის უფროს ქალიშვილღე ხუთი წლით უმცროსია. ყვეღაფერთან აღვიღად შემეგყეღებელ ჰოლივუღსაც კი მოეჩვენა, რომ ეს უკვე მეგისმეგი იყო.

46

ბეღიისწერა

მოწინავემ ავგომაგი მოიმარჯვა ღა გიგიას თავს გემოთ ჯერი გაუშვა. გიგია პირღაპირ თვაღებში უყურებღა, სროღის ხმა აღარც ესმოღა, თვაღები ებინღებოღა... ავგომაგის ღვეღი ხელიღან გაუყვარღა, რამღენიმე ნაბიჯი მექან-იკურად გაღაღგა ღა ჩაიკეცა...



49

წინ – ქართული „პერპეტუუმ-მობილესკენ“!



ქართველები, ზოგადად, ტრადიციონალისტი, კონსერვატორი ხალხი ვართ (პარტიულ კუთვნილებას არ ვგულისხმობ), მაგრამ ნოვატორული ნიჭიც რომ ოდითგან მოგვდამს, – ესეც არაერთხელ დაგვიმტკიცებია.

ნოვატორობა, საერთოდ – ნოვაცია პროგრესის მამოძრავებელი ძალაა და ამიტომაც არის, რომ მიუხედავად ყველაფრისა, პროგრესული კაცობრიობის პროგრესულ ერთა შორის ქართველობას ყოველთვის ჰქონდა თავისი საპატიო ადგილი.

მაგრამ ამ ავტორიტეტს გამუდმებით სჭირდება განმტკიცება და დდასტურება, თორემ ჩვენ კი არა – რომაელები, ძველი ბერძნები და ეგვიპტელებიც კი გადაშენდნენ, როდესაც ჩათვალეს, რომ ყველაფერი შექმნილი და გაკეთებული ჰქონდათ, რაც კი შეიძლებოდა.

ჰოდა, ქართველი კაციც ცდილობს, მიუხედავად სიღუჭნისა, ტვინი გაანძრის, წარმოსახვა დაძაბოს და საკაცობრიო საგანძურს მინც მუდმივად შესთავაზოს რაღაც ახალი, მშვენიერი, მარადიული...

რაღა ბევრი მტკიცება უნდა იმას, რომ ახალი გამოგონების გამოშვებებისთვის, დღესასწაულია ზედგამოჭრილი. ასე იყო ყოველთვის, მაგალითად: როდესაც მავანმა კულინარმა დღეს ყველასათვის საყვარელი მაიონეზი გამოიგონა, საფრანგეთის მეფეს – რომელიღაც ანრის თუ ლუდოვიკოს დაბადების დღეზე – საფრანგეთის ეროვნულ დღესასწაულზე მიართვა ახალი ნუგბარი და 50 ათასი ლუიღორიც ჩაიხსრა იმ მზარეულის წინსაფრის ფართო ჯიბეში; ასევე ფრანგი იყო ექიმი, გვარად გილიოტენი, რომელმაც ექიმისათვის არცთუ ისე შესაფერისი მოწყობილობის სანაცვლოდ, რომელსაც ადამიანების უთავოდ დატოვების გარდა სხვა ფუნქცია არ ჰქონია, სამუდამო დიდება, პარიზში ძველი და მეფის ქება დაიმსახურა. გარდა ამისა, მის გამოგონებას პრაქტიკული და სასარგებლო მნიშვნელობაც ჰქონდა – შრომა შეუმსუბუქა ჯალათს, რომელსაც ორასგირვანქიანი ნაჯახის ქნევის ნაცვლად, საწელურის გამოწვევა ევალებოდა.



ერთი სიტყვით, მაგალითი ბევრია და ჩვენ – ქართველებიც ყოველ დღესასწაულს ახალი გამოგონებით ვზვლებით, მაგრამ წლებგანდელი 26 მისი მინც განსაკუთრებული იყო გამოგონებათა იმ რაოდენობით, რომელიც მთავრობამ, ხალხმა, სამხედროებმა და მომიტინგეებმა წარმოგვიდგინეს.

თავად განსაჯეთ, ოდესმე, სადმე, თუ გაისინებთ შემთხვევას იმ ორი ათასი წლის მანძილზე, რაც მაცხოვარი ჩვენი იესო ქრისტე ჯვარს აცვეს, მისი ჯვარცმის სიმბოლოდ ქცეული სიწმინდე ვინმეს „პირდაპირი დანიშნულების“ გარდა სხვანაირად გამოიყენებინოს. ჩვენმა ზვიადისტებმა კი მას რა ფუნქციაც მოუძებნეს, თავ-პირზე ახატაით (ამ სიტყვების პირდაპირი გაგებით) ქართული პოლიციის მუშაკებს, თუმცა ექსპერიმენტის სახით ეს გამოგონება რამდენიმე თვის წინ უკვე წარმოგვიდგინა ბასილ მკალავიშვილმა და „ახალი იარაღის“ პოლიგონად იელოველთა თავები გამოიყენა.

ეს კიდევ არააფერი, ჩვენი დედაქალაქის შორიანხლოს 26 მისის სხვაგვარად ზეიმობდა ქვეყნის დამცველთა სამას-ოთხასკაციანი ჯგუფი. საერთოდ, ესეც გამოგონებად შეიძლება ჩაითვალოს, ოღონდ ხელისუფლების მხრიდან: კაცს იარაღი მისცე, ოღონდ სასმელ-საჭმელზე და ჩასაცემელ-დასახურზე ბოდიში მოუხადო და თან იმის იმედი გქონდეს, რომ იმ იარაღს შენგენ არ მოატრიალებს, მაგრამ რა გინდა – უმართლებთ. იარაღიც ჰქონდათ, შიოდით კიდევ, მაგრამ მხოლოდ „სოციალური მოთხოვნები“ ამოძრავებდათ, როდესაც ტანკების რასარეხით საკუთარი ქვეყნის სხვა სამხედრო ნაწილი „დაიპყრეს“. თავისთავად, ის სახელი, რომელიც ამ აქციას უწოდეს, ან ნონსენსია, ან – ერთ-ერთი უდიდესი აღმოჩენა: სხვაგან

სად გაგივათ ტერმინი „შეიარაღებული გაფიცვა“. გაფიცვა ხომ იმას გულისხმობს, რომ მუშა, მოსამსახურე თუ სტუდენტი სწორედ იმიტომ აცხადებს უარს თავისი მოვალეობის შესრულებაზე და ამის გამოხატვის ერთადერთ ფორმად „პასიურ სიჯიუტეს“ აცხადებს, იმიტომ, რომ სხვა გზა და ძალა არ გააჩნია. აქ კი იარაღიც ხელში ჰქონდათ, მთავრობასაც შიშით აკანკალებდა და მინც იქით ეხვეწებოდნენ, სასმელ-საჭმლის გარდა არაფერი გვიწავდა.

ყველა გამომგონებლის აუხდენელი ოცნებაა „პერპეტუუმ-მობილუ“, ანუ „მარადი ძრავა“, მაგრამ როგორც ცნობილია, გამოგონებათა რეგისტრაციის საერთაშორისო ბიურომ ოფიციალური განცხადება ჯერ კიდევ ასი წლის წინ გააკეთა იმის შესახებ, რომ

„მარადი ძრავის“ პროექტებს აღარ მიიღებს განსახილველად, რადგან ენერჯის მუდმივობის კანონით მარტივად მტკიცდება მისი შექმნის შეუძლებლობა.

ამის მიუხედავად, სავსებით მოსალოდნელია, რომ ამ ორგანიზაციამ ქართველებისათვის გამოჩაკლისი დაუშვას, რადგან ჩვენ უკვე გვაქვს უამრავი ისეთი გამოგონება, რომელიც ყოველგვარ ადამიანურ და მეცნიერულ ლოგიკას სცილდება. მხოლოდ რამდენიმე გავისვენოთ:

არჩვენებში ერთ-ერთი პარტიის ან პერსონალური კანდიდატის გამარჯვება 100-ზე მეტი პროცენტით (აქ პოლიტმეცნიერების გარდა, ფიზიკაც „გადატრიალდება“, რადგან ჩვეულებრივ – სამგანზომილებიან სივრცეში ასეთი რამ შეუძლებელია);

აქამდე დადგენილი მაქსიმალური 40 დღის ნაცვლად, ადამიანის მიერ თევების მანძილზე ყოფნა უჭმელ-უსმელად (ამ „გამოგონების“ გენიალობა იმაშია, რომ იგი ექსპერიმენტის სახით კი არ განხორციელებულა – ერთ ან რამდენიმე ინდივიდზე, არამედ ხალხის ფართო მასები – ქვეყნის მოსახლეობის დიდი ნაწილი მოიცვა და აძენდა, მამინე პოვა პრაქტიკული გამოყენება);

რეალარანი პენსიით კვირაში ორჯერ მეფური სუფრის გაშლა – ჩიტის რძის მაცენითა და პირანების ხიზილალთ (პრაქტიკული ფასის გარდა, ამ გამოგონებასაც ახლავს განუყოფელი შარბი – ის ქვეყნის პირველი ქალბატონის – ნაფიქრალის შედეგია);

ყველაზე სასიამოვნო და საოცარი ის არის, რომ ბევრი აღმოჩენა წინასწარ იგეგმება საქართველოში. თითქოს პარადოქსია – „აღმოჩენა“ იმიტომ ჰქვია, რომ მოულოდნელობის, მანამდე არნახულის ელემენტს უნდა შეიცავდეს, მაგრამ „რაც მაგრები ვართ – ქართველები ვართ“ და ეს აქსიომაც უარყოფილია ჩვენში, თავად განსაჯეთ: უკვე დაგვეძლია „აღმოჩენა“, თუ როგორ უნდა მოეგოს საქართველოს ფენბურთელთა ნაკრებმა იტალიისას. თანაც იმის მიუხედავად, რომ ნახევარი გუნდი მწვრთნელებისადმი პროტესტის ნიშნად არ თამაშობს, მეორე ნახევარი კი თავიანთი თანაგუნდელის ძმის გამტაცებლებს უცხადებს ბოიკოტს და აგრეთვე არ აპირებს მოედანზე გამოსვლას.

P.S. 26 მისის საბოლოოდ დავრწმუნდი, რომ ქართველები „პერპეტუუმ-მობილესაც“ გამოიგონებენ და საერთაშორისო ბიურო არათუ განიხილავს, არამედ დაგვიმტკიცებს კიდევ ამ გამოგონებას, რადგან თვით ქვეყნის პირველმა პირმა გვამცნო ნებისმიერ „მობილეს“ უფრო საოცარი აღმოჩენის შესახებ: „მე დავრწმუნდი, რომ საქართველო სიცოცხლისუნარიანი ქვეყანაა“.

პროკოპატორი

ამ კვირის პოლიტიკური მოვლენების ცენტრში პოლკოვნიკი გია კრიალაშვილი მოექცა. მისი და კობა ოთანაძის თაოსნობით მომხდარი საგანგაშო ამბავი დღესაც აზრთა სხვადასხვაობას იწვევს და ალბათ მომავალშიც კამათის თემად დარჩება. მაგრამ ყველას, ვინც ტელერეპორტაჟებს ადევნებდა თვალყურს, დიდი ხნით დაამახსოვრდება გამორჩეული კადრები, რომელმაც ბატონი გიას მეუღლე — თამუნა შანიძე მუსროვანის მისადგომებთან, ჯავშანტრანსპორტიორის პირისპირ აღბეჭდა...



„შინ არის ქასი, როგორთვისას ღირს, „გეზუაჩი“ წინ დახლოდით“

ნანა ქიბიშაური

გია კრიალაშვილმა თამუნა შანიძე გაცნობიდან 10 დღის შემდეგ, დასთან ერთად მოიტაცა. პრობლემების მიუხედავად, დღემდე ისინი თავს ბედნიერად გრძნობდნენ, რადგან მათი ოჯახი დიდ სიყვარულს ეფუძნება. ამ სიყვარულმა 25 მაისს კიდევ ერთი გამოცდა ჩააბარა. თამუნა შანიძე მუსროვანთან ამბოხებულთა მიმართულებით დაძრულ „ბეტეერს“ წინ გადაუდგა. „ვხედავდი ტყისკენ მიმართულ ლულას, ვხედავდი იმ ბიჭების თვალებსაც, რომლებიც ტანკზე იხსდნენ და, რაც იმ წუთებში ჩემთვის ყველაზე მნიშვნელოვანი იყო, — ვხედავდი თანაგრძნობას მათ თვალებში. მაშინ მხოლოდ ერთ რამეს ვფიქრობდი: ღმერთო, არ დაუშვა ეს, ღმერთო, გეხვეწები! და თუ მაინც მოხდება შეტაკება, გიას თუ რამე დაემართება, ბენზინს გადავიხსამ და თავს დავიწვავ-მეთქი. ეს ვანცდა მხოლოდ საყვარელი ადამიანის დაკარგვის შიშით გამოწვეული არ ყოფილა — მე ქართველი ბიჭების, უდანაშაულო ბიჭების სისხლის დაღვრის მეშინოდა. კიდევ ერთი სირცხვილის, რომელსაც ჩვენი თაობა ვერასოდეს ჩამოირეცხდა“ — ასე დაიწყო ჩვენთან საუბარი თამუნა შანიძემ.

— თამუნა, როგორ გაიცანით ერთმანეთი?

— გია რომ გავიცანი, 19 წლის ვიყავი, კიბერნეტიკა-მათემატიკის ფაკულტეტის II კურსის სტუდენტი. ბაზალეთის ტბაზე ვისვენებდით. უცებ ჩემთან გოგოები შემოცვივდნენ: ქვემოთ წყალბურთელი ბიჭები ბანაობენ, ერთს იცი, რა ტანი აქვს? წამოდი და გაჩვენებო!.. გავყვი. პირველად იქ ვნახე გია. წყალში რომ გადახტა და გაცურა, გავიფიქრე: თუ ამ ბიჭს ცოლი არ ჰყავს, მე გავხდები მისი ცოლი-მეთქი... ისე თქვენ ავიხდეთ ყველაფერი კარგი, როგორც მე ეს ამიხდა! ძალიან ლამაზად ცურავდა... მოკლედ, იქ, სადაც ოქროს აკვანს დაემებენ, მე კრიალაშვილი ვიპოვე. გაცნობიდან მე-10 დღეს სახლში დამირეკეს და მითხრეს: გია ავარიამი მოყვა, დამტვრეული წვეს და მარტო შენს სახელს ახსენებსო. ჩემს დას გავუშვილე — ასე ყოფილა საქმე და სანახავად უნდა წავიდე-მეთქი. ისიც გამოძევა და... ვერც გავიგეთ, გარეთ გამოსულები როგორ აღმოვჩნდით მანქანაში. ჩემმა დამ მიჩურჩულა — თამუნა, მგონი გიტაცებენ და მიდი, გოგო, იყვირო! არ მიყვირია, მშვიდად ვიკითხე — სად მივდივართ-მეთქი? მიპასუხა — ასათიან-ზეო... მაშინ ვერ მივხვდი, რა იყო ეს „ასათიანი“ და გიას შემდეგი კითხვა დაუუსვი: ნარკომანი ხარ?.. არა! — მიპა-

სუხა. ლოთი ხარ?.. არა! კიდევ რაღაც ვკითხე — არ მახსოვს, რა. იმაზეც უარყოფითი პასუხი მივიღე და სულ ეს იყო... დედა ჩვენი შეუღლებიდან რამდენიმე წელს გვემღუროდა. ხუმრობა ხომ არ იყო — ორი ქალიშვილი ერთდროულად მოსტაცეს!.. მას შემდეგ 14 წელი გავიდა. ბედნიერი ვარ, რომ ამდენი წვალების მიუხედავად, ჩვენ ისევ ერთად ვართ. გუშინ გია სახლში დარჩა. ისევ ჩემ გვერდით რომ ვხედავდი, უბედნიერესი ქალი ვიყავი. გია არის კაცი, რომლის გულისთვისაც ღირდა, „ბეტეერის“ წინ დაეწოლილიყავი.

— თქვენ როდის გაიგეთ მუსროვანის ამბები?

— 25 მაისს გავიგე. ისეთი წინათგრძნობა გამიჩნდა, როგორიც თბილისის ომის წინ მქონდა. გიას იმ ომში მონაწილეობა არ მიუღია. ის ერთი წესიერი ბიჭია, რომელსაც ქართველისთვის ტყვია არ უსვრია. ალბათ ამიტომ სწყალობს ღმერთი... მუსროვანში 11 საათისთვის მივედი. იქ უკვე პოლიციას გზა ჰქონდა გადაკეტილი და მხოლოდ ჯარისკაცებს ატარებდნენ. ჯერ ვფიქრობდი, არ მეთქვა, ვისი ცოლიც ვიყავი. მაგრამ მერე, როდესაც ამბოხებულებს სახელმწიფო გადატრიალების მცდელობაში დასდეს ბრალი, ვეღარ მოვითმინე და ვთქვი, ვინც ვიყავი. ისიც მაშინ ვთქვი, რომ მათ

მხოლოდ სოციალური პრობლემების გამო მიმართეს პროტესტის ამ ფორმას.

— გიას სახლში არ უთქვამს, რომ ეს აქცია მზადდებოდა?

— არაფერი! გია სახლში არასოდეს ლაპარაკობს თავისი სამსახურის შესახებ. მხოლოდ ის მითხრა, რომ ის და კობა ისეთ წვრთნას ატარებენ, როგორც თავდაცვის სამინისტროს ჯერ არ ჩაუტარებია. და კიდევ, ის მითხრა, რომ მისი ჯარისკაცები, უკვე კუს ჩახოხბილს მიერთმევდნენ. ისინი მართლაც ძალიან მძიმე პირობებში იყვნენ. სადაც დამშეული ბატალიონი იდგა, იქ აღარც ცაში ჭაჭანებდა ფრინველი და აღარც მიწაზე სულიერი. როცა გიას მეგობრების ნაამბობს ვუსმენდი ხოლმე, აღარ ვიცოდი — მეცინა თუ მეტირა.

— მუხროვანში მისული, ჯავშანტრანსპორტიორის წინ აღმოჩნდით, როგორ მოხდა ეს?

— სიმართლე გითხრათ, არ ვიცი. რომ დავინახე, რა მიმართულებით მიდიოდა „ბეტეერი“, ტვინი გადამეკეტა. არ ვიცი, რას ვაკეთებდი, „ბეტეერს“ წინ გადავუდექი, მუშტები დავუშინე და ვიყვირე: აფხაზეთიდან ცოცხალი ჩამომივიდა, ღმერთმა გადამიჩინა და თქვენ აქ გინდათ მომიკლათ-მეთქი?! მერედა, რისი გულისათვის? თავისი საქმე, თავისი ჯარისკაცები, თავისი ქვეყანა რომ უყვარს, იმიტომ? არ ვიცი, როგორ მოხდა, რომ „ბეტეერმა“ უკან დაიხია. მერე ჩემთან კოჯრის ბატალიონის ბიჭები მოვიდნენ — ისინი, ვისაც ალყაში ჰყავდა ამბოხებულები. მოვიდნენ და მიჩურჩულეს: თამუნა, დაწყნარდი, ნუ გეშინია, გია ისეთ ადგილას არის გამაგრებული, რომ საშიშროება არ ემუქრებაო. ამის შემდეგ, კოჯრის ბატალიონიდან ერთი ბიჭიც რომ დაჭრილიყო, რა უნდა მეთქვა ჩემი შვილებისთვის? რა მნიშვნელობა ჰქონდა, ვინ დაიწყებდა პირველი?! ძალიან დაძაბული მდგომარეობა იყო. ტყვიდან არის შემოვლითი გზები, რომლითაც შეიძლება ვიდაც პროვოკატორს ესარგებლა, მას, ვისაც არეულობა აძლედა ხელს. იქ ერთი ტყვიაც რომ გაგარდნილიყო, საშინელება დატრიალდებოდა. ამ უბედური საქართველოს შვილებს შეიძლება კიდევ ერთხელ ესროლათ ერთმანეთისთვის.

— თამუნა, რამდენადაც ვიცი, თქვენ ელჩის მოვალეობაც შეასრულეთ, არა?

— ასე გამოდის. მოვიდა ჩემთან დავით თევზაძე და მეკითხება: რა ზემოქმედება შეგიძლია მოახდინო შენს ქმარზე? სასაცილო სიტუაცია იყო: კაცს თავი აქვს გადადებული, ამ დროს კი, მასთან ცოლს აგზავნიან ზემოქმედების

მიმართ ასეთი უყურადღებობა! ამას წინათ, აფხაზეთში ნაბრძოლი ერთი ბიჭი უნახავთ. ის ტანკში დაიწვა და დაინვალიდა. მისი გმირული საქციელი დღემდე სალაპარაკოა თურმე, არადა, ახლა ეს ბიჭი ეკლესიის წინ მათხოვრობს...

ტვინი გადამეკეტა. არ ვიცი, რას ვაკეთებდი, „ბეტეერს“ წინ გადავუდექი, მუშტები დავუშინე და ვიყვირე: აფხაზეთიდან ცოცხალი ჩამომივიდა, ღმერთმა გადამიჩინა და თქვენ აქ გინდათ მომიკლათ-მეთქი?!

მოსახლენად... აი, ასე, ელჩის მისიით შემიშვეს მათთან, და ჩემგან გაიგეს იმ მოთხოვნების შესახებ, რასაც აჯანყებულები უყენებდნენ ხელისუფლებას.

— და ამ მოთხოვნებიდან არც ერთი არ იყო პოლიტიკური ხასიათის?

— არც ერთი. თუმცა, როგორც ჯემალ ჭუმბურიძემ ბრძანა, ყოველი სოციალური მოთხოვნა, თუ ის დროზე არ გადაიჭრება, პოლიტიკურ ხასიათს იძენს. ისინი აფხაზეთში ნაბრძოლი ბიჭების რეაბილიტაციას მოითხოვდნენ. ასევე, ეკონომიკური პირობების გაუმჯობესებას, ფინანსების მიზნობრივ განაწილებას და ამ საკითხებზე სასაუბროდ, შევარდნაძესთან შეხვედრას. მე ის მიკვირს, ეს უფრო ადრეც რომ არ მოხდა. არ შეიძლება, ჯარისკაცი ფიცს „შლოპანცებში“ და დახეულ კედლებში გამოწყობილი დებდეს. არ შეიძლება ნაომარი ბიჭების

ეს ყველაფერი ხდება მაშინ, როდესაც თავდაცვის სამინისტროში გვარდიელებისთვის უამრავი გრანტი და დანმარებაა გამოყოფილი, რომელიც, კაცმა არ იცის, ვის ჯიბეში მიდის.

— როგორც ამბობენ, შევარდნაძის ამბოხებულებთან შეხვედრის ორგანიზებაში დავით თევზაძეს მიუძღვის დიდი წვლილი.

— არ ვიცი, რა წვლილზეა საუბარი, იქ ყველაფერი რაღაც ალოგიკურ ატმოსფეროში მიდიოდა. იმ ამბოხებულებთან მოსალაპარაკებლად, რომლებსაც გადატრიალების მცდელობას აბრალებდნენ, ავიდა არა უშიშროების, არამედ ჯანდაცვისა და სოციალური უზრუნველყოფის მინისტრი. არა რეზო აღამია, რომელმაც შემდეგში საოცრად ცინიკურად მოიხსენია ოფიცრები და მათ „ტიპები“ უწოლა, არამედ ინვალიდი კაცი

კრიალაშვილების ოჯახი დიდ სიყვარულს ეუფლება (მარცხნიდან): გიორგი-უმცროსი, თამუნა, გიორგი-უფროსი, ლაშა



— გია ყარყარაშვილი. შემთხვევის ადგილას არ მისულა არც კახა თარგამაძე, რომელიც აჯანყებულების დაჭერას დღემდე მოითხოვს. სწორედ დავით თევზაძე საუბრობდა იმაზე, რომ მუხროვანის ბატალიონისთვის ალყა შემოერთებით და წყალი გადაეკეტათ. საუბრობდა ჰერიდან დაბომბვაზეც, შტურმით აღების რუკებსაც ადგენდა... ამ ყველაფრის სასტიკი წინააღმდეგი იყო ჯემალ ჭუმბურიძე, რომელმაც თავისი პოზიციით განმუხტა სიტუაცია. მე არ წავალ მათთან მოლაპარაკებაზეო — აცხადებდა თევზაძე. „ელაივასთან წახვედი მოლაპარაკებაზე და ესენი ხომ შენი თანამებრძოლები არიან!“ — ეუბნებოდა ჭუმბურიძე. თავდაცვის მინისტრი თავის ჯარისკაცებს ბოლომდე შუამავლების საშუალებით ელაპარაკებოდა. მესმოდა, როგორ გეგმავდნენ ტყეში ტანკებით შესვლის ოპერაციას და ისიც მესმოდა, როგორ გეგმავდნენ აფხაზეთში დაინვალირებული ჯარისკაცები ტანკების წინ დაჯდომას. ისტერიკაში ვიყავი...

— ალბათ ასეთივე დღეში იყო კობა ოთანაძის მეუღლეც.

— ვერაფერს გეტყვით. მე ისიც არ ვიცი, რამდენი ხნის მეგობრობა აკავშირებთ გიას და კობას. მე რაც ვიასგან ვიცი კობას შესახებ, ის არის, რომ ოთანაძე ნამდვილი პროფესიონალია. და რომ ისინი ერთად აშენებენ პოლკს.

— გასაგებია, რომ 25 მაისი თქვენთვის ძალიან დაძაბული დღე იყო. მაგრამ თუ მოხდა რაიმე ისეთი, რამაც თქვენში დადებითი ემოციები გამოიწვია?

— ასეთი ემოციები ჩემში გია ყარყარაშვილმა აღძრა. მე ვარ მოწმე, როგორ ხვდებოდნენ მას გვარდიელები: როდესაც მუხროვანში შემოვიდა, მის მანქანას ყველა საპატიო „ჩესტით“ მიაცილებდა. ისიც, სამი თითით აძლედა მხედრულ სალამს. ეს ძალიან გულისამაჩუყებელი და ამავე დროს, სასიამოვნო სანახავი იყო. თურმე საქართველოში ჯერ კიდევ არიან ადამიანები, ვინც ღირსეული და ალალი ხალხის დაფასება იცის.

— მაინც საიდან წამოვიდა პირველად ის აზრი, რომ საქმე სამხედრო გადატრიალების მცდელობასთან გვექონდა?

— ამ აზრის გავრცელება უშიშროებისა და თავდაცვის სამინისტროების სინდისზეა. არ ვიცი, რისთვის დასჭირ-

დათ მათ ეს, მაგრამ ალბათ რაღაც სტრატეგიული მიზნები ამოძრავებდათ...

— შევარდნაძე რომ შევიდა ამბოხებულებთან, როგორი იყო მათი რეაქცია?

— ყველა ფეხზე ადგა და სამხედრო სალაში მისცა. მან კი გადაკოცნა მეთურები. მისი წამოსვლის შემდეგ თქვეს, რომ, ასაკის მიუხედავად, შევარდნაძეს უფრო მეტი კაცობა აქვს, ვიდრე ზოგიერთ მის თანაგუნდელს.

— თქვენ გჯერათ პრეზიდენტის დაპირების?

— სიმათლე რომ გითხრათ, მჯერა. იმიტომ, რომ მინდა, მჯეროდეს!

— თამუნა, ისე კარგად ერკვევით სამხედრო საქმეებში, რომ მეუღლის ბრწყინვალე ადიუტანტი იქნებოდით...

— არა, მე მიმარნია, რომ კარგ საქმიანობას ვეწევი. ვერ ვიტან იარაღს. ვმუშაობ სახელმწიფო ტელევიზიის I არხზე. მიყვარს ჩემი საქმე.

— ორივე ისე ყოფილხართ ჩაფლული თქვენ-თქვენ საქმიანობაში, რომ ერთმანეთის ნახვასაც იშვიათად ახერხებთ. არ

გიორგი-უმცროსია ჩემი მაკონტროლებელი. უბრალო ბიჭი არ გეგონოთ — გენერლობისთვის ემზადება!



ექვციანობთ ხოლმე?

— გია არ ეჭვიანობს. მე ეს ძალიან მაღელვებს. რას არ ვიგონებ ხოლმე, რომ ვაეჭვიანო, მაგრამ სულ ტყუილად. გიორგი-უმცროსია ჩემი მაკონტროლებელი. ის მამოწმებს — სად მივდივარ, რას ვიცივამ, ხომ არ ვიღებები. უბრალო ბიჭი არ გეგონოთ — გენერლობისთვის ემზადება! თავისი იარაღიც აქვს და სხვა აუცილებელი ატრიბუტებიც. სახლში მთელი დღის განმავლობაში ალჭურვილი და თავზე „კასკაჩამოფხატული“ დადის და ჩვენს ოჯახურ სიმშვიდეს იცავს... უფროსი ბიჭი — ლაშა, უფრო ჭკვიანი გვყავს. ცურვაზე დადის და საკმაოდ კარგი შედეგებიც აქვს.

— სახლის პირობებში როგორია გია?

— ისე იშვიათად არის შინ, რომ აღარც მახსოვს, როგორია. გია, რამდენადაც ფიზიკურად არის ჯემუნი, იმდენად კეთილშობილი და გულჩვილი ადამიანია. მისი გარეგნული სიმკაცრის მიღმა უდიდესი ადამიანური სითბო იმალება. მინდა ყველამ გაიგოს, რომ ის არ არის „ბუნტისთავი“ და სისხლისმსმელი. ის პატრიოტია — კაცი, რომელსაც უნდა, საქართველოს ძლიერი ჯარი იცავდეს და კაცი, რომელიც ვერ შეეგუება საქართველოს ჯარისკაცებს უპატიოსნოდ და არაკაცურად რომ ექცეოდნენ...

ინტერვიუს დასასრულს, შევარდნაძესთან შეხვედრიდან ახლადაბრუნებულ გია კრიალაშვილსაც ვაკვსაუბრეთ. ის კმაყოფილია იმით, რომ უახლოეს მომავალში შეიქმნება ჯგუფი, რომელიც გვარდიის დეპარტამენტში შექმნილ პრობლემებს შეისწავლის და უახლოეს მომავალში გადაჭრის გზებსაც დასახავს. შევარდნაძემ შეხვედრის დასაწყისშივე გააკეთა განცხადება იმის თაობაზე, რომ მას შემდეგ, რაც ყველამ ერთსულოვნად დავმო აქციის ფორმა, ამის ხელახალ დაწვრილებით გარჩევაზე დროის დაკარგვა აღარ ღირს. ახლა ყველამ, ასევე ერთსულოვნად, გამოიწვევი მიზეზების აღმოფხვრაზე უნდა იფიქროს.

გია კრიალაშვილს იმედი აქვს — თუ ყველა სახელმწიფო მოხელე და თითოეული ადამიანი ქართული ჯარის მშენებლობის საკითხს ამიერიდან მაინც გულისხმიერად მოეკიდება, ქართული ჯარის სოციალური მდგომარეობა უახლოეს მომავალში არსებულთან შედარებით გამოსწორდება. ■

ისევე, როგორც წინა წლებში, ამჯერადაც, 26 მაისი პოლიციელთა და ხელკეტების „ომონელთა“ სიჭარბით გამოირჩეოდა. საქართველოს დამოუკიდებლობის დღეს რესპუბლიკის მოედანზე მომხდარი შეტაკებისას, სისხლი დაიღვარა! ე.წ. „ზვიადის-ტებსა“ და პოლიციას შორის ხელჩართული ბრძოლის დროს, ათეულობით ადამიანი დაშავდა. არსად ჩანდა მანანა არჩვაძე-გამსახურდია, რომელიც 24 მაისს ავტოავარიაში მოყვა. ორივე

დაპირისპირებული მხარე კონფლიქტის წამოწყებას ერთმანეთს აბრალებს. უთანხმოების წინაპირობად ნემო ბურჭულაძემ ის პოლიტიკური ვნებათაღელვა დაასახელა, რომლითაც გამოირჩეოდა 26 მაისის წინა დღეები. იგულისხმება, თავდაპირველად, სახელმწიფო გადატრიალების მცდელობად მონათლული ოფიცერთა ამბოხი, რომელსაც ოპოზიციონერმა პოლიტიკოსმა ხელისუფლების მიერ ინსპირირებული წარმოდგენა უწოდა.



ნემო ბურჭულაძე: „ამ ქობის გახსნას დასინჯად მივიჩნევ...“

ნანუკა არაბული

— ბატონო ნემო, რა საფუძველი აქვს თქვენს ამ განცხადებას?

— ამ განცხადების საფუძველი ალოგიკურობაშია: ჩემთვის გასაგებია სარდლობის აზრი, მაგრამ გაუგებარია, სხვა რამ — ოფიცრებმა, რომლებიც თურმე სისხლს აბარებენ და ამით არჩენენ ოჯახებს, შეხედეს თუ არა შევარდნაძეს, ყველა პრობლემა ასე ერთბაშად როგორ გადაწყვიტეს?! აღარც ზეწრები სჭირდებათ, რომელსაც ორი წლის მანძილზე ითხოვდნენ, აღარც საჭმელ-სასმელი... ჩვენც უნდა შევეჩვიოთ იმ აზრს, რომ არ გვინდა ჭამა, არც საშუალო, არც თავისუფლება და არც ნორმალური ცხოვრება — არაფერი არ გვინდა, ოღონდ შევარდნაძე გვყავდეს კარგად!.. ერთი თვის წინ მკითხეს: არის თუ არა საქართველოში მოსალოდნელი ამბოხი? მაშინ ვუპასუხე: საქართველოში იქნება ამბოხი, ოღონდ მაშინ, როცა ეს შევარდნაძეს დასჭირდება-მეთქი. ეს ვითომდა გადატრიალების მცდელობაც ან თევზაძეს სჭირდებოდა, ან შევარდნაძეს, ან ორივეს ერთად.

— მანანა არჩვაძე-გამსახურდიას ავტოავარიაში მოყოლაზეც გექნებათ თქვენეული ვერსია.

— გამოვიცხადე შემთხვევითობას, ოღონდ, ვერ არ ვიცი, ვის აძლედა ეს ხელს.

— თქვენი საუბრიდან გამოდის, რომ საქართველოში რაც ხდება, ყველაფერი ვიღაცას ხელს აძლევს და ამ ვიღაცაში სშირად შევარდნაძეს მოიაზრებთ. ეს უკვე იდეა-ფიქსად ხომ არ ჩამოგიყალიბდათ?

— თავად განსაჯეთ: კახა თარგამაძემ, რუსეთში ყოფნისას გააკეთა განცხადება პანკისის ხეობაში რუსის ჯართან ერთად მოსალოდნელ ერთობლივ ოპერაციაზე. მან თავს ნება მისცა ეთქვა ის, რაც არ ეკითხება — ე.ი. ვიღაც „გაანზოვანა“. ასეთ პოლიტიკურ განცხადებებს ვერც ერთი მოხელე თუ მინისტრი თავის თავზე ვერ აიღებს. ამის შემდეგ საქართველოში დაბრუნდა და

თავი იმართლა: მე ვთქვი — ერთობლივი ღონისძიება და არა ოპერაცია... ახლა მითხარით, რა განსხვავება ამ ორ სიტყვას შორის? საერთოდ, მიმაჩნია, რომ პანკისის თემა საქართველოში რუსეთის მიერ არის ხელოვნურად შექმნილი. დასავლეთზე მხოლოდ სიტყვიერად კეთდება ორიენტაცია, სინამდვილეში კი, რუსეთის სამომავლო საქმე კეთდება. აიღეთ ერთი რიგითი მოქალაქის ლოგიკა: ვიფიქრობდი რუსეთთან და ვცხოვრობდით ბენიერად. ყოველ შემთხვევაში, არავის დახმარება არ გეჭირდებოდა. დღეს კი რა ხდება? მიუღი დასავლეთი უსასყიდლოდ გვეხმარება და მაინც მათხოვრები ვართ. ამდენი ქვეყნის მათხოვრად ყოფნას, არ სჯობს, ერთ ქვეყანასთან ძმაკაცობა?! ასეა არა მარტო პოლიტიკაში, არამედ კულტურაშიც: გამოხურულად ხდება, რომ დასავლეთიდან მხოლოდ მდარე ხარისხის პროდუქცია შემოდის. აქედან გამომდინარე, თამამად შემიძლია განვაცხადო, რომ ისევე, როგორც მილიანად საქართველოში, პანკისის ხეობაშიც ხელისუფლება რუსულ პოლიტიკას ატარებს. საქართველო პოლიციური რეჟიმის ქვეყანაა. პანკისის ხეობაში ქაოსი კი, სადაც დიდი ფული კეთდება, პირველ რიგში პოლიციას აძლევს ხელს.

— პოლიცია ხელისუფლებას ემსახურება, ხელისუფლება კი, რომელიც პირველ რიგში, სტაბილიზაციით იწონებს თავს, ქაოსით არ უნდა იყოს დაინტერესებული...

— ხელისუფლება მხოლოდ სკამების შენარჩუნებითაა დაინტერესებული. რომელ სტაბილიზაციაზეა საუბარი, როდესაც პარლამენტარს შუაგულ ქალაქში იტაცებენ, როდესაც ჯარი ტყეში გადის?! ამ შემთხვევაში, უკვე აღარ აქვს მნიშვნელობა, ეს დადგმული სცენარია თუ რეალობა. ეს არის ანარქია. ეროვნულ ხელისუფლებას ბრალად კადრების არასწორი შერჩევა დასდეს. შეადარეთ მაშინდელი მინისტრები დღევანდელ

მინისტრებს და ვნახოთ, ვინ აღმოჩნდება უპირატეს მდგომარეობაში. მე ვურამ ასსანძეს ზურაბ ნოღაიელს არც შევადარებ... ეს პრობლემები ძალიან ადვილად მოგვარდება, თუ ხალხს არჩევანის უფლებას დაუბრუნებენ: მხოლოდ ხალხის მიერ არჩეულ ხელისუფლებას ექნება ხალხის წინაშე პასუხისმგებლობის გრძობა. მე ნამდვილად არ ვვთანხმები მერაბ მამარდაშვილს, რომელიც ამბობდა, რომ ქართველებს ჭკუა არ აქვთო.

— 26 მაისს მერაბ მამარდაშვილის ძეგლიც გაიხსნა...

— ეს იყო კაცი, რომელმაც თქვა: „თუ ქართველი ერთ პრეზიდენტად აირჩევს ზვიად გამსახურდიას, მე დაუპირისპირდები ქართველ ერს“. ქართველმა ერმა აირჩია გამსახურდია. მამარდაშვილი დაუპირისპირდა ქართველ ერს და 26 მაისს მისი ძეგლის გახსნას, მე პირადად, კიდევ ერთ დაცინვად მივიჩნევ.



მერაბ მამარდაშვილის ძეგლი



„პოპიზი“ უანსოს კმაკასი

ტელეგადაცემა „კარუსელის“ პოპულარული წამყვანი „გოგიჩა“ (გიორგი გოგიჩაიშვილი) ბავშვობაში ძალიან უჭმელი და ჭირვეული ყოფილა. დღესაც არ არის თურმე დიდი გურმანი. თუმცა არსებობს რამდენიმე კერძი, რომელსაც სიამოვნებით გეახლებათ. მათ შორისაა მამაპაპური ლობიო. „ჩემთვის

ამერიკის აღმოჩენა ძალიან ფასეულია. რომ არა კოლუმბი (ნათელში იყოს მისი სული) ქართველებს ლობიო არ გვექნებოდა. მე პირადად ამის წარმოდგენაც არ მინდა“ — ამბობს გიორგი, და განწყობილების შესაქმნელად, ინტერვიუს კურიოზების მოყოლით იწყებს.

ნანა კიბიშაური

— საბავშვო თეატრის ფესტივალში მონაწილეობის მისაღებად, ციმბირში გაფრინდით. ჩვენთან ერთად მგზავრობდა PTP-ის გადაცემის — *Сам себе режиссёр*-ის წამყვანი ლისენკო, რომელიც მთელი გზა გვიმტკიცებდა: მე ძალიან პოპულარული ვარ. ახლა რომ ჩავალთ, დამესვენებინა ქალები, მომთხოვენ ავტოგრაფებს და თუ ჩემ გვერდით იქნებით, კარგ დროს გაატარებთო. ჩვენც, „პატარა ბიჭები“, თავს ვუქნევდით. ჩაფრინდით ციმბირში. ჩამოვედით თუ არა ტრაპიდან, ციმბირელებმა ამხედეს, დამხედეს, *ЭТО ОН!* დაასკვნეს და დამესვენენ. ვარ ერთ ამბავში, ავტოგრაფებს ვარიგებ, კომპლიმენტებს ვიღებ, ხელებს მიწვდიან. მიყურებს გაკვირებული ლისენკო, რომელსაც ყურადღებას არავენ აქცევს. ჩვენს ჩასვლამდე ერთი კვირით ადრე, იქ უჩვენებიათ ჩვენი KBH-ის პროგრამა და იქაურებმა მაშინვე მიცნეს. იმ დროს კი, როდესაც ლისენკოს გადაცემა გადის, ციმბირში სხვა არხის პროგრამას უჩვენებენ. მოკლედ, ლისენკო მისვდა, რომ დროს გატარება თუ უნდოდა, ჩვენთან უნდა ემეგობრა.

მასხენდება კიდევ ერთი კურიოზი. ჩელიაბინსკში თეატრის საერთაშორისო ფესტივალზე, სადაც სამოყვარულო თეატრის სპექტაკლების ჩვენებაც მიმდინარეობდა, ჩვენმა

აგარაული უნივერსიტეტის სამოყვარულო დასმაც მიიღო მონაწილეობა. წარმოვადგინეთ მერაბ ელიოზიშვილის „ბერიკონი“ და ყველასთვის მოულოდნელად, ფესტივალის მთავარი პრიზი ავიღეთ. პრიზის გადმოცემის შემდეგ აღფრთოვანებულმა ჟიურის წევრებმა დაიწყეს იმის გარკვევა, თუ როგორ დააკომპლექტა საქართველომ დასი. ალბათ სხვადასხვა თეატრიდან გადმოიყვანეთ ძლიერი მსახიობები? — იკითხეს. ჩვენ ვუპასუხეთ — არა, ეს ერთი სამოყვარულო თეატრის დასია-თქო. ჩვენ გვანტერესებს, კიდევ სად მოღვაწეობენ მსახიობები — დააზუსტეს კითხვა. ბოლოს გაარკვიეს რომ პროფესიული თეატრის საერთაშორისო ფესტივალის მთავარი პრიზი მსახიობებს კი არა, მექანიზატორებს, აგრონომებს, ვეტერინარებს და მელიორატორებს მიუღიათ. ძალიან შეცბნენ, მაგრამ რაღას იზამდნენ — პრიზს ხომ არ ჩამოგვართმევდნენ. თანაც, მართლაც დამსახურებულად მოვიპოვეთ. აი ეს იყო საერთაშორისო ასპარეზზე ჩვენი ქართული არტისტულობის კიდევ ერთი აღიარება.

— **საბავშვო გადაცემებს ამზადებთ და იქნებ ბავშვების კურიოზებიც გაიხსენოთ?**

— არა, ბავშვებს არ მოსდით კურიოზები — ისინი კამერასთან ძალიან უკომპლექსოდ იქცევიან. მათი მშობლები უფრო ხშირად არიან კურიო-

ზულ მდგომარეობაში. ბებიებსა და ბაბუებსზე ხომ ლაპარაკი არ არის. უნდა ნახოთ მათი მიმიკა, როდესაც თავიანთ შვილიშვილებს გულშემატკივრობენ. მათთან ერთად მღერიან, ცეკვავენ, ხელებს იქნევენ, ლექსებს გამოთქმით ამბობენ. ამ დროს თვითონ არიან ბავშვები. უფრო სწორად, მათგან არ განირჩევიან. მე საკუთარი გამოცდილებით ვიცი, რა განცდებთან არის დაკავშირებული ეს ყველაფერი: ერთ-ერთ გადაცემაში ჩემი გოგონაც მონაწილეობდა. მაშინ „კარუსელი“ ზაზა ალექსიძეს მიჰყავდა. მე იქ ვინერვიულე!... სანამ ჩემმა შვილმა იცეკვა, ჩემი დამემართა. საერთოდ, ბავშვები ძალიან კარგი ტიპები არიან. მე ბედნიერი ვარ, რომ მათთან მიწვევს მუშაობა და არა პოლიტიკოსებთან ან მაფიოზებთან. ჩემთან მოჰყავთ ხოლმე ერთი ბავშვი, რომელმაც მხოლოდ სამი სიტყვა იცის: „დედა“, „მამა“ და „გოგინა“. აბა როგორ არ უნდა მიყვარდეს?! რეპეტიციებზე დამდევეს უკან და მეძახის. ისეთი საყვარელია. ლამის არის შემომეჭამოს.

— **ამ ყველაფერს ალბათ ძალიან ბევრი დრო მიაქვს. ძმაკაცები თქვენს სამსახურზე ხომ არ „ეჭვიანობენ“?**

— უცნაური რაღაც ხდება. ვხვდები დიდი ხნის უნახავ მეგობარს და გახარებული მოვიკითხავ ხოლმე: — ვა, როგორ ხარ, სად ხარ, სად დაიკარგე-მეთქი? ის კი — ვარ რა...



„გოგინა“ და მისი ძმაკაცი მანსო

— მიპასუხებს და არც მეკითხება, მე სად ვარ, როგორ ვარ. ჯერ მიკვირდა და მწყინდა. მერე თვითონვე ამიხსნეს: ყოველდღე გხედავთ. ხან დროშებს იქნევ, ხან კარუსელს ატრიალებ, ხან ამინდის პროგნოზს გვაძენო, დახტიხარ, ცეკვავე, მოკლედ, დაკარგული არ ხარ და როგორ გკითხოთ — „გოგინა“, სად დაიკარგეო. როცა მეგობრები ერთად მოვიყრიეთ თავს, ისინი ქეიფობენ, მე კი მათი ბავშვებით გარშემორტყმული ვზივარ და ლექსებს ვისმენ. ისინი რომ დაიძინებენ, მაშინ ვჯდები სუფრასთან.

— **„ბასტი-ბუბუს“ თოჯინებსაც თქვენ ახმოვანებთ, არა?**

— შანსოს ვახმოვანებ. მაგარი ტიპია. გადასარევედ ვუგებთ ერთმანეთს. თოჯინების გარდა, უამრავი სხვა თოჯინა, მულტფილმისა თუ ტელესერიალის გმირი გამახმოვანებინეს. ბოლოს სტუდიაში ცხოველთა აპლიკაციებით მოხატული ერთი ჭიქა შემოიტანეს და ვიყვირე, — ახლა ესეც არ გამახმოვანებინოთ, თორემ გავგიჟდები-მეთქი.

— **„გოგინა“ ბავშვობის დროინდელი მეტსახელია?**

— მემკვიდრეობითი მეტსახელი: ასე ეძახდნენ ბაბუაჩემს, მამაჩემს, ბიძაჩემს, ჩემს დასაც კი. მოკლედ, ბავშვობიდან „გოგინა“ ვარ.

— **ცელქი ბავშვი იქნებოდით.**

— სკოლაში 6 მაგარი ძმაკაცი მყავდა. ჩვენგან თუ წესიერი კაცები დადგებოდა, არავის ეგონა. მაგრამ უმაღლესში მისაღები გამოცდები ყველამ პირველ წელსვე ჩავაბარეთ. ეს იმ დროს იცით, რა იყო? მე აგრარულ უნივერსიტეტში ჩავირიცხე... ცხოვრებას არ ვემდური. ბევრი რამ მოვასწარი. ყოველთვის იმ საქმეს ვაკეთებდი, რაც მსიამოვნებდა: რაგბი,

ხელბურთი, სტუდენტობა, მხიარულთა და საზრიანთა კლუბი, თეატრი, გასტროლები, ბოლოს და ბოლოს ჯარშიც ვარ ნამყოფი.

— **სად მსახურობდით?**

— მანგლისში. თუმცა, სერჟანტობასაც ვერ მივადწიე, ისევ რიგით ჯარისკაცად დავრჩი. 3 მანეთი ღირდა ტაქსით თბილისამდე ჩამოსვლა. გაგაჩერებდი ტაქსის და... მერე, როცა უკან ვბრუნდებოდი, მთელი მარჯანიშვილისა და რუსთაველის თეატრი მიმაცილებდა ნაწილამდე: ჩემი მშობლები მსახიობები არიან, ჰოდა, მათი ხათრით მომყვებოდნენ, იქ პატარა სპექტაკლს გაითამაშებდნენ და ყველაფერი რიგზე იყო. მოგვიანებით ახალციხეში გადამიყვანეს და სასროლი პოლიგონის უფროსად დამნიშნეს. სამიზნეები სპეციალური ღილაკებით იმართებოდა. როცა ქართველი ჯარისკაცი ისროდა, ამ ღილაკის მეშვეობით სამიზნეს წავაქცევდი. აი ასე ხდებოდნენ ქართველი ჯარისკაცები „ხუთოსნები“. სამიზნეში თუ ტყვია გააჭვდებოდა, მისი ამოღებაც მე მევალებოდა. ერთხელ გაჭედვით ტყვიის ამოსაღებად წავიქცევი. წამოვწევი მინდორზე, გავაბოლე სიგარეტი, ვტკბები ბუნების მშვენიერებით. თურმე იმდენი დრო გავიდა, რომ ჩვენი ნაწილი ყაზარმაში დაბრუნდა. პოლიგონზე სავარჯიშოდ კი სხვა ნაწილი ამოვიდა. დაუშინეს სამიზნეებს ტყვია, მაგრამ რა დაუშინეს! წამოვწევი თავს — ისვრიან, დავწევი — ჩერდებიან. მერე ზიგზაგებით წამოვდი. ისევ დამიძინეს: თურმე „მორბენალი სამიზნე“ ვგონივარ. ჩვენმა ჯარისკაცებმა სროლა რომ იცოდნენ, მე დღეს აქ არ ვიქნებოდი. ახალციხეში თოვლმა რომ ჩამოყარა,

რობინზონ კრუზოსავით მარტო ვიყავი გარნიზონში. ამ დროს ვუყურებ გადაცემა **Взгляд**-ს, სადაც თოვლის კაცზე საუბრობენ. ვუყურებ დაძაბული, შეშინებული. გარეთ თოვს, ღამეა. ვიმყოფები მთაში, მარტო და უცებ... ფანჯარაზე ვიღაც აკაკუნებს. ძლივს მოვიკრიბე ძაღლები და მივიხედე, თეთრწვეროსანი მოსდგომია ფანჯარას. იქვე წერაქვი ეგლო. ვტაცე ხელი და ჩავბლუჯე. ფანჯრისკენ აღარ ვიხედები ტელევიზორში ვუყურებ თოვლის კაცს. როგორც იქნა, გათენდა. დილით მწყემსი კარო შემეხმიანა: წუხელ რა დაგემართა? მაწონი მოგიტანე, გიკაკუნე ფანჯარაზე, შენ კი წერაქვ-მომარჯვებული იჯექი და ტელევიზორს უყურებდიო.

— **სახლში როგორია „გოგინა“?**

— ჩვეულებრივი. მშვიდი და მოსიყვარულე. რაც მთავარია, ნერვები წესრიგში მაქვს და ცხოვრებას ოპტიმისტურად ვუყურებ. 8 სულიანი ოჯახი მაქვს. მყავს ერთი ძაღლი და მაქვს ისეთი მანქანა — ძალიან რომ არ ვეხვეწებოდე, ვერც ივლიდა, მაგრამ იმედსაც არ ვკარგავ — უკეთესი მომავლის იმედს. ძალიან მინდა, საქართველოში ბავშვებს ბედნიერი ბავშვობა ჰქონდეთ. მინდა, ის ახალგაზრდობა ისევ საქართველოში დაბრუნდეს, ვინც ამჟამად აქ შექმნილ რეჟიმს გაექცა. და საერთოდ, ამ ქვეყანაში ისეთი ნიჭიერი ხალხი ცხოვრობს, რომელიც უკეთეს პირობებს იმსახურებს. ■





„ღმერთმა ნუ ქნას ახალი ომი აფხაზეთში! ის კიდევ უფრო საშინელი იქნება... ის მომხდარს გადააჭარბებს!“ — ასე ფიქრობს სოსუმელი მწერალი, საქართველოს სახელმწიფო პრემიის ლაურეატი გურამ ოდიშარიძე.

„აფხაზეთთან შესწავლისას, თვალნათლივ ვხედავ, წინ როგორ მივიწევთ...“

რუსულან ლებანიძე

— ბატონო გურამ, ამბობენ, აფხაზეთიდან დევნილებისთვის დრომ სულ სხვა განზომილება შეიძინა და ბევრმა, უკვე რამდენიმე ცხოვრება გაიარა...

— მართალია. ოღონდ, გაანჩია, დროის ცნებაში რას ვიგულისხმებთ. მაგალითად, აღმოსავლურ ფილოსოფიაში გამოთქმულია აზრი, რომ დრო ისე, როგორც ჩვენ გვესმის, საერთოდ არ არსებობს, რომ ის, უბრალოდ, ადამიანებმა დავეყვით წარსულად, აწმყოდ და მომავლად. დანარჩენი ფილოსოფოსები და პოეტები კი, პირიქით, ჯიუტად ირწმუნებიან, რომ დრო არათუ არსებობს, წარსულში, აწმყოსა და მომავალში ერთდროულადაც ვცხოვრობთ. ერთიც საკამათოა, ალბათ, და მეორეც. თუმცა, აფხაზეთიდან დევნილი, უღელტეხილზე რომ გადმოვიდოდი, ამკარად ვიგრძენი, რომ სულ სხვა დროსა და განზომილებაში მოვხვდი, თანაც, მიუხედავად იმისა, რომ უღელტეხილზე ორი დღე-ღამე დავყავი, დღემდე ჯიუტად მჯერა, რომ იქ რამდენიმე წელი ვიყავი...

— ჩანს, თქვენთვის მაშინ დრო გაჩერდა...

— გაჩერდა. თანაც, წარსული რაღაც უსასრულოდაც „გადიდდა“. მე ბევრ ომგამოვლილ და უბედურებანანას ადამიანთან მქონია ამაზე საუბარი და ვიცი, რომ მათი შეგრძნებებიც ჩემსას ემთხვევა. ერთ-ერთი იყო დათო ზივზივაძე. ომის დროს დათო დღიურებს წერდა — მარ-

ტივად, მაგრამ ძალიან გულწრფელად. ერთგან მეგობრის საშინელ სიკვდილს აღწერს: მის „ბეემქეს“ ჭურვი მოხვდა და კეცხლი გაუჩნდა. იწვის „ბეემქე“ და იწვის ზაზას მეგობარიც, თავად ზაზა კი ვერაფრით შველის. იმ წუთებშიო, წერს ზაზა, ჩემთვის დრო გაჩერდა, სამყარომ ფერადოვნება დაკარგა — ყველაფერი შავ-თეთრი გახდა და გაირინდა, თითქოს დაყვრუვდი კიდევ — ხმები საერთოდ გაქრაო... ზუსტად ასეთი შეგრძნება მქონდა მეც, როცა პირველად ვნახე ჭურვით დაფლეთილი ბავშვის სხეული... ომის ერთ-ერთი ყველაზე დიდი საშინელება ის არის, რომ ის სამყაროს უნივერსალურ წესრიგს არღვევს. ადამიანი ყოველთვის წესრიგისკენ მიიღრმავება. წესრიგი უნდა იყოს მის გარშემოც და მის სულშიც. ერთ-ერთის დარღვევა უბედურებაა, ორივესი — კატასტროფა. აფხაზეთის ომში ამ წესრიგის სრული დარღვევა მოხდა... ერთი ქართველი ბიჭი ვიცი, დედა აფხაზი ჰყავს... ერთ-ერთ ბრძოლაში თავზე რომ დაათენდა და დილით მოპირდაპირე მხარეს დახოცილებს გადაავლო თვალი, მათ შორის გამზრდელი ბიძა აღმოაჩინა...

— შეიძლება, რომ თავადაც მოეკლა, არა?

— შეიძლება, მართლაც მის ტყვიას ემსხვერპლა. წარმოიდგინეთ, როგორ ამოტრიალდა სამყარო ამ ბიჭისთვის: მეგობრობა, ნათესაობა, ახლობლის სიყვარული, ანუ ყველაფერი ის, რასაც ბავშვობიდან ეფუძნებოდა მისი ცხოვრება, თავდაყირა

დადგა. მისი სულიერი ფასეულობების წლობით ნაგები შენობა, ერთ წაშში დაინგრა და ყველაფერი ქვეშ მოიყოლა...

ომმა სული მეც დამიმსხვრია და ბევრი რამ, რაზეც, თითქოს, ჩემი ცხოვრებით პასუხი უკვე გაცემული მქონდა, ისევ კითხვის ქვეშ დააყენა. ვთქვათ, ომამდე არ მეგონა, რომ ბევრი ადამიანი, ვინც წლების მანძილზე ჩემ გვერდით იყო და კაცად ვთვლიდი, ლაჩრულად და არაკაცურად მოიქცეოდა. ანდა, პირიქით — ვინც სუსტი და მშვიდარა ჩანდა, ვაჟკაცი აღმოჩნდებოდა. არ მეგონა, თუ ახლობელი ახლობელს ლუქმას დაუმაღავდა. მაგრამ ასევე არ მეგონა, რომ უღელტეხილზე ვილაც უცნობი ქილაში ჩაღებდა პურის ნატეხს და ისე ჩამოჰკიდებდა ხეზე — ვილაც ჩემზე დამშუული გამოივლის, ნახავს და ცოტა მოლონიერდებაო... არც ის მეგონა, რომ ვინც ამ პურს ნახავდა, ისიც შუაზე გატეხდა და ნაჭერს კვლავ სხვას დაუტოვებდა... იმასაც ვერაფრით წარმოვიდგენდი, რომ უღელტეხილზე კაცი „ურალით“ „ფირმა მანქანას“ გადაიტანდა — მაშინ, როცა გზის პირას სრულიად დაუძლურებული ადამიანები ნაბიჯს ვეღარ დგამდნენ და ილუპებოდნენ... ახლაც ხშირად მეჩვენება, რომ უღელტეხილზე ვარ და ისევ ვხედავ იმ ღმუხილით მიმავალ „ურალსა“ და გზის პირას უხმოდ ჩაკეცილ ადამიანებს. ამიტომაც ვამბობ: ღმერთმა ნუ ქნას, ახალი ომი აფხაზეთში! ის კიდევ უფრო საშინელი იქნება... ის მომხდარს გადააჭარბებს...

თუმცა, ისტორიამ რაინდული ომებიც იცის, რომლებთანაც ჩვენ საერთო არაფერი გვაქვს.

— „ჩვენ“-ში მხოლოდ ქართველებს გულისხმობთ?

— არა, — მთელ კავკასიას. ბოლო ხანებში კავკასიაში მომხდარი ყველა ომი ერთმანეთს ჰკავს და, პირველ რიგში, სისასტიკით. მე, აფხაზეთის გარდა, სამხრეთ ოსეთის კონფლიქტიც კარგად მაქვს შესწავლილი, ამ მიზნით ყარაბაღშიც ჩავედი შარშან და საბოლოოდ დავრწმუნდი: კავკასიაში ერთმანეთს განსაკუთრებული სიძულვილით უსწორდებიან.

— იქნებ, ეს, პირველ რიგში, ეთნიკური სიძულვილია?

— სამწუხაროდ, ასეა. და რაც არ უნდა დავარქვათ ომს ქართველებსა და აფხაზებს შორის, ბოლოს მაინც ეთნიკურ კონფლიქტამდე მივალთ. სხვათა შორის, ეს ომი ოფიციალურად დღემდე

სახელდაუდებელია: ზოგი მას ქართულ-აფხაზურ კონფლიქტს უწოდებს, ზოგი — ქართულ-აფხაზურ ომს, ზოგი კიდევ — საქართველო-რუსეთის ომს. ახლანან ისიც კი წავიკითხე — ეს ამერიკა-რუსეთის ომი იყო და, ამდენად, არც ქართველები და არც აფხაზები არაფერ შუაში არიანო. შუაში კი არა, თავში ვართ! როცა სახალხო დიპლომატიის ეგიდით მაქვს ზოლმე შეხვედრები აფხაზურ მხარესთან, სულ ვეუბნები — ჩვენი შერიგება გარდაუვალია, ჩვენ ზომ ნათესავები ვართ-მეთქი. ერთხელ ასეთი პასუხი მომცეს: ნათესავები ვართ, ოღონდ, ძალიან ცუდი ნათესავები, თორემ ეს არ დაგვემართებოდაო...

ორი წლის შემდეგ ქართულ-აფხაზური კონფლიქტის დაწყებიდან ათი წელი შესრულდება და ის ისეთი მოძველებული კონფლიქტების რიგში ჩადგება, როგორც, ვთქვათ, კვიპროსის, იუგოსლავიისა თუ ზოგიერთ აფრიკულ ქვეყანაში არსებული კონფლიქტებია. ცხადია, რაც დრო გავა, ამ კონფლიქტის მოგვარების სურვილსაც სიმძაფრე მოაკლდება, არადა, დღემდე მისი გადაჭრის არც გეგმა არსებობს და არც რაიმე ლოგიკური მოსაზრება.

— გამოდის, რომ ამ ომში ვერც გავიზარდეთ და ვერც ვერაფერი ვისწავლეთ...

— გავიზარდეთ კი არა, მგონი, ჯერაც არ გამოვფხიზლებულვართ. გეგმები კი არა, დღემდე იმის ანალიზიც კი ვერსად ვნახე (პოლიტიკური, სახელმწიფო, სამთავრობო დონეზე გაკეთებული ანალიზი მაქვს მხედველობაში), თუ რა იყო ეს ომი და რატომ დამარცხდა მასში საქართველო. არადა, მე ვიცი, რომ რუსეთში, კანტემიროვის დივიზიაში, კურსანტებს აფხაზეთის ომის საფუძვლიან ანალიზს აკეთებინებენ. ანუ თავიანთ ელიტურ ოფიცრებს ჩვენს უბედურებაზე წვრთნიან. ჩვენ კი საკუთარზეც ვერ გავიწვრთენით და გავიზარდეთ. ჩემი მეგობარი ერთ-ერთი სამხედრო ნაწილის მასლობლად ცხორების და ყოველ დილით ზდება ჩვენი ჯარისკაცების სამხედრო-პოლიტიკური თუ იდეოლოგიური წვრთნის მიწე. რაში მდგომარეობს იგი? დგებიან დილით ბიჭები, დარბიან და, ამერიკული თუ რომელიმე სხვა უცხოური მუსიკის თანხლებით, მღერაინ: „გაიღვიძე, მალხაზი, თავს დაგვესხა აფხაზი!“ აი, ეს არის დღეს ჩვენი ჯარის მთელი იდეოლოგია... მოკლედ, ჯარი ჯარს არ ჰგავს და, ქვეყანა — ქვეყანას! ომი არავინ იცის, რა არის, და

მშვიდობა! მტერი და მოყვარე! არც ადამიანის სიცოცხლე ღირს რამედ და არც სიკვდილი!..

— სიკვდილის ფასი თქვენს რომანში „შავი ზღვის ოკეანე“ მშვენივრადაა განსაზღვრული: ახლობლის სიკვდილი — ჩვენს სულელებში გვახედებს, საკუთარი კი — ღმერთისკენო...

— ასეა. თუმცა, ისიც კარგად მახსოვს, უღელტეხილზე გადასვლისას, მე და ჩემი მეგობარი მშვიდად რომ ვუყურებდით, როგორ მოკვდა ჩვენ წინ მიმავალი ქალი, შემდეგ — მამაკაცი. არადა, მანამდე, ისინიც ჩვენსავით მოუყვებოდნენ გზას და საკმაოდ მძიმე ჩემოდნებსაც მოათრევდნენ... ჩვენ თავადაც ძალიან ახლოს ვიყავით სიკვდილთან, თავადაც ნელ-ნელა ვკვებოდით... თუმცა, იქ, ომში სხვა, უფრო სამინელი სიკვდილიც იყო — ადამიანის ღირსების სიკვდილი. და ესეც თითქმის ყოველ ნაბიჯზე ზღებოდა. აიყვანდნენ ადამიანს ტყვედ, ჯერ ყურს მოაჭრიდნენ, მერე, თითქოს შეიბრალებდნენ და რაღაც სალაფავს მიუგებდნენ. შემდეგ თითოს მოაჭრიდნენ და — ისევ სალაფავი... ზოგჯერ ასეთ ადამიანს ცოცხალსაც ტოვებდნენ, თუმცა, ის უკვე „მკვდარი“ იყო, რადგან ყველაზე მთავარი — ღირსება საბოლოოდ ჰქონდა გათელილი. მე ასეთ ღირსებააყრილ და სულმკვდარ ადამიანს, სამწუხაროდ, ძალიან ბევრს ვიცი, და არა მარტო დევნილებს შორის. დევნილის ფსიქოლოგია ხომ დღეს სრულიად საქართველოს აქვს. დევნილების უბედურება ინფექციური სენივით გადაედო მთელ ქართულ საზოგადოებას და მას თავს ძნელად თუ დააღწევს ვინმე...

— ბავშვებიც? ომში ხომ ისინი ყველაზე მეტად დაზარალდნენ, მაგრამ იქიდან მაინც ყველაზე შეუბღალავად გამოგვიდნენ...

— როცა დევნილ ბავშვებთან მაქვს შეხვედრა, საუბარს ყოველთვის ბოდიშით ვიწყებ ზოლმე: ჩემი და ჩემი თაობის — მამების — სახელით ბოდიშს ვუხდი მათ ომში დაუნდობლად დახვრეტილი ბავშვობისთვის... უღელტეხილზე ვნახე ქალი, რომელსაც ჩანთით მოჰქონდა ჭურვით დაფლეთილი საკუთარი შვილის სხეუ-

ახლაც ხშირად მეჩვენება, რომ უღელტეხილზე ვარ და ისევ ვხედავ იმ ღმუხლით მიმავალ „ურალსა“ და გმის პირას უხმოდ ჩაკეცილ ადამიანებს

ლი... შემდეგ ისიც გავიგე — გზაში მაროდიორებს გაუჩერებიათ და ჩანთა გაუხსნიათ — რამე საჩვენო ხომ არ მოგაქვსო... აი, ასე მოვექცით ბავშვებს სოხუმსა და მთელ აფხაზეთშიც. ყოველდღე მუხლომორეკილები უნდა ვთხოვდეთ მათ პატივსაც, ჩვენ კი უბრალო ბოდიშის მოხდაც არ გვიწევდა — სიცოცხლის, სილალის, უღრუბლო ცისა და საყვარელი ზღვის წართმევისთვის...

— გავიგე, სადღეგრძელო გქონათ — „ეროვნებით სოხუმელებს“ გაუმარჯოსო...

— კი, მაქვს, ოღონდ ის უფრო, ჩემი მეუღლის — ცისანას სადღეგრძელოდ გავრცელდა სოხუმში. თუმცა, სინამდვილეში, არც ჩემია და არც ცისანასი — ყველა ნაღდი სოხუმელია. ნაღდი სოხუმელი ძალიან ჰგავს ნაღდ თბილისელს — დახვეწილსა და სულით ინტელიგენტს. ყავახანაში დინჯი და დახვეწილი, თანაც, სულ სხვადასხვა ეროვნების ადამიანი ხვდებოდა ერთურთს. დასხდებოდნენ და ერთ „ენაზე“ — სოხუმურ ჟარგონზე, — საუბრობდნენ. სოხუმური ჟარგონი ქართულ-აფხაზურ-რუსულსა და მეზღვაურების მიერ ძირითადად ოდესიდან შემოტანილი ჟარგონის ნაზავია და ის უკლებლივ ყველა ნაღდ სოხუმელს ესმის... ჩემმა მეგობარმა ვია ანჩაბაძემ მიამბო: ერთხელ, ომის დროს, ბლინდაჟში მსხდარან სოხუმელი ქართველები და ლაპარაკობდნენ. შემთხვევით სოხუმელი აფხაზები წასდგომიან თავზე. ერთმანეთს თბილად შეხვედრიან და ისევ „სოხუმუ-



რად“ გაუგრძელებიათ ლაპარაკი. მხოლოდ გვიანდა მიმხვდარან, რომ ერთმანეთის მტრები იყვნენ...

— ბატონო გურამ, შარშან სოსხუმში ჩასვლის შანსი რომ მოგეცათ, თქვენს ნაცვლად თქვენი ქალიშვილი სალომე რატომ გააგზავნეთ?

— მაშინ მივიჩინე და დღემდეც იმ აზრის ვარ, რომ სოსხუმში ჩემი ჩასვლა ჯერ ნაადრევია...

— იმის მიუხედავად, რომ სოსხუმიდან ამბავი ჩამოგიტანეს — აფხაზები ამბობენ, გურამ ოდიშარიას ნებისმიერ დროს, თუნდაც დღესვე შეუძლია, აფხაზეთში ჩამოვიდეს და იცხოვროსო?

— დიახ, ვიცი ეს ამბავი. ისიც ვიცი, რომ სოსხუმში, ერთ თავისუფალ გაზეთში ჩემი მოთხრობა დაიბეჭდა. მიხარია, იქაურმა გაზეთმა ეს რომ გაბედა და რომ ისევე სოსხუმელ მწერლად მცნეს. მაგრამ ისიც ვიცი, რომ სოსხუმში ასე მარტივად ვერაფერს დაბრუნდება. როგორია დაბრუნდეს ქალაქში, სადაც დაიბადე, ლამის მთელი ცხოვრება გაატარე და ის დანგრეულ-გაპარტახებული დაგვხვდეს? გაიარო ქუჩებში და იქ სრულიად უცხო ადამიანები დაინახო? მიხვიდე საკუთარ სახლში და იქაც უცხოები დაგხვდნენ? როგორია, ჩახვიდე სამშობლოში და მამის საფლავზე ასვლა ვერ მოახერხო?!

— მახსოვს, ერთხელ, მამათქვენთან დაკავშირებული საოცარი ამბავი მომიყვებით...

— ერთხანს, ჟურნალ „რიწას“ რედაქტორობისას, სერიოზულად დავინტერესდი ამოუცნობი მოვლენებით. სოსხუმის დატოვების შემდეგ ეს ინტერესი კიდევ უფრო გამომძაფრდა — საყრდენი მქონდა გამოცლილი და საშველს ვეძებდი... ასე მოვხვდი ცნობილ მედიუმთან — გალინა ფარმერთან. ერთხელაც, შუა საუბარში ვართ და უცბად მეუბნება: მამაშენს შენთან ლაპარაკი სურსო. შემდეგ აღმიწერა მამაჩემის გარეგნობა, ტანსაცმელი, ჩვენი სახლი, ღამისასხელა მანდარინის ჯიში, რომელიც მამაჩემს ხელში ეჭვია, ჩამომითვალა ნათესავების სახელები, რომელთაგან ბევრს მეც კი ძალზე შორიდან ვიცნობდი... ამის შემდეგ მამაჩემის რჩევები გადმომცა და მითხრა,

გურამ ოდიშარია და ლერი ჭანტურია

თუ გინდა, თავადაც ჰკითხე რამეო. შენს საფლავზე მოსვლას თუ შეგძლებ-მეთქი — ვკითხე მამაჩემს. ცხადია, აფხაზეთში დაბრუნებას ვგულისხმობდი. შეძლებო, მითხრა, ოღონდ, არც ისე მალე და არც ისე ადვილად, წინ ძნელი გზა გიძევსო... ვიცი, რომ ასეც იქნება, მაგრამ ამ გზაზე მაინც ყველას მოგვიწევს გავლა, ოღონდ — უსისხლოდ, თორემ „ტაძრამდე“ ვერაფრით მივალთ...

— მიგაჩნიათ, რომ ეს შესაძლებელია?

— შესაძლებელია. ხუთი წელია, რაც სახალხო დიპლომატიის ეგიდით ვხვდები აფხაზეთს მხარეს და თვალნათლივ ვხვდავ, წინ როგორ მივიწვეთ. მართალია, ნელა, ნაბიჯ-ნაბიჯ, მაგრამ მხოლოდ წინ. ეს წინსვლა არც შენელებს თუ სახალხო დიპლომატია, ისევე, როგორც სხვა ნებისმიერი კარგი საქმე ჩვენში, მდროვეებმა არ წაახდინეს... სამწუხაროდ, ამის წინააღმდეგე უკვე გამოჩნდა. თუმცა, მე ისევე ნათელ მომენტებზე ვიტყვი. მახსოვს, ერთი შეხვედრა ჩვენ და აფხაზებს თბილისში გვქონდა. მისი მონაწილე სოსხუმელი აფხაზი შინ მივიპატიჟე. ჭიქა ავწიეთ, სოსხუმი გავიხსენეთ და უცბად კედელზე, ნახატებს მოჰკრა თვალი. მითხრა — ერთი ასეთი ნახატი მეც მაქვს სოსხუმში, კაბინეტში მიკილია — ომის დროს წავართვი ერთს, ნდავლად წამოეღო, თუმცა, არც იმ ნახატისა და არც საერთოდ მხატვრობის არაფერი გაეგებოდაო. ეს სოსხუმიდან დევნილი ჩემი მეგობრის, მხატვარ ლერი ჭანტურიას

ნახატებია-მეთქი, ვუთხარი. როგორც კი სოსხუმში ჩავალ, იმ ნახატსაც გამოგიგზავნი და პატრონს დაუბრუნებო, მითხრა. მართლაც, მალე ნახატიც გამომიგზავნა და ერთი ბოთლი აფხაზეთი ღვინოც — **Букет Абхазии** — მოაყოლა. ჩვენ, სანაცვლოდ, ლერი ჭანტურიას ახალი ნახატი და „საფურავი“ გავუგზავნეთ. ამ სიტყვების წამკითხავ ბევრ ქართველს ალბათ იარაღისკენ გაექცევა ხელი და მარტო იმ აფხაზს კი არა, მე და ლერი ჭანტურიასაც დაგვემუქრება — რაო, ჩვენს მოსისხლე მტერს ოჯახში იღებთ და საჩუქრებსაც უგზავნიო? ასეთების „განსაიარაღებლად“ კიდევ ერთ ამბავს გავიხსენებ: თურმე, აფხაზეთში ცხოვრობს ერთი აფხაზი, რომელსაც ომამდე ქართველი მეგობარი ჰყოლია, სახელად ბაჯა. არავინ იცის, სად არის ახლა ბაჯა და რა ბედი ეწია. ის აფხაზი კი მეგობარს ჯიუტად ეძებს. როცა დათვრება, მიადგება მის სახლს და — ბაჯა, ბაჯაო, გაჰყვიროს. სახლიდან უცხო ადამიანები გამოდიან და უკვე მერამდენედ ეუბნებიან — ბაჯა აქ აღარ ცხოვრობსო. თუ მაინც არ მოეშვა, ერთი კარგადაც მიბეგვავენ. ნაცემი აფხაზი იქაურობას გაეცლება ხოლმე, ოღონდ, ცოტა ხნით — მომავალ დათვრებამდე. მითხარით ერთი, ვინ არის ის აფხაზი? ქართველი ბაჯას ერთგული მეგობარი თუ საქართველოს ტერიტორიული მთლიანობის დამრღვევი მტერი? თავად მასაც ხომ კარგა ხანია, ტერიტორიული მთლიანობაც დარღვეული აქვს და დამოუკიდებლობაც დაკარგული... ამას, ყველაფერს, გამრთილება, ერთმანეთისკენ სავალ გზას კი, ხელახლა გაკვალვა უნდა. მე ამ გზაზე უსისხლოდ მსურს სიარული. გვერდში კი, სხვა თუ არავინ, ალბათ ის ქართველი გოგო-ბიჭებიც მაინც გამოიყვებიან (ან მე გავყვები მათ), ვინც დღეს მხოლოდ 14-15 წლისანი არიან და აფხაზ თანატოლებთან შესახვედრად ამერიკამდეც კი ჩადიან (სხვათა შორის, ეს ყოველწლიური შეხვედრებიც სახალხო დიპლომატიის ეგიდით ეწყობა და მომავალი ლიდერების აღზრდას ემსახურება). მომავალი ხომ სწორედ ამ გოგო-ბიჭების ხელშია. მათი გადასარჩენია საქართველოც, რომელიც დღეს იმ დაღლილ და გაოგნებულ მოხუცს დამსგავსებია, აწმყო რომ აღარ ახარებს, მომავალს ვეღარ ჰვრეტს და მხოლოდ წარსულისკენ იხელება...



კომპოზიტორ ნუნუ გაბუნას კარგად იცნობს ჩვენი მსმენელი. მისი სიმღერები არა მხოლოდ საქართველოში, არამედ მთელ საბჭოთა კავშირში იყო პოპულარული („მეორე ლეგენდა“, „ქვეყანა ჩემი მგონია“...), კომპოზიტორი გაბუნია კარგი მომღერალიც არის. ცოტამ თუ იცის ალბათ, რომ 1979 წელს მან მოსკოვის დიდი თეატრის სცენაზე ოთარ თაქთაქიშვი-

ლის ოპერაში „მთავრის მოტაცება“ მთავარი პარტია შეასრულა.

მაგრამ ამჯერად საუბარი არ გვექნება არც მის შემოქმედებაზე და არც ბოლო დროს მისი მონაწილეობით გამართულ სასამართლო პროცესებზე. ამჯერად ქალბატონი ნუნუ თქვენ წინაშე მოულოდნელ და მეტად საინტერესო ამბულაში წარდგება.



ცნობილი კომპოზიტორის

ბიოგრაფიის ამოცნობი მოვლენები

ელენე ხირსელი

— ასე შინაურულად რომ მოკალათებულა საგარძელში ეს მსუქანი ფისუნა, ალბათ ძალიან გაივარტ ცხოველები?

— ძალიან მიყვარს ცხოველები, განსაკუთრებით კი, ძალი და კატა. მყავდა ძალიც, ინგლისური ჯუკ-ტოიტერიერი, ის ძალიან ჭკვიანი იყო. ჩემი მანქანის ხმას ცნობდა — როგორც კი მოვიდოდი, აივნიდან მაშინვე გამოიხედავდა და მეც ვეჭყოდი — პიკოლინო, წადი, დედას დაუძახე-მეთქი. მეზობლები ერთმანეთს გაკვირვებით გადახედავდნენ ხოლმე. პიკოლინო შევიდოდა და ცოტა ხანში დედაჩემიც გამოვიდოდა... ჩემს ძალს, როგორც აღამიანს, ისე ველაპარაკებოდი, მას აბსოლუტურად ყველაფერი ესმოდა, მხოლოდ რუსული არ იცოდა. პიკოლინო ძალიან მუსიკალური ძალი იყო. განსაკუთრებით უყვარდა სიმფონიური მუსიკა და როცა ტელევიზიით გადმოსცემდნენ, ისე ყურადღებით უსმენდა, გაგიკვირებოდათ. თვითონაც კარგად „მღეროდა“. როცა ვეჭყოდი, მოდი „პიანოზე“ ვიმღეროთ-თქო — ჩუმად „აყოლებდა ხმას“. როცა ვეჭყოდი — მოდი ახლა ფორტეზე ვიმღეროთ-მეთქი, უცებ იმხელა ხმას ამოუშვებდა ეს პაწაწინა ძალი, გაგაოცებდათ. ჩემთან სტუმრად იყო ცნობილი რუსი მომღერალი ირინა არხიპოვა, იმ დღეს პიკოლინო „ვამღერე“ და არხიპოვამ მითხრა: ასეთი დიდი საიმოვნება არც ერთი ვოკალისტი სვან არ მიმიღიაო...

— თქვენ საკმაოდ საინტერესო და მრავალფეროვანი

ცხოვრება გაქვთ, ბევრი რამ გინახავთ... სომ არ გაიხსენებდით რაიმე უჩვეულოს თქვენი ცხოვრებიდან?

— ბავშვობაში რუსთაველის პროსპექტზე ვცხოვრობდი. ერთ მშვენიერ დღეს, ფანჯრის რაფაზე ვიჯექი (14-15 წლის ვიქნებოდი) და მოდრუბლულ ზეცას შევცქეროდი. უეცრად ღრუბლებში ორი აღამიანის ფიგურა დავინახე — ისე შორს იყვნენ, რომ ძალიან პატარებად მოჩანდნენ. ეს ორი ფიგურა თანდათან მავიდას უახლოვებოდა, რაზედაც რაღაც კაშკაშა, განათებული სხეული იდგა. ერთ ფიგურას ოქროსფერი სამოსი ეცვა (ეპისკოპოსის ჩაცმულობას ჰგავდა), მეორეს შავი ტანისამოსი, რომელიც ბერის სამოსელს მოგაგონებდათ. მოუხედავად სიმორისა, ისე მკაფიოდ და ნათლად ჩანდნენ, ყოველი დეტალის გარჩევა შემეძლო. მე გაოგნებული ვუყურებდი. ცოტა გონს რომ მოვედი, დედას დაუძახე — ჩქარა, ჩქარა რაღაც უნდა განახვო-მეთქი, მაგრამ დედა ოთახში რომ შემოვიდა და ორივემ ზეცას გაგხედეთ, აღარაფერი იყო.

— როგორ ფიქრობთ, რას ნიშნავდა ეს ყველაფერი?

— ზოგი მეუბნებოდა — ამ დროს სურვილი უნდა ჩაგეთქვა და აგისრულდებოდაო. შეიძლება, მაგრამ მე ვფიქრობ, ეს ორი ფიგურა ჩემს მომავალ ორ პროფესიაზე მიმანიშნებდა (საკომპოზიტორო და ვოკალურზე).

— კიდევ თუ გქონიათ მსგავსი სიღვებები?

— როგორ არა. დაახლოებით ათი წლის წინ მატარებლით ვმგზავრობდი.

კუბეში მეგობრებთან რაღაც თემაზე საკმაოდ სერიოზულად ვკამათობდი. როდესაც ზუგდიდში შევიდით, მატარებელმა მოუხვია და მზემ თვალებში შემომანათა. თვალები მომენტალურად დავხუჭე და ამ დროს ასეთი უცნაური რამ ვიხილე: ბიძაჩემი, რომელიც უკვე გარდაცვლილი იყო, ერთ სახლს უახლოვდებოდა. ზუსტად ის ტანსაცმელი ეცვა, რომლითაც დაკრძალეს. სახლიდან მოულოდნელად ჩემი ბიძაშვილი (მისი შვილი) გამოვიდა. მერე ბიძაჩემი ორი საფეხურით ზევით ავიდა, მისი შვილი კი — ორი საფეხურით ქვევით ჩამოვიდა და ისინი ერთმანეთს გადაეხვივნენ. საოცარი ის იყო, რომ მაშინ ისეთი გაცხარებით ვკამათობდი, ბიძაჩემი კი არა, შეიძლება ჩემი სახელიც არ მახსოვდა...

თბილისში რომ ჩამოვედი, დედაჩემმა მითხრა, რომ ლიანა (ჩემი ბიძაშვილი) ძალიან ავად იყო. გამიკვირდა, რადგან ის არასდროს ავადმყოფობდა. ორ თვეში 36 წლის ქალი გარდაიცვალა.

— ცრუმორწმუნე თუ ხართ?

— ცრუმორწმუნე თითქოს არა ვარ, თუმცა ჩემს ცხოვრებაში იყო ასეთი რამ: მეზობელი მყავდა ერთი ხანში შესული, უყმური რუსი ქალი, რომელსაც არავისთან ჰქონდა კონტაქტი. ამ ქალს თუ დავინახავდი, იმ დღეს ყველაფერი რიგზე იყო, ყველაფერი კარგად ამეწყობოდა. ამავე დროს, ეზოში ჩემზე ბევრად პატარა გოგონა იყო — ძალიან მხიარული, კეთილი. საკმარისი იყო, სახლიდან გამოვუსულიყავი და პირველად ის დამენახა, სჯობდა, იმ დღეს გარეთ საერთოდ არ გავსულიყავი. თითქოს პირიქით უნდა ყოფილიყო, მაგრამ



ნანი ბრეგვაძესთან, ქალიშვილთან და შვილიშვილთან ერთად

ყოველთვის ასე ხდებოდა...

— სიზმრების თუ გჯერათ და როგორ სიზმრებს ხედავთ?

— სიზმრის საშუალებით უკვე ვიცი, რომ ჩემი ესა თუ ის საქმე, კარგად ან ცუდად დამთავრდება. ამიტომ, როცა ცუდი რამ შემემთხვევა ხოლმე, ისე აღარ ვნერვიულობ, რადგან ეს უკვე წინასწარ ვიცი და ფსიქოლოგურადაც მომზადებული ვარ.

— თქვენ როგორ ხსნით ამას — როგორც გაძლიერებული ინტუიციის შედეგს?

— ვერ გეტყვით, წარმოდგენა არ მაქვს. წინათგრძნობის უნარი მაქვს განვითარებული, მაგრამ ნათელმხილველი არ ვარ (იციანის).

— მკითხავენთან თუ გქონათ ურთიერთობა?

— როგორ არა. ჩემი ცხოვრება ვერ აეწყო ნორმალურად. მეუღლეს დავეცილი და თავად დავინტერესდი მკითხავთან შესვედრით. მეზობელმა წამიყვანა.

ის ქალი ავლაბარში ცხოვრობდა. მივედით დილის 6 საათზე (მზის ამოსვლამდე მკითხაობდა). შევედით პატარა ფიცრულში. ასაკითაც ახალგაზრდა ვიყავი, მაგრამ კიდევ უფრო პატარად გამოვიყურებოდი. მქონდა ნაწნავები, იქ წასვლისას კი ბაფთებიც გავიკეთე. ერთი სიტყვით, ჩემზე ვერავინ წარმოიდგენდა, რომ გათხოვილი და მით უმეტეს, ბავშვიანი ქალი ვიყავი. მკითხავმა მაშინვე მითხრა, რომ გოგონა მყავდა, და პირად ცხოვრებაში მძიმე პერიოდი მქონდა. გაოცებული ვუსმენდი. ისიც მითხრა, რომ ამ მხრივ არც შემდგომში გამიმართლებდა. სამაგიეროდ, წარმატებები მექნებოდა სწავლაში, ჩემს მომავალ პროფესიაში. და კიდევ — მითხრა, რომ ორ უმაღლესს დავამთავრებდი. ყველაფერი ზუსტად ამისხდა.

— როგორ ფიქრობთ, არსებობს ბედისწერა?

— რა თქმა უნდა. ერთ შემთხვევას

გავიხსენებ. რამდენიმე წლის წინ, ხილიანის ქუჩაზე ჯაბა იოსელიანზე ტერაქტის მოწყობის მცდელობისას ძლიერი აფეთქება მოხდა. ბევრი ადამიანი დაიღუპა. მანქანა, რომელშიც ასაფეთქებელი მოწყობილობა იყო მოთავსებული, ჩემი სახლის წინ იდგა, სადაც რამდენიმე წუთში უნდა გამეკლო. იმ დილას მედგა ჩახავასთან (ბახტრიონზე) ვაპირებდი წასვლას. საერთოდ, ჩვევად მაქვს, გავსვამდე არასდროს ვჭამ ჩვეულებრივად, სამზარეულოში, რადგან ყოველთვის მაგვანდება, ვჭარბობ, სადაც გავრბივარ და ამისთვის დრო აღარ მრჩება ხოლმე, ამიტომ დავავლებ ხელს, რაც მომხვდება, პური იჭება, ყველი თუ ზაჭაპური და მანქანაში ვჭამ. იმ დღეს კი ყველაფერი სხვანაირად მოხდა. კარადიდან გამოვიღე ტანსაცმელი და ჩაცმა დავაპირე, რომ უცებ გადავწყვიტე, სამზარეულოში გავსულიყავი და ჩაი დამელია. თითქოს რაღაც ძალიან გადამაფიქრებინა — ტანსაცმელი საწოლზე დავდე და ოთახიდან გავედი. ჩემი გავსლა და აფეთქების ხმა ერთი იყო. იმ ოთახში კიდევ ერთი წამი რომ გავჩერებულიყავი, არ ვიცი, რა მომივიდოდა (აფეთქება იმ ოთახის მხარეს მოხდა). ოთახის კარები, ფანჯრები ჩარჩოიანად იყო ამოვარდნილი ბუდიდან, ჭადის ნათურებიც ამოცვენილიყო, მინები წვრილ-წვრილად იყო დაფშვნილი და ოთახში მიმოფანტული. ლოგინზე და იატაკზე აფეთქებული მანქანის ორი დიდი რკინის ლეტალი ეგლო...

— მართლაც ბენჯზე გადარჩინილხართ. კიდევ თუ გქონათ შემთხვევა, როცა თქვენი სიცოცხლე საფრთხეში ყოფილა?

— მშობიარობისას დამემართა ატონიური სისხლის დენა. ეს ისეთი საშიში რამ არის, რომ მართლაც იშვიათია, ვინმე გადარჩეს. 40 წუთის მანძილზე კლინიკური სიკვდილის მდგომარეობაში ვიყავი.

— კლინიკური სიკვდილის დროს, ხალხში ამბობენ, სული სხეულს ტოვებსო. თქვენ თუ გახსოვთ რამე?

— ერთადერთი, რაც მახსოვს — დავდიოდი თბილისის ქუჩებში და სულ ამას ვამბობდი: „აქ ხომ აღარ გავივლი, აქ ხომ აღარ გავივლი...“

— სულის არსებობის თუ გჯერათ?

— ერთ ამბავს მოგიყვებით, დასკვნები კი თქვენთვის მომინდვია.

1991 წელს 2 კვირით მეგობრული ვიზიტით ამერიკაში ვიმყოფებოდი. ჯერ ჩემთან ცხოვრობდა რამდენიმე ამერიკელი, მერე კი მე გამიწიეს მასპინძლობა. პირველი 8 დღე ერთ შესანიშნავ ქალბატონთან გავატარე, რომელიც ლამაზი ორსართულიანი სახლის პატრონი იყო. სახლები ერთმანეთზე იყო მიდგმული, მათ საერთო კედელი ჰქონდა, მაგრამ თითოეულს ცალკე შესასვლელი და — საკუთარი ეზო. ამ სახლში (ბოლო ღამის გარდა) მე ნორმალურად არც ერთი ღამე არ მიძინია. მთელი საბჭოთა კავშირი, უცხოეთის უამრავი ქვეყანა მაქვს შემოვლილი, სად არ მიცხოვრია, მართაც ხშირად ვყოფილვარ სხვებთან ერთადაც, მაგრამ შიშის გრძნობის ნატამალიც არ მქონია, იქ კი არ მეშინოდა, არამედ უცნაური გრძნობა მეუფლებოდა — თითქოს ოთახში, ჩემ გარდა, კიდევ ვიღაც იყო (მსგავსი შეგრძნება არც მანამდე და არც მას მერე არ მქონია). დავიძინებდი თუ არა, თითქოს ვიღაცამ ძალით გამაღვიძაო, უეცრად მეღვიძებოდა. აბაზანაშიც ისეთი შეგრძნება მქონდა, თითქოს ვიღაც მიყურებდა (იციანის). ერთი სიტყვით, ამ უჩერხულობის გრძნობამ ძალიან შემაწუხა. ერთხელაც გავიფიქრე — ახლა აქ თუ ვინმეა, რაიმე ნიშანი მაინც მომცეს-მეთქი. ამის გაფიქრება იყო და მესმის, იქვე მდგარ მაგიდაზე დაკაკუნებისა და ძლიერი დარტყმის ხმა. ეს ნამდვილი საოცრება იყო...

— არ შეგეშინდათ?

— შიშის გრძნობა არ მქონდა — ეტყობა, ძალიან გაოცებული ვიყავი და, სხვათა შორის, ვფიქრობ, რომ ეს რაღაც ძალიან თუ არსება კეთილად იყო ჩემდამი განწყობილი.

ერთხელ, შემთხვევით მოკარი თვალი, რომ გვერდით სახლს, რომელთანაც ჩვენ საერთო კედელი გვქონდა, ეწერა: SALE! (ყოფიდა). ჩემი მასპინძლისგან გავიგე, რომ სახლის პატრონი მამაკაცი ახალი გარდაცვლილი იყო (ჯერ 40 დღეც არ ყოფილა გასული) და მისი შვილები სახლს ყიდდნენ. ამ სახლში ყოფნის მე-8 ღამეს

ამ არსებას ვთხოვე — ხვალ დღით, ადრი-
ანად მივემგზავრები და არ შემაწუნო,
დამაძინე-მეთქი. თქვენ წარმოიდგინეთ, იმ
ღამეს მშვენივრად მეძინა.

— ასეთი რამ შემდგომში
აღარ გადაგხდენიათ?

— არა.

— ქალბატონო ნუნუ, როგორ
ფიქრობთ, არის თუ არა სხვა
პლანეტებზე სიცოცხლე?

— სავსებით შესაძლებელია, მილიარ-
დობით ვარსკვლავია და თუკი ჩვენთან
არის სიცოცხლე, რატომ არ უნდა იყოს
ის სხვაგანაც?

ბორჯომში, კომპოზიტორთა სახლში
ვისვენებდი. შუაღლე იყო და აივანზე ვიდ-
ექი. უეცრად დავინახე, რომ ერთი მთიდან
მეორისკენ რაღაც ვერცხლისფერი სხეუ-
ლი მოძრაობდა. ვიფიქრე — ნეტავი, რა
ფრინველია, ასე ვერცხლისფრად რომ ან-
ათებს-მეთქი, მაგრამ მერე მივხვდი, რომ ეს
სულ სხვა რამ იყო, რადგან ფრინველი
ფრენის დროს ირხვევა, ეს კი სწორ ხაზზე
მიფრინავდა. და, მერე გაჩერდა და უკან
წავიდა. ჩემს ნათესავს დაუძახე და ორივემ
ნათლად დავინახეთ, როგორ მიეფარა მთას,
მერე კი ისევ ჩვენკენ წამოვიდა. მას მრგვა-
ლი ფორმა ჰქონდა და წვეტიანი ცხვირი
— ისეთი, როგორც მფრინავ ხომალდებს
აქვთ. სხვათა შორის, ზუსტად იმ დროს
იღებდნენ კლიპს თბილისის ქუჩებში მაია
ჯაბუას მონაწილეობით, სადაც კარგად
ჩანს, როგორ უყურებენ გამვლელები თავიდან
მაიას, მერე კი ისინი უეცრად სხვა მიმ-
ართულებით შეტრიალდნენ და ზეცაში
მრგვალი ფორმის უცნაურ სხეულს დაუ-
წყვეს ყურება.

სხვა შემთხვევასაც მოგიყვებით. 1998
წლის ოქტომბერში ერევანში ფესტივალზე
ვიყავი მიწვეული. დღის 5 საათზე მი-
ფრინავდა თვითმფრინავი, ამიტომ ერთი
საათით ადრე (მე, ჩემი ქალიშვილი და
სიძე) მანქანით გამოვედი და მაშინვე
დავინახეთ, რომ არემარე უცნაურად გან-
ათებულყო (მაშინ დენი არ იყო). ყველამ
დავინახეთ, პოლიტექნიკური ინსტიტუტ-
ის შენობის თავზე, უზარმაზარი განათებუ-
ლი თეფში, რომელსაც მრგვალი ილუმინ-
ნატორები ჰქონდა, ეს ილუმინატორები კი
ჯვრის ფორმით იყო განლაგებული. ერთი
დიდი ნათურა კი, სასტუმრო „აჭარის“
მიმართულებით ანათებდა. ჩემმა სიძემ მან-
ქანა შეაჩერა. გაგონილი მქონდა, რომ ამოუც-
ნობი მფრინავი ობიექტები, რაღაც მაგნი-
ტური ძალით იზიდავენ მანქანებსო. შე-
მეშინდა, რადგან ბავშვები მარტო დარჩე-
ბოდნენ და წავიდნენ. მერე, როცა „ლაგუ-
ნა-ვერესთან“ შევჩერდით, დავინახეთ, რომ

ობიექტი ისევ იქ იყო. მეორე დღეს ერ-
ევნიდან შინ დავრეკე — დარდი მქონდა,
როგორ დაბრუნდნენ, — და მითხრეს, რომ
ის უცნაური საგანი მერე აღარ უნახავთ.

— ალბათ, როგორც ყველა,
თქვენც იყავით შეყვარებული.
როგორ შექმენით ოჯახი?

— ჩემი მეუღლე იყო მსახიობი გონა
აბაშიძე. რომ გავთხოვდი ძალიან პატარა
— 16 წლის ვიყავი. იმ წელს სკოლას
ვამთავრებდი, გონა კი, თეატრალური ინ-
სტიტუტის სტუდენტი იყო, მაღულად
მოვაწერეთ ხელი.

აპრილის ცივი დღე იყო, წვიმიანი და
ღრუბლიანი. მძაჩის ბიუროდან რომ გამ-
ოვედი, უცნაური შეგრძნება დამეფულა.
პალტო გახსნილი მქონდა და ფიქრობდი
— ნეტავი ახლა გავცივდე, ფილტვების
ანთება დამემართოს და მოვკვდე-მეთქი.
იმდენად მერიდებოდა მშობლების, ნაცნობ-
მეგობრების. თავდაპირველად, სანამ ხელს
მოვაწერდით, გონა მპირდებოდა — ოღონდ
ჩემი ცოლი გერქვას, ვიცოდე, რომ შენ
სხვისი არ იქნები და თითსაც არ და-
გაკარებ, სანამ უმაღლესს არ დავამთავრებთო.
რა თქმა უნდა, ასე აღარ გამოვიდა...

— ხელმოწერის შემდეგ სად
გაემგზავრეთ?

— გონას სოფელში, საჩხერის რაიონ-
ში. იქ ბებიამისი დაგვხვდა. სუსტი აღ-
ნაგობის, საოცრად პატარა ქალი იყო
(სხვათა შორის, ას წელზე მეტი იცოცხ-
ლა). დღესაც დიდი სითბოთი და სიყ-
ვარულით ვისხენებ ხოლმე. სანამ მისი
სტუმრები ვიყავით, აღარ იცოდა, რით
ეცა პატივი, რით ესიამოვნებინა ჩვენთვის.
მასსოვს, პირველ დილას რომ გავიღვიძე,
ჩემი საწოლის წინ პატარა სკამი იდგა,
რომელზეც სუფრა გაეშალა. ცხელ-ცხე-
ლი ხაჭაპური და სხვადასხვა ზომის
კვერცხები ღამაზად დაეწყო.

და კიდევ — იმ სოფელში ერთი შე-
მთხვევა დამამახსოვრ-
და, დღემდე მასსოვს
ის შეგრძნება, რაც მა-
შინ განვიცადე. მდი-
ნარე ყვირილაზე ერთი
ბეწვის ხიდი ეკიდა,
ისეთი წვრილი და
სუსტი იყო, მართლაც
ბეწვისა გვეგონებოდა.
მარტო მოაჯირები

ერთ-ერთი კონცერ-
ტის შემდეგ, მურაბ
სოკილაეასთან
(მარცხნივ), ეთერ
კაკულიასა და
თემურ წიკლაურ-
თან ერთად

ჰქონდა, ალაგ-ალაგ შემორჩენოდა ფიცრები,
მათ შორის საკმაოდ დიდი მანძილი იყო.
მე თვალები დავხუჭე და გონამ ზურგზე
მოკიდებული სულ ხტუნვა-ხტუნვით
გადამიყვანა. წარმოვიდგენიათ ალბათ ჩემი
მდგომარეობა: შიშისაგან გული ისე მიძე-
ვრდა, მეგონა, ამომეარდებოდა.

— შემდეგ როგორ წარიმა-
რთა თქვენი ცხოვრება?

— ერთად სულ სამი წელი ვიყავით.
ისე მოხდა, რომ გონას მსახიობ ლეილა
აბაშიძის მიმართ გაუჩნდა ინტერესი. მე
რომ ეს ვაკვივ, ვერ შევძელი მისი პატიე-
ბა და სამუდამოდ დავშორდით... არადა,
ლეილა ძალიან მიყვარდა, ძალიან ახ-
ლოს ვიყავით ერთმანეთთან. ის რძალს
მეძახდა, მე კი მულს (გონა და ლეილა
ნათესავები იყვნენ)... სამწუხაროდ, გონა
ძალიან ადრე დაიღუპა.

— ხომ არ დააკონკრეტებ-
დით, რატომ და როგორ დაიღ-
უპა გონა?

— ამაზე საუბარი არ მსურს და ვთხ-
ვით, ნუ დამაძალებთ.

— მას შემდეგ, საკმაოდ დრო
გავიდა. როგორ ფიქრობთ, ხომ
არ სჯობდა, გეპატიებინათ?

— ალბათ უნდა მეპატიებინა და ოჯახი
შემენარჩუნებინა. ალბათ შვილის გამო
მანც უნდა დამეთმო. რომ ვთქვა, მე
ნაკლებად მიყვარდა ჩემი ქმარი და ამი-
ტომ ვერ ვაპატიე-მეთქი, არ იქნება მარ-
თალი. ალბათ სიამაყის გრძობამ შემეშ-
ალა ხელი.

— ქნო ნუნუ, რას გვეტყ-
ოდით კახა ცაბაძესთან დაპირ-
ისპირების შესახებ?

— მე მოვაწერე ხელი საბუთს, სადაც
მეკრძალება ამ თემაზე ჟურნალისტებთან
საუბარი. ამიტომ ამაზე, სამწუხაროდ, ვე-
რაფერს გეტყვით.



ინფორმაციულ-შეხვედრითი კოლაჟი

ეონა დვალის უბის წიგნაკრები:

1. არიანდო შობიარობას გადაჰყვა.
2. კოიოტი ჩხრაღა გველების დაუძინებელი მტერია.
3. რომის პაპ ალექსანდრე ბორჯიასათვის ლუკრეცია იყო ასულიც, საყვარელიც და რძალიც.
4. შეველმფერენი „აპაჩი“ 14 მილიონი დოლარი ღირს.
5. გული ერთადერთი ორგანოა, რომელიც არასოდეს ისვენებს.
6. კოლუმბი ამერიკაში კარავლებით ჩავიდა.
7. აფრიკის სახელმწიფოთა შორის ყველაზე დიდი ტერიტორია სუდანს უჭირავს.
8. აგატა კრისტი ორმოცი წლის ასაკში მეორედ გათხოვდა. მისი ქმარი მასზე ოთხმეტი წლით უმცროსი იყო.
9. გურამ რჩულიშვილი ივანე ჯავახიშვილის ნათლული იყო.
10. ვეროპის საერთაშორისო ფულის ერთეულის – ვეროს გამოშვებას კინაღამ გაუგონარი სკანდალი მოჰყვა. საქმე ის არის, რომ ამ ფულის კუპონურების თავდაპირველ ვარიანტზე გამოსახულ ვეროპის რუკაზე გერმანია კვლავ გაყოფილად იყო წარმოდგენილი.
11. ტორინელიმ საუბრეელი ჩაუყარა პიდრაველიკას და გამოიგონა ვერცხლისწყლიანი ბარმეტრი. P.S. ტორინელის სახელად ევანჯელისტა ერქვა.



12. ალექსანდრე დიუმამ გერმანიის ერთ-ერთ ქალაქში, რესტორანში ყოფნისას გადაწყვიტა, სოკო შეეკვია და რადგანაც გერმანული არ იცოდა, თავისი თხოვნა ოფიცინტს ფურცელზე დაუხატა. P.S. „მიხვედრილმა“ ოფიცინტმა ცოტა ხანში მას ქოლგა მიუტანა.
13. გერმანიის დამარცხების შემდეგ ფაშისტურ საკონცენტრაციო ბანაკთა უფროსს, ადოლფ ეინმანს, ყალბი საბუთები ეკლესიამ გაუკეთა. იგი გერმანიიდან არგენტინაში გაიქცა, სადაც რიკარდო კლიმენტის სახელითა და გვართ ცხოვრობდა, სანამ ერთმა ებრაელმა მუზობელმა არ იცნო და ისრაელის სპეცსამსახურებთან არ დასმინა. ბუნოს-აირესიდან იგი ამავე სპეცსამსახურებმა მოიტაცეს, იერუსალიმში გაასამართლეს და სიკვდილით დასაჯეს.
14. ეშმაკის უდიდესი ცბიერება იმაში მდგომარეობს, რომ მან მთელი მსოფლიო თავის არარსებობაში დაარწმუნა.
15. მსატვრულ ფილმ „ივანე კოტორაშვილში“ ქიტესას როლის შემსრულებელი, ვანტანე ცხადაძე, სასტუმრო „ივერიის“ ღირუქტორია. P.S. ფილმში მის პერსონაჟს რამაზ ჩხიკვაძე ახმოვანებს.



დამის 10 საათზე, კრწანისის რაიონში, გორგასალის ქუჩაზე, ლეიბორისტული პარტიის სამი წევრი გაღახეს. თუმცა როგორც თვითონ ლეიბორისტები ირწმუნებიან, პირიქით მოხდა — მათი პარტიის წევრებმა კარგა გვარიანად მიბეგვეს სუთი თავდამსხმელი, რის შემდეგაც ცეცხლსასროლი იარაღით აღჭურვილი უცნობები თავქუდმოგლეჯილები გაიქცნენ (ცნობისათვის: თავად ლეიბორისტული პარტიის წევრებს იარაღის მსგავსი არაფერი ჰქონიათ)! ლეიბორისტული პარტიის ლიდერმა შალვა ნათელაშვილმა კი ეს შემთხვევა მოქალაქეთა კავშირის მიერ განხორციელებულ მორიგ ტერორისტულ აქტად მონათლა.

პოლიტიკური თავშესაფარი

მარტო ბელგიაში

200 ლეიბორისტს მოუთხოვია

6060 ჩავახიშვილი

— დღეს ჟენაისა და შეგარდაძეს თუ ვინმეს თავიდან მოშორება უნდათ, ეს პირველ რიგში ლეიბორისტული პარტიაა. ბუნებრივია, „მოქალაქეებს“ ძალიან აინტერესებთ პარტიის სამზარეულო და რადგან აგენტურა ვერ შემოგვიგზავნებს (ვინც შემოგზავნილი ჰყავდათ, მივხვდით და ყველა გავეშვიტით), ამიტომ ინფორმაციის ძალისმიერი მეთოდებით მოპოვებაზე გადავიდნენ. დახლოებით ერთი კვირის წინ, როდესაც კრწანისის რეგიონული ორგანიზაციის ხელმძღვანელები (ქალბატონი დალი ვეფხვაძე თავის ვაჟიშვილთან და ირაკლი ცინცაძესთან ერთად) პარტიული ავიატაციის მიზნით, „შემოვლაზე“ იმყოფებოდნენ, მოულოდნელად მათ სუთი იარაღიანი დაესხა თავს. სხვათა შორის, ეს მოხდა პროკურატურის გვერდით ანუ პრეზიდენტის სამოძრაო დაცულ ტრასაზე, სადაც პრეზიდენტის შიშით ჩიტაც კი ვერ გადაფრინდება! უცნობებმა პირდაპირ, უხეშად მიმართეს ქალბატონ დალის: არ გრცხვენიათ ამხელა ქალს, რას დაწინააღმდეგობას კარდაკარო?!.. ე.ი. თავდამსხმელებმა ძალიან კარგად იცოდნენ, ვისთან ჰქონდათ საქმე. ბიჭებმა უპასუხეს — ყველამ თავის საქმეს მიხედოსო... ამის შემდეგ კი ერთ-ერთმა ქალბატონ დალის გაართვა კიდეც (მას

დაზიანებები აღენიშნება თავის არეში). ვეფხვაძე და ცინცაძე ფიზიკურად ძლიერი ბიჭები არიან და ამიტომ არ გასჭირვებიათ სუთი კაცის გაღახვა. როდესაც ოფისში დაბრუნდნენ, თავდამსხმელთა სისხლში იყვნენ ამოსვრილები. გვეგონა ნაცემები ესენი იყვნენ, მაგრამ საქმე უფრო კარგად ყოფილა. თავდამსხმელებს შეეშინდათ და გაიქცნენ. როგორც ჩანს, იარაღი მხოლოდ შესაშინებლად ჰქონდათ, მაგრამ მაინც არაფერი გამოუვიდათ...
 — როგორც ვიცი, მეორე დღეს დიდუბის რეგიონული ორგანიზაციის ოფისში შეიჭრნენ მძარცველები...
 — დას, ასეა. ოღონდ, ისინი მძარცველები კი არა, პოლიტიკური ტერორისტები იყვნენ! გამთენიისას ოფისში შეაღწიეს, მაგრამ ხელი არაფრისთვის მოუკიდათ — არც აპარატურისთვის, არც მაგნიტოფონისა და არც ტელეფონის აპარატებისთვის (რაც, ჩვეულებრივ, ქურდს მიაქვს ხოლმე), მხოლოდ და მხოლოდ პარტიული აქტივის სიები წაიღეს. სხვათა შორის, წინა დღეს დალი ვეფხვაძესაც ხელიდან პარტიული აქტივის სიები გამოჰკლია. გასაგებია, რატომაც!.. ახლა უკვე ინდივიდუალურად „იმუშავებენ“ ჩვენი პარტიის წევრებზე — ან დაამანტაყებენ, ან მოისყიდნიან, ან მოეფერებიან და ისე გადაიბი-

რებენ! ასეთი ხერხები ჩვენს ხელისუფლებას რეზერვში ხომ მრავლად მოეპოვება. თუმცა, არსებობს მეორე ვერსიაც, რომ ეს ხელისუფლების კი არა, ერთ-ერთი ოპოზიციური საპარლამენტო პარტიის მოწყობილი იყო. იმ პარტიას ვგულისხმობ, რომელიც ფულს აძლევს თავის ხალხს და ასე ცდილობს სხვა პარტიებიდან აქტივის მოსყიდვას. ერთი სიტყვით, ჯერჯერობით დანამდვილებით ვერაფერს გეტყვით – ეს ვერსიაც მუშავდება.

— ბატონო შალვა, იქნებ კონკრეტულად დაასახელოთ მაინც რომელ პარტიაზე საუბრობთ?

— რომელ პარტიაზეც ვსაუბრობ, ეს ძალიან კარგად არის ცნობილი თქვენთვისაც და ყველასთვის, ამიტომაც არ დავასახელებ. სხვათა შორის, „მოქალაქეებზე“ მეტად, ოპოზიციური პარტიები გვემტერებიან. საქმე პიროვნულ დაპირისპირებამდეც კი მიდის ხოლმე.

— ლეიბორისტული პარტიის წევრებზე განხორციელებული თავდასხმები შემთხვევით, სტრატეგიის სასამართლოში შეტანილ სარჩელს ხომ არ უკავშირდება?

— რა თქმა უნდა! საერთოდ, მოქალაქეთა კავშირს ჩვენი წყალობით ევროპაში უკვე თავი აქვს მოჭრილი. რაც ლეიბორისტული პარტია შეიქმნა, ხელისუფლების მთავარი სამიზნე ჩვენ ვიყავით პარლამენტშიც და ახლა უკვე მის გარეთაც... ხომ გახსოვთ, პარლამენტში ყოფნის დროს, პრეზიდენტი რომ გვემუქრებოდა – იცოდეთ, წარმატებას წარუმატებლობა მოჰყვებაო... აკი, გამართლდა კიდევ მისი „წინასწარმეტყველება“: არჩევნები გაგვიყვალბეს და პარლამენტში არ შეგვიშვეს, ხოლო ლეიბორისტული პარტიის წევრები კი დაარბიეს და საზღვარგარეთ გააქციეს, ზოგიც ციხეში ჩასვეს. იცით, რომ დღეს მარტო ბელგიაში 200 ლეიბორისტია, რომლებმაც პოლიტიკური თავშესაფარი ითხოვეს? ევროკავშირმა საქართველოს ლეიბორისტული პარტია პოსტკომუნისტურ სივრცეში ერთადერთ დევნილ პარტიად ოფიციალურად აღიარა! ამიტომ ჩვენი პარტიის წევრებს საზღვარგარეთ გარკვეული შეღავათებიც ეძლევათ. ხოლო ვინც საქართველოში დარჩა, „მოქალაქეებმა“ მათი მოსყიდვა და გადაბირება დაიწყეს, რადგან ლეიბორისტული პარტიის დაშლა სურდათ, მაგრამ არ გამოუვიდათ. მარტო რუსთავის საკრებულოს თავმჯდომარე ექვსჯერ გადააყენა მოქალაქეთა კავშირმა და ფრაქცია

„აღორძინებამ“ და ექვსჯერვე აღადგინა სასამართლომ! ეს უპრეცედენტო შემთხვევაა, თუმცა დღემდე ჯერ კიდევ არ დასრულებულა ეს დავა (საუბარია ლეიბორისტ ნიკო მენთეშაშვილსა და „მოქალაქე“ მამუკა აბულაძეს შორის ატეხილ დავაზე, რის შესახებაც „გზის“ №19-ში ვწერდით. – ავტ). საკრებულოს თავმჯდომარის სავარძლის გამო, მერე მოსასმენი აპარატურა დამიმონტაჟეს მანქანაში, რა აღარ სცადეს... ბოლოს კი, როცა მიხვდნენ, რომ ყველაფერში ხელი მოეცარათ და პარტია მაინც ვერ დაშლეს, ასეთ ძალისმიერ მეთოდებსაც მიმართეს ჩვენს დასაშინებლად... პარტიული აქტივის წევრთა ვინაობაც იმიტომ აინტერესებთ, რომ მერე მათზე ფსიქოლოგიური ზემოქმედება მოახდინონ.

— ფსიქოლოგიურ ზემოქმედებაში რას გულისხმობთ?

— ვთქვით, თუ რომელიმე ლეიბორისტი პოლიციაში ან სხვა სახელმწიფო სტრუქტურაში მუშაობს, დაემუქრებიან: მოგხსნით, თუ პარტიულ მუშაობას თავს არ დაანებებო. თუ ადგილი აქვს ბაზარში აღებული და გაჭრობს, ბაზრიდან გამოგდებით დააშინებენ, პედაგოგს ეტყვიან – შემიცირებაში მოგაყოლებთო... ჩვენი პარტიის არაერთი წევრი გაათავისუფლეს სამსახურიდან. ზოგს მართლაც ეკარგება პოლიტიკური მოღვაწეობის სურვილი, მაგრამ ამ მეთოდებით პარტიას მაინც ვერ მოსპობენ: ჩვენი პარტიის პროგრამაში ხალხის ინტერესები დევს!

— ისევ საუბრის თავდაპირველ თემას დავუბრუნდეთ. რატომ არ განაცხადეთ პოლიციაში მომხდარი ფაქტის შესახებ?

— კარგით, რა! კენედის მკვლელობა დღემდე გაუხსნელი რჩება და თქვენ როგორ გგონიათ – რომც განვაცხადო, მაშინვე გახსნიან ლეიბორისტული პარტიის კოორდინატორზე ან დიდუბის ოფისზე თავდასხმის საქმეს და დამნაშავეებსაც ოპერატიულად დაიჭერენ?! რას ამბობთ! აი, ლეიბორისტის ნაცვლად მოქალაქეთა კავშირის წევრი რომ ყოფილიყო, ეს სხვა ამბავია – მაშინ აუცილებლად შეიწუხებდნენ თავს და თანაც, ვინ იცის, იქნებ ერთი დამნაშავის მაგივრად ათიც კი ეპოვათ. როგორც სტალინის დროს მოხდა – ჩიბუხი რომ დაიკარგა და ბერიამ უცებ, თვალსა და ხელს შუა, დამნაშავე „გააჩინა“, რომელმაც მაშინვე აღიარა ქურდობა. არადა, ჩიბუხი სტალინის ტახტის უკან ჰქონია ჩავარდნილი და მოგვიანებით ბელადმა თვითონ იპოვა... ■

ინფორმაციული-შემოსხვითი კოლაჟი

ეორა დვალის უბის წიგნაკიდან:

16. დღესასწაული ტეტი ვიეტნამელთა ახალი წელია.

17. ნუფე-პატარაძის თავს ზემოთ გადავარდინებული ხმლების ქვეშ ავი თვალითა დასაცავად ატარებდნენ.

18. საკუთარი ინტერესებისათვის სისხლის სამართლის დამნაშავეებს ყველაზე უწყვეტურად ბოლშევიკები იყენებდნენ. ისინი საბჭოთა წყობილებისთვის არასასურველ პირებს – მღვდლებს, ურჩ ინტელიგენტებს და თავდაზნაურობის წარმომადგენლებს – მათი მომავალი კომპრომეტაციის მიზნით, ციხის კამერებში დამნაშავეებთან ერთად ათავსებდნენ.

19. ნუგზარ პაპაშვილის ცემისათვის ვალიკო მიზანდარი მოსკოვის ციხე „ბუტირკაში“ მორე სართულის მერვე საკანში აყურყურტეს.

20. ფერეიდანში მცხოვრებ ქართველებს დღესაც სჯერათ, რომ, თუ ცაზე გამოსახული ცისარტყელას ერთ ბოლოს იპოვი და იქიდან „გამიჭვრეტ“, მთელი ბოლოში საქართველოს დაინახავ.

21. ცელნამგალა ვეშაბები თევზებს კუდის დარტყმით აბრუებენ და ისე ჭამენ.



22. გამოთქმა – „რა გორელივით შუა ქუჩაში დადინარა?“ – გორში 1920 წელს მომხდარი დამანგრეველი მიწისძვრის შემდეგ დამკვიდრდა. ამ საშინელი სტიქიის შემდეგ ქალაქის შემინებული მოსახლეობა ტროტუარებზე, შენობებთან ახლოს სიარულს ერიდებოდა.

23. ამერიკელი სნაიპერების მამანა ნახევარი კილომეტრის მანძილიდან ხერვტს ჯავშანყილელტს.

24. სარტყლები ვრძელ თმას ატარებდნენ, სათანადოდ უვლიდნენ და მუდამ ახსოვდათ თავიანთი კანონმდებლის, ლიკურგეს სიტყვები: „ვრძელი თმა ლამაზებს აშშვენებს, მახინჯებს კი უარესად ამახინჯებს“.

25. 1943 წლის 30 ნოემბერს თეირანში გამართულ შეხვედრაზე სტალინმა ჩერჩილსა და რუზველტს შესთავაზა, ომის დამთავრების შემდეგ ბერლინის შუაგულში 50000 ნაცისტ ოფიცერს მოეყარათ თავი და სახალხოდ დავხვრიტოთო. ასეთმა ბარბაროსულმა წინადადებამ ჩერჩილში თანდაყოლილი სამართლიანობის გრძნობა გააღვიძა და სასტიკი პროტესტი გამოთქვა. სიტუაციის განმუხტვას რუზველტი ხუმრობით შეეცადა – ჯანდაბას, 49000 იყოსო. ჩერჩილი გაბრაზდა, ცალკე ოთახში გავიდა და უკან არ შემობრუნებულა, სანამ სტალინმა არ მაკითხა და არ უთხრა, ვისუძრეო.

სანაპიროზე, ლუდის ბართან, ცხელ ამინდში ხალხმრავლობაა. უფულო ადამიანები, რომლებიც უმრავლესობას წარმოადგენენ, პლასტიკატის ბოთლებში ჩამოსხმულ ლუდს პირდაპირ ქუჩაში მიირთმევენ. საშუალო შეძლების წარმომადგენლები სოკოებივით მიმრავლებულ ბარში შედიან. შეძლებულ ადამიანთაგან კი აქ მხოლოდ „მრენველები“ მიდიან, რომლებიც იქვე აღმართული ოფისიდან, ზემოდან დაჰყურებენ მათ მიერვე „დასაქმებულ“ ხალხს. წვრილგატრებიც ბლომად არიან და ავტომანქანების დარაჯებიც, მაგრამ მედოლე ჯერჯერობით მხოლოდ ერთია.

საინტერესო კანონები აქვს საბაზრო ეკონომიკას: მტკვრის სანაპიროზე ჩამომდგარი ადამიანების გაართობის მოთხოვნის საპასუხოდ, აქ მომღერალი მედოლევც გამოჩნდა, რომელიც უკვე კოლორიტადაც კი იქცა. სწორედ ეს მხიარული ყმანვილი გვინდა გაგაცნოთ.



დავაწვები, ოთხ წუთში მეტრო „მარჯანიშვილთან“ ვარ. აი, ამ ღოღის ერთი მხარე ვილაც ვირმა დამიხია, მე იმისი... ორ სიმღერას ერთ ლარად ვმღერი. იმან მითხრა, ათი იმღერე და ხუთ ლარს მოგცემო. მეც ვმღეროდი და ვმღეროდი. ათი კი არა, ოცი ვიმღერე. ბოლოს, ყელში ამომივიდა და ვუთხარი: თუ მიხლი, გადამიხადე-მეთქი. ერთი ამას უყურეთო, თქვა, ღოღი წამართვა და მუხლზე დარტყმით დამიხია. გამოვგლიჯე ხელიდან, ცოტა მოშორებით გავველი და გულიანად ვავინე. გამომეკიდნენ, მაგრამ რას დამეწვიდნენ?!

— ეი. ზოგჯერ „გადაგადგებენ“ ხოლმე?

— იშვიათად, თუმცა მასეც ხდება. ერთხელ მომირიგდნენ, სატირალში მთელი ღამე და მეორე დღეს, დასაფლავებაზე, უნდა მეძღერა. 50 ლარს შემპირდნენ. მე ჩემი სიტყვა კაცურად შევასრულე, თითქმის არ გაჩერებულვარ. იმათ, ქელენის მერე 19 ლიტრი ღვინო, პროდუქტები და ხუთი ლარი მომცეს. ფული აღარ გამოვართვი — ღმერთმა აცხონოს ის მიცვალებული, მაგრამ მინდა ვთქვა, რომ არც ისე კარგად გამოუვიდათ... ხომ გითხარი — ათასნაირი ხალხი შეგხვდება-მეთქი. აი, ახლაც, რომ ვთქვი — ჩემთან პრესიდან არიან, ინტერვიუ უნდა მივცე-მეთქი, იცი, რა მითხრეს: შეეშვი, შარს არ გადაგყარონო. მერე აუესხენი, აქედან და აქედან არიან-მეთქი, ამაზე მითხრეს — ჰოო, ეგენი სერიოზული და წესიერი ხალხიაო... ისე, რაც მე გადავიტანე, რილასი უნდა შემეშინდეს?..

— რაზე ამბობ, რა შეგემთხვა ასეთი?

— მე და დედაჩემი მესამე წელია სხვის სარდაფში ვცხოვრობთ, არც ტელევიზორი გვაქვს და არც რადიო. ვირთხები დარბიან ჩემს სახლში. არადა, სამოთახიანი ბინა გვქონდა, გაგყავიდვინეს და „გადაგავადეს“. ერთი საათის წინ დედაჩემს შევხვდი მეტროსთან და ჰურის ფული, ექვსი ლარი მივეცი... არ მინდა ამისთანა რამეებზე ლაპარაკი...

— მაინც მითხარი. ხომ იცი — იტყვი და გულზე მოგეშვება?

— კარგი, მოკლედ გეტყვი, ოღონდ რასაც არ გეტყვი, აღარ ჩამეძიო... მე და დედა მამაჩემმა თერთმეტი წლის წინ მიგვატოვა და იმის მერე, არც ფულით მოგვცმარებია და არც სხვა რამით. ისე, კი ვიცი, ვინც არის: ჩვენს უბანში გაჯს ყიდის. ნანახი მყავს.

— სხვა ოჯახი შექმნა?

— ხომ გთხოვე, ნუ ჩამეძიები-მეთქი... კი, სხვა ოჯახი აქვს. დედა საპარკმაწეროში, მანიკურების გამკეთებლად მუშაობდა, სამოთახიანი ბინა გვქონდა ვაზისუბანში და ვცხოვრობდით ჩვენთვის. ვილაც კლიენტები გაეცნო დედას, დაუხლოვდა, ჩვენთანაც იყო სახლში. უთხრა — გაყდე ეს ბინა, საბერძ-

„ინტერნო თვილომეზზე...“ შპრედუბი...

ბოჩა ტყეშელაშვილი

— ვაზისუბნელი გიორგი ვარ, საცერაძე. 15 წლის.
— რამდენი სიმღერა იცი, გიორგი?
— ექვსასამდე სხვადასხვა სიმღერა შემიძლია ვიმღერო, აქედან ზოგი სომხურია, ზოგი აზერბაიჯანული, ნაწილი რუსული და ნაწილიც — ინდური, მაგრამ ყველაზე კარგად ქართული გამოძღვის.
— ვინ გასწავლა ამდენი სიმღერა?
— ჩემით ვისწავლე. მესამე წელია, რაც დოღზე ვუკრავ და ვმღერი. აქამდე ვაგზალზე ვიყავი, მაგრამ ახლა აქაც მოვდივარ ხოლმე.
— ალბათ ეს ადგილი უფრო შემოსავლიანია...
— კი. აქ მეტი გამოძღვის. საშუალოდ დღეში 10-15 ლარს ვშოულობ. დღის სამ

საათზე მოვდივარ და საღამოს თერთმეტამდე ვრჩები ხოლმე.
— როგორი ხალხი მოძის აქ?
— ათასნაირი. ძირითადად, უფულოები არიან. თუმცა, ხანდახან ბარებში შემიშვებენ და მაშინ ამოვისუნთქე ხოლმე. ამას წინათ, აქვე რესტორანში შევიპარე და 49 ლარით გამოვედი. წინა შაბათს, გაღმა რესტორანი რომ არის, იქ შევედი. კარისკაცი არ მიშვებდა, მაგრამ შემოვლითი გზით მაინც შევალწვიე. ქურთების ქორწილი იყო. ავვარდი დამკვრელების სცენაზე და დაკვრა დავიწყე. ოფიციალტებს ჩემი გაგდება უნდოდათ, მაგრამ მექორწილებმა არ დაანებეს. მეც დავეუკარი და დავეუკარი, სულ ოცლარიანები მძღოიეს: რომ გამოვედი, 200 ლარი მეღოჯიბეში. კარგი ხალხი იყო.
— აქ არავინ გაბრაზებს?
— კი, მარაზებენ ხოლმე. მაგრამ მეც არ ვუთმობ. თუ შევატყვე, ცუდადა ჩემი საქმე, გავრბივარ. მაგარი სირბილი ვიცი — რომ

ნეთში წაიყვან და ბევრ ფულს გამოიწინებო. დედამაც დაუჯერა. სანამ წავიდოდით, ორი თვე სხვის ბინაში ვცხოვრობდით. დიდი წვალებით ჩავვლით საბერძნეთში, დედა ერთი მდიდარი, მაგრამ ინვალიდი – უფესო კაცის ცოლი გახდა. ბეჭედიც კი გაუკეთა მან თითზე. საღაცე კუნძულ კრეტაზე ვიყავით. მერე ერთი ცული შემთხვევა მოხდა: დედამ იმ სახლში უცხოებს წყალი მიაწოდა, ამაზე ის კაცი ძალიან გაბრაზდა და გამოგვაფლო. ბეჭედიც კი წაართვა. დაერჩით ქუჩაში. ძლივს ჩამოვალწით უკან.

— კი, მაგრამ, ვერ გავიგე — „გადგადება“ რაში გამოიხატება?

— ბევრ რამეს შეგვიპირდნენ, მაგრამ ცარიელ-ტარიელები დაგვტოვეს. მეტს აღარაფერს გეტყვი. სხვა რამეზე თუ გინდა, ვილაპარაკოთ...

— ამ ამბის გამო დედას საყვედურობ?

— არა, რას ამბობ?! მე ხომ დედის მეტი არავინ მყავს. დედის გულისთვის ვარკეთილში, რესტორანში კაციც კი ვცემე.

— ეგ როგორ?

— როგორ და, იქ ვუკრავდი. გავიგონე, როგორ შემაგინა ვიღაც კაცმა — შენი პატრონი დედა... ვეცი. ძლივს გამოძლივჯეს ხელიდან.

— სკოლაში აღარ დადიხარ?

— არა. დიდი ხანია, რაც სკოლაში აღარ ვსწავლობ. მერ კლასიდან დავანებე თავი.

— რა ნიშნები გყავდა?

— აუ, ეგ მაგარი რამე მკითხე! ბავშვობა გამასხენდა. მათემატიკაში „სამიანი“ მყავდა, სხვა საგნებშიც „საჯახირო“ ნიშნებს მიწერდნენ. ფიზკულტურაში კი სულ „ხუთიანებს“ ვღებულობდი. სხვათა შორის, კარგი ფიზიკური მონაცემები მქონდა. ახლაც, სირბილის გარდა, აჭარულის ცეკვაც მესერხებ

ბა — ისე გავუსვამ ხოლმე, რომ ერთხელ ჩემმა შემხედვარემ, შუახნის ქალმა ხმამალა თქვა — ამხელა უკანალით კაცი ასე სხარტად ცეკვავდეს, პირველად ვხედავო... სიმღერაში კი, სულ „ხუთიანებს“ პლუსით მიწერდნენ. იქ, საბერძნეთშიც რომ ვიყავით, ერთხელ მოსმენილი სიმღერის შესრულება, სიტყვებიანად, უშეცდომოდაც კი შემეძლო. ევონათ, ბერძნული ვიცოდი. არადა, თავისით მამახსოვრდებოდა — ეტყობა, ამის ნიჭი მაქვს.

— რომელიმე კონცერტზე თუ გიცდია გამოსვლა?

— რიყეზე ტარდებოდა რაღაც კონცერტი. მივედი — გამოსვლა მინდოდა, მაგრამ სცენამდე პოლიციელებმა არ მიმიშვეს. კონცერტებს მომზადება და რეპეტიციები უნდა, მე კი მაგისთვის არ მცალია: ყოველდღე ფული მაქვს საშოვნ.

— მეგობრები, შეყვარებული თუ გყავს?


— რა თქმა უნდა, მეგობრები მყავს. ჩემი უბნელები. კარგი ბიჭები არიან. შეყვარებულიც მყავს, ოღონდ ჯერ არ მითქვამს იმი-სთვის. ცოტა ფულს მოვაგროვებ, დავლაგებოთ მე და დედაჩემი, მერე ვეტყვი და ცოლადაც მოვიყვან.

— რომ არ დაგიჯეროს და ცოლადაც არ გამოგყვებს?

— ისეთნაირად აუუხსნი სიყვარულს, ისეთ სიტყვებს ვეტყვი, რომ დამიჯერებს. მერე ვუმღერებ: „სისხამ დილით ბადით ხელში...“ (გიორგი სიმღერის ეშხში შევიდა. — ავტ.), ეს სიმღერა ძალიან მოსწონს.

— შენ რომელი სიმღერა გიყვარს ყველაზე მეტად?

— ჩემი საყვარელი სიმღერაა — „ამ ქვეყანას მხოლოდ ერთხელ მოვიდვართ...“ (ისევ ამღერდა. — ავტ.). ისე, ყოველდღე დავდივარ ვაგზალთან, იმიტომ რომ კინოთეატრია იქ. იცი, რატომ?



— რატომ?

— ინდური კინოები და სიმღერები მიყვარს ძალიან და იქ ყოველდღე უჩვენებენ ხოლმე. დღეს უკვე ვიყავი, ხვალ სამ საათზე „მესაფლავეს“ უჩვენებენ. ეგეც ინდურია. „მერა ჯუპა ინ ჯაპანე“... (ისევ გრძობით ამღერდა. — ავტ.). სიმღერის ხასიათზე მოვედი... წავიდი, მეტი დრო აღარ მაქვს — მუშაობის დროა. კარგად იყავი!

— კარგად, გიორგი.

რამდენიმე ნაბიჯი გადავლა, მომიბრუნდა და მკითხა:

— მართლა ჟურნალში ვიქნები და ჩემზე წაიკითხავენ?

კი-მეთქი, დავაიმედე და მხიარული კუნტრუმით მიმავალ მომღერალს თვალი გავაყოლე...

სპილოსავით ნანანა

32 წლის ტაილანდელი მის მონგონტონ ტინაკონი ტრადიციულად იმარჯვებს ყოველწლიურ კონკურსში MISS IMF (I AM FAT — სქელი ვარ). აღსანიშნავია, რომ ეს სახუმარო კონკურსი ტარდება ნახონ პატნომის პროვინციაში, სადაც ყველაზე მეტი ტაილანდური სპილო ბინადრობს.

როგორც ცნობილია, სპილოს ამ ქვეყანაში განსაკუთრებული პატივით ეპყრობიან, ამის გამო მისი გარეგნობა და ჩვევები აღნიშნულ კონკურსზე ეტალონად ითვლება, ამიტომ

მაც ყველაზე მოსული ადამიანის წოდებისთვის მოპაექრე ადამიანები ცდილობენ, რაც შეიძლება მეტად გაუსვან ხაზი თავიანთ მსგავსებას ამ ცხოველთან. ამრიგად, კონკურსის მონაწილენი კიდევ უფრო უწყობენ ხელს სპილოების დაცვას, რომელიც ტაილანდში სახელმწიფო მნიშვნელობის საქმედ არის მიჩნეული. რაც შეეხება გამარჯვებულს, სოლიდური ფულადი პრიზით დაჯილდოების გარდა, მას ყველაზე ტანსრულ ტაილანდელთა ბანკეტის თავმჯდომარედაც ნიშნავენ.



დიდ დილომში მცხოვრებ ძეგველიშვილების ოჯახში 17 მაისს დატრიალებული საშინელი ტრაგედიის ამბავი დღითი დღე შემზარავი დეტალებით ივსება. 19 წლის აჩიკო ძეგველიშვილი, რომელმაც საკუთარი დედამა დახოცა, მომხდარის შესახებ სამართალდამცავებს შესაშური სიმშვიდით მოუთხრობს. გამოძიებლების თქმით, სტრესულ მდგომარეობაში არც მისი და — მე-11 კლასელი, 17 წლის ნინო ძეგველიშვილი იმყოფება. ნინოს თქმით, მშობლების მკვლელობის შესახებ ძმამ მას იმ დამესვე უთხრა.



აჩიკო ძეგველიშვილი

„დედ-მამის მკვლელობა მან მშვიდად აღვვიწერა...“



ნინო ძეგველიშვილი (მარცხენე) და დედა მანანა ძიგურაშვილი

მეზო ტანავა

მეზობლების, ახლობლებისა და პედაგოგების მტკიცებით, აჩიკო ძეგველიშვილი საკმაოდ მშვიდი ბუნების, სერიოზული და ზრდილობიანი ბიჭი იყო. მისგან ასეთ საქციელს არავინ მოელოდა. აჩიკო თბილისის სახელმწიფო უნივერსიტეტის ეკონომიკური ფაკულტეტის II კურსზე სწავლობდა. ადრე ოჯახში, მშობლებთან განსაკუთრებული კონფლიქტი არ მოსვლია. თუმცა, როგორც თავად ამბობს, დედ-მამასთან ურთიერთობა ბოლო ხანებში დაეძაბა. ამის მიზეზი, მისი თქმით, ერთ პიროვნებასთან მისი დაახლოება

გახდა. აჩიკოს მასთან კარტის თამაში დაუწყია. მკვლელობამდე სამი კვირით ადრე, აღნიშნულ პირთან მან ფეხბურთის მატჩებთან დაკავშირებით, სანაძლეო დადო, შედეგად კი, ჯერ 500, მერე — 200 ლარი წააგო. 16 მაისს, საღამოს, ვეროპის თასის ფინალური მატჩი უნდა ყოფილიყო. აჩიკომ ამჯერად თანხა — 200 ლარი ტოტალიზატორში შეიტანა. იმავე საღამოს აღმოჩნდა, რომ მამამისს საიდანღაც ამის შესახებ შეუტყვია და შვილთან უჩხუბია. „დაემუქრა — თუ წააგებ, არ ვიცი, რას გიზამ“ — ამბობს ბრალდებული. მისივე ჩვენების მიხედვით, ღამით, ტელევიზიით ფინალური მატჩის შედეგ

გები გადმოსცეს — აჩიკოს პროგნოზმა არ გაამართლა და ტოტალიზატორში შეტანილი თანხაც წააგო. ამის გამო, მამინვე სახლიდან გაპარვა გადაწყვიტა. მშობლებისთვის ეს შეუძინეველი არ ღარჩენილა და შვილს ასეთი საქციელისთვის პასუხი მოსთხოვეს. მამამ იგი სცემა კიდევ. მერე კი, კარი ჩაუკეტეს და გასაღები გადაამალეს.

ჩხუბისა და ცემის დროს მამამ აჩიკო სხვა ვალებშიც გამოტყუა — ყველაფერი ათქმევინა და კატეგორიულად მოსთხოვა იმ პიროვნებასთან, ვისი ვალიც მის შვილს ემართა, შეხვედრა მოეწყო. აჩიკოს თქმით, მას მამისთვის აღნიშნული პირის გაცნობა არ შეეძლო, რადგან საქვეყნოდ თავი მოეჭრებოდა: სირცხვილით გარეთ ვეღარ გამოვიდოდი, ვალს კი მაინც გადამანდევინებდნენო. სწორედ ამის გამო, მან მშობლებისთვის ანგარიშის გასწორება და მათი მოკვლით მოსალოდნელი უსიამოვნების თავიდან აცილება გადაწყვიტა.

ღამით, როცა სახლში ყველას ეძინა, მან მამის სანადირო თოფი აიღო და მშობლების საძინებელ ოთახში შევიდა. ტყვია ჯერ მამას, მერე კი დედას დაახალა — ორივეს გულმკერდის არეში. დედა — 39 წლის მანანა ძიგურიშვილი მამინვე გარდაიცვალა. მამა კი, როგორც ჩანს, მხოლოდ დაიჭრა. მამინ აჩიკო სასტუმრო ოთახში გავიდა, თოფში მერე ტყვია ჩალო და იგი მამას ამჯერად თავში ესროლა. ამან 55 წლის ვაჟა ძეგველიშვილი სიცოცხლეს გამოასალმა...

ცოტა ხანში აჩიკომ თავისი და — ნინო გააღვიძა და მას მომხდარის შესახებ უთხრა. მერე დღეს მათ მოკლე დედ-მამა ცელოფანის პარკებში გაახვიეს, მათი სხეულები ტახტის სათავსოში ჩადეს და ზედ ქვეშა დააყარეს, რომელსაც აჩიკო ეზოდან ვედროებით ეზიდებოდა.

მეზობლები ირწმუნებიან, რომ სროლის ხმა არ გაუგიათ, არც საეჭვოდ მოსჩვენებიათ რამე. სროლის ხმას არ გაუღვიძებია არც ნინო ძეგველიშვილი. მეზობლებსა და ახლობლებს და-ძმა ეუბნებოდა, რომ მშობლები კახეთში, სოფელში იყვნენ წასულები. „ნინო იმასაც ამბობდა, მამაჩემი ძალიან ავადაა, გულის ოპერაცია უნდა გავუკეთოთ და ფული გვჭირდებაო“ — ჰყვებიან მეზობლები.

აჩიკო ძეგველიშვილი მამის სამსახურებრივ ავტომანქანას, მკვლელობიდან სამი დღის განმავლობაში, თავად დაატარებდა, მერე კი მის თანამშრომელს მიუყვანა და უთხრა — მამაჩემი სოფელშია, ავადა და ჯერ ვერ ჩამოვაო.

სოსო გორგაძე, გამომძიებელი:

„მკვლელობის შესახებ ოთხი დღის შემდეგ შევითქვეთ. პროკურატურაში მოვიდა ერთი პიროვნება, რომლის ვინაობას ჯერჯერობით შეგნებულად არ ვასახელებ, და გვითხრა: აჩიკო ძეგველიშვილმა მშობლები მოკლა და გარდაცვლილთა გვამები სადმე ბინაში იქნებო... მაშინვე შემთხვევის ადგილზე წავედი.“

გარდაცვლილთა სხეულებზე ტყვიებით მიყენებული იარების გარდა, სხვა დაზიანება არ აღმოჩნდა (მეზობლების თქმით, იმ დღეს, როცა გვამები იპოვეს, პოლიციელები ამბობდნენ – დედას ფეხები აქვს დამწვარიო. მათი ვარაუდით, დაძმა, კვალის გაქრობის მიზნით, ალბათ მოკლულთა სხეულების დაწვასაც შეეცადა. – ავტ). ექსპერტიზა ჩაუტარდა აჩიკო ძეგველიშვილსაც და თუმცა ის ირწმუნება, მამამ მცემო – მას სხეულზე ცემის კვალი არ აღმოჩნდა. ექსპერტების თქმით, ცემის შედეგად მიყენებული დაზიანებები, ერთი კვირის განმავლობაში, მაინც რჩება. ასე რომ, თუკი აჩიკო ძეგველიშვილის სიტყვები სიმართლეს შეეფერება, მაშინ მას კვალიც უნდა ეტყობოდეს. მას ერთადერთი დაზიანება – მარცხენა ხელის მაჯაზე მცირე ხარისხის დამწვრობა აქვს. როგორც თავად ამბობს, მკვლელობიდან სამი დღის შემდეგ მან სისხლიანი ლეიბები და ზეწრები თავისი საცხოვრებელი კორპუსიდან ერთი კილომეტრის მოშორებით დაწვა. ეს ფაქტი, გადამოწმების შედეგად, დადასტურდა კიდევ.

რა თქმა უნდა, მკვლელობის მიზეზად სხვა ვერსიებიც გვაქვს, მაგრამ მათზე ჯერ ვმუშაობთ და წინასწარ ვერაფერს ვეტყვით. ნაადრევია დასკვნების გაკეთება თავად აჩიკო ძეგველიშვილის ჩვენებაზეც, რადგან იმ პიროვნების ვინაობა, ვისთანაც მას თანხა უნდა ჰქონდეს წაგებული, ჯერაც არ დაგვიდგენია. ხოლო რაც შეეხება გავრცელებულ ხმას ინცესტის თაობაზე, რაც თითქოს მშობლებთან უთანხმოების, მერე კი მათი მკვლელობის მიზეზი გახდა, სინამდვილეს არ შეეფერება. ჩვენ გადავამოწმეთ ეს ვერსიაც, ნინო ძეგველიშვილს ჩაუტარდა სპეციალური შემოწმება და აღმოჩნდა, რომ ის ქალიშვილია.“

მშობლების მკვლელობისთვის დღეს უკვე დაპატიმრებული აჩიკო სამართალდამცავებზეც მშვიდი ადამიანის შთაბეჭდილებას ტოვებს. გამომძიებლის თქმით, მკვლელობის დეტალებს იგი ყოველგვარი აღელვების გარეშე ჰყვება. თუმცა, ეს სიმშვიდეც, თავისთავად, ბევრ ეჭვს ბადებს. ზოგი ფიქრობს, რომ აჩიკო



მოკლულები ქორწინების დღეს

ძეგველიშვილი ფსიქიკურად ჯანმრთელი არ უნდა იყოს. მართალია, თავად ბრალდებული ირწმუნება – ადრე ფსიქიატრთან ვმკურნალობდიო, მაგრამ გამომძიებლის თქმით, მისი ეს სიტყვები ჯერჯერობით არ დასტურდება. ძეგველიშვილისთვის ფსიქიატრიული ექსპერტიზის ჩატარებას აპირებენ, საბოლოო პასუხს ალბათ მაშინ შევიტყობთ. როგორც გამომძიებელი აღნიშნავს, შესაძლოა, ნინო ძეგველიშვილის ფსიქიატრიული შემოწმებაც იყოს საჭირო. ძეგველიშვილების მეზობლები და მეგობრები დაძმის ფსიქიკურ ავადმყოფობას უარყოფენ.

მემობელი გოგონა:

„ადრე ნინო ჩემი ძალიან ახლო მეგობარი იყო. მართალია, მერე კონფლიქტი მოვევიდა და მასთან ბოლო ორი წლის მანძილზე არანაირი ურთიერთობა არ მქონია, მაგრამ მის ხასიათს და ბუნებას კარგად ვიცნობ: ის ყველანაირად ნორმალური გოგონა იყო, თუმცა ზოგჯერ აგრესიული და თავისებურიც. თავის ძმასთან და მშობლებთანაც ჩვეულებრივი, მშვიდი დამოკიდებულება ჰქონდა. რაც შეეხება აჩიკოს, იგი არაჩვეულებრივი ადამიანი გახლდათ – ჩუმი, წყნარი, ზრდილობიანი და, ამასთანავე, მორცხვი და მიაძიტი. გამარჯობას რომ ვეტყვოდა, თან წითლდებოდა... არავის მისგან გადაკრულად, უხეშად ნათქვამი ერთი სიტყვაც კი არ ახსოვს. ყველა კარგად ახსიათებდა, ყველა პატივს სცემდა მას ამ თვისებების გამო. დღესაც გვიჭირს იმის წარმოდგენა და დაჯერება, რომ აჩიკომ

ასეთი საშინელება ჩაიდინა... საერთოდ, ეს ოჯახი საკმაოდ კარგაკეტილად ცხოვრობდა. ურთიერთობა მეზობლებთან ნაკლებად ჰქონდათ. ამის მიზეზი ძირითადად აჩიკოს დედა – მანანა იყო, რადგან იგი კონფლიქტური პიროვნება გახლდათ და ხშირად მეზობლებთან ჩხუბი მოსდიოდა ხოლმე. მკვლელობის მიზეზი რა უნდა ყოფილიყო, არ ვიცი. ათასი ჭორი და ვერსია დადის, მაგრამ ზუსტად რა მოხდა იმ ოჯახში, ვერავინ ამბობს. მათი ბინის ქვემოთ მცხოვრები მეზობლის თქმით, ორი თუ სამი დღით ადრე, ვიდრე ეს ფაქტი გამოაშკარავებოდა, ძეგველიშვილების ოჯახიდან ვაყას ყვირილის ხმა გაუგია... ის კი დაუნახავთ, რომ აჩიკოს, ვიდაც მუშებთან ერთად, ვედროებით ზემოთ ქვიშა აჰქონდა, მაგრამ ეს საეჭვოდ არავის მოსჩვენებია, რადგან მშენებარე კორპუსში ვცხოვრობთ და უმეტესობას, მათ შორის ძეგველიშვილებსაც, სახლში რემონტი ჰქონდათ...“

თავდაპირველი ინფორმაციით, მკვლელობის შესახებ პოლიციამ ანონიმური ზარით შეიტყო. მეზობლები ამბობენ, რომ მათგან არავინ დარეკავდა, რადგან მკვლელობის ეჭვი არ გასჩენიათ. მათივე თქმით, ეს ამბავი პროკურატურას აჩიკოს მეგობარმა ბიჭმა შეატყობინა, რომელსაც მან მშობლების მკვლელობის შესახებ უთხრა და სთხოვა, მათ დამარხვაში დახმარებოდა...

„ყველაზე მეტად აჩიკოს დის – ნინოს საქციელი გვაოცებს. იმ დღეებში, როცა თურმე დედ-მამა უკვე დახოცილი ჰყავდა, მეზობლებთან, მეგობრებთან ჩვეულებრივად დადიოდა და სხვადასხვა თემაზე მშვიდად საუბრობდა. ოდნავი ნერვიულობაც არ ეტყობოდა. ახლა კი კახეთში, სოფელშია წასული... პროკურატურა რატომღაც მასში დამნაშავეს ვერ ხედავს. საინტერესოა, რატომ არავინ სთხოვს მას დედ-მამის მკვლელობის დაფარვისთვის პასუხს?“ – კითხულობენ მეზობლები.

ამ შეკითხვაზე პროკურატურის თანამშრომლებმა სისხლის სამართლის კოდექსი გადაგვიმალეს და ასე გვიპასუხეს: „შესაძლოა, ჩვენ ნინო ძეგველიშვილში დამნაშავეს ვხედავთ, მაგრამ კანონის შესაბამისად, იმ შემთხვევაში, თუ პირს მკვლელობაში მონაწილეობა არ მიუღია და მის დამოუკიდებლად შედეგის დადგომის შემდეგ თავის ახლობელს, ოჯახის წევრს დანაშაულის კვალის დაფარვაში დაეხმარა, ასეთი ქმედება მას მართლსაწინააღმდეგოდ არ ეთვლება და მის მიმართ სისხლის სამართლის პასუხისმგებლობის საკითხი არ დგება“...

საიდუგლოებით მოხული ეკვლეობა უნივერსალური

თბილისის ცენტრალურ უნივერსიტეტზე შარშან მომხდარი განმარტებული თავდასხმა, რომელიც პოლიციის თანამშრომლის მიერ ერთერთი თავდასხმელის მკვლელობით დასრულდა, ახლო მომავალში, შესაძლოა, სერიოზულ სკანდალში გადაიზარდოს: ახლანდელი ვაკე-საბურთალოს რაიონულმა სასამართლომ აღნიშნული სისხლის სამართლის საქმე ძიებაში დააბრუნა. 22 წლის პოლიციელის მიერ ჩადენილ ქმედებას ამჯერად ქალაქის პროკურატურამ უნდა მისცეს კვალიფიკაცია.



კახაბერ უსტარაშვილი

იყო თუ არა ყარაღი, მოკლული კახაბერ უსტარაშვილი?

მეზი სანაპა

თუმცა, საქმის ობიექტურად გამოძიების იმედი მეორე მხარეს – დაღუპულის ნათესავებს ნაკლებად აქვთ. ისინი ამტკიცებენ, რომ სინამდვილეში, უნივერსიტეტზე არანაირ თავდასხმას ადგილი არ ჰქონია და ნიჟარაძემ უსტარაშვილი უშიზეზოდ მოკლა. მათი თქმით, პროკურატურა ამჯერადაც მაქსიმალურად ეცდება, პოლიციელის „ტყავი არ დახიოს“ და მის მიერ ჩადენილ დანაშაულს „სამსახურებრივი მოვალეობის შესრულებისას აუცილებელი მოგერიება“ უწოდოს.

ფაქტი 2000 წლის 3 მაისს მოხდა. საქმის მასალების მიხედვით, თბილისში, სამგორის რაიონში მცხოვრები კახაბერ უსტარაშვილი და ზურაბ ძაძამია ლამის 2 საათისთვის მარჯანიშვილის ქუჩაზე მდებარე ცენტრალური უნივერსიტეტისკენ გაემართნენ. ცეცხლსასროლი იარაღებით შეიარაღებულები შეეცადნენ მალაზიის მეოთხე სართულზე ასვლას და იქაურობის გაძარცვას. (ერთერთი ინფორმაციით, უსტარაშვილი 1994-95 წლებში საქართველოში მოთარეშე საშიში ყაჩაღური დაჯგუფების ლიდერი გახლდათ.) სამართალდამცავთა ვარაუდით, დაყარალების ობიექტი უნივერსიტეტის მესამე სართული უნდა ყოფილიყო, სადაც, მათივე თქმით, ოქროულობის სექცია მდებარეობდა და იმ დღეს 8.000 ლარიც ინახებოდა. პროკურა-

ტურის ინფორმაციით, უნივერსიტეტის ეზოში (უზნადის ქუჩის მხრიდან) სწრაფი ნაბიჯით შემავალ ორ ახალგაზრდას იქვე მყოფმა პოლიციელებმა მაშინვე ყურადღება მიაქციეს. მათ ისინი საეჭვოდ მოეჩვენათ და ამის შესახებ სხვა თანამშრომლებს უთხრეს. ჩუღურეთის რაიონის საკუთრების დაცვის პოლიციელებმა – ნიჟარაძემ, უსანეთაშვილმა, თაქთაქიშვილმა და ბუჯიაშვილმა პირველად ზურაბ ძაძამია დააკავეს. ძაძამიას მათ პირადობის დამადასტურებელი მოწმობა მოსთხოვეს და რადგანაც არ აღმოაჩნდა, პოლიციის განყოფილებაში წაიყვანეს. შემდეგ კახაბერ უსტარაშვილის აყვანას შეეცადნენ. უნივერსიტეტის კიბეზე პოლიციელი – ვლადიმერ ნიჟარაძე აღიოდა, უკან კი მეორე თანამშრომელი მიჰყვებოდა, რომელიც გზას ფარნით უნათებდა. სწორედ, ამ დროს კახაბერ უსტარაშვილმა, როცა მიხვდა, რომ მის დასაკავებლად იყვნენ მოსულელები, იარაღიდან ნიჟარაძის მიმართულებით გაისროლა. ნიჟარაძემ საპასუხოდ ისროლა და უსტარაშვილი დაჭრა. ჭრილობა სასიკვდილო აღმოჩნდა, რადგან ტყვია პირდაპირ გულში ჰქონდა მოხვედრილი.

ვლადიმერ ნიჟარაძე თავის ჩვენებაში აღნიშნავს, რომ დაჭრილი ე.წ. მიხაილის საავადმყოფოში მანქანით თავად მიიყვანა. მისი თქმით, უსტარაშვილი ჯერ კიდევ ცოცხალი იყო, რადგან გზაში ხრიალებდა. როცა საავად-

მყოფოში მივიდა და დაჭრილი ექიმებს ჩააბარა, მათგან შეიტყო, რომ მას უკვე აღარაფერი უშველიდა, ხოლო როცა უსტარაშვილი გარდაიცვალა, იქაურობა დატოვა და წავიდა.

მომხდარ ფაქტთან დაკავშირებით, ჩუღურეთის რაიონის პროკურატურამ სისხლის სამართლის საქმე აღძრა. სამართალდამცავებმა კახაბერ უსტარაშვილსა და ზურაბ ძაძამიას ყაჩაღური თავდასხმისა და იარაღის უკანონოდ ტარების შესაბამისი მუხლები მიუყენეს. მათ უსტარაშვილი პოლიციელის მიმართ წინააღმდეგობის გაწევაშიც დაადანაშაულეს. თუმცა, აღსანიშნავია, რომ გამოძიება, ფაქტობრივად, არ ჩატარებულა, რადგან მალე პროკურატურამ 29 წლის კახაბერ უსტარაშვილის მიმართ აღძრული სისხლის სამართლის საქმე, მისი გარდაცვალების გამო, შეწყვიტა. გარდაცვლილის ნათესავებმა კი, მომხდარი ფაქტის გამოძიება კატეგორიულად მოითხოვეს.

ქანა უსტარაშვილი, გარდაცვლილის ნათესავი და მისი ინტერესების დამცველი ადვოკატი:

„კანონში არსებობს მუხლი, რომ თუკი გარდაცვლილის ახლობლები მოითხოვენ კონკრეტული საქმის გამოძიების გაგრძელებას, მაშინ სამართალდამცავები ვალდებული არიან, ასეც მოიქცნენ. თუმცა, მიუხედავად არაერთგზის ჩვენი ოფიციალური მოთხოვნისა, პროკურატურამ საქმის ძიება მაინც არ განაგრძო და გამოძიების შეწყვეტასთან დაკავშირებით ორი დადგენილება გამოიტანა. კანონი ითვალისწინებს იმასაც, რომ თუკი გარდაცვლილის ოჯახი არ ეთანხმება დადგენილებებს, შეუძლია ის გაასაჩივროს. ასეც მოვიქეციით – მივმართეთ სასამართლოს. პირველი საჩივარი ვაკე-საბურთალოს რაიონული სასამართლოს მოსამართლემ – ტაბატაძემ განიხილა. მან გააუქმა დადგენილებები და საქმეზე ძიების წარმოება მოითხოვა, რათა დადგენილიყო, ნამდვილად ჩაიდინა თუ არა კახაბერ უსტარაშვილმა ცენტრალურ უნივერსიტეტზე ყაჩაღური თავდასხმა. პროკურატურას მოსამართლის ასეთი გადაწყვეტილება, რა თქმა უნდა, არ მოეწონა და გაასაჩივრა – იმ მოტივით, რომ საჩივრის განხილვას მისი წარმომადგენლები არ ესწრებოდნენ. არადა, ამის უფლებას მოსამართლეს კანონი აძლევს... საჩივარი მეორედ კვლავ ვაკე-საბურთალოს რაიონულმა სასამართლომ განიხილა.

მოსამართლე თეიმურაზ ანდლულაძემ პროცესს ორივე მხარე დაასწრო, თუმცა იგივე გადაწყვეტილება გამოიტანა, რაც ტაბატაძემ“.

2000 წლის 3 მაისს მომხდარ ფაქტთან დაკავშირებით, ადვოკატმა ჟანა უსტარაშვილმა კერძო გამოძიება ჩაატარა. როგორც თავად დასძენს, მან პოლიციის თანამშრომლის – ვლადიმერ ნიჟარაძის საწინააღმდეგოდ სერიოზული მტკიცებულებები მოიპოვა. მისი თქმით, ნიჟარაძემ, რომელსაც პოლიციაში მუშაობა სულ რაღაც სამი თვის დაწყებული ჰქონდა, სამსახურებრივი უფლებამოსილება ბოროტად გამოიყენა და უდანაშაულო კახაბერ უსტარაშვილს ტყვეა დაუმსახურებლად ესროლა.

ჟანა უსტარაშვილი:

„ფაქტია, რომ უნივერსიტეტში არავითარი ყაჩაღური თავდასხმა არ მომხდარა. არ არსებობს დაზარალებული, უნივერსიტეტის არც ერთი თანამშრომელი თავდასხმაზე არ მიუთითებს, ოფიციალურად ისინი დაკითხულნიც კი არ არიან, საქმის მასალებით არც ის არის ცნობილი, საერთოდ ვის დაესხნენ თავს უსტარაშვილი და ძამაძია. არადა, პროკურატურა მათ სწორედ ყაჩაღურ თავდასხმაში ადანაშაულებს.“

შემთხვევის ადგილად სამართალდამცავები ცენტრალური უნივერსიტეტის მეოთხე სართულს ასახელებენ. მართალია, ადრე უნივერსიტეტის მთელი შენობა ეკავა, მაგრამ დღეს, ისევე, როგორც 2000 წლის 2 და 3 მაისს, იგი გაქირავებულია და ვაჭრობის სხვადასხვა ცენტრად არის დაყოფილი. უშუალოდ უნივერსიტეტის განყოფილებები კი, პირველ სართულზეა განლაგებული. ოფიციალური ვერსიით, მოქმედება მიმდინარეობდა უზნაძის ქუჩის მხრიდან შესასვლელ ეზოში, სადაც დგას სრულიად იზოლირებული სადარბაზო, რომლის მეორე და მესამე სართულებზე საპირფარეოებიცაა მოთავსებული. ოქროულობის სექცია, რაზეც პროკურატურა საუბრობს, იქ საერთოდ არ არსებობდა.

საინტერესოა ისიც, რომ ეზოში, სადარბაზოს შესასვლელთან დგას ჯიხური, სადაც დაცვის პოლიციელები სხედან. დაფიქსირებულია, რომ პოლიციელი იქ იმ დამთავრებულ იყო. თუკი უსტარაშვილსა და ძამაძიას უნივერსიტეტის დაყაჩაღება სურდათ, რატომ მაინცდამაინც პოლიციელებს ჩაუარეს გვერდით და ზუსტად იმ გზით დააპირეს იქ შესვლა, საიდანაც ისინი ყოველ ერთ

საათში იქაურობის შემოწმებას – ე.წ. „შემოვლას“ იწყებენ?

პოლიციამ შემთხვევის ადგილიდან თითქოსდა უსტარაშვილის კუთვნილი იარაღი ამოიღო, თუმცა მეტად რთული დასადგენია – სინამდვილეში, ჰქონდა თუ არა მას იარაღი? ბალისტიკურმა ექსპერტიზამ ეს ვერ დაადგინა. პისტოლეტზე არ არსებობს ანაბეჭდები. ნიჟარაძის თქმით, უსტარაშვილმა მას ესროლა, მაგრამ შემთხვევის ადგილას გასროლილი, შესაბამისი ტყვიის მასრა ვერ იპოვეს (გამომძიებლის თქმით, შემთხვევის ადგილიდან უსტარაშვილის მიერ გასროლილი ტყვიის მასრა ამოღებულია. ბალისტიკურმა ექსპერტიზამ კი გარდაცვლილის კუთვნილ იარაღზე მისი ანაბეჭდები დააფიქსირა).

ექვს იწვევს პროკურატურის მიერ დაფიქსირებული დროც. კანონი პოლიციის შესახებ გარკვევით მიუთითებს, რომ შემთხვევის ადგილას, პირის აყვანისას ან დაკავებისას, დაჭრილს პოლიციელმა დახმარება აუცილებლად უნდა აღმოუჩინოს. ნიჟარაძე ჩვენებაში აღნიშნავს, რომ მან დაჭრილი მანქანაში ჩასვა, ის ჯერ კიდევ ცოცხალი იყო და პირდაპირ მიხაილის საავადმყოფოში მიიყვანა. ჩვენ მივაკითხეთ საავადმყოფოს და აღმოჩნდა, რომ 2000 წლის 3 მაისს, ღამის 2 საათზე ვიღაც მამაკაცებს მიუყვანიათ უკვე გარდაცვლილი უცნობი და დაუტოვებათ. ექიმის თქმით, როცა ის რეანიმაციის განყოფილებიდან გამოვიდა, გარეთ, დერეფანში უკვე აღარავინ დახვდა. ექიმები იძულებულნი გახდნენ, დაეთვლიერებინათ გვამი, შეედგინათ აქტი და თან მის შესახებ პოლიციისთვის ეცნობებინათ.

ნიჟარაძეს რომ უსტარაშვილი საავადმყოფოში მიეყვანა, ამ ფაქტს, წესისამებრ, აუცილებლად იქვე დაფიქსირებდა. გარდა ამისა, გვამის დათვალიერების აქტში ექსპერტები უსტარაშვილის სხეულზე გვამური ლაქების არსებობის შესახებ წერენ. სპეციალისტების თქმით, ადამიანის სხეულს პირველადი გვამური ლაქები გარდაცვალებიდან 2-4 საათის შემდეგ უჩნდება. გამოდის, რომ უსტარაშვილი საავადმყოფოში მგზავრობისას ჯერ კიდევ ცოცხალი კი არა, კარგა ხნის მკვდარი იყო. შესაბამისად, შემთხვევა მოხდა არა ღამის 2 საათისთვის, როგორც ეს საქმის მასალებშია აღნიშნული, არამედ გაცილებით ადრე. ექიმები იმასაც დასძენენ, რომ უსტარაშვილი იმ ჭრილობით 15-

20 წუთსაც კი ვერ იცოცხლებდა“.

კანონის შესაბამისად, პოლიციის თანამშრომელს ოპერატიული ღონისძიების შესრულებისას უფლება არა აქვს ესროლოს ეჭვმიტანილს, თუკი მისგან სიცოცხლისათვის საშიში ქმედება არ ებუქება. საქმის მასალებში დაფიქსირებულია, რომ ასეთი ქმედება უსტარაშვილის მხრიდან იყო: მან ნიჟარაძეს ესროლა, რის გამოც გადარჩენილი პოლიციელი იძულებული გახდა, სროლითვე ეპასუხა.

ჟანა უსტარაშვილი:

„ეს პროკურატურის მიერ შეითხზილი ვერსიაა. რეალობა ერთი დეტალით დასტურდება: საქმის მასალების მიხედვით, უსტარაშვილის დასაკავებლად, ნიჟარაძე უნივერსიტეტის შენობის კიბით ზემოთ ადიოდა, მეორე პოლიციელი უკან მიჰყვებოდა. ნიჟარაძე შედგა თუ არა ბაქანზე, მაშინვე გასროლა მოხდა. უსტარაშვილი ზემოთ იდგა, ნიჟარაძე კი ქვემოთ. ექსპერტებმა კი გარდაცვლილის სხეულზე ზემოდან ქვემოთ გამავალი ჭრილობა დააფიქსირეს. გარდა ამისა, ტყვია ძალიან ახლო მანძილიდან – სულ 50 სანტიმეტრიდან არის გასროლილი. მე არ გამოვიცხვებ იმასაც, რომ შესაძლოა, უსტარაშვილის მკვლელობა უნივერსიტეტის შენობაში არ მომხდარა. გვამის დათვალიერების აქტში წერია, რომ გარდაცვლილის სხეულში სულ 160 მლ სისხლია ჰქონდა შემორჩენილი. ადამიანს კი, მოგეხსენებათ, 5 ლიტრამდე სისხლი აქვს. ე.ი. უსტარაშვილი ჯერ კიდევ საავადმყოფოში მიყვანამდე, სისხლისგან დაცლილი გახლდათ. შემთხვევის ადგილის დათვალიერებისას, 3 მაისს, დღის 8 საათზე კიბეზე არავითარი სისხლის კვალი არ იყო. იქაურობა არც არავის მოუწმენდა, თორემ ამასაც შეამჩნევდნენ. მაშ, სად დაიღვარა სისხლი? ამის თქმა მხოლოდ ნიჟარაძეს შეუძლია...“

პროკურატურას კი თავის დროზე ამდენი სიყალბის ჩაღვრა იმისთვის დასჭირდა, რომ როგორმე პოლიციელის ქმედება გამართლებული ყოფილიყო და მის მოქმედებაში დანაშაულის ნიშნები არ დაფიქსირებულიყო. ამ მიზნით მათ პრესისა და ტელევიზიის საშუალებით, გარდაცვლილისადმი ცილისმწამებლური ინფორმაციის გავრცელებაც კი სცადეს – თითქოს კახაბერ უსტარაშვილი 1994-95 წლებში ყაჩაღური ბანდის ლიდერი იყო. არადა, იმ პირებთან, რომელთაც პროკურატურა

ბანდის წევრებად ასახელებს, უსტარაშვილს არანაირი ნაცნობობა არ აკავშირებდა.“

კახაბერ უსტარაშვილი და ზურაბ ძაძაძია თბილისის ერთ უბანში ცხოვრობდნენ, ერთმანეთს სწორედ იქიდან იცნობდნენ. ორივემ პოლიციის აკადემია დაამთავრა და ისინი ერთ დროს პოლიციის თანამშრომლებიც იყვნენ. არც ერთი მათგანი ნასამართლევი ან მართლსაწინააღმდეგო ქმედებაში შემჩნეული ადრე არ ყოფილა.

თუმცა, როგორც გამომძიებლები აცხადებენ, ცენტრალურ უნივერსიტეტზე თავდასხმის გამო აღძრულმა სისხლის სამართლის საქმემ უსტარაშვილისა და ძაძაძიას მიერ ჩადენილი სხვა ექვსი ყაჩაღობის ფაქტი გამოაშკარაა. პროკურატურის ინფორმაციით, ეს დანაშაულები ზურაბ ძაძაძიამ აღარა. თავდაპირველ ჩვენებებში იგი აღნიშნავს: „პისტოლეტი მხოლოდ მე მქონდა, იგი ადრე თვითონ შევიძინე, უსტარაშვილს კი ჩემთვის არ უთქვამს იარაღი მაქვსო, შესაძლებელია ჰქონოდა“. თუმცა, საქმის მასალებში არსებობს ზურაბ ძაძაძიას

მიერ დაკავებიდან ერთი კვირის შემდეგ მიცემული ბოლო ჩვენება, სადაც ის სრულიად საწინააღმდეგოს აცხადებს. მისი თქმით, 2000 წლის 2 მაისს ის და კახაბერ უსტარაშვილი ვარკეთილიდან ერთად მოდიოდნენ. უსტარაშვილმა უთხრა, რომ თან ჰქონდა ორი იარაღი: ერთი მაკაროვის სისტემის, ხოლო მეორე უცხოური ფირმის წარმოების პისტოლეტი. მაკაროვის სისტემის იარაღი მან თავისთვის დაიტოვა, უცხოური პისტოლეტი კი ძაძაძიას მისცა. ისინი საქართველოში დროებით მცხოვრები ფრანგი მოქალაქის დასაყრდენად წავიდნენ, თუმცა განზრახვა სისრულეში ვერ მოიყვანეს, რადგან ხელი ვიღაც უცნობებმა შეუშალეს. იქიდან გამოიქცნენ და ცენტრალური უნივერსიტეტის შენობაში შევიდნენ.

საგულისხმოა ის ფაქტი, რომ შემთხვევას მოწმე არ ჰყავს. როგორც ზურაბ ძაძაძია დასძენს, იგი უსტარაშვილისა და პოლიციელების შეხვედრას არ შესწრებია, რადგან მანამდე დააკავეს და მამინვე განყოფილებაში წაიყვანეს. კახაბერ უსტარაშვილის ნათესავე-

ბი აცხადებენ, რომ ყველაფერთან ერთად, გარდაცვლილი გაჭურდულიც იყო. **ქანა უსტარაშვილი:**

„ის მუდამ ატარებდა ოქროს ჯვარს, რომელიც შავ თასმაზე ჰქონდა ჩამოკიდებული. საავადმყოფოში მიყვანილს, ჯვარი უკვე აღარ ეკეთა. ჯიბეში უნდა ჰქონოდა აგრეთვე თანხა – 100 ლარზე მეტი: 3 მაისს ეს ფული მას თავისმა ძმამ მისცა და სთხოვა, მისი შვილების სწავლის გადასახადი შეეტანა. აქტში არც ამის შესახებ არის რაიმე ნათქვამი. მიცვალებულს ჯიბეში მხოლოდ 1 დოლარიანი დაუტოვეს, რომელზეც რაღაც წარწერები ჰქონდა გაკეთებული...“

გარდაცვლილის ოჯახის ადვოკატი კატეგორიულად მოითხოვს ვლადიმერ ნიჟარაძის მიმართ პასუხისმგებლობის საკითხის დაყენებას. ნიჟარაძე ამჟამადაც ჩუღურეთის რაიონის პოლიციაში მუშაობს. მომხდართან დაკავშირებით კომენტარისთვის მასაც მივმართეთ, თუმცა ჩვენთან საუბარზე მან უარი განაცხადა.

25 წელი გყვითით თავეში

59 წლის ნიუ-იორკელმა მწერალმა ადრიან მილტონმა შემთხვევით მხარტყა თავი კარადას, ყოველი შემთხვევისთვის, ექიმს მიმართა და რომ დარწმუნებულიყო, სახიფათო არაფერი სჭირდა, თავის ქალის სურათიც გადაიღო. ფირის თვალღერებისას, გაკვირვებულმა ექიმმა წამოიძახა: „მილტონ... თქვენ თავში ტყვია გაქვთ!“ მილტონს დრო დასჭირდა, ვიდრე საკუთარი ცხოვრების თვალის გადაუღებინებდა, იმ ეპიზოდს გაიხსენებდა, რომელიც ამ საოცარ ფაქტს ახსნიდა: 1976 წელს კომპანიისთვის, სადაც მუშაობდა, იმ შენობის ფოტოსურათი უნდა გადაეღო, რომელიც ნავმისადგომის გვერდით მდებარეობდა. იქვე, ახლოს, ვიღაცები ჩხუბობდნენ. მოულოდნელად მილტონმა ტკაცუნის ხმა გაიგონა და თავის არეში მწვავე ტკივილი იგრძნო. გასისხლიანებული, შინ თავისი ფეხით დაბრუნდა, თავი შეიხვია და დაიძინა. გამოღვიძებულმა შენიშნა, რომ სისხლდენა შესჩერებოდა და მხოლოდ კოპი აჯდა. მან ჩათვალა, რომ ავურიის ნამსხვრევი მოხვდა და ექიმისთვის აღარც მიუძართავს. როგორც ჩანს, ადრიანს გაუმართლა, რადგან ასფალტიდან ასხლექილი ტყვია კანსა და თავის ქალას შორის იყო გაჩხერილი. ყველაზე საინტერესო კი ის არის, რომ მწერალი „შეჩვეულ“ ტყვიასთან განშორებას აღარც აპირებს...



აღ კაპონუს აღმოკალი 107 წლის ასაკში გარდაიცვალა

იტალიური წარმოშობის ცნობილი ჩიკაგოელი განგსტერის ალ კაპონეს ადვოკატი სულ ახლახან, 107 წლის ასაკში გარდაიცვალა. ჰირამ მენდლო 30-იან წლებში ალ კაპონესა და რამდენიმე სხვა ცნობილი განგსტერის დაცვის შემდეგ, ერთ-ერთი ყველაზე სახელგანთქმული ადვოკატი გახდა.

თავის პრაქტიკაში ყველაზე ცნობილ პროცესზე ადვოკატი, მინეაპოლისში 1935 წელს მომხდარი ამბოხების დროს მკვლელობაში ეჭვმიტანილ ამერიკელს იცავდა. მაშინ ჟურნალ „თაიმში“ გამოქვეყნდა ფოტო, რომელზეც მიწაზე მწოლიარე ადამიანის თავზე ბეისბოლის ჯოხით ხელში მდგარი ბრალდებული იყო გამოსახული. მენდლომ „მოკლული“, ცოცხალი და სრულიად ჯანმრთელი იპოვა და სასამართლოს მოწმედ წარუდგინა... საინტერესოა, რომ 100 წლის ასაკში მენდლო ჯერ კიდევ ადვოკატის პრაქტიკას ეწეოდა.

ქს დახვეწილი ქართველი ვაჟკაცი ალექსანდრე ბაგრატიონია. ის 45 წლისა გარდაიცვალა ფილტვების ანთებით. მისმა სიკვდილმა შეძრა მთელი ერი... დიდი კულტურის მატარებელი ალექსანდრე ბატონიშვილი, სოლომონ პირველის შთამომავალი, ერთნაირი სიყვარულით ეპყრობოდა ყველას – გლეხსაც და აზნაურსაც, ქვეშევრდომსაც და თანასწორსაც... არც გლეხის შეურაცხყოფას აპატიებდა ვინმეს, არც თავადიშვილისას.

და აი, რა სიტყვებით გააცილეს ალექსანდრე ბაგრატიონი: „ბაგრატ-სევასტოს, დავით აღმაშენებელი და დიდი მეფე თამარი... ისინი მხიარულებით გეღიან ახლა თავის უმცროსს, ერთს თავის სისხლ-ხორცთაგანს, ესე იგი, შენ, ბატონიშვილო ალექსანდრე, რომ მოისმინონ შენგან მხიარული ამბავი იმათი სამკვიდრო ერის აღორძინებისა. უეჭველია, შენ შეგიტკობენ თავის შარავანდედით მოსილს ნათელში და გამოგკითხავენ საქართველოს დღევანდელს ვითარებას: რა ამბავი უნდა მიუტანო მათ? – რომ დღეს ქართველი ერის სახელი ქვეყანას დაეწყვებია? რომ ქართველები დაწვრილმანებულან, გაცალკეებულან და სანუგეშო აღარა იხედება-რა მათში? – არა. შენ ასეთი ამბით არ უნდა შეაწუხო ისინი. ასეთმა ამბავმა არ უნდა გადააკრას მათს შარავანდედს შავი ღრუბელი. აბა, ძმებო ქართველებო, დღეს მოტირალნო! ახლა თქვენ უნდა მოემართოთ. ნუ გაუშვებთ ჩვენს საყვარელ ალექსანდრეს წინაპრებთან ისე, რომ სანუგეშო არა წაიღოს რა მათთან. მოდით, დღეს ჩვენ შევექმნათ ამის სახე-



წინაპარი.

დიდ წინაპართა უთამოშავალი

ლი უკვდავთ და გავხადოთ იგი ღირსეული შვილი თავის დიდებული წინაპრებისა. დარდით სავსე გაუშვით იმ ქვეყანას არა ერთი და ორი მამულიშვილი,

კარგი ვერაფერი დავაბარეთ სულეთში“... ეს სიტყვები 1895 წელს ითქვა. და, სამწუხაროდ, დღევანდელობასაც საოცრად ეხმიანება. ეს ფოტო-

სურათი კი სათუთად ინახავს სახეს გადასარჩენი ჯიშისა და გენის გასასხენებლად.

ლელა ჯიყაშვილი

ელდარ მამალაძე კერამიკოსია. მისი ნამუშევრები, რომელიც გასაიდუმლოებული ტექნოლოგიის გამოყენებით იქმნება, მრავალრიცხოვან მნახველთა გაცემას იწვევს. გამოყენებით ხელოვნებაში, ჭიქური კერამიკა, იშვიათ საქმედ ითვლება. ამიტომ, ამ დარგის სპეციალისტები თითზე ჩამოსათვლელები დარჩნენ. ერთი ნამუშევრის შექმნას ზოგჯერ თვეები სჭირდება. შექმნის პროცესში კი, კერამიკოსი უფრო მეტ შემოქმედებით წვას განიცდის, ვიდრე პოეტი ლექსის წერისას, რადგან თიხისგან დამზადებული საყოფაცხოვრებო პროდუქტი, მუზისა და ნიჭის გარდა, ხელობის უნაკლო ცოდნასაც მოითხოვს.



„საქმის რეზუმე“

ჩვენი არაბის სჭირდება

ნანუკა არაბული

ბატონი ელდარის გასაცნობად მცხეთაში ჩაველი. ის საოცრად მორიდებული და პოეტური ბუნების ადამიანი აღმოჩნდა. თუმცა, მისი პირველი მუზა, როგორც მე ვულოდი, მისივე თანაკლასელი, ფრადოსანი, ბავთიანი გოგონა არ აღმოჩნდა. თურმე ელდარ მამალაძეს ხატვა პროლეტარიატის მამბმა დააწყებინეს. ერთ მშვენიერ დღეს, კომკავშირის აქტივისტებმა პიონერ ბიჭუნას ხატვის ნიჭი აღმოუჩინეს, მისცეს ფანქარი და... მთელი ბავშვობა მარქსის, ენგელსისა და ლენინის თავების ხატვაში გაატარებინეს. კვლის გაზუიები და სააღმშრომლო ლოზუნგები ხომ, მისი გაფორმების გარეშე წარმოუდგენელი იყო. ცოტა მოგვიანებით, ოცკაპიკან მონეტებზე, ტყვიისგან სტალინის თავის ჩამოსხმა დაიწყო. ამ საქმემ გაიტაცა და სულ მალე ისე „დასპეცდა“, რომ სტალინის პატარა ბიუსტებისგან ბიზნესის „დატრიალება“ შესთავაზეს. მაგრამ მან ნაკლებად მომგებიანი არჩევანი ამჯობინა: მოხილა თიხა, გამოწვა ლარნაკები და ზედ სხვადასხვა ბუნებრივი საღებავით შეფერილი უძველესი ქართული ორნამენტები მოათავსა. დროთა განმავლობაში საქმე იქამდე მივიდა, რომ ელდარ მამალაძემ თიხაზე ფერთა შესამების ახალი ტექნოლოგია გამოიგონა. მის მიერ



მოხატული, კერამიკული ხელოვნების ნიმუში, 100 საუკუნის განმავლობაში, იმის მიუხედავად, თუ სად, რა პირობებში და როგორ იქნება დაცული, პირველყოფილ ფერებს შეინარჩუნებს.

გამომგონებელი კერამიკოსი აცხადებს, რომ ფერთა ნერთების შემადგენლობას, სამეკვდრო საიდუმლოების გრივით, თავის ვაჟიშვლს ვადასცემს. ვიორგი ჯერ მხოლოდ 6 წლის არის. ის მამის მოხედილი თიხისგან ძალიან სასაცილო, მოცეკვავე კურდღლებს ტერწავს და მიწაში ინახავს. ვინ იცის, იქნებ 100 საუკუნის შემდეგ, ეს უწყინარი ბავშვები ვიდაც არქეოლოგის აღმოჩენადაც იქცეს და სავონებელში ჩავალს. არც ის არის გამორიცხული, რომ მამა-შვილის შემოქმედებიდან, საქართველოში მხოლოდ ეს ყურცქვიტები დარჩეს, რადგან ბატონი ელდარის ნამუშევრებს, ძირითადად, უცხოელი ტურისტები ყიდულობენ. საქართველოში 50 ლარად შეფასებული სურა – „სამოთხის ჩიტები“ უცხოეთში 200 ლოლარად იყიდება. საქართველოში მოთხოვნა მხოლოდ „მხოზუა“, რომელსაც ხელში თავისზე დიდი ყანწი უკავია. ამიტომ მას სპეციალური ყალიბის მეშვეობით, სერიულად უშვებენ.

ამ სურასაც უცხო ქვეყნის გზას გაუყენებენ

ჩვენთან ჯერჯერობით, მხოლოდ მას აქვს გასავალი... უფრო სწორად — შემოსავალი. როგორც ბატონმა ელდარმა იხუმრა, ის ვალშია ჩვენებურ „მიხოსთან“, რადგან როდესაც „მუზაში გადავარდნილი“, კლიტურ ვაზებს დაჰკურგურებს, „მიხო“ კახური ერთგულებითა და სიალაღით „ინახავს“ მის ოჯახს. როდესაც 2-3 თვის ნაშრომს, პატარადღივით ყვლოდერებულ სურას უცხო ქვეყნის გზას გაუყენებენ, ელდარ მამლაძე, ისევ თავის „მიხოს“ და სხვა წვრილ-წვრილ სუვენირებს მიუბრუნდება ხოლმე.

ამ დროებს რა ვუთხარი, თორემ „სამოთხის ჩიტების“ შემქმნელი ოქროსხელებიანი კაცის ასეთ რამეზე მოცდენა, მართლაც რომ ბრალია!..

— ბატონო ელდარ, თქვენი ნიჭის წყალობით, ალბათ სკოლაში გამორჩეულ მოსწავლედ ითვლებოდით. ხატვის გარდა, თურმე ბრწყინვალედ ცვაკავადით და მღეროდით. საინტერესოა, სკოლის დამთავრების შემდეგ, როგორ წარმოართა თქვენი ცხოვრება?

— არა, არაფრით ვიყავი გამორჩეული. მთელი ბავშვობა, ახალ ჩანთასა და წიგნებს ენატრობდი, რომელიც არასოდეს მღირსებია. ყველაფერი უფროსი ძმის გამონაცვალის მქონდა. მაგრამ მაშინ ჩვენში უზომო ბავშვური სიხალისე სჭარბობდა, რასაც დღევანდელ ბავშვებში დავებ და ვერ ვპოულობ. ამიტომ, უფრო ადვილი იყო იმ პრობლემების დაძლევა კი, რაც ჩვენზე არ იყო დამოკიდებული. სკოლის დამთავრების შემდეგ ბევრი ნამუშევარი დამიგროვდა. ისე მქონდა ხელი გავარჯიშებული ლენინ-სტალინის ხატვაში, რომ ჩემი „შედეგების“ დათვალიერების შემდეგ სოხუმის სამხატვრო სასწავლებელში III კურსზე ჩამრიცხეს. მერე სამხატვრო აკადემიაც დავამთავრე და მუშაობა მცხეთის კერამიკულ ქარხანაში დავიწყე. 15 წლის განმავლობაში ვიყავი მთავარი მხატვრის თანამდებობაზე. ის დრო იყო, როდესაც სერიოზული მხატვრული ღირებულების ნაწარმოების ან დეკორატიულ-გამოყენებითი ხელოვნების ნიმუშის შექმნისათვის ყოველნაირი ტექნიკური პირობა იყო, მაგრამ ცენზურა საშუალებას არ გვაძლევდა, ნაკეთობებში ეროვნული და ისტორიული ხასიათის ორნამენტები და სიმბოლოები გამოგვეყენებინა. მაგალითად, აკრძალული

გვეკონდა ნაწარმზე ჯვრის გამოსახვა ან სხვა რელიგიური შინაარსის ჩადება. არადა, ქართული კერამიკული წარმოება ისტორიულად, სწორედ რელიგიურ თემატიკას ეფუძნება. ვფიქრობ, ადამიანი, რომელიც ხელით ზელს თიხას, ღმერთს ბაძავს და მას უახლოვდება... როგორც ღმერთმა შეიყვარა თავისი ქმნილება და მას სული შთაბერა, ისევე გვიყვარს კერამიკოსებს ყოველი ჩვენი ნახელავი. საოცარი თვისებების მატარებელია თიხა: ის ცოცხალი ადამიანივითაა, საუბრობს, მღერის, რაკრაკებს. არქეოლოგიური გათხრების დროს, ერთმა პატარა თიხის ფირფიტამ თუ ჭურჭლის ნატენმა, მთელი ეპოქის ამბები შეიძლება გადმოგვცეს.

— თუ აქვთ რაიმე საერთო მახასიათებელი კერამიკოსებს?

— ჩვენ „მიწიერი“ შემოქმედები ვართ: ჩვენი მასალაც მიწაა, თუმცა, მინც სხვა თვალთ ვუყურებთ სამყაროს. არ გჯერათ? აბა, გულწრფელად მითხარით, გზაზე რომ მიდხარო, რას უყურებ? რას აკვირდებით ხოლმე?

— სახლებს ვუყურებ, ადამიანებს ვაკვირდები — რა აცვიათ, როგორ გამოიყურებიან...

— აი, ხომ ხედავთ? ჩვენ კი სახლებს არ ვუყურებთ: კერამიკოსი, სადაც არ უნდა იყოს, მიწას დაჰკურებს — აკვირდება, სად არის „მჭლე“ ან „მსუქანი“ თიხა. ეს ჩვენი პროფესიული ტერმინია. იცით, რა გვესმის? ძახილი! თიხის ძახილი: მოდი, ხელი შემახე, წელში გამომიყვანე, მომრთე, მომკაზმე, გადამარჩინე, ამ ტალახიდან ამომიყვანეო... უცნაურია, არა? თითქოს შველას ითხოვს და მისი ხმა მართლმე მესმის.

— შემოქმედებით პროცესში როგორი ხართ?

— გაღიზიანებული. სანამ არ დავამთავრებ,

არავინ და არაფერი მინდა. როცა კმაყოფილი არ ვარ იმით, რაც გააკეთე, ან საერთოდ, როცა რაღაც რიგზე არ მაქვს, ერთ მცხეთელ მოხუც კაცთან მივდივარ. ის კაცი ბრძა. დავჯდები მასთან და დიდხანს ვსაუბრობთ. ის მეკითხება, მე კი ვპასუხობ, რატომ ვარ ბოლმიანი. ვეუბნები, როგორია ცა, ქალებს რა ფერის კაბები აცვიათ, ჩემი ფანჯრებიდან რა მოჩანს... დავმშვიდდები, ახალ ენერგიას მოვიკრებ და ისევ სახელოვნოში ვბრუნდები. თითქოს აღარ მაქვს უფლება, უსაქმოდ ვიყო. მე ხომ ვხედავ, ხელები მაქვს და შემიძლია, შემიძლია შეექმნა... და ისევ თავიდან იწყება ყველაფერი...

— ასე წვალებით შექმნილ ნამუშევრებს, თანაც ასეთ ლამაზს, სხვისთვის როგორ იმეტებთ?


— ამის პასუხად, ერთ საიდუმლოს გაგიმხვლით: გასაყიდად ვერ ვიმეტებ, თორემ, გაჩუქების პროცესი უდიდეს სიამოვნებას მგვრის. რომელი ნაკეთობაც ძალიან ლამაზი გამომივა, სწორედ მისი გაყიდვა არ მინდა და ისეთ ფასს დავადებ, რომ არ გაიყიდოს, მერე, როცა ვიღაც ალალი ადამიანი გამოვიღის — მას ვაჩუქებ ხოლმე. ამ საქციელით იმ მომენტში ჩემს თავს ვაჭყუებ, მაგრამ მერე, წლების შემდეგ, შემთხვევით, ისევ რომ გადავეყრები და საკუთარ ნახელავს წამიერად უცხოთ თვალთ შევხედავ, ვრწმუნდები: ის ტყუილი ღირს ამ ბედნიერებად.

— მერე თქვენი ოჯახის წევრები — მათ ესმით თქვენი?


— მე მოსიყვარულე ოჯახი მაქვს. ყველას გვესმის ერთმანეთის. არ გვაქვს ადვილი ცხოვრება, მაგრამ იქ, სადაც ნამდვილი სიყვარულია, პრობლემები უკანა პლანზე რჩება.



„საქართველოში მოთხოვნილება მხოლოდ „მიხომია“



ჩემი რესპონდენტი იმ ადამიანთა რიგს მიეკუთვნება, რომლებიც ცხოვრების მიძიმე და ხიფათიან გზას ირჩევენ და სიკვდილ-სიცოცხლის ზღვარზე უწევთ ხოლმე დგომა. ვანო გულუდანი 36 წლისაა. მესტიაში, სოფელ ლენჯერშია დაბადებული და, როგორც თვითონ ამბობს, მთების ტრფიალიც განეტიკურად დაპყვება... ვანო არაჩვეულებრივი მთხრობელია, თანაც, ყველა სხვა სიკეთესთან ერთად, ჟურნალისტიცაა.



მთხრობა და მთხრობის ხელოვნება

ნინო ჯაფარიძე

— დავამთავრე უნივერსიტეტის გეოგრაფია-გეოლოგიისა და ჟურნალისტიკის ფაკულტეტები. სად გეოლოგია და სად ჟურნალისტიკაო, მეტყვეო, მაგრამ ბუნებით ძალიან ცნობისმოყვარე ვარ — ყველაფერი მაინტერესებს. ორი წელი კაკასიის მინერალური ნედლეულის ინსტიტუტში ვმუშაობდი. ასპირანტურაშიც ვაგაგრძელებდი სწავლა, საკანდიდატოც მოვაძინა, მაგრამ რაღაც მიზეზების გამო, სამეცნიერო საქმიანობას თავი დავანებე. სპორტი ბავშვობიდანვე მიყვარდა — ალბათ, ამიტომაც ძიუდოსტიც ვარ (ბავშვებსაც ვავარჯიშებდი), ალპინისტიც და მასველიც — ე.წ. ექსპედიციების დროს ნებისმიერ სიტუაციაში შემიძლია დავეხმარო ადამიანებს. 10 წელი ვიმუშავე წითელი ჯვრის სამაშველო სამსახურში და ამ ხნის მანძილზე რა აღარ გადაამხდენია თავს...

— რატომ აირჩიე მაინცდამაინც ასეთი სიფათით აღსავსე გზა?

— ალბათ იმიტომ, რომ აქტიური სპორტსმენი, ალპინისტი და სპელეოლოგი ვიყავი (სპელეოლოგია მღვიმეთა კვლევა-ძიებას ნიშნავს) და მინდოდა, უფრო მეტი გამეკეთებინა. დიდი სურვილი მქონდა, დავხმარებოდი გაჭირვებულ ადამიანებს კრიტიკულ სიტუაციებში, ე.ი. გამოცდილება, რომელიც მთაში ექსპედიციების დროს დამიგროვდა, მიწისძვრების, კატასტროფებისა და ზვავების დროს, ადამიანთა გადასარჩენად გამოიყ-

ენებინა. წითელი ჯვარი პირველი სამაშველო სამსახური იყო, რომელიც სპორტის მიწისძვრის შემდეგ ჩამოყალიბდა. ასეულობით ოპერაციაში მიმიღია მონაწილეობა.

— როგორ უნდა იყოს პროფესიონალი მაშველი და თავად თუ ხარ პროფესიონალი მაშველი?

— სასურველია, რომ ის უპირველესად, პროფესიონალი მთამსვლელიც და მყვინთავიც იყოს და, აუცილებლად — კარგი სპორტსმენი. მაშველი ყველანაირ ტექნიკას უნდა ფლობდეს და, რაც მთავარია, კაცთმოყვარე უნდა იყოს: მზად უნდა იყოს, ნებისმიერ სიტუაციაში უანგაროდ დაეხმაროს გაჭირვებულს... როგორ გითხრა, პროფესიონალი მაშველი ვარ-მეთქი, ზომ არ ვიტარაბახებ?! ყოველ შემთხვევაში, ამის დიდი სურვილი კი მაქვს... ადგილობრივი სამაშველო ვარჯიშების გარდა, გავიარე სამაშველო კურსები იტალიაშიც, მონაწილეობა მიმიღია აგრეთვე ფრანგების, იტალიელებისა და ქართველების ერთობლივ სამაშველო წვრთნებშიც. წლების განმავლობაში რაზმის ხელმძღვანელი ვიყავი და რაზმიც ყოველთვის მომზადებული მყავდა — როგორც ტექნიკურად და ფიზიკურად, ასევე ფსიქოლოგიურადაც. ეს რაზმი დღესაც არსებობს, ოღონდ ტურისზმისა და კურორტების სახელმწიფო დეპარტამენტის სამაშველო სამსახურის დაქვემდებარებაშია. აქაც რაზმის ხელმძღვანელი ვარ, ექსპერტ-მაშველის კვალიფიკაცია მაქვს მონიჭებული.

— შენი პროფესიის გადამკიდე, უამრავ სიფათს გადაეცრებოდი. შიშის გრძნობა გქონია?

— შიშის გრძნობა მხოლოდ სულელს არ განუცლია. მაშველი, რა თქმა უნდა, მხდალი და მშობარა არ უნდა იყოს, მაგრამ სიფრთხილე არ უნდა დაავიწყდეს. სხვათა შორის, სამაშველო სამსახურის უპირველესი პრინციპია საკუთარი თავის უსაფრთხოება. მაშველი ოპერაციაზე არ უნდა გავიდეს, თუ ყველაფერი წესრიგში არა აქვს, რადგან შეიძლება საკუთარი სიცოცხლეც ჩააღლოს საფრთხეში და სხვასაც ვერ უშველოს. თუმცა რისკზე მაინც ხშირად წავსულვარ. ერთხელ მტკვარზე, სოფელ მირაშხანთან, დამხრჩვალს ვეძებდით. ჩავყვინთე და ყინულის საფრის ქვეშ, ძალიან ღრმად შევედი. მინუს 33 გრადუსი იყო ხოლმე დილაობით და ისე სქლად იყინებოდა წყალი, რომ ყინულს ველარაფრით დავამტკვრედი. მოკლედ, ვიპოვე თუ არა დამხრჩვალი, ჰაერიც გამითავდა. ასვლა კი დავიწყე, მაგრამ სადაც არ ამოვეყვინთე ყველგან ყინული მხვდებოდა... იცი, როგორ შემეშინდა? კიდევ გავცურე და კიდევ ვცადე წყლიდან თავის ამოყოფა — ისევ ყინული იყო... ვიფიქრე, მორევს უკან ზომ არ გავყვები-მეთქი. აღარ ვიცოდი, რა მექნა. ბევრი დროც აღარ მქონდა და გადავწყვიტე, ყინული ამოშეგეხა. იმ ყინულს რა ამოშეგეხა, მაგრამ ზომ გავიგონია — წყალწალბებული ხავსს ეჭიდებოდაო. საბედნიეროდ, მორიგი მცდელობა

წარმატებით დამთავრდა – მთელი ძალით ავარტყი თუ არა ყინულს თავი, უცებ მუხლებამდე არ ამოვხტი წყლიდან?! თურმე, სწორი მიმართულებით კი გამიცურავს, მაგრამ თვითონ ჩემს „მასკას“ დასდებია ყინული სქლად და ამიტომ იყო, ყველგან რომ ყინულის საფარი მხვებოდა... ისე, კაი გვარიანად კი შექმნიდა...

ერთხელაც თურმე ცარიელი ბალონით ჩავსულვარ წყალში. ხელსაწყო ისარი უჩვენებდა, რომ ბალონი საგზე იყო – თურმე, გაფუჭებული ყოფილა და 16 მეტრის სიღრმეზე გამოთავდა ჟანგბადი. წყლიდან უცებ ამოყვინთვაც არ შეიძლება, მაგრამ რას ვიზამდი, – შიში ოხერია: ბოლო 7-8 მეტრი ყოველგვარი წესების გარეშე ამოვცურე... საერთოდ, მაშველებს ყველაზე მეტი წყალქვეშა სამუშაო გაზაფხულობით გვაქვს ხოლმე. პირველი წყალდიდობები, წყალზე საბანაოდ გასვლა, სწორედ მაშინ იწყება და, საუბედუროდ, ბევრი ადამიანიც ეწირება.

— როგორც ვიცო, მაშველები 1991-92 წლებში მთავრობის სახლთანაც იყავით და დაჭრილები გამოგყავდათ იქიდან. ორივე მხარეს ქართველები იბრძოდნენ და თქვენც ალბათ ორივე მხარეს ეხმარებოდით...

– ბრძოლის დროს მაშველები მართლაც იქ ვიყავით და ხალხს, როგორც შეგვეძლო, ისე ვეხმარებოდით. დაჭრილები კი გამოგყავდა, მაგრამ ფაქტობრივად, „მოფარებულად“ გვიწვედა მუშაობა: თუ ოპოზიციის მხრიდან გამოგყავდა ვინმე, მთავრობის სასახლიდან გვესროდნენ და თუ მთავრობის სახლის მხრიდან – მაშინ ოპოზიცია არ იშურებდა ჩვენთვის ტყვიებს. წინა დღეს მაშველების „მეგობრები“ რომ იყვნენ, მეორე დღეს უკვე მტრები ხდებოდნენ და ტყვიებს გვიშენდნენ. წითელი ჯვრის გამოსახულებიანი მაშველთა ფორმა გვეცვა და ყველა გვეცნობდა, მაგრამ რად გინდა – მაინც არ გვინდობდნენ. ამიტომაც დაჭრილები ჩვენ შორისაც იყვნენ.

— ალბათ ძალიან მწარე გრძნობა გიპყრობდათ...

– სირცხვილის გარდა, სხვა რა უნდა იგრძნო?! საშინელება იყო: ქართველები ესროდნენ ერთმანეთს და გვესროდნენ ჩვენც!

— ქუბერის უღელტეხილზე აფხაზეთიდან დევნილთა დასახმარებლადაც ხომ იყავით?

– გაგშალეთ ბანაკები, სადაც ხალხს თავის შეფარება და დასვენება შეეძლო. ვუკეთებდით საჭმელს, ვეხმარებოდით უღელტეხილის ყველაზე რთული მონაკვეთის გადალახვაში... ესეც უსიამოვნო მოგონებაა.

— როგორც ვიცო, მაშველებს პროფესიული მოვალეობის შესრულება მთავრად ხშირად გიხდებოდათ ხოლმე.

– ზვავების დროს, ძირითადად, სამხედრო გზაზე, ჯვრის უღელტეხილზე, ხალხი რომ ჩარჩებოდა ხოლმე, მივიდიოდი და ვთხრიდით და ვთხრიდით თოვლს... ზოგჯერ ფეხითაც კი გვივლია თოვლში ჩამარხულთა მოსაძებნად. ახლა ამდენი წყალუბა და გაუკავალავ თოვლში ფეხით სიარული აღარ გვიწევს – სპეციალური თხილამურები გვაქვს, რომლითაც უფრო სწრაფადაც დადიხარ, არც თოვლში ეფლობი და დაღმართშიც კარგად მისერიალბ.

— როგორ ეძებთ თოვლში ჩამარხულ ადამიანებს? ეს ხომ ზღვაში წვეთის ძებნას ჰგავს...

– მაშველები ვდგებით მწკრივში და 3-4 მეტრიან ზონებს 50-50 სმ-ის დაშორებით ვარჯობთ. გამოცდილი ხელი კარგად გრძნობს, რას ზვდება ეს ზონდი – ქვას თუ ცოცხალ არსებას. თუ ზვავი ძალიან ღრმაა, ან ზუსტად უნდა იცოდეს, რომ მსხვერპლი ნამდვილად ამ ზვავშია, ანდა მთელი ბატალიონი დაგჭირდება მის გადასათხრელად. უცხოეთში ყველა მაშველთა ჯგუფს სპეციალური სასიგნალო მოწყობილობა (ტრანსსელევერი) აქვს, რომლითაც ძალიან ადვილად და სწრაფად იპოვი ზვავში ჩამარხულ ადამიანს. ყველაზე მძიმე თოვლის ქვეშაც ადამიანი 15 წუთის განმავლობაში ცოცხლობს, ხოლო თუ თოვლი ფაფუკი და მსუბუქია, მაშინ შეიძლება, რამდენიმე დღეც კი გაძლოს.

— თუ ყოფილა ისეთი შემთხვევა, დალუბვას რომ გადაარჩინე ვინმე?

– სვანეთში ვიყავით დაბანაკებულები. ერთი ალპინისტი მოვიდა და დახმარება გვთხოვა: თურმე, მწვერვალიდან რომ ეშვებოდნენ (სამნი ყოფილან), უცებ მოსწყდნენ და ორი მათგანი ბერგშრუნდში (ნაპრაალი ფერდზე ანუ ქვათაცვინის ზოლი) ჩავარდა. რაღას ვიზამდი – მეგობრებთან ერთად, ღამით ნაპრაალიანი პლატო გადავჭვერი და ორივე ამოვიყვანე – მძიმე მოტეხილობები ჰქონდათ, საერთოდ ვერ მოძრაობდნენ. არანაირი შანსი

არ ჰქონდათ, იქიდან ცოცხლებს გამოეღწეათ. თანაც, მეორე დღესვე ის ნაპრაალი თოვლისგან სულ გასწორებული იყო...

— დალაშქრული გაქვს უშბა, მხარა, აილამა, აღმაშენებლის ჩრდილოეთ კედელი, მღვიმე პიერსენ-მარტენი საფრანგეთში და მრავალი სხვა. შესრულებული გაქვს არაერთი რთული ასვლა ყაზბეგის რაიონში. რა არის შენთვის მთა და როგორ ეგუებიან მშობლები შენ ცხოვრების ასეთ წესს?

– შეიძლება ითქვას, რომ ალპინიზმი სპორტული აზარტია. ერთხელ რომ ასვალ მწვერვალზე, მაშინვე უფრო რთულ ასვლაზე ფიქრს იწყებ. ზოგიერთ მწვერვალზე 25-30-ჯერ მაინც ავსულვარ, მაგრამ ყველა ასვლაზე სულ ახალ-ახალ რაღაცებს „ვპოულობ“ ხოლმე იქ... სამხრეთ უშბაზე რომ ავედი და იქიდან მშობლიურ სოფელს გადავხედე, ყველაზე ბედნიერი მაშინ ვიყავი. ისე, სოფელში ყველას უკვირს, მეკითხებიან – რა გინდა ამ მთებში, რას დადიხარ, რას ეძებო... შეიძლება მთების ტრფიალი გენეტიკურადაც დამყვა: მამაჩემი მთამსვლელი იყო. მეორე მსოფლიო ომის დროს წითელარმიელები უღელტეხილებზე, ფაქტობრივად, ქლანებით, ყოველგვარი სპეციალური აღჭურვილობის გარეშე გადაჰყავდა. 1943 წლის თებერვალში კი იალბუზზეც ავიდა. მამაჩემი ძალიან კმაყოფილია ჩემი არჩევანით და ეამაყება კიდევ ეს. დედაჩემს სულ ეშინია, რამე არ მომივიდეს. შარშანწინ მხარაზე ასულეებს ამინდი გაგვიფუჭდა და ვეღარ ჩამოვდიოდით. თურმე დედაჩემთან სამი დღე



ერთგული პკითხველი

თქვენ, ერთგულ მკითხველს, უთუოდ გე-
მასსოვრებათ ჩვენი ჟურნალის სხვადასხვა
ნომერში დაბეჭდილი წერილების შინაარსი
და არც ამ ტესტის კითხვებზე გაგვიზორდ-
ებათ პასუხის გაცემა...

1. XVII საუკუნის გოლოს, როცა ფოსტა ყველასათვის ხელმისაწვდომი გახდა, საფრანგეთში 3 საფოსტო თანამდებობა შემოიღეს: კონტროლიორი, მინიხრაპი (ფანჯრის ნიხრის განმსაზღვრელი) და:



- ა) ამწონი;
- ბ) შემფუთავი;
- გ) განყოფილების უფროსი.

2. სად იმდებარებდა „მინიხრაპი“ (მინიატურული ძეგლების განმსაზღვრელი)?



- ა) ავსტრიაში;
- ბ) ავსტრალიაში;
- გ) გერმანიაში.

3. ვინ იმყოფებოდა არისტოტელე მონასიის გვირგვინით, მისი სიცოცხლის უკანასკნელ წუთებში?



- ა) ქალიშვილი კრისტინა;
- ბ) ჟაკლინ კენედი;
- გ) მარია კალასი.

პასუხები იხილეთ 61-ე გვერდზე

სამხიძარზე დადიოდა ხალხი — ყველას დაღუპული ვეგონე. ისეთი ნიაღვარი იყო, რომ ქვემო სოფლებშიც კი უამრავი ხიდი წაუღია. ჩვენ კი, ვითომ 5 დღით წასულეები, 9 დღე 5.100 მეტრზე ვიყავით მშვივრები და გამოდარებას ველოდებოდით. ძალიან ცუდი შეგრძნებაა, როდესაც მეხი სადღაც ყურის ძირში „გირტყამს“, ხოლო ჰაერი იმდენად დამუხტულია, რომ თმა კი არა, ლამის წარბებიც კი ყალყზე გიდვას...

— უკვე დიდი ხანია, რაც უცხოელებთან მეგობრობ — როგორც გიდას, უღელტეხილებზე, მწვერვალებსა და მღვიმეებში ტურისტთა ჯგუფები დაგყავს...

— უფრო მეტად უცხოელებს საქართველოს მთიანი მხარის ნახვა აინტერესებთ. ძირითადად ისეთი ხალხი მიმყავს, ვინც კარგად იცის და კარგად „გრძნობს“ მთას... რა ჯურის ხალხთან არ მქონია ურთიერთობა — გერმანელებთან, ამერიკელებთან, ესპანელებთან, ფრანგებთან, იტალიელებთან, ინგლისელებთან, რა ვიცი... ყველა თითქოს ერთმანეთს ჰკავს — მთაში ხომ ყველა თანასწორია. უცხოელებთან მუშაობა რომ დავიწყე, ინგლისურის სწავლასაც მაშინ მოვიკიდე ხელი. დღეს ანეკდოტებსაც ვუყვები უცხოელებს და სადღეგრძელოებსაც ინგლისურად წარმოვთქვამ... ჩვენებური მთა ყველა სტუმარს აღაფრთოვანებს და აოცებს, თანაც, უკვირთ, რომ დიდი გაჭირვების მიუხედავად, ქართველები მაინც გულდიად ვხვდებით სტუმარს და გულთბილად ვმასპინძლობთ: მთაში ყველა თავის ოჯახში გვეპატიჟებოდა ხოლმე.

— უცხოელები ალბათ კარგად გიხდიან ამ შრომის საზღაურს?


— გააჩნია, ჯგუფი რა სირთულის

მწვერვალზე მიგყავს. გასამრჯელო ამაზეა დამოკიდებული... თუმცა ჩვენს ხელფასებს თუ შევადარებთ, საკმაოდ კარგად მიხვდებიან.

— მოგზაურობისას კურორტები ჩვეულებრივი ამბავია. რამეს ხომ არ გაიხსენებდით?

— კურორტები, რამდენიც გინდა... მღვთა-კობის მონაკვეთზე რამდენიმე მანქანა ზვავებს შორის იყო მოქცეული და ხალხი ვეღარ გადმოდიოდა. მათ დასახმარებლად, ოპერატიულად წავედით მამულები, თან ტელეჟურნალისტიც გამოგვაციოლეს. გუდაურისკენ, სამხედრო გზაზე, თოვლსაწმენდი მანქანაც კი თოვლში იყო ჩაფლული. გზაც გასაწმენდი იყო და, ბუნებრივია, მანქანით მგზავრობასაც ვეღარ გავაგრძელებდით. ფეხით წასვლა გადავწყვეტეთ, მაგრამ მძლოლმა გვთხოვა: ოღონდ ეს მანქანა ამომაყვანიეთ და შუაღამეც რომ იყოს, გზას მე თვითონ გაგიკვალავთ, თქვენ კი უკან გამოიყვებით — ფეხით რატომღა უნდა იაროთო. ჭკუაში დაგვიჯდა. მთელი 4 საათი ნიჩბებით ვთხარეთ თოვლი და როგორც იქნა, მანქანაც ამოვათრეთ. იცი, რა ქნა მძლოლმა? ჩაჯდა მანქანაში, ნიჩბები აკეცა და წავიდა... გავემწარდით, მაგრამ რა გავმწარდით, მაგრამ რაღას ვიზამდით?! წამოვედით თბილისში, იმ დღეს მაინც ვეღარც ავალწევდით იქამდე. ყველაზე სასაცილო კი ის იყო, რომ თბილისში ჩამოსულებმა, ტელევიზორი ჩავრთეთ და გვესმის, დიქტორი აცხადებს: მღვთა-კობის მონაკვეთზე მოძრაობა არ არის, ხალხია ჩარჩენილი და მამულები, საბედნიეროდ, უკვე იქ არიანო... არადა, მამულები, დაღლილები და გამწარებულები, ისევ ოფისში ვისხედით... მხოლოდ მეორე დღეს მოვახერხეთ დაზარალებულთა დახმარება.






რამდენად გამომსახველობითი მენსიურება გაქვთ
რამდენად გამომსახველობითი მენსიურება გაქვთ
რამდენად გამომსახველობითი მენსიურება გაქვთ
რამდენად გამომსახველობითი მენსიურება გაქვთ

ძველად, დამწერლობის შემოღებამდე მსოფლიოს ბევრი ხალხი ე.წ. პიქტოგრაფიულ წერილებს იყენებდა. პიქტოგრამა არის სქემატური ნახატი, რომელიც სიმბოლურად გამოხატავს ერთ ან ერთდროულად რამდენიმე ცნებას. პიქტოგრამები იმდენად ზუსტი და გამომსახველი იყო, რომ მათი წაკითხვა და გაშიფვრა დღესაც ხდება.

სცადეთ, ჩაერთოთ თამაშში და ნახეთ, რამდენად შეგიძლიათ პიქტოგრამების შედგენა.

მოცემულია 20 ცალკეული სიტყვა ან სიტყვათა შეთანხმება. სათითაოდ წაიკითხეთ ისინი და ცალკე ფურცელზე აღნიშნეთ რაიმე მარტივი ნახატი-სიმბოლოთი ისე, რომ შემდეგ ადვილად შეძლოთ სიტყვის ან სიტყვათა შეთანხმების აღდგენა. დაიმახსოვრეთ: ნახატი უნდა იყოს ლაკონიური და მასში არ უნდა იყოს ასოები და სიტყვები!

- 1) მკურნალობა;
- 2) დამდნარი თოვლი;
- 3) ავადმყოფობა;
- 4) განშორება;
- 5) დაღლილობა;
- 6) რისხვა;
- 7) ძლიერი ძარი;
- 8) ლამაზი ადამიანი;
- 9) რთული გზა;
- 10) ემოცია;
- 11) მძიმე მრაველობა;
- 12) ნაპრძალი;
- 13) პრობლემა;
- 14) ბრბო;
- 15) წუხილი;
- 16) პატარა გოგონა;
- 17) კონსერვის ათვისება;
- 18) ძილი;
- 19) ყვირილი;
- 20) გადაწყვეტილების მიღება.



ახლა, დაახლოებით ნახევარი საათით, გვერდზე გადადეთ ნახატებიანი ფურცელი და სხვა საქმეზე გადაერთეთ, შემდეგ კი შეეცადეთ, თითოეულ სქემას შესაბამისი სიტყვა ან სიტყვათა შეთანხმება მიუწეროთ.

თუ შეძლებთ, აბსოლუტურად ზუსტად აღიდგინოთ 15 სიტყვა და სიტყვათა შეთანხმება, თქვენს შრომას უქმად არ ჩაუვლია: თქვენ ძალიან კარგი მენსიურება გაქვთ და დამახსოვრების ეს მეთოდი წარმატებით შეგიძლიათ გამოიყენოთ ყოველდღიურობასა და პროფესიულ საქმიანობაში.

გისურვებთ წარმატებას!

ღირსი დამიანე.

ხსენების დღე – 5 მაისი

ჯერ კიდევ დავით აღმაშენებლის მეფობისას მოიხვეჭა უფლისწულმა დემეტრემ სახელი და დიდება. 1117 წელს დავითმა იგი შირვანს გაგზავნა სალაშქროდ. ისეთი „ომნი და ბრძოლანი“ ქმნა ახალგაზრდა სარდალმა „რომელ ყოველნი მხედველნი მისნი განაკვირვანა“. აიღო ქალაქორის ციხე და ურიცხვი ტყვითა და ალაფით დაბრუნდა ძლევა-მოსილი. ამიტომ მეფე დავითმა იგი თავის სიცოცხლეშივე დასვა სამეფო ტახტზე. თავისივე ხელით დაადგა თავზე გვირგვინი და დაულოცა გზა გვირგვინოსანს. „სიბრძნით, სიწმინდით, ახოვნებითა და სიმხნით“ დემეტრე ჩემზე ბევრად უმჯობესი არისო – ასე სჯეროდა დიდებულ მეფეს.

1125 წელს ირანელებმა დავით აღმაშენებლის სიკვდილი მათთვის ხელსაყრელ დროდ ჩათვალეს და დმანისსა და ხუნანს შემოესივნენ. უშიშრად გაიჭრა ქართული ჯარით მეფე დემეტრე, მტერს ორივე ციხე დააგდებინა და დამარცხებული, საქართველოს სამანებიდან გადარეკა.

დემეტრე პირველი მხნედ შეუდგა მამის მემკვიდრეობისა და საქართველოს საზღვრების დაცვას. თანაც ცდილობდა, გაეფართოებინა სამეფო. დემეტრეს მეფობის დროს აღორძინდა ჰერეთი, სომხეთი, ტაშირი, ჯავახეთი, არტაანი და ტაოს ნაპირი, რომელიც მას შემდეგ, რაც დავითმა ჰერეთ-კახეთი შემოიერთა, თითქმის უკაცრიელი იყო.

თუმცა ვერც ძლევა-მოსილი მეფე დემეტრე გადაურჩა წუთისოფლის ბელუკუდმართობას. დავითიანთა კეთილ ძირს მიმსგავსებული მეფე შეთქმულებებისა და ღალატის მსხვერპლი შეიქნა. ჯერ დიდგვაროვნები აუმხედრდნენ ივანე აბულეთის ძის თავკაცობით. ისინი ტახტზე მისი ნახევარძმის – ვახტანგის (ცვატას) გამეფებას შეეცადნენ. საბედნიეროდ, დემეტრემ სწრაფად ჩაახშო ერთიანი საქართველოს ძლიერების წინააღმდეგ მიმართული ამბოხი და 1138 წელს განძამიც ილაშქრა დიდი წარმატებით. აიღო ქალაქი ჩამოსხნა ბჭეთაგან მისი ალაყაფის კარი და აღმაშენებლის დროს აშენებულ გელათს ჩამოიტანა (სადაც დღემდე ინახება).



მეფე. პოეტი და ზმინდანი

– მთქმელი

„შენ ხარ გენახისა“

1153 წელს კარნუ-ქალაქის (არზრუმის) ამირა სალდუხი შემოესია ანისს თურქთა უზარმაზარი მხედრობით. აქაც სასწრაფოდ დაიბრა დემეტრე მტერთან შესახვედრად და ქართველთა ძლევა-მოსილი გამარჯვებით დაასრულა ქალაქთან გამართული სისხლისმღვრელი ბრძოლა. აუარება თურქი მოისრა და უფრო მეტი ჩავარდა ამ ბრძოლაში ტყვედ. მათ შორის იყო თვით ამირა სალდუხი, რომელიც ერთხანს თბილისის ციხეში ჰყავდა გამომწყვდეული დემეტრე მეფეს, შემდგომ კი დიდსულოვნება გამოიჩინა, შეიწყნარა და გაათავისუფლა.

შემდეგ მეფეს ღვიძლი შვილი – დავითი აუმხედრდა, რომელიც ავადმყოფური ეჭვიანობით განიცდიდა მამის „გამორჩეულ სიყვარულს“ უმცროსი ძისადმი და სამეფო ჭორებს ეტანებოდა. 1155 წელს შვილის საქციელით გულგატეხილმა მამამ მოულოდნელად სამეფო ტახტი დატოვა და ბერად აღიკვეცა. დამიანეს სახელით, დავით გარეჯის უდაბნოში დაეყუდა და ბერის ანაფორით შემოსილი, სამონასტრო ცხოვრებას შეუდგა.

ტახტზე მემამბოხე დავით მეხუთე დაჯდა მეფედ, რომელმაც დიდხანს ვერ შეძლო სახელმწიფოს მართვა: სულ 6 თვის მეფობის შემდგომ, 1155 წელსვე გარდაიცვალა.

სამეფოს ინტერესებიდან გამომდინარე, დემეტრე ენერგიულად ჩაერია სახელმწიფო საქმეებში. კვლავ ავიდა ტახტზე და თანამმართველად ძე თვისი გიორგი გამოაცხადა. ამის შემდგომ აღარც თავად დემეტრეს უცოცხლია დიდხანს: 1157 წელს გარდაიცვალა და დარჩა ორი შვილი – რუსუდანი და გიორგი. სიკვდილის წინ მეფემ დავით აღმაშენებლის უზარმაზარი მემკვიდრეობა სრულად ჩააბარა თავის შვილს, საქართველოს ახალ ხელმწიფეს გიორგი მესამეს.

მაგრამ შთამომავლობამ არა მხოლოდ ღირსეული მეფობის გამო სცა თაყვანი დემეტრეს... უდაბნოში ბერად აღკვეცილმა მეფემ დაგვიტოვა ჰიმნოგრაფიის შესანიშნავი ნიმუშები, რომელთაგან ზოგიერთმა ჩვენამდეც მოაღწია. განსაკუთრებით ცნობილია შესხმა ღვთისმშობლისა – „შენ ხარ ვენახი“, რომელსაც დღეს არა მხოლოდ საქართველოში, მსოფლიოს სხვა ქვეყნებშიც გალობენ.

ანტონ კათოლიკოსის თქმით, დემეტრე იყო „გამომთქმელი სტიხთა მალალ შაირთა, რომელნიც დღესაც ჩანან აღწერილად“. იოანე ბატონიშვილი კი წერს, რომ „ის იყო მშვენიერი რიტორი, პიიტიკოსი და შემთხზველი უცხოთ შაირთა, რომელმან მრავალნი სწავლანი გამოთქკა“.

დემეტრეს ფრესკა გარეჯის მონასტრის კედელზე ყოფილა გამოსახული ჯერ კიდევ გასულ საუკუნემდე. შემდეგ კი დრო-ჟამს იარუყვია იგი. კეთილმსახური მეფის ფრესკა მაცხვარიშის (ლატალი) ეკლესიის მხატვრობამ შემოგვინახა.

წმინდა დამიანე თავის მიერვე დასრულებულ და ნაკურთხ გელათის მონასტერში იქნა დასაფლავებული.

სიბრძნით, სიწმინდით, ახოვნებითა და სიმხნით საღმრთოდ აღჭურვილო და მრავალთა სწავლათა გამომთქმელო ღირსო დამიანე, ევედრე ღმერთსა ჩვენთვის!

ნიკო ტარყაშვილი

1918 წლის ლენხუმის აჯანყება, ქვეყანაში საბჭოთა ხელისუფლების დამყარების მცდელობად იყო მიჩნეული. მოგვიანებით იგი „აგრარულ ამბოხადაც“ კი შეაფასეს. მაგრამ არც ერთი იყო მართალი და არც მეორე. ყოველივეს წამომწყებნი დეზერტირი ჯარისკაცები იყვნენ. მათ თავიანთი თვითნებობის დასაფარავად იგი ხელოვნურად — „საბჭოურ“ და „მუშურ-გლეხურ“ სამოსელში გაასვინეს.



ქახა მაისურაძე

1918 წლის ლენხუმის აჯანყება

აჯანყების პროლოგი
დეზერტირების,
ბოლშევიკებისა და
ეროვნულ-დემოკრატების
აღიანსი

ლენხუმი (ცაგერის რაიონი) იმდროინდელი პოლიტიკურ-ადმინისტრაციული დაყოფით, ქუთაისის გუბერნიის შემადგენლობაში შედიოდა — ცალკე, ლენხუმის მაზრის სახელწოდებით. იერარქიულ-ადმინისტრაციული ნიშნით კი უშუალოდ ქუთაისის გუბერნიის კომისარს ექვემდებარებოდა. ლენხუმის მაზრას განაგებდა ადგილობრივი კომისარიატი, რომლის სათავეშიც სოციალ-დემოკრატი ჭიჭიკო ასათიანი იდგა. აჯანყების წინ, მხარეში ასეთი ვითარება იყო შექმნილი. I მსოფლიო ომში (1914-1918 წ.წ.) რუსული ჯარების მარცხის შედეგად იქ თავი მოიყარა უამრავმა დეზერტირმა ჯარისკაცმა, რომლებიც კატეგორიულ უარს აცხადებდნენ ომში მონაწილეობაზე. იმდროინდელმა ამიერკავკასიის მთავრობამ ევგენი გეგეჭკორის მეთაურობით, ფრონტზე მათი დაუყოვნებლივ დაბრუნება მოითხოვა. სამისოდ იქ გაიგზავნა საგანგებო 50 კაციანი რაზმი სოციალ-დემოკრატი დელეგატების თავკაცობით, მაგრამ მთავრობამ უეცარი „წიკიპურტი“ მიიღო. მისი წარმომადგენლებისა და ადგილობრივი კომისარის — ასათიანის მიერ მოწვეულ პირველ კრებას დეზერტირმა ჯარისკაცებმა

ქვების სროლით უპასუხეს. ეს უკვე აჯანყების ნიშანი იყო. მართლაც, 1918 წლის იანვარსა და თებერვალში, მთელი ლენხუმის მასშტაბით, ფართო, ანტისამთავრობო გამოსვლა დაიწყო. დეზერტირებს მხარში ამოუდგნენ ადგილობრივი ბოლშევიკები, რომლებმაც ხელისუფლებისათვის ბრძოლაში პირვინდად დამარცხების შემდეგ, ეს ამბოხება მიზნის მიღწევის საუკეთესო საშუალებად ჩათვალეს.

ამავე პერიოდში შეიმჩნევა დეზერტირებისა და ეროვნულ-დემოკრატიული პარტიის წევრთა აშკარა აღიანსიც. ისმის კითხვა — რა საერთო ჰქონდათ ეროვნულ-დემოკრატებს ჯარიდან გაქცეულ დეზერტირებთან და, მით უმეტეს, მათ მხარდამჭერ ბოლშევიკებთან? მაგრამ, როგორც ჩანს, მათ შორის რაღაც საერთო მართლაც არსებობდა და ეს სწორედ დეზერტირებისადმი დამოკიდებულებაში გამოიხატა. კონკრეტულად, ცნობილია, რომ ბოლშევიკების მთავარი ლოზუნგი, „იმპერიალისტური ომის შეწყვეტა“ იყო, რაც ომში მონაწილე თითოეულ ჯარისკაცს ბრძოლის შეწყვეტისა და მტერთან დაზავებისკენ მოუწოდებდა. იგივე ითქმის ეროვნულ-დემოკრატებზეც, ოღონდ იმ განსხვავებით, რომ ისინი ამ პრობლემას უფრო ვიწრო, ნაციონალისტურ ჭრილში განიხილავდნენ, კერძოდ, ჯარში დეზერტირების დაბრუნებას ეწინააღმდეგებოდნენ იმ მოტივით, რომ „ქართველ ჯარისკაცებს,

უცხო ქვეყნის (რუსეთის) ჯარებთან ერთად ომებში მონაწილეობა არ უნდა მიეღოთ“. ამდენად, ბოლშევიკები და ეროვნულ-დემოკრატები მათი მხარდამჭერები აღმოჩნდნენ და ამ როლში ერთადაც გამოვიდნენ.

აღსანიშნავია, რომ აჯანყებულთა მხარე, ამ პერიოდში აშკარად დაიკავეს სასულიერო პირებმაც. ცნობილია, რომ ნაციონალისტ ამბროსი პირველთან, გიგა ჩიქოვანთან ერთად, აქტიურად თანამშრომლობდა ხუცესი მარგიანი, რომელიც ასევე ეროვნულ-დემოკრატიული პარტიის წევრი გახლდათ.

ბოლშევიკთა მხრიდან აჯანყების პოლიტიკური ხელმძღვანელობა თავის თავზე აიღო პარტიის ადგილობრივმა კომიტეტმა, რომელსაც დავით კოპალიანი, შარდენ ყურაშვილი, იულო კახიძე, ბეჟან კენჭაძე და სხვები ხელმძღვანელობდნენ.

საინტერესოა, რომ ბეჟან კენჭაძე ადრე სოციალ-დემოკრატიული (მენშევიკური) პარტიის წევრი იყო, მაგრამ ქრთამის აღების გამო, მაზრის კომისარმა ასათიანმა პარტიიდან გარიცხა. შემდეგ ეს ავანტიურისტი ჩინოვნიკი ბოლშევიკებთან გადავიდა და მათთან თანამშრომლობით სცადა ასათიანზე რევანშის აღება.

ლენხუმის 1918 წლის აჯანყება, მართლაც რომ კენჭაძისთანაა მედროვეების, ავაზაკებისა და მთავრობაზე განაწყენებული ელემენტების ინიციატივით მზადდებოდა.



სტეფანე ახმეტელი

აჯანყების კულმინაცია „ლეჩხუმის რესპუბლიკის“ გამოცხადება

დეზერტირ-ჯარისკაცთა მოძრაობამ ლეჩხუმის მაზრაში კულმინაციას 1918 წლის თებერვალში მიაღწია. 24 თებერვალს აჯანყებულთა შეიარაღებულმა რაზმებმა სამაზრო ცენტრი ცაგერი აიღეს. მაზრის კომისარ ჭიჭიკო ასათიანის მცდელობა, ადგილობრივი მილიციისა და გვარდიის დახმარებით შეენარჩუნებინა ქალაქი, უშედეგო აღმოჩნდა. აჯანყებულებმა ხელთ იგდეს მხარის მთელი ხელმძღვანელობა და მათ შორის ასათიანიც, დააპატიმრეს. ამასთანავე – ასათიანის მოადგილე რაზმაძეც, რომელსაც ბრალს სდებდნენ სახელმწიფო სახსრების მიტაცებაში. აღსანიშნავია, რომ დეზერტირთა ამბოხება ადგილობრივ მოსახლეობაში თავდაპირველად საკმაოდ დიდი მხარდაჭერით სარგებლობდა, რაც იმდროინდელ ლეჩხუმში არსებული მძიმე ეკონომიკური ფონის გარდა, ბოლშევიკთა მიერ გაჩაღებული გეგმაზომიერი დემაგოგიითაც იყო განმტკიცებული. მაგალითად, ავრცელებდნენ ყალბ სმებს: „მთავრობა აგზავნის რაზმს, რომელმაც ლეჩხუმში უნდა გადაწვას და ააოხროსო“ და სხვა.

ყოველივე ამას შედეგად მოჰყვა ის, რომ მალე მთელი ლეჩხუმი აჯანყების ალში იქნა გახვეული. მოსახლეობა პანიკით იყო მოცული და მასობრივად ტოვებდა საცხოვრებელ კერებს. „მშვიდობიანი მცხოვრებლები განიცდიან დიდ უბედურებას, ერთი მხრით ემზადებიან

საომრად და მეორე მხრით ქალებით, ბავშვებით და ქონებით მზად არიან გაეშურონ ტყესა და მთებში, რომ თავი დააღწიონ განსაცდელს“ – აღნიშნავდა გაზეთ „საქართველოსადმი“ გაგზავნილ წერილში ადგილობრივი ინტელიგენციის ერთ-ერთი წარმომადგენელი.

1918 წლის მარტის დასაწყისისთვის მთელი ლეჩხუმი მთავრობისაგან უმართავი იყო. ცაგერის აღების შემდეგ, აჯანყებულებმა მხარის ყველა სამთავრობო დაწესებულება ჩაიგდეს ხელში: დაეუფლნენ ფოსტა-ტელეგრაფს, დაწყვიტეს და გაანადგურეს სატელეგრაფო მავთულსადენები და ქუთაისის საგუბერნიო ადმინისტრაცია მთლიანად მოწყვეტეს ლეჩხუმის მაზრას. ამბოხებულებმა ცაგერში საზეიმოდ გამოაცხადეს „ლეჩხუმის რესპუბლიკის“ დაარსება. ცოტაც და, საკუთარ ჰიმნს, გერბსა და დროშასაც შეიმუშავებდნენ, მანამდე კი მთელი ლეჩხუმი „მარსელიოზას“ მღეროდა...

შექმნილი მდგომარეობა მთავრობისაგან საგანგებო ზომების მიღებას მოითხოვდა. თბილისის „მუშათა საბჭოს“ თავმჯდომარის გრიგოლ ურატაძის სანქციით, ქუთაისის გუბერნატორმა ივანე კარუხაშვილმა იქ საგანგებო 200 კაციანი გვარდიის ბატალიონი გაგზავნა. რაზმი საუკეთესოდ – ტყვიამფრქვევებითა და ჯავშნოსანი ავტომობილებით იყო შეიარაღებული, მაგრამ ლეჩხუმელებიც კარგად მომზადებულები და ორგანიზებული დახვდნენ. სამთავრობო ნაწილები ჯერ მიუვალ, ვიწრო ადგილებში შეიტყუეს, შემდეგ ზურგიდან დაესხნენ თავს და მთელი გვარდია „ტომარაში“ მოაქციეს. სოფელ ალპანასთან და ღვირიშის დელესთან მომხდარი შეტაკება მთავრობის ჯარისათვის სრული კატასტროფით დასრულდა. მათი ნაწილი ლეჩხუმელებს ტყვედ ჩაბარდა, ნაწილი კი მთლიანად განაიარაღეს და კინწისკვრით განდევნეს. აღსანიშნავია, რომ ამ ბრძოლაში ამბოხებულთა გამარჯვება იმანაც განაპირობა, რომ დეზერტირთა რაზმებს ავანგარდში მშვიდობიანი მცხოვრებლები – ქალები და ბავშვები ჰყავდათ დაყენებული, რის გამოც სამთავრობო ჯარმა ვერ გაუხსნა მათ ცეცხლი.

მიუხედავად ამ მარცხისა, მთავრობისთვის ყველაზე დიდი დანაკლისი მაინც რაზმის ერთ-ერთი მეთაურის,

ძველი სოციალისტისა და რევოლუციონერის, ლევან დადემქელიანის მკვლელობა იყო. იგი აჯანყებულებმა ჯერ სამშვიდობო მოლაპარაკების გამართვის მიზნით მიიწვიეს, ხოლო შემდეგ ზურგიდან დაესხნენ და მუხანათურად განგმირეს. ვერაულოდ მოექცნენ იმ ჯარისკაცებსაც, რომლებიც აღნიშნული სამხედრო შეტაკებების დროს აჯანყებულებს ტყვედ ჩაბარდნენ. მაგალითად, ცნობილია, რომ ბოსლებში გამოკეტეს და შიმშილითა და უსასტიკესი პირობებით ჰხდიდნენ სულს...

მდგომარეობა მართლაც კრიტიკული გახდა. ქუთაისის გუბერნატორმა ივანე კარუხაშვილმა აჯანყების ლიკვიდირება მხარის ბლოკადაში მოქცევით სცადა. საამისოდ პირველ რიგში მთელი ლეჩხუმი „კანონგარეშე“ გამოაცხადა. გუბერნიაში სამხედრო წესები შემოიღეს. ხაზინას, საგუბერნიო სასურსათო კომიტეტსა და მთავრობის ყველა დაწესებულებას ებრძანა, შეეწყვიტა ყოველგვარი კავშირი მეამბოხე მაზრასთან. ქუთაისის, ტყიბულისა და რაჭის მილიციის უფროსებს მითითება მისცეს, შეეკრათ ლეჩხუმისაკენ გასასვლელი ყველა გზა. „ეს იყო მინიმუმი იმ სისასტიკისა, რომელიც უნდა გამოგვეჩინა ლეჩხუმის მაზრის წინააღმდეგ. ვიმედოვნებ, ჩემ მიერ მიღებული ზომები გასჭრის და მალე ლეჩხუმში სრული წესიერება იქნება დამყარებული“ – აცხადებდა ივანე კარუხაშვილი.

მაგრამ, სამწუხაროდ, ასე არ მოხდა. მართალია, ლეჩხუმი გარე სამყაროსაგან მთლიანად იზოლირებული იქნა, მაგრამ ადგილობრივები თვითგამოცხადებული რესპუბლიკის დაცვას მაინც

ალექსანდრე მაქარაიაძე



განაგრძობდნენ. მათ წარმატებას ქუთაისის გუბერნიის ბოლშევიკური ორგანიზაციების მოქმედებამაც მნიშვნელოვნად შეუწყო ხელი. მაგალითად, ცნობილია, რომ ქუთაისის ბოლშევიკთა გაზეთი „ჩვენი ბრძოლა“, პირდაპირ მოუწოდებდა მოსახლეობას ამიერკავკასიის მთავრობის დამხობისა და ლენინის აჯანყებაში მონაწილეობისაკენ. ამიტომ მთავრობამ ეს ავანტიურისტული გაზეთი უმაღლეს დახურა. მთავრობამ აგრეთვე, შემოთავაზებულ შუამავლობაზე უარი განუცხადა იმ ე.წ. „ინტერპარტიულ კომისიას“, რომელიც ბოლშევიკებისა და ესერებისგან (სოციალისტ-რევოლუციონერები) იყო დაკომპლექტებული და მთავრობას მაზრასთან ურთიერთობის მოგვარებას ჰპირდებოდა.

რაც დრო გადიოდა, მით უფრო ცხადი ხდებოდა, რომ ბლოკადითა და მშვიდობიანი მექანიზმებით ლენინში კანონიერების აღდგენა შეუძლებელი იყო. საკითხი ძალას – ტყვიასა და ხმშტს უნდა გადაეწყვიტა. ასეთივე დასკვნამ გაიჟღერა ამიერკავკასიის მთავრობის (კომისარიატის) თავმჯდომარის ევგენი გეგეჭკორის განცხადებაშიც, როდესაც მან ლენინის აჯანყების მეთაურებს „ხალხის მტრები“ უწოდა და დასძინა: „დე იცოდნენ ხალხის მტრებმა, რომ ვერავითარი მსხვერპლი ჩვენ ვერ დაგვაფრთხობს და ვერავითარი ძალა ვერ დაგვაყრევინებს იარაღს“. ლენინის აჯანყების ჩასაქრობად, მთავრობამ მხარეში მორიგი სამხედრო ექსპედიციის გაგზავნა გადაწყვიტა. ყველასათვის ცხადი გახდა, რომ მეამბოხეთა დღეები დათვლილი იყო.

**აჯანყების ლიკვიდაცია
ცაგერის აღება და
ლენინმეტოა რაზმების
განადგურება**

აჯანყების ჩასაქრობად მთავრობამ სამხედრო მზადება ლენინში განცილებილი პირველი მარცხისთანავე დაიწყო. სამი-სოდე აქტიური სამხადისი ჩატარდა მთელი იმდროინდელი ქართული სამხედრო კორპუსის (ეროვნული ჯარის წინამორბედი) და სახალხო გვარდიის სარდლობაში. აღსანიშნავია, რომ ქართული სამხედრო კორპუსის ხელმძღვანელობა ამ დროისათვის მთლიანად გამოცვლილი იყო. 1918 წლის დასაწყისში გენერა-

ლი სტეფანე ახმეტელი კორპუსის უფროსის თანამდებობაზე შეცვალა გენერალმა ვასილ გაბაშვილმა, ხოლო გენერალური შტაბის უფროსად, გენერალ ალექსანდრე ზაქარიაძის ნაცვლად დაინიშნა გენერალი გიორგი კვინიტაძე. იმ დროისათვის მნიშვნელოვანი ცვლილებები ხდებოდა თვით ე.წ. „ლენინის რესპუბლიკაშიც“, როგორც ჩანს, ბლოკადამ თავისი მაინც გააკეთა და მხარის ეკონომიკურსა და საზოგადოებრივ ცხოვრებას დიდი დარტყმა მიაყენა. „მეტისმეტად უხერხულ და გამოურყვეველ მდგომარეობაში ვართ გახვეული საერთოდ ლენინის მცხოვრებნი და განსაკუთრებით ინტელიგენცია. ... მეცადინეობა სკოლებში ყოველად შეუძლებელი ხდება. გაზეთები აღარ მოდის, რომ გავიგოთ საქმის ვითარება. ისედაც ყოველი მხრით ჩამორჩენილი და მიყრუებული ქვეყანა საშინელ სურათს წარმოადგენს დღეს; შიმშილს, სიტუტვლეს და ათასგვარ უბედურებას თან მოჰყვება შიმშილიანობა“ – აღნიშნული იყო ცაგერიდან თბილისში გამოგზავნილ ერთ-ერთ კორესპონდენციაში.

მართლაც, მეამბოხეთა განადგურება გარდაუვალი იყო. წინააღმდეგ შემთხვევაში, ლენინში სრული კატასტროფა ემუქრებოდა. 1918 წლის მარტის ბოლოს, ამიერკავკასიის მთავრობის თავმჯდომარის ევგენი გეგეჭკორის სანქციით, იქ გაიგზავნა ქართული სამხედრო კორპუსისა და სახალხო გვარდიის საგანგებო შენაერთები გენერალ სუშბათაშვილისა და გენერალ ალექსანდრე ზაქარიაძის სარდლობით.

ამჯერად ქართული ჯარების სარდლობა აქტიურად იყენებდა სამხედრო ავიაციასაც. შეტევა ლენინში რამდენიმე მიმართულებით იქნა მიტანილი. სტრატეგიულად მნიშვნელოვანი ბრძოლა მოხდა რაჭის საზღვართან, სოფელ ნიკორისძირთან. ამ ბრძოლებში ქართულმა სამხედრო აეროპლანებმა, შეიძლება ითქვას, პირველი საბრძოლო ნათლობა მიიღეს. სასტიკად დაიბომბა სოფელი ნიკორისძირი. გამარჯვება სამთავრობო ჯარებს დარჩათ, ლენინმეტოა რაზმის მნიშვნელოვანი ნაწილი განადგურდა, ნაწილი კი ქართულ შენაერთებს ტყვედ ჩაბარდა. ტყვეთა შორის იყვნენ თვით მეამბოხეთა რაზმის სარდლებიც, ლენინმეტოაში ბენდელიანები. ამის შემდგომ ბრძოლებმა უფრო წვრილ-წვრილი, პარ-



ვასილ გაბაშვილი

ტიზანული ხასიათი მიიღო. მეამბოხეთა 700 კაციანი სამხედრო რაზმი თითქმის მთლიანად განადგურდა. გენერალ სუშბათაშვილისა და გენერალ ზაქარიაძის ნაწილებს ფართომასშტაბიანი საბრძოლო ოპერაციების ჩატარება აღარ უწევდათ. აპრილის დასაწყისში მთავრობის შენაერთებმა მინიმალური დანაკარგებით აიღეს სამაზრო ცენტრი ცაგერი. შტურმით იქნა აღებული აგრეთვე მეამბოხეთა მთავარი შტაბი სოფელ დეხვირში. აპრილშივე მოხერხდა აჯანყების სრული ლიკვიდაცია.

დამარცხებულთა მიმართ მთავრობის განაჩენიც უსასტიკესი იყო. აჯანყების ყველა ლიდერი გადაასხლეს ან სასტიკი წამებით ამოხადეს სული. ასეთი ხვედრი ერგო წილად, მაგალითად, იული კახიძეს: ცაგერის აღებისთანავე გვარდიელებმა იგი შეიპყრეს, გაბაწრეს და ადგილობრივი ადმინისტრაციის შენობაზე ფეხებით ჩამოკიდეს...

1918 წლის აპრილის მიწურულისთვის ლენინში თბილისის იურისდიქცია მთლიანად აღდგა. „ლენინის რესპუბლიკა“ დაეშო. მხარეში კვლავ სამაზრო ადმინისტრაცია ამუშავდა. ლენინის მაზრის ახალ კომისრად დაინიშნა ე. ლატარია. მხარის ბოლშევიზაციისა და ერთიანი ქართული სხეულიდან მოწყვეტის ცდა კრახით დასრულდა.

ამერიკის კინოაკადემიის პრიზებით — „ოსკარებით“ დაჯილდოების ცერემონია მომავალი წლიდან ლოს-ანჯელესში, ჰოლივუდის ბულვარზე, სახელგანთქმული ჩინური კინოთეატრისა და ვარსკვლავთა ხეივანის მახლობლად მდებარე ახალ შენობაში გაიმართება. მშენებლები უკვე ამთავრებენ 600 მლნ დოლარიანი ბიუჯეტის ათვისებას და მალე გიგანტური ნაგებობა დაჯაბნის მთელი ოლქის არქიტექტურას და, ავტორთა და დამკვეთთა აზრით, ამერიკის ცხოვრებაში კინო-მატოგრაფის რეალურ ადგილსამყოფელს დაანახვენს ქვეყანას.



ქართული მსახიობები გახიფეხებული სცენისტები



კინოაკადემიის შენობა ჰოლივუდელთა მაღლიერების ღირსეული გამოვლინებაა იმ დარგის მიმართ, რომელიც ერთიანი ამერიკის ეროვნულობის უმძლავრეს სახეს წარმოადგენს. უნივერსალური მითებითა და ემოციებით ვაჭრობამ საშემოსავლო პიკს მიაღწია: თითოეულ „ზღაპარს“ ასობით მილიონი დოლარი მოაქვს. რიდილი სკოტის „გლადიატორმა“ 186 მლნ „აწაპანა“ კინოს მოყვარულთ, სტივენ სოდერბერგის „ტრაფიკმა“ — 102 მლნ, ამერიკელი ენგ ლის ტაივანურმა პროექტმა — „მოთვალთვალე ვეფხვი, უხილავი დრაკონი“ კი 100 მლნ დააგროვა და ამერიკის კინომრეწველობაში ესოდენ დიდი შემოსავლით აღბეჭდილი პირველი უცხოური და

უცხო ენაზე გადაღებული ფილმი გახდა. თუმცა აქ აუცილებელია ისიც აღინიშნოს, რომ მასზე მეტ შედეგს (თუ 1965 წელს არსებულ ფასებსა და დოლარის კურსს გავითვალისწინებთ) მიაღწია 60-იანი წლების შედურმა ფილმმა — „ცნობისმოყვარე ქალი ვარ. ყვითელი“, რომელსაც პუბლიკა, როგორც პორნოგრაფიულს, ისე ეტანებოდა...
კინოწარმოება ძალზედ სწორად იქცევა, როცა არ იშურებს ფულს მათთვის, ვინც მაყურებელს კინოში იზიდავს — ე.ი. მსახიობებისთვის. გაზეთების საყვარელი თემებია — რამდენი მილიონი მიიღო „მისიაში“ ტომ კრუზმა ან „ტერმინატორში“ არნოლდ შვარცენეგერმა, რამდენად გაიზარდა ჰარისონ ფორდის

ჰონორარი ბოლო ფილმებში და რა შეიძინეს თავიანთი უზარმაზარი ჰონორარებით დემი მურმა და ბრიუს უილისმა, მანამ, სანამ ჯერ კიდევ ერთად ცხოვრობდნენ. ობივატელის ცხვირწინ „ფრიალებს“ ვეებერთელა ციფრები — 20 მლნ დოლარი, 30 მლნ... ამავე ციფრებსა და ცნობებს გამოცოცხლება და ინტერესი შეაქვს ჰოლივუდის ცხოვრებაში, ჭორ-მართლის კორიანტელში კი ხალხს ხშირად ავიწყდება, რომ მილიონერი ჰოლივუდში ყველა როდია. აბა, გავიხსენოთ, რამდენი ამერიკელი მსახიობი ჩნდება ჩვენ თვალწინ თუნდაც ერთი კვირის მანძილზე? ბევრი მათგანი ერთხელ თუ გვინახავს ეკრანზე, მათ დიდ ნაწილს საერთოდ აღარ შევხვდებით. არადა, ფილმის ბიუჯეტის მიუხედავად, მათი უმრავლესობა ნამდვილი პროფესიონალია, სამსახიობო ფაქულტეტები და კურსები აქვთ დამთავრებული და ბევრი შრომაც შეაღიეს ამ ურთულესი ხელობის ათვისებას. ისინი გადაღებულნი არიან სატელევიზიო სერიאלებში, რომლებიც ასობით საათს გრძელდება, მოკლემეტრაჟიანი ფილმებში, საკაბელო ტელეპროგრამებში, მცირე-ბიუჯეტური სურათებსა თუ სარეკლამო რგოლებში — ერთი სიტყვით, ყველაფერში, რაც ამერიკის მძლავრ კინემატოგრაფიულ სამყაროშია გაერთიანებული. ამიტომ ეს ადამი-

ანები კინომსახიობთა გილდიაში (SCREEN ACTORS GUILD, SAG) შედიან – ისეთ ვარსკვლავებთან ერთად, როგორებიც არიან რობერტ დენირო, კიმ ბესინჯერი, პორნო-მსახიობი რონ ჯერემი და მსოფლიოს საუკეთესო მეგოლფე ტაიგერ ვუდსი. გილდიას ათასობით წევრი ჰყავს და სწორედ ის იცავს მსახიობთა უფლებებს, კერძოდ – აიძულებს მწარმოებლებს, მათთვის საუკეთესო პირობები შეიტანონ კოლექტიურ ხელშეკრულებებში.

გილდიის წევრთა ერთობლივი შემოსავალი 2000 წელს 1,59 მლრდ დოლარს შეადგენდა (აქ მხოლოდ გილდიის მეშვეობით დადებული ხელშეკრულებებია გათვალისწინებული), ეს კი წინა წელთან შედარებით, 84 მლნ დოლარით ნაკლებია. გილდიამ გააანალიზა შექმნილი მდგომარეობა და გაირკვა, რომ შემოსავლების შემცირება კინოგაქირავებისა და სარეკლამო რგოლების სფეროში, აგრეთვე მესამე და უფრო მწირი მნიშვნელობის (ე.წ. BACKGROUND-ის) როლების გამო მოხდა. ვარსკვლავებისთვის უზარმაზარი ჰონორარების გადახდასთან ერთად უმსხვილესი კომპანიები ცდილობენ, რაც შეიძლება მეტად შეამცირონ რიგით მსახიობთა შრომის ანაზღაურება. საინტერესოა, რომ ყველაზე ხელსაყრელი, ტელესერიალებში გადაღება გახდა: ამ მსახიობთა ჯამურმა შემოსავალმა შარშან 624,1 მლნ დოლარი შეადგინა, რაც წინა წლის მაჩვენებელს 3,7%-ით აღემატება.

გილდიამ ძალზედ გაბედული ნაბიჯები გადადგა. პირველმა მძლავრმა გაფიცვამ, რომელიც 2000 წელს მოეწყო, კომპანიებს მილიონობით ზარალი მოუტანა. ამასთან, შტრეიკბრეხერებს – რომელთა შორის აღმოჩნდნენ ტაიგერ ვუდსი (გაფიცვის მიუხედავად, მონაწილეობა მიიღო თავისი სპონსორის სარეკლამო რგოლში) და ელიზაბეტ ჰერლი, – მკაცრად დაისაჯნენ: მათ საჯაროდ ბოდიშის მოხდა და 200-200 ათასი დოლარის ჯარიმის გადახდა დაეკისრა.

ამჟამად ახალი კოლექტიური ხელშეკრულებების დადების დრო ახლოვდება და ყველას კვლავ გაახ-

სენდა საშიში სიტყვა STRIKE (გაფიცვა). გილდიის მხრიდან მოლაპარაკებათა მონაწილეებს შორის არიან ქვეინ სპეისი, ვუპი გოლდბერგი, ჰოლი ჰანციერი და სხვა ცნობილი მსახიობები. „მსახიობებს გაფიცვა კი არა, შეთანხმების მიღწევა სურთ. მათი სურვილია, რომ ინდუსტრიამ კვლავაც გამართულად იმუშაოს“, – აცხადებენ ისინი.

მაგრამ ამით ყველაფერი როდი მთავრდება. საუკეთესო სცენარისტის „ოსკარით“ დაჯილდოებულ რამდენიმე წუთში, ქემერონ ქროუს კულისებში ჰკითხეს: „რას ფიქრობთ სცენარისტების გაფიცვაზე?“ და მან უპასუხა, რომ, რასაკვირველია, სოლიდარობას უცხადებს მათ, თუმცა ასეთ დღეს ამაზე ლაპარაკი უადგილოდ მიაჩნია.


კინოწარმოების ისეთ ფლაგმანებს, როგორიცაა „უოლტ დისნეი კო“, „დრიმ უორკს“, „უორნერ ბრაზერს“ მიაჩნიათ, რომ სცენარისტთა გილდიის მოთხოვნები დამლუპველია და მთელ ბიზნესს 1,6 მლრდ დოლარის ფასად დაუჯდება. თავად გილდია თავის მოთხოვნებს გაცილებით ნაკლებად – 450 მლნ დოლარად აფასებს. მათი მოთხოვნების შეუსრულებლობის შემთხვევაში, ზაფხულში კინომწერალთა გაფიცვა დაიწყება. პროფკავშირის წევრები მოითხოვენ, რომ თითოეული DVD-სა და ვიდეოკასეტიდან მათთვის გათვალისწინებული გადასახდელები 25%-ით გაიზარდოს, რაც ჯამურად, უახლოესი 3 წლის მანძილზე 200 მლნ დოლარს მიაღწევს (ამჟამად ისინი თითოეული დისკიდან და კასეტიდან 4-4 ცენტს იღებენ). არადა, სტუდიების აზრით, მწერლების შემოსავლები სულაც არ არის მცირე: გილდიის წევრი საშუალო სცენარისტი 203.744 დოლარს იღებსო – მაშინ, როდესაც გილდიის



შტრეიკბრეხერად მონათლული ლიმ ჰერლი თავს იმით იმართლებს, რომ გაფიცვის შესახებ არაფერი იცოდა და უხერხულ სიგუაიცაში საკუთარმა აგენტმა ჩააგლო

ვერსით, ეს მაჩვენებელი 84.000-ს არ აღემატება.

სცენარისტთა მოთხოვნებს შორისაა აგრეთვე: ფილმების გამოსვლიდან 3 წლის მანძილზე შემოსავლების მათი წილის 60,9 მლნ დოლარამდე და საკაბელო არხებიდან შემოსავლების 15-20%-ით გაზრდა. და თუ მხარეებმა შეთანხმებას ვერ მიაღწიეს, სულ ცოტა ხანში კიდევ ერთი გაფიცვა იფეთქებს. ამან კი, შეიძლება საგრძნობი ზიანი მიაყენოს ჰოლივუდის კინოწარმოებას.



აკაკი ვევენიავა

კორეის შესახებ, როგორც წესი, მხოლოდ ორი რამ იციან: ამ ქვეყანას სხვაგვარად, „აზორ ვეფსეს“ უწოდებენ, რომელიც შუა საუკუნეებიდან პირდაპირ XXI საუკუნეში გადახტა, და მეორე – კორეელები ძაღლის ხორცს ჭამენ...

კორეელები თავიანთ სამშობლოს „ჩიონსონს“ ეძახიან, რაც „დილის სიმშვიდის ქვეყანას“ ნიშნავს. ჩრდილოეთით მას ჩინეთი ესაზღვრება, ხოლო სამხრეთით – იაპონიას სრუტე აშორებს. პირველი ინფორმაცია ამ ქვეყნის შესახებ ევროპაში XVII საუკუნეში გამოჩნდა, როდესაც ერთ-ერთმა პოლანდიელმა მეზღვაურმა საზღვაო კატასტროფა განიცადა და კორეელებს ტყვედ ჩაუვარდა. მან რამდენიმე წელი იცხოვრა ტყვეობაში და მანვე პირველად აღწერა ამ ხალხის ცხოვრება. ამ ამბის შემდეგ ევროპაში დიდი ხნის მანძილზე, „დილის სიმშვიდის ქვეყნიდან“ მხოლოდ რაღაც ჭორები მოდიოდა, ვინაიდან ადგილობრივი მმართველები უცხოელთა მიღებას კრძალავდნენ და თუ მოხვდებოდა ვინმე იქ, შეიძლება მხოლოდ შემთხვევით დარჩენილიყო ცოცხალი... მხოლოდ 1834 წელს შეძლეს ფრანგმა მისიონერმა ბერებმა ქვეყანაში შესვლა, იმისათვის, რათა ქრისტიანული სარწმუნოება ექადაგათ... მიუხედავად კორეის ხელისუფალთა წინააღმდეგობისა, ისინი მაინც დადიოდნენ ლაშქრობით, იკვებებოდნენ ფესვებითა და ბალახებით, ითმუნდნენ ათასგვარ სასჯელსა და დამცირებას. სწორედ ამ ბერების წყალობით შეიღწყო ევროპამ ბევრი რამ კორეის შესახებ...

ჩემი თანამგზავრები

ჯგუფში სამნი ვიყავით. ბორისი „ახალი რუსების“ ტიპური ნიჟუში იყო, რუსეთში რამდენიმე მალაზია ჰქონდა და კორეაში ხელშეკრულების დასადგებად მოდიოდა. ისიც ჩემსავით პირველად უნდა ჩასულიყო ამ ქვეყანაში, მაგრამ ჩემგან განსხვავებით, არავითარ ემოციას არ ამჟღავნებდა... ძალიან მსუქანი – 150 კგ-ზე ნაკლები არ იქნებოდა, სულ ქოშინებდა და მუდამ რაღაცას აცმაცუნებდა. განსაკუთრებით, შემწვარი კარტოფილის „ჩიფსები“ უყვარდა, რის გამოც ზედმეტსახელად „ბორ-ჩიფსას“ ვეძახდი, რაც საკმაოდ აღიზანებდა... ერთი კვირა ერთად ვცხოვრობდით და მისგან 20 სიტყვაზე მეტი არ გამიგია. უმეტეს დროს ძილში ატარებდა, ან ჭამდა, ან უბრალოდ, ხმას არ იღებდა და მთელი დღე უხმოდ იჯდა...

სრულიად საპირისპირო ხასიათი ჰქონდა ვოვას. მას მოსკოვის ლომონოსოვის უნივერსიტეტის ადმოსავლითმცოდნეობის ფაკულტეტი ჰქონდა დამთავრებული. მშობლიური იყო იცოდა ჩინური, კორეული და იაპონური ენები, ენერგიული და სიცოცხლით სავსე კაცი იყო. მის პოლიგლოტობას ბევრი რუსუ-



როგორ მივიხსნათ „ახიყრი ვეფხვი“

როგორ შეიძლება ქართველი კაცი მოხედეს ისეთ შორეულ და უცხო ქვეყანაში, როგორიც არის კორეა? ჩემი მოუსვენარი ბუნების წყალობით, ამ ქვეყანაში წასვლის საშუალება მომეცა და, ცხადია, უწყომანოდ გამოგვიყენე თბილისში ვიდეოტექნიკის რეალიზატორთა შიდა უმძაფრესი კონკურენცია გაჩაღდა: ბუნებრივია, იაფიანი და ხარისხიანი ნაწარმის ჩამომტანი დანიშნაურდა. უნივერსიტეტში მოსკოვიდან ჩამოდიოდა. თანდათან, იმავე პროდუქციამ, ოღონდ გაც-

ილებით იაფად, ეგვიპტიდან და დუბაიდან დაინწყო შემოსვლა. მოსკოვიდან ჩამოსული აპარატურა აღარ საღებოდა, დილერებიც ფასს ვერ უკლებდნენ. უნივერსიტეტის ხელმძღვანელობა იძულებული გახდა, ახალი არხები „გაეჭრა“. მაშინ გადაწყდა, რომ კორეაში გაგზავნილიყავი ერთ-ერთ რუსულ სადილერო კომპანიას მოველაპარაკეთ, მოვამზადებ საბუთები და მის წარმომადგენელთან ერთად, სეულში გადავფრინდი...

ლი სადილერო კომპანია იყენებდა და ვოვაც თითქმის გააუღმებთ მივლინებებში დადიოდა...

- თვითმფრინავში ვკითხე:
 - მაგარი ქვეყანაა, არა, კორეა?
 - არის რა, დიდი არაფერი... საკმაოდ უცნაური ხალხია... – მშვიდად მიპასუხა.
 - ეს როგორ? – გამაკვირვა მისმა პასუხმა.
 - როგორი და, შეიძლება ისეთ უცნაურ სიტუაციაში ჩავარდე, რომ დაიბნე... ინგლისური თითქმის არავინ იცის და ეცადე, გვერდიდან არ მოშორდე... ერთი სიტყვით, ჩახვალ და შენი თვალით ნახე ყველაფერს... – თქვა მოკლედ და ეშმაკურად ჩაიღიმა.

სეულში ღამის 10 საათზე ჩავვდივით. სანამ აეროპორტიდან სასტუმრომდე მივიდოდით, ისეთი შთაბეჭდილება შემექმნა, თითქოს ჩვეულებრივ ევროპულ ქალაქში ჩავდი: სეული ულტრათანამედროვე ქალაქია – ფართო ავტომაგისტრალებითა და მრავალსართულიანი ცათამბჯენებით... აზიაში მაშინ იგრძნობ თავს, როდესაც რეკლამებზე, ლათინური ასოების ნაცკლად, იეროგლიფებს დაინახავ... ინგლი-

სურ წარწერას საერთოდ ვერსად ნახეთ...

ცოტა რამ გეოგრაფიასა და ისტორიაზე

მთელი ნახევარკუნძულის დასავლეთ ნაწილში, ჩრდილოეთიდან სამხრეთამდე გაჭიმულია მთები, რომლებიც პირდაპირ ზღვაში იჭრება. ადმოსავლეთ ნაწილი დაბლობია ქვეყნის ჩრდილოეთი კი – მთიანი. ქვეყნის დიდი ტერიტორია ტყით იყო დაფარული, მაგრამ დღეს თითქმის სულ გაჩენილია, ამიტომ ქვეყანაში მიღებულია კანონი, რომლის თანახმად, ნებისმიერი უკანონოდ ხის მჭრელი სიკვდილით ისჯება... კლიმატზე ვერ იტყვი, ზომიერიაო: ზამთარში საშინლად ცივა, ზაფხულში კი აუტანელი სიცხეა. ჩრდილოეთ ნაწილში თითქმის სულ ფიჭვნარია, ხოლო სამხრეთით ტროპიკული მცენარეები ხარობს. თითქმის მთელი სამხრეთი ბრინჯის პლანტაციებითა და ვენახებით არის დაფარული...

კორეაში რომელ შენობაშიც არ უნდა შეხვდე, ყველგან ვეფხვის სურათს ან ქანდაკებას მოჰკრავ თვალი: ეს მტაცებელი იქ

წმინდა ცხოველად არის მიჩნეული... ჩინელი ისტორიკოსების ცნობებით, წინათ კორეის ნახევარკუნძული დასახლებული იყო ჩრდილოეთის ველური ტომებით, რომლებიც მონღოლთა ნათესავებად ითვლებიან. სამხრეთ ნაწილში კი, მალაიზიის კუნძულებიდან წამოსული ადამიანები ცხოვრობდნენ. ამიტომაც, რა ხანმოკლე დროითაც არ უნდა იყო ჩასული ამ ქვეყანაში, უშეცდომოდ განასხვავებ ჩრდილოელ კორეელს სამხრეთელისგან...

თვითონ კორეელები თავიანთი სახელმწიფოს დამაარსებლად კი-ცხას თვლიან, რომელიც ჩინეთის იმპერატორთა გვარის წარმომადგენელი იყო. ის ქრისტეს შობამდე 1000 წლით ადრე მოღვაწეობდა. მან შემოიტანა ნახევარკუნძულზე ჩინური ცივილიზაცია, შეასწავლა მოსახლეობას მიწის დამუშავება, ბრინჯის მოყვანა. მანვე შემოიღო სახელმწიფო კანონები და სტრუქტურები. კორეაში ბევრი ტაძარი კი-ცხის სახელს ატარებს, ის წმინდანად არის შერაცხული...

ჩვენს წელთაღრიცხვამდე III-II საუკუნეებში ჩინეთის იმპერიამ რამდენიმე ომის შემდეგ კორეა დაიპყრო და თავის პროვინციად აქცია. აქედან იწყება ამ ქვეყანაში ჩინური ცივილიზაციის გავრცელება, რომელიც საუკუნეების მანძილზე გრძელდებოდა.

X საუკუნეში ჩინელები მონღოლებმა განდევნეს და კორეაზე გაბატონდნენ. XV საუკუნეში კი, იაპონელებმა გააძევეს მონღოლები და იქ თავიანთი კულტურის გავრცელება დაიწყეს. საუკუნეების მანძილზე ეს ხალხები ისე აირია ერთმანეთში, რომ დღეს, როდესაც კორეელი კორეელს ეცნობა, აუცილებლად დააყოლებს კითხვას – წარმოშობით სადაური ხარ, მონღოლი, იაპონელი თუ „სუფთა“ კორეელი?..

ერთგვარიანთა ქვეყანა...

კორეა იმ ქვეყნების რიგს ეკუთვნის, რომლებმაც სასწაული მოახდინეს მსოფლიო ეკონომიკაში. ქვეყანა რაღაც 10-15 წელიწადში ისე განვითარდა, რომ წამყვანი პოზიციები დაიკავა თითქმის ყველა სფეროში – განსაკუთრებით, რადიოტექნიკაში. თვით იაპონურ ფირმებსაც კი უჭირთ მათთან კონკურენცია... კორეელი კომერსანტები საკმაოდ სერიოზულ და საქმიან პარტნიორებად ითვლებიან მთელ მსოფლიოში.

ვოვას წყალობით, მოლაპარაკებები და შეხვედრები წარმატებით მიმდინარეობდა, რაც კარგ გუნებაზე მაყენებდა და იმის საშუალებაც მომცა, რომ დაგვეკვირვებოდი კორეელების საკმაოდ უცნაურ ქცევას...

პირველი შეხვედრით, ისინი შეიძლება მეტისმეტად წყნარ და უინტერესო ადამიანებადც კი მოგეჩვენოთ, მაგრამ ეს მცდარი აზრია. ჩვენი გაგებით, ისეთი კითხვა შეიძლება დაგ-

ისვან, რომ თმა ყალფზე დავიდგება. კორეელმა გაცნობისთანავე შეიძლება გკითხოს, რამდენი წლისაა შენი ცოლი, ან – რა ზომის ფეხსაცმელს ატარებს?... ასეთი კითხვები, აღმოსავლური გაგებით, არათუ უხერხულად არ ითვლება, არამედ ყურადღების გამოსატყვის საუკეთესო ფორმასაც წარმოადგენს... ეს ყველაფერი ვოვამ უკვე იცოდა და წინასწარ გაგვაფრთხილა, მე და ბორია, რომ არ გავკვირვებოდა... ამასთან დაკავშირებით ერთი კურორტული შემთხვევა მასხენდება.

საქმე კონტრაქტის აფორმებაზე მიდგა. ვოვა აწარმოებდა მოლაპარაკებას, მე და ბორია კი, ჩუმად ვისხედით, თუ ვოვა არ გვითარგმნიდა, ვერაფერს გავიგებდით. ერთ-ერთმა ტანმორჩილმა კორეელმა ჩვენდამი ყურადღების ნიშნად, ბორიას ჰკითხა – რამდენ კილოს იწონიო? ვოვამ გვითარგმა.

– ვიქნები ასე, 120-130 კილო, – გაიღიმა ბორიამ. კორეელმა ისევ ვოვასთან განაგრძო საუბარი.

გარკვეული დროის შემდეგ, კორეელი კვლავ მიუბრუნდა ბორიას და ახლა მისი ცოლის წონის საკითხის გარკვევა სცადა. ბორია დაიბნა, მაგრამ მაინც უპასუხა:

– იქნება ასე, 60-65 კილო.

– რა მაგარი სანახავი იქნებით ლოგინში!.. – ეს თქვა და ხითხითი დაიწყო...

ბორია გაწითლდა, ისეთი სახე მიიღო, ვიფიქრე, ახლა კი „გადაუვლის“-მეთქი კორეელს, მაგრამ ვოვა შევედრა – ძალიან გთხოვ, ყურადღებას ნუ მიაქცევ, თორემ დავიღუპებით... ყველაფერი წყალში ჩაგვეყრება!.. მე სიცილს ძლივს ვიკავებდი, იძულებული გავხდი, ოთახიდან გავსულიყავი...

კორეაში ყველაზე საინტერესო ის არის, რომ ყველას თითქმის ერთნაირი გვარი აქვს. ყოველი მეხუთე მოქალაქის გვარია „კი“, ხოლო ყოველი მერვესი „ლი“ და, რაც ყველაზე საინტერესოა, ეს „კიები“ და „ლიები“ არანაირ ნათესაურ კავშირში არ იმყოფებიან.

სეულის ქეჩებში

როგორც მოგზაურობაზე შეგვარებული ადამიანი, ყოველ საღამოს ქალაქის ქუჩებში გავდიოდი სასიეროდ... ბორია ჩვეულები-სამებრ, იძინებდა. ვოვა კი იმ დროს დისერტაციაზე მუშაობდა და წიგნებში იქექებოდა...

მიუხედავად იმისა, რომ საუკუნეების მანძილზე უცხოელებს კორეაში არ უშვებდნენ, მოსახლეობა ტურისტების მიმართ უაწყოფით დამოკიდებულებას არ გამოხატავს, პირიქით, ყურადღებას აქცევს მათგან განსხვავებულ ადამიანს და გულთბილადც უღიმის...

კორეელთა ერთ-ერთი ყველაზე უაწყოფითი თვისება, რასაც თითქმის ყველა ჩასული ადასტურებს, მათი ფიქნი ხასიათია. წონასწორობიდან გამოსულ კორეელს თავის შეკავება არ შეუძლია, ჩხუბის დროს ხმაბლადაა ყვირის და თვალის დაუხამხამებლად შეუძლია მოკლას მოწინააღმდეგე. ქუჩაში ყოველი გასვლისას, ხელჩართულ ჩხუბს შევესწარი... ყველაზე საინტერესო კი ის იყო, რომ ამ დროს პოლიცია არც ერთხელ არ გამოჩენილა. ჩემი გაოცება ვოვასთან რომ გამოეთქვი, მიპასუხა – ნუ გაგიკვირდება: კორეელებისთვის ჩხუბი ისეთი რამ არის, როგორც ჩვენთვის ხელის დაბანა, მთავარია, შენ არ ჩაერიო და არავინ შეგეხებაო...

ერთ საღამოს ვოვამ მოიკალა და სასიეროდ წამომყვია. ჩემდა გასაკვირვად, აშჯერად ბორიაც წამომგვყვა. დავათვალიერეთ სეულის ძველი უბნები, სადაც უხველესი ბუდისტური ტაძრებია... მთელი ქუჩები ბერებით იყო სავსე... ეს რაიონი მთელი ქვეყნის სასულიერო პირთა ცენტრია...

ვოვამ ისეთ ადგილებში წავგიყვანა, სადაც ტურისტები ძალიან იშვიათად ხვდებიან ხოლმე. ტურისტული ფირმებიც კრიდებიან იქ უცხოელების მიყვანას. ამის ერთ-ერთი მიზეზი ის არის, რომ იქ შეგიძლია შეუკვეთო ძაღლის ხორცისგან დამზადებუ-



კორეული ბაზრობა ბარეებზე



„სეულის ქუჩებში ყოველ საღამოს გავდიოდი...“

ლი კერძი, რასაც კორეელები აფიშირებას არ უკეთებენ... მთელი ამ სეირნობის განმავლობაში ბორიამ შეგვაწუხა: არაფერი აინტერესებდა, ერთი რამის გარდა – უნდოდა, კარგად ევახშმა... ბოლოს და ბოლოს, თავისი გაიტანა: რესტორანში შევედით. კორეული კერძები საკმაოდ გემრიელი აღმოჩნდა. ბორიას სახე უბრწყინავდა. ამაყობდა იმით, რომ შინ დაბრუნებული, თავის შვილებს მოუყვებოდა, როგორ მიირთვა რვაფენა და ზღვის ლოკოინა...

ვოვამ ემშაკურად ჩამიკრა თვალი და ოფიციალურ რაღაც შეკვეთა მისცა. მიმტანი შეიჭმუნხა... ვოვამ კიდევ რაღაც უთხრა და ისიც, უკმაყოფილო სახით გაგვეცალა. ცოტა ხანში საშუალო ზომის ქვაბი მოიტანეს, რომელიც მოშავო ფერის წვნიანი კერძით იყო სავსე. მე კი ვიცოდი, რა საჭმელიც იყო, მაგრამ მოვლენათა განვითარებას ველოდებოდი. ბორიამ ერთი თევზი რომ მოასუფთავა, ხელმოკრედ გადაიღო.

– როგორია, ბორია, მოგწონს? – ჰკითხა ვოვამ.

– რაც კარგია, კარგია... ამის გულისთვის ღირდა კორეაში ჩამოსვლა... – დეჭვუ-დეჭვით უპასუხა კმაყოფილმა ბორიამ.

– რამდენი შვილი გყავს, ბორია? – არ მოეშვა ვოვა.

– ორი. რომ წამოიზრდებიან, აუცილებლად ჩამოვიყვან...

უხერხული სიტუაცია ჩამოვარდა. ბორიამ თევზი შესამოდ აივსო. იმასაც ვერ ამჩნევდა, რომ ჩვენ ერთი კოვზიც არ გადაგვიღია.

– ძალი თუ გყავს? – ჰკითხა უუცრად ვოვამ.

– უჭუ... თანაც ორი: ბულტერიერი ჩემია, ხოლო ბალონკა – ჩემი ცოლის... ბულტერიერში 2.000 დოლარი გადავიხადე, ისეთი მაგარია, ყველა ძაღლს მოერია, ვისთანაც კი ვაჩხუბე...

– ვინმემ რომ აწყენინოს, რას იზამ? – კითხე მე.

– მაგის მომრევი არავინ არის – ვინ უნდა აწყენინოს?! – გაუკვირდა ბორიას.

– თუნდაც შენ – რომ მოგმივდეს და შეჭამო?... – ჰკითხა ვოვამ.

– ხომ არ გაგიფიქრებ – ძაღლის ხორცს რა შემაჭმევს?! – გაელიმა.

– რატომაც არა?! ახლა თუ ჭამ?... – ვოვამ თვალი თვალში გაუყარა...

თავიდან ბორიას რეაქციაც არ ჰქონია. მერე უცებ, თითქოს დენმა დაარტყაო – შეკრთა, ყველაფერს მიხვდა და სახე დამანჭა... წამოხტა და დარბაზიდან გავარდა – რა თქმა უნდა, საპირფარეოსი მიაშურა... სიცილისგან ლამის გავიგუდეთ, ნახევარი საათი ვერ გაჭერდით. ბორიაც არ ჩანდა...

– წავიდეთ, თორემ გადაგვივლის... – გაგაფრთხილე ვოვა.

– მართალი ხარ... – მიპასუხა ვოვამ და რესტორნიდან გავიპარეთ. იმ საღამოს, ბორიას შიშით, სასტუმროშიც აღარ მივსულვართ: მთელი ღამე სეულის ღამის კლუბებში გაგაზტარეთ...

სტუმრად ყოფნა ყველგან ხარგია...

რომ იტყვიან, საქმიანი მოლაპარაკებები „სუთიანზე“ ჩავატარეთ. უნებლიეთ თბილისელ კონკურენტებზე ვფიქრობდი: დარწმუნებული ვიყავი, რომ საქმე ჩვენს სასიკეთოდ წარიმართებოდა... კორეულმა კომერსანტმა, რომელთანაც ხელშეკრულება დავდეთ, შინ მიგვიპატიჟა.

ვოვამ მიაბო, რომ კორეული ოჯახი თავისებური მორალით ცხოვრობს: ისევე, როგორც ნებისმიერ აზიურ ოჯახში, ქალს აქ მეორეხარისხოვანი როლი ეკუთვნის. კორეული გაგებით, ქალი მდებილი არსებაა და მასთან ზედმეტი ლაპარაკიც არ შეიძლე...

კორეული სამზარეულო

ბა. ქმარი, რომელიც გარდაცვლილ მეუღლეს დაიტირებს, მოსახლეობაში დაცინვის ობიექტად იქცევა ხოლმე... ქმარს არავითარი ვალდებულება არ ეკისრება ცოლის წინაშე: მაგალითად, შეუძლია უღალატოს, რამდენიც უნდა, უფრო მეტიც – თავისუფლად შეუძლია სახლშიც მიიყვანოს საყვარლები...

მასპინძელმა, რომელსაც კი პაკი ერქვა, დიდებული სუფრა გავვიშალა. ჰოდა, მაგდას მისი მეუღლე კი არა, საყვარელი დასტრიალებდა...

რესტორანში მომხდარი ამბის შემდეგ ბორია საერთოდ არ გველაპარაკებოდა. კერძებსაც დიდი ყურადღებით აკვირდებოდა. სანამ მე და ვოვა არ გადავივდით, მანამდე კერძს არ ეკარებოდა... კორეელთა საყვარელი სასმელი ბრინჯის არაყია. სასიამოვნო დასალევი ნამდვილად არ არის, მაგრამ მაღალგრადუსიანია. თამადა, რა თქმა უნდა, მე ვიყავი და შეძლებისდაგვარად მოვილხინეთ კიდევ... გრადუსმა თავისი გაიტანა და ბოლოს ბორიაც შეგვირიგდა.

– ეს რა მიქნით მინც, ა, როგორ მაჭამეთ ძაღლის „ბორში“?! – გადამხვია ხელი ბორიამ.

– ზოგი ჭირი მარგებელია, ბორია – დანამდვილებით ვიცი, რომ მამაკაცურ პოტენციას აძლიერებს... – მივუბრუნდი და შუბლზე ვაკოცე.

– არა, რა, უბედურები ხართ ეს ქართველები. ჯერ გააგიყვებთ კაცს და მერე კოცნით. იმედია, არავის ეტყვი, რაც მომივიდა... – „ჩააწყო“ საქმე ბორიამ ჩემთან.

– იმედია, არ ვიტყვი – კაცნი ვართ, ხომ იცი, ყველაფერი ხდება... – ჩემებურად „დავაიმედე“...

სეულში დარჩენილი ორი დღეც გავატარეთ და მოსკოვში დავბრუნდით. აეროპორტიდან ბორიამ თავის სახლში გამაქანა. ერთკვირიანი „პატიმრობის“ შემდეგ ძლივს ჩამოვალწიე თბილისში. კიდევ ერთი კვირა კი, ნაპასუსევი ორგანიზმის ფორმად მიიყვანას მოვანდომე...

1996 წ.



თავის დროზე ჯეროლამო კარდანოსთვის რომ ეკითხათ, მისი აზრით, რით შეძლებდა თავისი სახელის უკვდავყოფას – უყოყმანოდ უპასუხებდა: ასტროლოგიით. XVI საუკუნეში ეს სფერო კვლავ სერიოზულ ფუნდამენტურ მეცნიერებად ითვლებოდა და სწორედ მას მიუძღვნა კარდანომ თავი, სწორედ მეცნიერების ამ დარგში წამოაყენა რევოლუციური იდეები. სრულყოფილებამ, რომელსაც ჯეროლამომ ასტროლოგიაში მიაღწია, საშუალება მისცა განესაზღვრა, რომ თვითონ ორმოცდახუთი წლის ასაკში მოკვდებოდა. თუმცა, როცა დრო დადგა და წინასწარმეტყველების ავტორი ისევ სალსალამათი იყო, მეცნიერი მიხვდა, რომ არასწორად გაიანგარიშა და სინამდვილეში სიკვდილი სამოცდათხუთმეტი წლის ასაკში ელოდა.


ასტროლოგია რომ არა, კარდანოს მედიცინა მოუტანდა დიდებას. უკანონოდ შობილი ჯეროლამო უდიდეს წინააღმდეგობებს წააწყდა სამედიცინო განათლების მიღების დროს და განსაკუთრებით მაშინ, როცა საექიმო კორპორაციაში გადაწყვიტა მოხვედრა. თუმცა 38 წლის ასაკში მაინც აისრულა წადილი და არნახულ დიდებას მიაღწია. ხოლო როცა ინგლისელი ეპისკოპოსი განკურნა, მიუღი ევროპიდან მაცდუნებელი წინადადებები მიიღო. მან დანიის მეფის მიწვევაც კი უარყო და საერთოდ მიატოვა სამედიცინო პრაქტიკა, რადგან ახალი გატაცება – მათემატიკა გაუჩნდა.

მათემატიკა კი ნამდვილად შეიძლება ჩაითვალოს იმ სფეროდ, რომელმაც ჯეროლამო კარდანოს სახელი უკვდავყო. მას იტალიის რამდენიმე უნივერსიტეტის კათედრა დაუთმო, გამოუშვა სამეცნიერო ენციკლოპედია „სავანთა ცვლილების შესახებ“ (მასში სხვა საკითხებთან ერთად, პირველად არის აღწერილი თავსატეხების ამოხსნის ხერხები). ჯეროლამო ნატურფილოსოფიასა და ალგებრასაც სწავლობდა, 1545 წელს მან მეცნიერებაში მესამე ხარისხის არასრული განტოლების ამოხსნის ფორმულა შემოიტანა, რომელსაც მისი სახელი დაერქვა. თუმცა, მოგვიანებით აღმოჩნდა, რომ ეს ფორმულა სხვა მათემატიკოსის, ტარტალიეს შექმნილი იყო. მან კარდანო პლაგიატობაში დაადანაშაულა. სკანდალის შედეგად, სახელგატეხილი ჯეროლამო განდევნეს, სარჩელებით გააკოტრეს და სამოცდაათი წლის ასაკში,



jerolamo kardano

მსხრად ავადმჯობეობა და მათემატიკის ნამდვილი



ვალების გამო, ციხეში გამოამწყვდიეს. მასხრად ავადმჯობეობი და შეჩვენებული კარდანო თავისი მთავარი საქმის – ასტროლოგიის ერთგული დარჩა. თუ მისი გაანგარიშებები ამჯერად სწორი იყო, ის სამოცდათხუთმეტი წლის ასაკში უნდა მომკვდარიყო და ამით დაემტკიცებინა, რომ ამ სფეროში მაინც რჩებოდა უცილობელ ავტორიტეტად და როცა დათქმული, სამოცდათხუთმეტი

წელი ილეოდა, ჯეროლამო კარდანომ უარი განაცხადა საკვების მიღებაზე და 1576 წლის 21 სექტემბერს, თავისი წინასწარმეტყველების სისწორის დასადასტურებლად, შიმშილისგან გარდაიცვალა.

სიკვდილის წინ ეს დიდების მაძიებელი ალბათ თავს იმით ინუგეშებდა, რომ მისი სახელი საუკუნეების მანძილზე არ მიეცემოდა დავიწყებას.

ჯეროლამო მართალი აღმოჩნდა: კარდანოს სახელი ნამდვილად უკვდავი დარჩა, ოღონდ არა ადამიანის ბედზე ვარსკვლავების გაგულების გამოკვლევების, არამედ მარტივი ნივთის წყალობით, რომელიც მოცალების ჟამს მოიფიქრა: ჯეროლამოს ერთხელ სთხოვეს, გემის კომპასისთვის ისეთი საკიდარი მოეფიქრებინა, რომ ნებისმიერი სიძლიერის ლეღვის მიუხედავად, ხელსაწყო ყოველთვის ვერტიკალურ მდგომარეობაში ყოფილიყო.

კარდანომ სახსროვანი მექანიზმი შექმნა, რომელიც შედგომაში სხვა მიზნისთვის – კერძოდ, ორი ლიღვის ცვლადი კუთხით საბრუნავად გამოიყენეს. დღეს ნებისმიერი ავტომობილი ფანატკოს იტალიელ ასტროლოგს თავისი კარდანის ლიღვის მექანიზმით განაღვიდეს. ■



სამხრეთკორეული ავიალაინერის ბრაზუდია



ანა კორკოლიანი

1985 წლის ზაფხულში იაპონიის ავიაკომპანიის „ბონგ 747“ პარიზი-ტოკიო მოსკოვის გავლით მიფრინავდა საჰაერო დერეფანში, რომელსაც „რომეო-11“-ს უწოდებენ. დასავლეთის ძლიერი ქარის გამო თვითმფრინავი ოდნავ ასცდა კურსს. შედეგად არ დააყოვნა — მალე მისი ხედვის არეში ორი საბჭოთა „მიგი“ (ავი-აგამანადგურებელი) გამოჩნდა.

„ბონგი“ 100 კმ-ით გადახრილი აღმოჩნდა დათქმული კურსიდან, რის გამოც სწრაფად უახლოვდებოდა კუნძულ სახალინს, რომლის საჰაერო სივრცეც, უცხოური თვითმფრინავებისთვის დახურული იყო.

გამანადგურებლებმა ფრთები შეარხეს და სიგნალიზაციის მთელი სისტემა შეასრულეს, რომელიც გზასაცდენილ ლაინერს უბრძანებდა: „სასწრაფოდ დაუბრუნდით თქვენს კურსს!“ „ბონგის“ ეკიპაჟი შეცდომას მიხვდა, რადიოთი ბოდიში მოიხადა და სწრაფად დაუბრუნდა კურსს. რამდენიმე ხნის შემდეგ თვითმფრინავი თავის მგზავრებიანად და ეკიპაჟის წევრებიანად მშვიდობიანად დაეშვა ტოკიოს აეროპორტში. ერთდერით, ვინც დაზარალდა, თვითმფრინავის პირველი პილოტი იყო: იგი ამ შეცდომის გამო ჩამოაქვითეს. ინციდენტს დიპლომატიური კრიზისი არ მოჰყოლია.

მანამდე კი, 1983 წლის 31 აგვისტოს სამხრეთკორეული „ბონგ 747“ რეისი

KAL-007 ნიუ-იორკის კენედის სახელობის აეროპორტიდან აფრინდა. ლაინერი ჯერ ანკორიჯში (ალასკას შტატი) დაჯდა, იქ ჩვეულებრივად საწვავი შეივსო, ეკიპაჟი გამოიცვალა და გეზი სეულისკენ აიღო. თვითმფრინავში ეკიპაჟის წევრებიანად, 269 ადამიანი იმყოფებოდა.

ხომალდის მეთაური, კორეელი ბუნგინი, გამოცდილი პილოტი იყო, იმ წელს მას 45 წელი შეუსრულდა, ცხოვრების უმეტესი ნაწილი სამგზავრო საჰაერო ფირმაში მუშაობას შეაღია, მანამდე კი სამხედრო გამანადგურებლის პილოტის პროფესიას ფლობდა და სამხრეთ კორეის სამხედრო საჰაერო ძალებში მსახურობდა. მეთაურს „ბონგ 747“-ზე 6619 საათი ჰქონდა ნაფრენი, უკანასკნელი ტრანსკონტინენტური გადაფრენა მისთვის 88-ე იყო.

არც თვითმფრინავი იყო ძველი: 1972 წელს აგებულ „ბონგ 747“-ს 36718 საათი ჰქონდა ნაფრენი და 9237 დაშვება განხორციელებული.

ანკორიჯი-სეულის სანავიგაციო მონაკვეთს პირობითად „რომეო-20“ ეწოდება. თუ ფრენისას მაგნიტურ კომპასს გამოვიყენებთ (ამ თვითმფრინავზე კი ორი ასეთი კომპასი იყო, ექსტრემალურ სიტუაციაში გამოსაყენებლად), კურსი აუცილებლად, გათვლებით უნდა ვცვალოთ, მაგრამ ხომალდის მეთაური, როგორც ავიალაინერების პილოტთა უმრავლესობა იქცევა, უფრო თანამედროვე და სრულყოფილ სანავიგაციო ინერციულ სისტემას იყენებდა. ამ სისტემას შეუძლია, ზედმიწევნით

ზუსტად განსაზღვროს თვითმფრინავის ადგილმდებარეობა, ფრენის სიმაღლე და ავტოპილოტს მისცეს შესაბამისი დაჯგუფება. ფრენის დერეფანს რადიოშუქურები აკონტროლებს. ამ შუქურასთან მიახლოებისას, მფრინავის კაბინაში ნარინჯისფერი ნათურა ინთება, რომელიც მხოლოდ ორი წუთის შემდეგ ქრება. ამ დროის განმავლობაში ხომალდის მეთაურმა დედამიწაზე უნდა გადასცეს თვითმფრინავის კოორდინატები და მომდევნო შუქურასთან მიახლოების დრო. წინააღმდეგ შემთხვევაში ცხადდება განგაში, მაგრამ ამ შუქურებს სიზუსტე აკლია — ისინი მორჩილად ინთება მაშინაც კი, როცა კურსიდან გადახვევა 350 კილომეტრია, თუკი თვითმფრინავი კურსიდან უფრო მეტი მანძილითაა გადახრილი, ნათურა, რა თქმა უნდა, არ აინთება. ორივე შემთხვევაში, ხომალდის მეთაური ვალდებულია, დაადგინოს თვითმფრინავის ადგილმდებარეობა და შესაბამისად გაასწოროს კურსი. აქედან გამომდინარე, კურსიდან გადახვევის გარკვეული ალბათობაც არსებობს, ეს უკანასკნელი კი ძნელი შესამჩნევია. სავარაუდოა, რომ სწორედ ეს დაემართა ბუნგ-ინსაც.

როდესაც თვითმფრინავი ანკორიჯიდან აფრინდა, პირველი რადიოშუქურა არ მუშაობდა — იგი თორმეტი საათით ადრე გამორთეს გეგმური პროფილაქტიკის მიზნით. ადგილობრივი აეროპორტის რადარი 280 კმ-ის რადიუსით მოქმედებდა, ხოლო შემდეგი შუქურა, 600 კმ-ის მოშორებით, გამართულად მუშაობდა.

პირველი შეცდომა კორეელმა მფრინავმა ალბათ ჯერ კიდევ აფრენამდე დაუშვა: სავარაუდოა, რომ მან ფრენის არასწორი კოორდინატები შეიმუშავა, როდესაც თვითმფრინავი რადარის მოქმედების ზონიდან გადაიდა, ის უკვე ათი კილომეტრით იყო გადახრილი სწორი კურსიდან, რის გამოც მალე გადახრამ 60 კმ შეადგინა. უკვე შემოთვითების დრო ღებოდა, რადგან გადახრა ყოველ წუთს იზრდებოდა. ყველაფერი ჩვეულებრივად და ხმაურის გარეშე ჩაივლიდა, „რომეო 20“-ის დერეფანი საბჭოთა დახურული ზონის მახლობლად რომ არ მოხვედრილიყო. როდესაც თვითმფრინავი რადიოშუქურას მიუახლოვდებოდა და ნარინჯისფერი ნათურა არ აინთებოდა, მეთაური შეამოწმებდა ადგილმდებარეობას და სწორ კურსს დაუბრუნდებოდა. თვითმფრინავი დაიგვიანებდა, ამაზე უარესი კი, არაფერი მოხდებოდა, მაგრამ „რომეო 20“-ის ტრასა საბჭოთა კავშირის მკაცრად გასაიდუმლოებული ზონის მახლობლად გადიოდა: კამჩატკაზე წყალქვეშა ატომური ნაგების ბაზა იყო განლაგებული, იქვე

იყო ბალისტიკური რაკეტების დიდი არსენალი – დაუბატიყებელი სტუმრები კი იქ არ უყვარდათ.

სასალინზე სამხედრო საჰაერო ბაზაა განთავსებული, ზუსტად იმ დღეს საბჭოთა არმიის ქვედანაყოფებს პეტროპავლოვსკიში სარაკეტო სწავლების ჩატარება ჰქონდათ დაგეგმილი, რომლის შესახებაც საბჭოთა ხელისუფლება ინფორმაციას ჩვეულებრივად აწვდიდა ტოკიოს, ასევე აფრთხილებდნენ ანკორიჯის ავიადისპეტჩერებს, მაგრამ ამ დღეს სარაკეტო სწავლების შესახებ არავინ გაუფრთხილებიათ. პენტაგონი რაღაცას ეჭვით ხვდებოდა და ამ რაიონში მზვერავი თვითმფრინავი RC-135 გაუშვა დავალების შესასრულებლად. თვითმფრინავს საბჭოთა სივრცეში შესვლა არ სჭირდებოდა – მას საზღვრის შორიასხლოს უნდა ეფრინა, მაგრამ მოხდა ისე, რომ მზვერავი თვითმფრინავი დერეფნის მახლობლად მაშინ გამოჩნდა, როცა „ბონინგი“ უნებურად საბჭოთა საჰაერო სივრცეში შეიჭრა. ორივე თვითმფრინავი ერთსა და იმავე სიმაღლეზე, ერთნაირი სიჩქარით მიფრინავდა და ისე ახლოს იყო ერთმანეთთან, რომ 10 წუთის განმავლობაში საბჭოთა რადარის ეკრანზე ერთ წერტილად აღიქმებოდა. თავისი მისიის შესრულების შემდეგ მზვერავი, RC-135 მშვიდად დაბრუნდა ბაზაზე „ბონინგი“ კი ჯიუტად განაგრძობდა გზას. საბჭოთა სამხედროებს მოთმინების ფაილა აეცხოთ, ჩათვალეს, რომ „თამაში უსასრულოდ გაგრძელდა“. სარაკეტო სწავლება გადაიღო და პეტროპავლოვსკის აეროდრომიდან გზაგადამჭრელები აფრინდნენ. რამდენიმე წუთის შემდეგ მფრინავებმა გადმოსცეს, რომ „ბონინგზე“ საბორტო სასიგნალო სინათლეები არ ენთო, მაგრამ როგორც შემდეგ გაირკვა, ეს სინამდვილეს არ შეეფერებოდა, ხომალდი, მართალია, ასცდა კურსს, მაგრამ სხვა დარღვევები არ ჰქონია. Cy-15-ის პილოტებმა ფრთები შეარხიეს, პროჟექტორებით მისცეს სიგნალი, საავარიო რადიოსიხშირეზეც გავიდნენ „ბონინგის“ მფრინავებთან დასაკავშირებლად, მაგრამ გაურკვეველი მიზეზების გამო, კორეის ლაინერის პილოტები ბრძები და ყრუები აღმოჩნდნენ. გზაგადამჭრელები, რომლებსაც საწვავი უთავდებოდათ, ბაზისკენ შებრუნდნენ. ამ დროისათვის „ბონინგი“ მეორე რადიოშუქურას უახლოვდებოდა, რომლის სიახლოვეს გადაფრენის დროსაც ნარინჯისფერი ნათურა ინთებოდა და პილოტებიც აუცილებლად შეცვლიდნენ ფრენის მიმართულებას, მაგრამ დედაშიწაზე ვიღაცამ უკვე მიიღო საბედისწერო გადაწყვეტილება. „დოლინ-სოკოლის“ სამხედრო საჰაერო ბაზიდან ავიაგამანადგურებლები აფრინდნენ, ერთმა მათგანმა ლაინერთან მიახლოებისას ტრასირებელი ტყვიების ჯერით, გამაფრთხილებელი გასროლა მოახდინა, რომელსაც შედეგი არ მოჰყოლია – „ბონინგი“ იმავე კურსით განაგრძობდა ფრენას. საბჭოთა ჯარების სარდლობას მოთმინება ამოეწურა და გამანადგურებლის პილოტმა მიიღო ბრძანება. ბრძანების შინაარსი იმდენად მოულოდნელი იყო მფრინავისათვის, რომ მან მისი გამეორება მოითხოვა... „ბონინგს“ ორი რაკეტა მოხვდა და ნამსხვრევებად აქცია მისი კორპუსი. თვითმფრინავის ნამსხვრევები საბჭოთა ტერიტორიული წყლების სიახლოვეს ჩაცვივდა ზღვაში. დაიღუპა 269 ადამიანი, მათ შორის – 81 ამერიკელი, 28 იაპონელი და 160 კორეელი, რომელთაგან 13 თვითმფრინავის ეკიპაჟის წევრი იყო.

მეორე დღეს ამერიკის ადმინისტრაციამ მთელი პასუხისმგებლობა მხოლოდ საბჭოთა მხარეს დააკისრა და კიდევ ერთხელ დაანახვა მსოფლიოს ბოროტების იმპერიის ჭეშმარიტი სახე. 1997 წელს იაპონური დაზვერვის ყოფილმა მაღალჩინოსანმა იოსირო ტანაკამ განაცხადა, რომ სამხრეთკორეული „ბონინგ 747“ რეისი KAL-007-ის ეკიპაჟი იმ საბედისწერო დამეს ამერიკული სპეცსამსახურების დავალებას ასრულებდა. ამ ვერსიამდე გადამდგარი ოფიცერი საბჭოთა და იაპონური რადიოსაუბრებისა და სამხრეთკორეული „ბონინგის“ უკიდურესად უცნაური მარშრუტის ანალიზმა მიიყვანა.

P.S. არაოფიციალური ინფორმაციის თანახმად, საბჭოთა სამხედროებს ჩაუვარდათ ხელში დაღუპული თვითმფრინავის ორი შავი ყუთი, რომლის მონაცემებიც დღემდე არ არის გამოქვეყნებული. ■




ბესტი ერუდიციაზე

1. მკითხაობას ხელის-გულზე ხაზების მიხედვით ჰპვიია:



- ა) გეომანტია;
- ბ) ბრაქომანტია;
- გ) ქირომანტია.

2. ქართლის მეფე, რომელმაც შემხნა ქართული ანბანი:



- ა) ფარნავაზი;
- ბ) მირიანი;
- გ) გუბაზი.

3. ქვემოთ ჩამოთვლილი ფილმებიდან რომელში არ მონაწილეობს თიანგიზ არჩვაძე?




- ა) „კეთილი ადამიანები“;
- ბ) „შეხვედრა მთაში“;
- გ) „ისინი ჩამოვიდნენ მთიდან“.

4. პარლამენტის ნებრთა აუსცილიაზელ რაოდენობას კანონის მისაღებად ჰპვიია:



- ა) რეგლამენტი;
- ბ) კვოტა;
- გ) კვორუმი.



ლარა ფლინ ბოილი:

„მე რა ჯერ ნიკოლსონი ერთი ჯიშისანი ვართ“

ლარა ფლინ ბოილია ტელესერიალ „ტვინ პიქსში“ ერთ-ერთი მთავარი როლი შეასრულა. ფილმის ეკრანებზე გამოსვლისას მსახიობი თვლიდა, რომ დიდების მწვერვალზე იმყოფებოდა. სინამდვილეში კი პოპულარობა და ნამდვილი ვარსკვლავის სახელი მოგვიანებით, არა შესრულებულმა როლმა, არამედ პოლიუდის ცოცხალ ლეგენდასთან ჯემ ნიკოლსონთან რომანმა მოუტანა.

წყვილი პოლიუდში ცხოვრობს, იქ ნიკოლსონს მეფესავით ექცევიან, ლარა კი თავს მეფის ფავორიტად თვლის. ნიკოლსონის სახლი ნამდვილი მუზეუმივით გამოიყურება, მის კოლექციაში სალვადორ დალის რამდენიმე ნახატიც არის, ეს მხატვარი კი ლარასაც ძალიან ჰყვარებია და რა დიდი იყო ქალის გაცემა, როცა ნიკოლსონის სახლში პირველად სტუმრობისას კედელზე ის სურათი აღმოაჩინა, რომელიც ბავშვობიდან უყვარდა, როცა დედასთან ერთად რეპროდუქციების წიგნს ათვალიერებდა. ლარა ვერ იჯერებდა, რომ ნახატი ორიგინალი იყო და ამაში დასარწმუნებლად, აკანკალებული ხელითაც კი შეეხო მას.

ლარა სულაც არ თვლის, რომ ნიკოლსონი შეუფერებლად ასაკოვანია მისთვის: მათ უყვართ ერთმანეთი და როგორც ცნობილია, ასეთ სიტუაციებ-



ში ასაკს დიდი მნიშვნელობა არა აქვს. ამბავმა, რომ ნიკოლსონს 33 წლით ახალგაზრდა ქალი შეუყვარდა, პოლიუდში ნამდვილი ფურორი მოახდინა. ახალგაზრდა საყვარლები ცნობილ მექალთანეს ადრეც ჰყოლია: მაგალითად, რებეკა ბრუსართან ასაკის 25-წლიან სხვაობას ხელი არ შეუშლია, რომ მათ ორი საერთო შვილი გაეჩინათ და ერთად თითქმის 10 წელი გაეტარებინათ. მაგრამ ლარამ ყველას აჯობა: ის ნიკოლსონის უფროს ქალ-

იშვილზე ხუთი წლით უმცროსია (ქალიშვილი ნიკოლსონს პირველი და ერთადერთი რეგისტრირებული ქორწინებიდან, მსახიობ სანდრა ნაიტთან ჰყავს), ყველაფერთან ადვილად შემგუებელ პოლიუდსაც კი მოეჩვენა, რომ ეს უკვე მეტისმეტი იყო.

საგაზეთო აუიოტაჟი ნიკოლსონთან მისი რომანის შესახებ ლარას დიდად არ აშფოთებდა. ჯეკი მას ძვირფასი საჩუქრებით ანებივრებდა, ლაჟვარდოვან სანაპიროებზე დაჰყავდა... 1999 წლის ზაფხულში წყვილმა ხმაურიანად აღნიშნა რომანის ერთი წლის „იუბილე“.

მოკლედ, მოვლენების დრამატულ განვითარებას თითქოს არაფერი მოასწავებდა, და უცებ, ტაბლოიდების პირველ გვერდებზე გაჩნდა სათაურები: „ლარა ფლინ ბოილია ნიკოლსონი ბრიუს უილისის გამო მიატოვა!“ აქ კი ბევრმა გაიხსენა, რომ სატელევიზიო პრემია „ემის“ გადაცემის დროს ლარა აშკარად ეკეკლუცებოდა ბრიუსს, შემდეგ ინტერვიუში განაცხადა, რომ მამაკაცის გამოცვლას აპირებდა... უილისი იმ დროს ოფიციალურად არ იყო განქორწინებული. რადგან პროცესი ძალიან გაიჭიმა, ბრიუს უილისი დემი მურისგან სხვაგან გადავიდა საცხოვრებლად. ძნელი სათქმელია, საბედნიეროდ თუ საუბედუროდ, მაგრამ ლარასა და ბრიუსის რომანი ძალიან ხანმოკლე აღმოჩნდა. ქალი ნიკოლსონს დაუბრუნდა, ჯეკი ცოტა ხნით გაებუტა, თუმცა

შემდეგ აბატი.

მაგრამ აღმოჩნდა, რომ ეს ლარას სასიყვარულო თავგადასავლის დასაწყისი იყო მხოლოდ. სულ მალე ლამაზმანი პაპარაცებმა ჰარისონ ფორდთან ერთად დააფიქსირეს, ჰარისონს კი მანამდე სამაგალითო მეოჯახის რეპუტაცია ჰქონდა. ამ ამბის შემდეგ, ფორდმა და მისმა მეუღლემ ოფიციალურად განაცხადეს გაყრის თაობაზე. საზოგადოების აზრიც ერთგვაროვანი იყო: ლარამ ოჯახი დაანგრია. მას სტუმრად აღარ იწვევდნენ რესპექტაბელურ ოჯახებში, ქალი კი ყველა ბრალდებას ერთსახოვნად პასუხობდა: „ეს ყველაფერი სრული სიცრუეა“. ბოლოს და ბოლოს, ხომ აქვს უფლება, ფინჯანი ყავა მიირთვას სიმპათიურ მამაკაცთან ერთად! ნუთუ ეს დანაშაულია?!.. ნიკოლსონს ამის შესახებ განსხვავებული აზრი ჰქონდა და იფიცებოდა, რომ ამიერიდან ლარა მისი სახლის ზღურბლს ვეღარ გადააბიჯებდა. და მაინც...

ემოციური ახსნა-განმარტებების შემდეგ, ლარა და ჯეკი კვლავ შერიგდნენ. ისინი ერთად იხილეს მაიკლ ღუგლასის ქორწილში, ტრადიციულ საახალწლო მეჯლისზე თეთრ სახლში და ბევრ სხვა წვეულებაზეც, მაგრამ წვეულის ურთიერთობა იდეალურისგან ჯერ კიდევ შორსაა. ზემოთ ხსენებული მეჯლისის შემდეგ, ვაშინგტონის სასტუმროს ნომერში მათ შორის ისეთი ბობოქარი სცენა გათამაშდა, რომ გააფთრებული ლარას დასაშოშმინებლად სასტუმროს დაცვის გამომახება გახდა საჭირო. სანამ წესრიგის დამცველები ადგილზე მივიდოდნენ, ლარამ მაგიდისა და ბროლის საფერფლის დამსხვრევა მოასწრო. როგორც შემდეგ გაირკვა, კონფლიქტი ეჭვიანობის გამო მოხდა: ნიკოლსონმა გადაწყვიტა, შური ეძია ლარაზე ყველა დალატისთვის და, როგორც ამის მომსწრენი აღნიშნავენ, მთელი საღამო ლამაზ გოგონებს ეკურკურებოდა, ლარა კი ბრაზისგან გულზე სკდებოდა და როგორც კი წვეილი სასტუმროში განმარტოვდა, ქალმა მთელი თავისი რისხვა გადმოანთხია.

ჯეკი შეშინდა კიდევ. თავისი 63 წლიანი ცხოვრების მანძილზე ის პირველად შეხვდა ქალს, რომელიც ტემპერამენტით არ ჩამოუვარდებოდა: რამდენიმე წლის წინ ნიკოლსონს გოლფის

ჯოხით დაუმსხვრევია იმ კაცის მანქანა, რომელიც ოდნავ გაეხაზუნა ნიკოლსონის ახალ ავტომობილს. და აი, ახლა ის ლარას ბობოქარი ხასიათის დემონსტრირების მოწმე გახდა...

თვით ლარა კი ჯეკმა ვაჟკაცური ხასიათით, იშვიათი იუმორის გრძობით, განსწავლულობითა და ინტელექტით მოხიბლა.

ისინი ბევრი რამით ჰგვანან ერთმანეთს – მაგალითად, ერთსაც და მეორესაც უყვარს პიკანტური ანეკდოტები და უხამსი გამოთქმები. რაც შეეხება ლარას, განსაკუთრებით უყვარს მაღალქუსლიანი ფეხსაცმელები, შეუძლია ერთ ჯერზე ათი წვეილიც კი შეიძინოს. და კიდევ – სილამაზის სალონები, სადაც თვეში ერთხელ მაინც, მთელ დღეს ატარებს. ეს ყველაფერი კი, როგორც თავად ამბობს, ალბათ იქიდან მოდის, რომ სიღარიბეში გაიზარდა და სანამ ბევრი ფული არ იშოვა, თავის გალალების საშუალება არ ჰქონდა.

ლარას მშობლები მაშინ განქორწინდნენ, როცა გოგონა 6 წლის იყო. მსახიობის დედა, სალი ბოილი, მოკრძალებული მოხელე იყო. მისი ხელფასი მხოლოდ საკვებსა და ბინის ქირას ჰყოფნიდა. იმაზე, რომ ლარას ძვირად ღირებულ სკოლაში ესწავლა, ლაპარაკიც კი ზედმეტი იყო. და მაინც, ლარამ ჩიკაგოს ხელოვნების პრესტიჟული აკადემია დაამთავრა, ეს კი შემდეგნაირად მოხდა:

ბავშვობაში გოგონა ავადმყოფურად მორცხვი იყო. ნაცნობმა ექიმმა-ფსიქიატრმა სალის სამსახიობო სტუდიაში შვილის მიყვანა ურჩია. ექიმო ირწმუნებოდა, რომ მსგავს შემთხვევებში, სცენა თერაპიის საუკეთესო საშუალება იყო. ლარა სკოლის დრამწრეში ჩაეწერა და მოკლე ხანში საუცხოო შედეგებს მიაღწია: გარდა იმისა, რომ სიმორცხვე სრულიად დაძლია, გოგონამ კონკურსში სტიპენდიაც მოიგო, რომელიც ჩიკაგოს ხელოვნების აკადემიაში სწავლის უფლებას აძლევდა. 17 წლის ლარამ მიიღო როლი ტელესერიალში „ამერიკა“. ასე დაიწყო მისი კარიერა. დიპლომის მიღების შემდეგ დედასთან ერთად, საცხოვრებლად ჩიკაგოდან ლოს-ანჯელესში გადა-

ვიდა.

იმ დროიდან მოყოლებული, დედა ლარას საუკეთესო მეგობარი და მენეჯერია. „სწორედ მისი დამსახურებაა, რომ ვარსკვლავური სენი არ შემეყარა, – აღნიშნავს ლარა. – მთელი დღე გადაღებებზე ყურადღების ცენტრსა და სოფიტების შუქში ვარ მოქცეული და თავი პრიმადონა მგონია. შინ დაბრუნებული, ძაღლებს ვასეირნებ, ვახშმის შემდეგ კი დედა ჭურჭელს მარეცხვინებს და ეს ყველაფერი მაიძულებს, უმაღლეს „დავეშვა მიწაზე...“

დედა-შვილს სახლი ლოს-ანჯელესის ერთ-ერთ ყველაზე მყუდრო უბანში – სან-ფერნანდო-ველიში აქვს, განსაკუთრებული იქ ის არის, რომ უკლებლივ ყველა ოთახში ტელევიზორი დგას: ლარას სიჩუმი არ უყვარს, 11 ტელევიზორიდან გამოსული ხმაურის წყალობით იქმნება შთაბეჭდილება, თითქოს სახლი სტუმრებით არის სავსე. და კიდევ – ფეხის ყოველ ნაბიჯზე აქ სამაგიდო ლამპებს შეხვდებით: ლარას სიბნელე არ უყვარს.

დედა-შვილი მთელი ცხოვრება შეხმატკბილებულად ახერხებდნენ ურთიერთობას – განსაკუთრებით მანამ, სანამ ლარა ჯეკს შეხვდებოდა, თუმცა დედამ მალე ლარას არჩევანი გაამართლა – აღიარებდა, რომ ეს ის მამაკაცია, რომელიც ლარას დაფასებას შეძლებდა.





ფლინ ბოილს ნიკოლსონამდე არც ისე ბევრი რომანი ჰქონია, პრესა მას გაცილებით მეტ საყვარელს მიაწერს. კაილ მაკლაჰლენთან „ტვინ პიქსის“ გადაღებებისას გაჩაღებული რომანის შემდეგ, მას სასიყვარულო ისტორია ტელემსახიობ რიჩარდ დინ ანდერსონთან ჰქონდა, შემდეგ კი – დევიდ სპიელთან. ლარა აღნიშნავს, რომ თითოეულ მათგანთან რომანი რამდენიმე წელი გრძელდებოდა, მაგრამ მათზე დიდ იმედებს ის არასდროს ამყარებდა, არც ოჯახის შექმნის სურვილი ჰქონია. „ყველა მამაკაცი სუსტ, დაუცველ ქალზე ოცნებობს, მე კი ასეთი არ ვარ. გარეგნულად კი ვჩანვარ სუსტი – აღნაგობა მაქვს ასეთი, მაგრამ დაუცველი კი არასოდეს ვყოფილვარ: საკუთარ ძალებში არასოდეს შემპარვია ეჭვი“.

სუსტი აღნაგობის გამო, ქალს რამდენჯერმე ავადმყოფობაც მიაწერეს, სინამდვილეში კი ლარას შესაშური მადა ჰქონია და მისი აღნაგობა მხოლოდ და მხოლოდ ბუნების საჩუქარია – სულ არ სჭირდება დიეტის დაცვა. ფლინ ბოილი აღნიშნავს, რომ როცა ხორცი-თა და მაიონეზით შეზავებულ უზარმაზარ სენდვიჩს მაღიანად შეექცევა, მეგობარი გოგონები შურისგან სკადებიან.

სახელიც ლარას დედამ შეურჩია: ქალს ძალიან უყვარდა კინო და განსაკუთრებით, მსახიობ ჯული კრისტის აღმერთებდა. „დოქტორ ჟივაგოში“ კი ჯული კრისტი ლარას როლს ასრულებდა. ლარა ფლინ ბოილი იმედოვნებს, რომ შეძლებს ოდესმე ისეთივე კარგი მსახიობი გახდეს, როგორც მისი „ნათლია“...

გომონდი

„სიყვარული გმიხისთვის გახსომა აუცილებელია“

ასე თვლიან ჰოლივუდელი პროდიუსერები, რომლებიც დარწმუნებულები არიან, რომ წინააღმდეგ შემთხვევაში, კეიტ უინსლეტის კარიერა კითხვის ნიშნის ქვეშ დადგება. 25 წლის ინგლისელმა მსახიობმა სახელი ჯეიმს კემერონის ფილმში შესრულებული ერთ-ერთი მთავარი როლით გაითქვა, შარშან ოქტომბერში მშობიარობის შემდეგ კი, მომატებულ წონას ვერაფერს უხერხებს. „მიუხედავად იმისა, რომ ამის გაკეთება ძალიან მიჭირს, გადავწყვიტე, დიეტა დავიცვა, – აცხადებს გახდომის ხელოვნური საშუალებების მოწინააღმდეგე ვარსკვლავი. – ჯერ კიდევ სკოლაში, სადაც „ფუმფულას“ მეძახდნენ, არ ვეთანხმებოდი საზოგადოდ გაგრცელებულ აზრს, ქალის იდეალური ფორმების რაღაც ურყევი სტანდარტის შესახებ“, – მტკიცედ აღნიშნავს იგი და დასძინს: „ახლა მთლიანად ჩემი 7 თვის მიათი ვარ დაკავებული – მეც და ჩემი ქმარიც (ჯიმ ტრიპლტონი რეჟისორის თანაშემწედ მუშაობს. – ავტ.), სექტემბერში კი დაიწყება ჩემი პირველი საპროდიუსერო პროექტის გადაღებები („ტერუზა რაკენი“ – ემილ ზოლას რომანის მიხედვით) და მაშინ კი ალბათ ძიძის აყვანაც მოგვიწევს“.



სიყვარულის ნდობის განახლებად

ჰოლივუდელ მსახიობსა და საპროდიუსერო ფირმის მეპატრონეს მეთიუ მაკქონოპის, როგორც ჩანს, მარტო კინო აღარ აკმაყოფილებს: ცოტა ხნის წინ ფილმში – THE WEDDING PLANNER-ის გადაღებების დასრულების შემდეგ, თავისი კოვბოური სიყმაწვილის გასახსენებლად, ტენესში რანჩო შეიძინა. ნახევარ მილიონ დოლარად მსახიობი უზარმაზარი მიწის ფართობის, ათობით ძროხის, რამდენიმე ძაღლის, სატვირთო მანქანისა და მოტოციკლეტის მფლობელი გახდა. მაკქონოპის, რომელიც ჰოლივუდში მტკიცე პრინციპების მქონე საეკრანო გმირების განსახიერების უბადლო ოსტატად ითვლება, მიაჩნია, რომ მიწასთან სიახლოვე ახალ შემოქმედებით იმპულსსაც მისცემს.

1985 წელი იდგა. ავღანეთში, პერათის პროვინციის დაკლავილი გზაზე საბჭოთა ჯავშანტრანსპორტიორი მიქროდა. ირგვლივ მხოლოდ გადატრუსული ბალახი, ღორღიანი მთა-გორები და ჰორიზონტთან მოკი-აფე მზე ჩანდა.

ავღანეთის ხეობებში ხმას უცნ-აური ექო აქვს: როგორც კი მანქანა თვალთახედვის არეში მოხვდება, ხე-ობაში უმაღლესი ხმაური ისად-გურებს, თვალს მიეფარება თუ არა მანქანა, ხმაც დაიგუდება ხოლმე.

ამ გზებზე საბჭოთა მანქანები დიდი სიჩქარით დაქრიან. განსაკუთრე-ბით მაშინ, როცა განცალკევებით მოძრაობენ. თუმცა, მარტო მოძრაობას ყველა ერიდება და ეს ძალიან იშვი-ათად ხდება.

ჯავშანტრანსპორტიორის ლიუ-კის თავზე მძღოლის მხარეს ლეი-ტენანტი ტოლია პოლივოდა ზის. მეთაურის მხარეს — კაპიტანი გი-გია ამირანაშვილი, უკან, დესანტის ლიუკზე კი ჩალმიანი ავღანელი არბობ ბობოღინი აღმართულა. სამივე ავ-ტომატებით არის შეიარაღებული.

ჯავშანტრანსპორტიორი დაკლავილი მოსახვევში შევიდა და უეცრად მის წინ კლდეზე ყუმბარის აფეთქების ხმა გაისმა, მას უმაღლესი ავტომატის ტყვიების ზუზუნის მოჰყვა. პოლივოდამ კეფაზე იტაცა ხელი და ლიუკში ჩაძვრა. ასლა კი თვალნათლივ დაინახეს გიგამ და ავღანელმა ჩასაფრე-ბული ღუმანები და ცეცხლი გასხსნეს.

— **Назад! Назад давай машину, Сурков!** — ჩასძახა გიგამ მძღოლს.

მანქანამ მაშინვე დააჩუხრუჭა, ათიოდე მეტრით უკან დაიხია, კლდეს ამოეფარა და გაჩერდა.


ხეობის მოპირდაპირე მხარეს გიგამ ყუმბარმტყორცნი შენიშნა, პოზიციიდან ბოლი ავარდა. თითქოს დრო შეჩერდა, გიგიას მზე-რა იმ წერტილზე მიეყინა, საიდანაც ჭურვი ლულას მოსწყდა. ამჟამად ხედავდა, როგორ უახლოვდებოდა მანქანას თითქოს ზანტად მბრუნავი ტანკაწინააღმდეგო ჭურვი.

უეცრად მანქანიდან ზამბარასავით ამოხ-ტა გიგია და მიწაზე გაგორდა, არბობი კი, მანქანის ლიუკში გაუჩინარდა...

ყუმბარა სულ მცირე მანძილით ასცდა მანქანას, მის უკან კლდეში შეიჭრა და მოზრდილი ქვები ჩამოამტვრია.

გიგამ არემარე შეათვალეირა, ადგილი შეიცვალა — გზისპირი ლოდებს ამოფარ-ებულმა სწრაფად გადაირბინა და თხრილ-ში ჩახტა. მანქანისკენ მიმართულ ყუმ-ბარმტყორცნისკენ მოკლე ჯერი გაუშვა და დაინახა, როგორ მიიძალა ლულა ლოდს უკან...

— **Так-то!** — წამოიძახა კმაყოფილმა



ნიკო აშპარელი

ბედისწერა

გიგამ და კიდევ ერთხელ დაკვირვებით შეათვალეირა არემარე.

მოულოდნელად ჯავშანტრანსპორტიორი ადგილს მოსწყდა და გრუნუნით წინ წაე-იდა. გიგია უცებ ვერაფერს მიხვდა:

— **ЭЭЙ! Стой!** — დაიყვირა და ჰაერში გაუშვა ჯერი. ყვირილი და ავ-ტომატის ხმა არავის გაუგია, მანქანა წინ მიიწვედა, მის გამონაბოლქვში ძლივსდა ჩანდა გიგიას სილუეტი. მიხვდა, რომ მან-ქანაში მსხლმებმა მისი გადმოხტომა ვერ შენიშნეს, მაგრამ რაღას იზამდა?! გიგია მარტო დარჩა! სწრაფად მიმოიხედა და მარჯვნივ დიდი ხრამი შენიშნა.

წამოხტა და სწრაფად გაიქცა ხრამისკენ. სულ ათიოდე ნაბიჯი იყო, ხუთი... ერთი... და ხრამში ჩახტა. ხრამი ღრმა იყო, ქვიშ-ით დაფარული და გრილი. მიხვდა — ტყვიებისგან დაცული კი იქნებოდა, მაგრამ აქ გაჩერება არაფერს არგებდა: ავღანელი ცხენოსნების ყოფინა ჯერ კიდევ შორიდან ისმოდა, ადგილი უნდა შეეცვალა... სირ-ბილით აუყვა ხრამს ზევით. მოძრაობა უჭირდა.

ჩასაფრებულებმა გიგია ჯერ კიდევ მა-შინ შენიშნეს, როცა მისი სროლის გამო, ხელიდან ჯავშანტრანსპორტიორი დაუსხ-ლტათ. მანქანას ვერ დაწყოლდნენ, საფრი-დან ცხენებით გამოვიდნენ და შეძახილებით, ხრამისკენ ჭვინებით გამოემართნენ.

გიგია გუმანით გრძობდა, რომ ავღანელე-ბი ხრამში არ ჩავიდოდნენ, გზის გადაჭრას ზემოდან ეცდებოდნენ. დევნილი ნადირის ჟინით შეპყრობილი გარბოდა... არა, უნდა აჯობოს, განა სხვა რაიმე გზა აქვს?!

ქვა-ღორღზე სირბილმა სახე მტკვრით

დაუფარა, გული ამოვარდნაზე ჰქონდა. ხრამის ჩამოშლილი ნაპირიდან ამოცოცდა და მი-მოიხედა: ავღანელი ცხენოსნე-ბი კარგა გვიანად წასულან წინ. მორჩა!.. ისევ ხრამში ჩავიდა და ქვიშაზე დაჯდა.

უკან დაბრუნება სისულელეა — უეჭველად ჩაკეტავდა მღევარი. წინ წასვლა კი სიკვდილის ტოლფასი იყო: ხუთი-ექვსი ცხენოსანი მაინც იქნებოდა — ღია ფერდობზე ვერც გაასწრებდა და ვერც შეებმებოდა — ვერ აჯობებდა... ისევ ხრამ-ში დაიძალა: დაღამებამდე თუ მიატანდა, გამოსაკალს უფრო იოლად გამოხსავდა...

მღევარი ალბათ უკვე ზემოდან მიუყვე-ბოდა ხრამს. სამალავის შერჩევას შეუდგა. ხრამში ერთ ადგილას რკალი იყო, წვიმას კედელი გამოერეცხა და იმას ამოეფარა.

მალე ფეხის ხმა მოესმა, კედელს აეკრა. მხარზე ავტომატგადაკიდებუ-ლი ავღანელი გამოჩნდა, ხე-ლში ხელყუმბარა ეჭირა. გი-გიას სამალავს გაუსწორდა, ერთი ნაბიჯიც — და გიგამ ავტომატი მიაბჯინა. ავღანელი მოულოდ-ნელობისგან გაშეშდა, თვალეტი დაბრუნა და გაფითრდა. მერე შეტორტმანდა და თავის ხელყუმბარას დახვდა.

— ჩშშ! — მარცხენა საჩვენებელი თითი ტურქთან მიიტანა გიგამ.

— აჰა! — თავი დაუქნია ავღანელმა.

გიგამ უკან დაიხია და თითით ანიშნა — მომეყო. ავღანელი მორჩილად გაჰყვა. გიგია საფარს აეკრა და ავღანელს დაწო-ლა უბრძანა.

უეცრად ავღანელს ზემოდან დაუძახეს. გიგამ თვალეტი მოწკურა, თითი ტურქზე მიიღო და უარყოფის ნიშნად, კვლავ თავი გააქნია.

— აჰა! — ისევ ჩქარ-ჩქარა დაუქნია თავი თანხმობის ნიშნად ავღანელმა.

მოულოდნელად გიგიას თავს ზემოდან ქვიშა ჩამოეშალა. ამით მყისიერად ისარგე-ბლა მოწინააღმდეგემ — ხელყუმბარა ფეხ-ებთან დაუვლო და ხრამის გაყოლებასზე თავქვე გაიქცა. გიგამ საწინააღმდეგო მხა-რეს ორი ნაბიჯის გადაღვამა მოასწრო და მიწას განერთხა.

როგორც კი აფეთქების ხმა გაისმა, გიგია წამოხტა და ხრამს სირბილით აუყ-ვა. ზურგსა და ბარძაყზე სისველე იგრძნო. „დამჭრა, მაგისი...“ — გაფიქრა და რამ-დენიმე წუთში დაეცა კიდევ. ბარძაყზე ხელი მიიღო, მერე დახვდა და ნახა, რომ კუნთში თვითნაკეთი ხელყუმბარის ნამსხ-ვრევი ჰქონდა გაჩრილი. დაფლეთილი შარვალი დაფხრიწა, თვალეტი დახუჭა, რკინის ნამსხვრევს თითები ჩაავლო და გამოიძრო. სისხლი თქრიალით წამოუყვი-და, სიმწრის ოფლმა დაასხა. მკლავის

ჯიბიდან იოლი, ბამბა, ბინტი და პრომიდო-ლი ამოიღო. ნემსი მარჯვენა ფეხის კუნ-თში გაიკეთა, ბამბით ჭრილობა მოიწმინდა და შიგნით იოლი ჩაისხა. ტკივილისგან კინალამ გრძობა დაკარგა, თვალები აქმ-ღვრა, ტუჩი მოიკვნიტა და ბინტი მაგრად შემოიჭირა. მალე პრომიდოლმა იმოქმედა – ტკივილი გაუყუჩდა, მაგრამ ფეხი ლოდი-ვით დაუძძიდა.

გიგია ველარაფერს ფიქრობდა, ავტომატი მოემარჯვებინა და ნელ-ნელა წინ მიიწე-და. არ იცოდა, რა მოემოქმედებინა ან საერ-თოდ, რა ელოდა. მხოლოდ ინსტინქტურად მიაბიჯებდა და ქვიშაზე სისხლიან კვალს ტოვებდა.

ძალა ნელ-ნელა ეცლებოდა, ბორძიკო-ბ-და და ავტომატს ძლივს მიათრევდა. მათარიდან წყალი გადმოსხა და შუბლი დაისველა. ოდნავ გამოფხიზლდა, გზა გა-ნაგრძო, პირი მტვრითა და ქვიშით ჰქონდა გამოტენილი, სახეზე ოფლი და მტვერი აეზოლა, წამწამებზეც მტვერი ელო. გონება ებინდებოდა და მუხლი ეკვეთებოდა...

ზრამის ფსკერიდან ბილიკი ზევით მი-იწევდა და ისიც მალე ზედაპირზე ავიდა. უეცრად შეჩერდა, დაბინდული თვალები ცხენების ფლოქებს მოჰკრა – მისგან სულ ათიოდე მეტრში, მხედრები იდგნენ, მოჯაკბელებს ჩალმების ბოლოები სახეზე აეფარებინათ, მხოლოდ თვალები უჩანდათ და გიგიას ზემოდან დასცქეროდნენ...

„უაზროდ ჩამოვარდნა მღვრებს – ექვს-ნი იყვნენ. მოწინავემ ლაგამი მოზიდა და ჩახლენილი ხმით წამოიყვირა რაღაც – ინტონაციაზე ეტყობოდა, შეიგინა.

„ალბათ თავში მესვრიან“, – გაიფიქრა გიგიამ და ჟრუანტელმა დაუარა. გონებაში იმან გაჰკრა, რომ რატომღაც ის არ უნდო-და, მაინცდამაინც თავში რომ ესროლათ...

მოწინავემ ავტომატი მოიმარჯვა და გიგიას თავს ზემოთ ჯერი გაუშვა. გიგია პირდაპირ თვალებში უყურებდა, სროლის ხმა აღარც ესმოდა, თვალები ებინდებოდა... ავტომატის ღვედი ხელიდან გაუვარდა, რამ-დენიმე ნაბიჯი მექანიკურად გადვარდა და ჩაიკეცა...

... 1975 წელი იყო. ალაზნის ველს „თეთრქუდიანი“ კავკასიონი დაჰყურებდა, შუადღის პაპანაქება იდგა. მინდვრებში, ჭალებსა და ვენახებში ჭრიჭინების გაბ-მულ ხმას მიჰქონდა ყურთასმენა.

15 წლის გიგია და მოხუცი პაპამისი გუთანში შებმული ცხენით ხნავდნენ. ბიჭს გუთან ეჭირა, ეტყობოდა უძძიდა, მაგრამ არ ებუებოდა. პაპა კოჭლობით მიჰყვებოდა ცხენს:

- ხომ არ დამეღალე, ბაბო? – გადა-ხელა შეილიშვილს.
- არა, პაპი, მოვრჩეთ ბარემ, ამ სიცხის ჯიბრზე.

– აი, გავიდეთ, დავისვენოთ. აჩუ! – შეუძახა ცხენს პაპამ.

კვალი ბოლომდე გაიტანეს და ცხენი გუთნიდან გამოხსნეს.

მწვანე მთაზე ჩამოსხდნენ. ცხენი იქვე, საძოვრად გაუშვეს და კალათიდან საჭმე-ლი ამოაღაგეს. პაპამ ჭინჭილიდან ღვინო ჩამოასხა.

– ბაბო, ჩვენ ხომ ქართველები ვართ, პა?

– ჰო, მაშ! მერე, რატო მეკითხები, პაპი?

– ქართველი კაცი ვაზიდან მოდის, შვილო. ქართველი და ვაზი ერთია. სწორედ ვაზისგან არი, რომ ეგეთები ვართ, ქართველები რო ვართ.

– როგორები ვართ, პაპი?

– ეგეთები... როგორებიცა ვართ. ყველა ერი რაღაცით არის ბუნებასთან დაკავ-შირებული. ზოგი ცხვარ-ძროხით – მე-ჯოგვა, ზოგი სიმინდით, ზოგი ლობოთი, ზოგიც რით და ზოგიც რით. ყველამ თავისი საქმე იცის. ჩვენ – ვენახით.

– მერე რა, რო ვენახით?

– ვაზს საგულდაგულო მოვლა უნდა, ბაბო. ჯიბრით კი არა – სიყვარულითა. ვაზო, შვილივით ნაზარდო – ხომ გაგიგ-ონია! ძნელი მოსავლეა, დალოცვილი, ძნელი და ტკივილიანი. რაც ტკივილიან ამავს ითხოვს, უფრო საყვარელიც არის. დაფასებაც იცის დალოცვილმა. ოღონდ, შრომა უნდა, შრომა და სიყვარული ერ-თია...

– შრომა ხომ ყველაფერს უნდა, პაპი?

– ჰო, ყველაფერს უნდა, შვილო, მაგრამ ჩემი საქმე ვენახია. ქართველი კაცი ვარ და ქართველის საქმე კიდევ ეგე – ეგ არი.

– მაშ, ყველა ქართველი მევენახე ხომ არ იქნება, პაპი?

– მაგას ვინ გეუბნება? შენ თუ გინდა, მეცნიერი გამოდი, მაგრამ ჯერ მევენახე უნდა იყო და მერე მეცნიერი. შენმა მეც-ნიერებამ ვენახის გარშემო უნდა იტრია-ლოს. მაგისთვის უნდა იღვაწო, ვაზის გარშემო უნდა ტრიალებდე. შენ გინდა, რომ ქართველ კაცად დარჩე?

– როგორ არა! – თითქოს განაწყენდა კიდევ ამ შეკითხვის გამო ბიჭი.

– ჰოდა, ეგე ვენახი და ეგე გუთანია.

– პაპი, რუსი რითია ბუნებასთან?

პაპამ მოჭუტული თვალებით შეხედა შვილიშვილს:

– ყველას ვერ გაუგებ. შენ შენი უნდა იცოდე.

– ალბათ, ნამგლითა და უროთი, – მრავალმნიშვნელოვნად დაასკვნა ბავშვმა თვითონვე.

– ცხოვრებას დიდი დაკვირვება უნდა, ბაბო. შენ ჯერ პატარა ხარ, ეგე ვენახ-ამდე მამიყვანიხარ, შენი პაპის პაპისა და კიდევ იმისი პაპების იქით საქმემდე. მოდი, იმათი სახსენებელი არ მომლილიყოს, ჩვენ

კარგად ვიყოთ!

– გაგიმარჯოს!

პაპამ ღვინო დალია:

– შენც ხომ არ დალევდი, პაპი? – შეეკითხა ბიჭს.

– უუჰ! – ამირზა გიგია.

– რა ვი, კაცობაზე კი დაგიდვია თავი და...

– არაფერზეც არ დამიდვია!.. – გაბრაზ-და ბიჭი.

პაპა იმას გულისხმობდა, ამ დღეებში ნინიკოს გულისთვის, გიგიას ცხვირი რომ დაუნაყეს. გიგიამ ახლაც არ იცოდა, საი-დან გაიგო მოხუცმა ეს ამბავი: თუმცა, არც ავად, არც კარგად, არაფერი უთქვამს: შენი საქმისა შენ იციო – და მორჩა.

... ნინიკო ლამაზი, შავგვრემანი გოგონა იყო, სკოლაში გამორჩეული. იმ დღეს, გაკვეთილების შემდეგ, სკოლის ეზოში ბი-ჭებთან ერთად შეყვებულ გიგიას დაუმა-ხა. ბიჭს ნინიკოს ძახილი არც გაუგია – ამხანაგებმა მიახლეს:

– დელოფალი გეძახის, ე!

გიგიამ ნინიკოსკენ მიიხედა და შეუძა-ხა:

– ჰო!

– ცოტა ხანს მოდი, – დაუქნია ხელი გოგომ.

– ახლავე, – მიუგო ნინიკოს და ბი-ჭებს მიუბრუნდა: – ენახავ ერთი...

– ჰო, ნახე, ნახე, – დამცინავად უპასუხ-ეს ბიჭებმა, – შენმა მზემ, დღეს ჯერ არ გინახავს...

ნინიკო და გიგია პირველი დღიდან ერთ მერხზე ისხდნენ, ამიტომაც დასცინო-დნენ ხოლმე ბიჭები. გიგია ისე მოაჩვენებ-და თავს, თითქოს ბრაზდებოდა, თორემ სუ-ლაც არ სწყინდა...

– ენა ჩაივდეთ! – ერთი შეუღრინა ახარხარებულ ბიჭებს და ნინიკოს მიუახ-ლოვდა:

– ჰო!

– გვიან წამოხვალ? – ჰკითხა ნინი-კომ.

– რა არი, რო?

– არაფერი, საქმე მქონდა.

– როცა გინდა, წამოვალ. რა მოხდა?

– გზაში გეტყვი, – თითქოს განაწყენდა ნინო.

– კარგი, წავიდეთ, – გიგია ბიჭებს მიუბრუნდა: – ჩვენ წავიდეთ, – შესძახა და გოგონას გაჰყვა.

ეზოდან გამოვიდნენ.

– აბა, მითხარი, – შეაგულიანა გიგიამ ნინო.

– არაფერი, გიგია, უბრალოდ, გამაც-ილე.

გიგიამ წიგნების ჩანთა ილიაში ამ-ოიჩარა, ხელები ჯიბეებში ჩაიწყო და უთხრა:

– კარგი, გაგაცდილებ.

სკოლიდან სულ რამდენიმე წუთის გა-

მოსულები იყვნენ. გზად დათო მეზვრიშვილი და მისი ანრილი — აყლაყულა თამაზა რომ შეხვდათ. ორივენი ასაკით უფროსები იყვნენ, სკოლა შარშან ჰქონდათ დამთავრებული.

— გიგიას გაუმარჯოს! — მიესალმნენ ბიჭები.

— გაუმარჯოს ბიჭებს!

თამაზამ მხარზე ხელი დაადო გიგიას და ოდნავ გვერდით გაიყვანა:

— გიგი, მოიცა, საქმე მაქვს შენთან.

— ჰო, — უპასუხა გიგიამ და შეჩერდა.

შეჩერდა ნინოც, ძალაუნებურად დათოც ერთ ადგილზე გაიყვანა.

— ახლავე მოვალთ, ნინო! — მაჯაზე წაავლო ხელი თამაზამ გიგიას და გაყვანა დაუპირა.

გიგია მიხვდა, რატომაც სთხოვა ნინოც რომ გაცილებს — არ უნდოდა მარტო შეჭროდა ბიჭებს, მაგრამ ახლა მოერიდა თამაზასთვის ეთქვა — აქვე, ნინოს თანდასწრებით მითხარი, რა გინდაო, და ამიტომაც გაჰყვა.

იქვე, გზაჯვარედინთან გადაუხვიეს. სახლებს გვერდი აუქციეს, ფერდობზე მორაკრაკე რუსთან მივიდნენ და გიგიაც გაჩერდა. აქ ყველაფერი ისე შეეძლო ეთქვა აყლაყულა თამაზას, რომ გიგიას მეტი ვერაფერი გაიგებდა, შორს წასვლა საჭირო აღარ იყო.

— გამო, ცოტაც, პატარა რაღაც საქმე მაქ — ხომ იცი, ბიჭები ვართ... — არ მოეშვა თამაზა.

— რა საქმეა, აქვე მითხარი! — ფეხი ათირია გიგიამ.

— არაფერი ისეთი, გამო, კაცო, ხომ არაფერს გერჩი.

— რას უნდა მერჩოდე, პა?! — რამდენიმე ნაბიჯი ისევ გადადგა გიგიამ.

სკოლის ჭიშკართან ნინოც და დათოც დარჩნენ. ნინო ძველ, ჭრილა ჭიშკარს თვალს არ აშორებდა და ამკარად ღელავდა.

— სახლში მიდილი უკვე, ნინო? — ვითომ არ იცოდა, ისე ჰკითხა დათომ.

— ჰო, — უპასუხა გოგონამ.

— წამო, ვიაროთ, ცოტაზე გაგაცილებს, — შესთავაზა ყმაწვილმა.

— გიგიას დაველოდები.

— გიგია დაგვეწვევა, — დათოს საუბარში თხოვნაც ჟღერდა და დაჟინებაც.

ნინომ ღუმილით უპასუხა და შუბლზე ჩამოყრილი თმა ყურებზე გადაიწია.

— საცაა სკოლას ამთავრებ, არა?

— ჰო, ვამთავრებ, ორი წლის მერე.

— მერე საით?

— არ ვიცი.

— უკვე დიდი გოგო ხარ, ალბათ დროა, იცოდე.

ნინოც კვლავ ღუმილით და მოუსვენრად იყურებოდა გზაჯვარედინისკენ.

— წამოდი, ნელა ვიაროთ, უხერხულია, გართი ვდგავართ, — არ ეშვებოდა დათო.

— გიგიას ვუცდი, — ჯიუტად დაბერა ტუჩები.

— არსად დაგეკარგება ეგ შენი გიგია! — დათოს ხმაში სიბრაზემ გაიჟღერა.

— ვიცი, — მშვიდად უპასუხა ნინომ.

ამასობაში აყლაყულა თამაზამ გიგია-სთან „პატარა რაღაც საქმე“ ვერ გამოიხატა და სულ უფრო უჭირდა მისი შეყოლიება.

— პა, თქვი, რისთვის წამომიყვანე, რა საქმე გაქვს?



— ეს ვინა ყოფილა, კაცო! — ვერ მიხვდა გიგიას მოუხვედრელობის მიზეზს თამაზა: — ბიჭები არა ვართ? დააცა, ერთი სიტყვა უთხრას — იქ ხომ არ ჩაეჩხირები!

— მე არავის არ ვეჩხირები! — გაიწია გიგიამ.

— დაიცა, ბიჭო! — მკლავზე წაავლო ხელი თამაზამ.

გიგია გაუძლიანდა, თამაზაც დაეჯავჯავრა, გიგიას ჩანთა რუში ჩაუვარდა, გაგულისდა და თამაზას დაეტაკა:

— ხელი გამიშვი!

— ეს რა გულზეა, ბიჭო! — ამდენს აღარ ელოდა თამაზა და მხარში ჩაარტყა.

გიგია კვლავ დაემეგრა, თამაზამ არც აცია, არც აცხელა და აღიყური შემოჰკრა. გაცივებული გიგია გამეტებით დაეტაკა, მაგრამ ამოდ — ამჯერად თამაზამ ცხვირში მოახვედრა მუშტი. გიგია წაბორძიკდა და წაიქცა, მაგრამ ისევ წამოხტა და ისევ მისკენ გაექანა. ისევ მიიღო დარტყმა — ახლა უკვე ყბაში და ისევ წაიქცა. ადგა, ცხვირიდან სისხლი მოსდიოდა და პერანგიც ესვრებოდა. მუშტები მოიმარჯვა:

— ახლა კი... — უწმაწურად შეაგინა მეტოქე.

— გიგი ხომ არა ხარ, ბალო?! — შეაცბუნა ბიჭის ვაჯიქებამ აყლაყულა თამაზა.

— ახლა გინევენებ სეირს! — დაიქანდა გიგიამ და გაექანა.

შორიასხლოს მდგარი სახლის აივნიდან ქალმა გადმოიხედა და მამინვე ყვირილი ატეხა:

— უშველეთ, მოკლა ბალო ამ ვერანამ! რასა სჩადინარ, ბიჭო, პა!

თამაზამ უკან-უკან იწყო სვლა. გიგიას თავი დაეღუნა და შუბლის ქვემოლან უყურებდა თამაზას. უმისამართოდ იქნევა მუშტებს და არეული ნაბიჯით უახლოვდებოდა აყლაყულას. თამაზა გრძელი ხელებით აკაკებდა გიგიას, მერე ვეღარ შეძლო, შებრუნდა და გაიქცა. დათოს და ნინოს რომ გაუსწორდა, შეუჩერებლად მიყვარა:

— ვერ გაგაჩერე, ეგ შობელძალი, გიგია ვიღაცა!

ნინოსთან მიახლოებულმა გიგიამ ცხვირსახოცი ამოიღო და სისხლის მოწმენდა სცადა, უფრო მეტად გაიღებდა. გიგიას შემხედვარე ნინო შიშისგან აწრიპინდა:

— ვაიმე, ღელიკო, ვაიმე ღელიკო!

— კარგი, ჩვენ წავედითო, — უაზროდ მიუგლო გიგიას დათომ.

... დიდხანს იბანა ცხვირი ონკანის წყლით გიგიამ. დროაღლო ხელს მოიკიდებდა — ეს რამხელა გამხდარაო, ამბობდა.

ნინოს ხელში თავისი და გიგიას ჩანთები ეჭირა და სიცილით კვდებოდა.

— ეგ იყო შენი საქმე? — ჰკითხა გიგიამ.

— მე რა ვიცოდი, თუ ასე... — ცხვირზე მოიკიდა ხელი ნინომ.

— ეგ არაფერი. ამანაც გააკეთა თავისი საქმე.. რაო, იმან, რა მინდაო?

— ისე... რაღაცები ილაპარაკა, — მხრები აიჩქა ნინომ.


— მაგარი ბიჭი ვარო? ვნახოთ... ვინ უფრო მაგარია.

იმ დღიდან პირველად შეხვდა გიგიამ თავის თავს „სერიოზულად“. ისიც აღმოაჩინა, რომ ნინოსთან მისი ურთიერთობა რაღაც სხვა საფეხურზე ავიდა...

ნინოს სახლს რომ მიუახლოვდნენ, გოგონა შეჩერდა. მიმოიხედა, ბიჭს ცხვირზე აკოცა და სწრაფად გაეცალა.

მათ არ შეუნიშნავთ, როგორ უთვალთვალდნენ მეორე სართულის ფარდა-გაწეული ფანჯრიდან. ნინო სახლში შევიდა და ფარდაც ფანჯარას მთლიანად გადაეფარა...

მეორე დღიდან გიგიამ შეამჩნია, რომ ძალიან ლამაზად, ძალიან სხვანაირად უხაროდა გულს ძველი თანაკლასელის დანახვა.



Mercedes-ის სუიჰიზები

ერთი შეხედვით, „მერსედეს-ბენცის“ საყოველთაო პოპულარობა საშუალებას აძლევს კომპანიას, ზედმეტად არ იზრუნოს ახალ-ახალი მოდელების შექმნაზე, მაგრამ ასე არ ფიქრობენ თვით ავტოგიგანტის მესვეურები. ამიტომაც შტუტგარტელმა ჯადოქრებმა C კლასის კიდევ ორი მოდიფიკაცია შექმნეს – სპორტ-კუპე (სამკარიანი და

ოთხკარიანი) და უნივერსალი. „დაიმლერ-კრაისლერის“ მარკეტოლოგები აღნიშნავენ, რომ სხვადასხვა ქვეყანაში სულ უფრო იზრდება სპორტული სტილისა და წარმომადგენლობითი კლასის ლიმუზინის კომფორტის ნაზავის მოყვარულთა რიგები. ახალ სპორტ-კუპესა და უნივერსალში „მერსედესულ“ კომფორტსა და უსა-

ფრთხობას უკანასკნელი ტექნიკური სიახლეები ერწყმის. სტანდარტულ კომპლექტაციაში კი, მთ ყველაზე ძვირფასი მოდელების ატრიბუტიკა ახლავს. განსაკუთრებით მიმზიდველია გამჭვირვალე მოძრავი სახურავი და გადაცემათა ექვსსაფეხურიანი კოლოფი – SEQUENTRONIC, რომელზეც ამბობენ – ნამდვილი ზღაპარიაო. ■

Citroen-ის ახალი ფეაგმანი

კომპანია „სიტროენმა“ ორ ახალ მოდელზე დაამთავრა მუშაობა. ესენია XSARA და C5, რომელიც თანდათან XANTIA-ს ადგილს დაიკავებს და საბოლოოდ, კომპანიის ფლაგმანს – XM-ს შეცვლის.

ძირითადი ცვლილებები XSARA-ში ექსტერიერმა განიცადა: მანქანისთვის შეიქმნა ახალი ძარა, რადიატორის ვისოსი და გაზრდილი, მოგრძო სანათები. ახლა მისი ბამპერები ძარისავე ფერისაა. ბორბლების სტანდარტული ზომაც გაიზარდა – 15 დუიმიანი გახდა. საბაზო კომპლექტაციაში შევა ABS-ი, უსაფრთხოების წინა და გვერდითი ბალიშები და კონდიციონერი. ე.წ. ოფციათა ნაკრებში გაერთიანებული იქნება თანამგზავრული სანავიგაციო სისტემა, ჩამონტაჟებული ტელეფონი და კომპიუტერი. მანქანისთვის შეიქმნა ორი ახალი ძრავა: 1,6 ლიტრიანი 16 სარქვლიანი, 110 ცხ. ძალიანი აგრეგატი 1,6-1,8 ლიტრიანს შეცვლის, 2,0 ლიტრიანი კი, 137 ცხ. ძალამდე გაძლიერდება. დიზელის ძრავები 1,9 ლიტრი მოცულობისა (71 ცხ. ძ.) და 2,0

ლიტრიანი (90 ცხ. ძ.) იქნება. როგორც ამბობენ, C5 მოხერხებულობისა და ტევადი მანქანების მოყვარული ადამიანებისთვის განკუთვნილი ავტომობილია: ის თავის კლასში ერთ-ერთი ყველაზე დიდი მოცულობის სალონით გამოირჩევა. აკეცილი უკანა სავარძლების მდგომარეობაში მისი ტევადობა 1658 ლიტრს აღწევს, რაც მხოლოდ 42 ლიტრით ჩამოუვარდება ამ პარამეტრით 2001 წლის ლიდერს – უნივერსალ FORD

MONDEO-ს. გარდა ამისა, C5 აღჭურვილია საინტერესო სიახლეებით: მას აქვს სპეცამორთველი, რომლის მეშვეობითაც, დიდი დატვირთვის დროს ძარის უკანა ნაწილის აწევა შეიძლება, საბარგულის ფანჯარა კი ცალკე იდება – იმ შემთხვევაში, თუ სადგომზე სივიწროვის გამო, კარის გაღება ვერ ხერხდება, დაბოლოს – გადაცემათა გადართვის ბერკეტი ავტომობილს საჭეზეც აქვს და სავარძლებს შორისაც. ■



მას

ყველაზე არაორდინარულ იაპონურ „ყველგანმავალს“ უწოდებენ. და კიდევ – MITSUBISHI RPM-

7000-ს ბორბლებზე შემდგარ ნამდვილ ავანტიურად რაცხენ, ძირითადად იმიტომ, რომ ის სამი მოდელის – რალი-რეიდებისთვის განკუთვნილი უმაღლესი კატეგორიის სპორტ-პროტოტიპის, სამგზის მსოფლიო ჩემპიონის – ტომი მიაკინენის LANCER EVOLUTION-ისა და სპორტული სედანის თავისებურ ნახავს წარმოადგენს. ამას ემატება ფორმულა-1-ის ბოლიდებისთვის დამახასიათებელი ცხვირი და მთლიანად წინა ნაწილი.

კონსტრუქციულად, ავტომობილი უპრეცედენტოა: ექვსსაფეხურიანი გადაცემათა მექანიკური კოლოფი, 3 ღისკოიანი ნახშირბაქსტიკის მოჭიდვის სისტემა და 4 ცილინდრიანი 2,0 ლიტრიანი ძრავა აქვს, რომელიც 315 ცხ. ძალას ავითარებს. მანქანის



Mitsubishi-ს „ყველგანმავალი“

ბამპერი, ფრთები, კაპოტი კარბონისგან არის დამზადებული. ავტომობილი აღჭურვილია უსაფრთხოების დამატებით საშუალებათა სრული კომპლექტით – მილისებური კარკასით დაწყებული, ელექტროკვების ავარიული გამორთვისა და ავტომატური საბორტო ცეცხლსაქრობი სისტემით დამთავრებული. ბუნებრივია, მანქანა-

ში არის CD-პლეერი, კონდიციონერი და სრული ელექტროპაკეტი.

„მიცუბისი“ ოთხადგილიანია. უკანა სავარძლებისა და უკანა მინის (სახურავის ნაწილთან ერთად) მოხსნის შემთხვევაში, ჯიპი პიკაპად გადაიქცევა. თავდაპირველად ფირმა ამ ავტომობილის მცირე პარტიებად გამოშვებას აპირებს. ■

Passat-ის ბოლო მოდიფიკაცია



„ფოლკსვაგენის“ მოყვარულთ, განსაკუთრებით ამ მარკის ამერიკელ თავყვანისმცემლებს გულგრილს არ დატოვებს ახალი PASSAT VB, რომლის მასობრივი წარმოება უკვე მომავალი წლის პირველ კვარტალში დაიწყება. კომპანიის მესვეურთა გეგმების თანახმად, ე.წ. საშუალო კლასის ეს მანქანა უპირველესად, აშშ-ის ბაზრისთვის არის განკუთვნილი. ახალი „ფოლკსვაგენი“ 4 ლიტრიანი, 275 ცხ. ძალიანი ძრავით არის აღჭურვილი, სრულამპრავიანია და 6 საფეხურიანი მექანიკური გადაცემათა კოლოფი აქვს.

ევროპაში „ფოლკსვაგენის“ წარმომადგენლის იენს ნოიმენის თქმით, ამერიკაში ამ ავტომობილის გამოჩენამ ამ ქვეყანაში „აუდისა“ და „ბე-ემ-ვეს“ პოზიციები შეიძლება შეარყიოს. თუმცა იმასაც დასძენს, რომ V8 სულაც არ წარმოადგენს კომპანიის შესაძლებლობათა ზღვარს: ეს მოდელი 2002 წელსვე V12 ძრავითაც გამოჩნდება, რომლის სიმძლავრე 412 ცხ. ძალას მიაღწევს. ასეთი ავტომობილი თავისუფლად „აწევს“ 320 კმ/სთ სიჩქარეს – რასაკვირველია, იმ შემთხვევაში, თუ ამაში გზის საფარი შეუწყობს ხელს. ■




Nissan-ის ჯიპი

იაპონური კომპანია 2 ახალ მოდელს ამზადებს, რომელიც პირველად პარიზის შარშანდელ ავტოსალონზე წარმოადგინა. ესენია „ყველგანმავალი“ X-TRAIL და სელანი FUSION.

კომპაქტური, სრულამპრავიანი X-TRAIL ტიპური ჯიპის შესაძლებლობებსა და ყოველდღიური ავტომანქანის კომფორტულობას აერთიანებს, ამასთან, მასში აქცენტი უსაფრთხოების გაძლიერებაზეა გაკეთებული. ეს მანქანა მასობრივ წარმოებაში უკვე წლეულს ჩაეშვება. რაც შეეხება FUSION-ს, ეს 2002 წლის NISSAN PRIMER-ის წინამორბედი იქნება, რომელზეც კომპანია ევროპის ბაზარზე თავისი მომავალი წარმატების იმელს ამყარებს. ■

როცა ოპერისა და ბალეტის თეატრში მისი სპექტაკლები მიდიოდა, შენობას წესრიგის დამცველთა ცხენოსანი რაზმი ვრტყა გარს. ბილეთებს „ცეკა“ ანაწილებდა. თეატრს ზღვად მიმწყდარი უამრავი ადამიანი ამოოდ ცდილობდა სპექტაკლზე შეღწევას. ამ დროს კი დარბაზში, ტაშის ქარიშხალში, სცენაზე დაფრინავდა ვახტანგ ჭაბუკიანი. დიახს, დაფრინავდა... ვისაც მისი ნახტომი უნახავს, მისი სხეულის პლასტიკა აღუქვამს, მიხვდება, რომ ეს სიტყვა გაზვიადებული არ არის.



„ჩასაც შიხო, ყველაფერი გზნებით დაშხვცა“

ლელა ჯიყაშვილი

ვახტანგ ჭაბუკიანი წარმოუდგენელ სიღრმესა და სიმაღლეს მისწვდა საბალეტო ხელოვნებაში. მისი გასტროლები გრიგალივით გადაუვლიდა ხოლმე ევროპას თუ ამერიკას. იმ დროს ყველა მხოლოდ ერთ საკითხზე ლაპარაკობდა, ვაზეთები ერთ თემაზე წერდნენ: მან შტურმით აიღო ნიუ-იორკი, გააოგნა ააბონია, აღაფრთოვანა ევროპა. ცნობილი ინგლისელი მწერალი ქალი, ბალეტის მკვლევარი აირის მორლი წერდა: „ამ არაჩვეულებრივი და შესანიშნავი მოცეკვავის აღწერისას ისეთსავე სირთულეს განიცდი, როგორც ქარბორბალას აღწერის ცდისას. იგი იპყრობს მთელ სცენას, ეძლევა მშვენიერ სიშმაგეს, ზოგჯერ იმდენად სტიქიურს, რომ გაოგნებულ მაყურებელს ისღა დარჩენია, უცქიროს თითქოს როდენის ხელით გამოქანდაკებულ სხეულს, დაინახოს კავკასიის კლდის ქიმზე ჩამომჯდარი არწივი ანდა უფლისწულის გამირული ფიგურა. ჭაბუკიანს ყველაფრის ცეკვა ხელეწიფება... იგი ერთდროულადაა ლენინგრადის ყველა ტრადიციის მემკვიდრე, უდიდესი კლასიკური მოცეკვავე და თავისი მშობელი საქართველოს უდიდესი ფოლკლორის განსხეულებაც... დიდი მოცეკვავე ასევე დიდი ბალეტმეისტერია, რასაც შეეხო, ყველაფერი გზნებით დაშხვცა“.

არადა, ბალეტში მისი მოსვლა თითქოს ერთმა შემთხვევამ განაპირობა. იგი საკმაოდ ღარიბ ოჯახში 1910 წლის 27 თებერვალს დაიბადა. მის მშობლებს ხელოვნებასთან

არანაირი კავშირი არ ჰქონდათ, არც იმის საშუალება, თავიანთი რვა შვილი თეატრში ეტარებინათ. მამა მუშა იყო – ზურო, ხოლო დედა კერვით მოულობდა ლუკმაპურს. შვილები სწავლობდნენ და თანაც შრომობდნენ. ვახტანგ ჭაბუკიანი საოსტატო-სამხატვრო სახელოსნოში მიაბარეს მადამ შევალეისთან, სადაც, სხვა შეგარდებთან ერთად, კალათებს, ფესსაცემელს წნავდა და საზაფხულო ავეჯის შეკეთებზეც კი მუშაობდა... საბალეტო სტუდიაში კი ბედნიერმა შემთხვევამ მიიყვანა: როგორც შიკრიკმა, მოწონული კლათებით საახალწლო საჩუქრები მიიტანა სტუდიაში. იქ ბავშვებს ასწავლიდა ყოფილი ბალერინა, შესანიშნავი პედაგოგი მარია პერინი. მან ნება დართო პატარა შიკრიკს, საბავშვო ზეიმზე დარჩენილიყო. ცეკვებმა, მხიარულებამ, მუსიკამ დიდი შთაბეჭდილება მოახდინა ვახტანგ ჭაბუკიანზე... ბატონი დიდი ალექსიძე, რომელიც თუმორის დიდი ნიჭით იყო დაჯილდოებული და იმ პერიოდში პერინის სტუდიაში ირიცხებოდა, ზუმრობდა: ჭაბუკიანმა ჩემი ცეკვა რომ ნახა, ისე აღფრთოვანდა, ნება მეც ასე შემეძლოსო, ინატრაო...

ჭაბუკიანმა კი საკუთარ თავს მიაგნო, ჯერ უბრალოდ, ყმაწვილური ალტაცებით, გაუცნობიერებლად, დაიწყო ცეკვა... ბოლოს ამ საქმეს დაუკავშირდა მისი ოცნება, ფიქრი, მთელი არსება. მარია პერინიც მიხვდა, რომ ეს ბიჭუნა შეფარული დიდი ტალანტის მატარებელი იყო. 13 წლისა მიიღო სტუ-

დიაში (როცა 5-6 წლის ბავშვებს იღებდნენ ხოლმე) და უფასოდ ამეცადინებდა. 15 წლის ჭაბუკიანი უკვე თბილისის ოპერისა და ბალეტის თეატრის სტაჟიორი იყო.

საკუთარი ხელოვნება ლენინგრადში სრულყო: სამამულო ომამდე იქ მოღვაწიობდა... გასტროლებზე თბილისშიც კი იყო ერთხელ. ომის დროს კი, საბოლოოდ დაბრუნდა. ამბობენ, იმ წლებში, ღამით შუქის ანთება რომ არ შეიძლებოდა, ოპერის თეატრში „ლამპის შუქზე“ იღვებოდა და მიმდინარეობდა მისი სპექტაკლები...

ერთხელ ახალგაზრდა თეატრმცოდნემ, ეთერ გუგუშვილმა „მსუბუქად კრიტიკული“ წერილი მოუძღვნა ვახტანგ ჭაბუკიანს სპექტაკლის – „მძინარე მზეთუნახავის“ გამო. წერილი გაზეთში გამოქვეყნდა. ამის შემდეგ შემთხვევით შეხვდნენ ქუჩაში ერთმანეთს... უკმაყოფილო ვახტანგ ჭაბუკიანს უთქვამს: „Этери! Вы знаете, я прочёл вашу статью и понял, что вы ничего не понимаете в балете...“ რამდენიმე დღის შემდეგ, თეატრთან მიმავალმა ქალბატონმა ეთერმა, ისევ დაინახა ვახტანგ ჭაბუკიანი... შეწუხდა, იფიქრა – განაწყენებული, ალბათ ისევ საყვედურს მეტყვისო, სად წასულიყო, აღარ იცოდა და უცებ... ხალისიანმა, მხიარულმა ჭაბუკიანმა შორიდანვე დაუძახა: О, Этери!.. მიუახლოვდა და ძალიან თბილად გადაეხვია... გავიდა დრო. თეატრში „ოტელო“ დაიდგა. გაზეთში ისევ გუგუშვილის რეცენზია დაიბეჭდა. თვალზე სინარულის ცრემლებმომდგარი დიდი ხელოვანი გულაჩუყებული იყო: Дорогая Этери! Знаете, то, что вы написали, самое лучшее, что когда-нибудь писали обо мне... მის რეცენზენტს ღიმილით უპასუხ-



„ოტელოს“ როლში



ია: **Да, это писала Этери, которая ничего не понимает в балете...**

ჭაბუკიანის „ოტელიო“ მართლაც სასწაუ-
ლი იყო. იმ დროს, როცა დრამატულ თე-
ატრებში ანშლაგით მიდიოდა შექსპირის
„ოტელიო“ და „ჰამლეტი“, ვერიკო ანჯა-
ფარიძე ჭაბუკიანის მავრის ნახვის შემდეგ
გულწრფელად აღიარებდა: ასეთი შეყვარე-
ბული ოტელიო სიცოცხლეში არ მინახვ-
სო. აკაკი ხორავა, თავდაც ოტელიოს უბად-
ლო შემსრულებელი, წერდა: „უკვე რამდენ-
იმე დღეა, შთაბეჭდილების ტყვეობაში ვარ...
დაიხ, ოტელიო ასობით წარმოდგენაში მითა-
მაშა, რომლის ტანჯვა-წამება, სიყვარული
განმიცდია ყოველ სპექტაკლში, მაგრამ ჭა-
ბუკიანის ოტელიომ სულ სხვაგვარად გან-
მაცდევინა ოტელიოს სიხარული თუ ძწუხ-
არება, სევეა თუ ტრაგიზმი... მისი ოტელიო
მართლაც რომ შექსპირულია“. როცა ლოუ-
რენს ოლივიეს ჰკითხეს – ვინ ჩასწვდა
შექსპირის ნამდვილ სულსო, გამოჩინილ
ინგლისელს უპასუხია: მავრის ნამდვილი
სახე ჭაბუკიანმა გასწნაო.

ვასტანგ ჭაბუკიანს, ისევე, როგორც ბერ
ხელოვანს, მძიმე ხასიათი ჰქონია. როგორც
ჩანს, მას საკმაოდ ეძნელებოდა ჩვეულებრივი,
ყოფითი ურთიერთობები. ბატონმა კოტე მსხ-
არაძემ გაიხსენა ერთხელ: როცა ჭაბუკიანზე
ლოკუმენტურ ფილმს ვიღებდით, მივმართეთ
რამდენიმე ხელოვანს, რომლის მოგონებები
ჭაბუკიანზე გამოცემულ წიგნში იყო დაბე-
ჭდლი, კინოკამერის წინ გაემეორებინათ. არ
დავკონანხდნენ, ერთ-ერთს ისიც უთქვამს –
Что я написал и того хватит-о... ეს
ყველაფერი მისი რთული ხასიათიდან გა-
მოძინარეობდა, თორემ მისი, როგორც ხე-
ლოვანის ბრწყინვალეობას, ვინ უარყოფდა?!
აკი დიდ თეატრში ოუბილუც გადაუნადეს,
რაც ესოდენ იშვიათია იმ შემოქმედისთვის,

ვინც რუსი არ არის, და იმავე დროს კი სხვა
რესპუბლიკის თეატრში მოღვაწეობს...

დაიხ, მასთან ურთიერთობა საკმაოდ
რთული იყო, თუმცა ეს იმას არ ნიშნავს,
რომ კეთილი გული არ ჰქონდა... როცა
ოპერისა და ბალეტის თეატრის ყოფილი
პრიმა-ბალერინა, უცხოელის სიყვარულის
გამო დევნილი – ქეთევან ნადარეიშვილი
გადასახლებიდან დაბრუნდა, ჭაბუკიანმა
უყოყმანოდ გაუწოდა დახმარების ხელი.
თეატრში საარსების ნება დართო, საცეკვაო
ფორმის აღდგენაში ეხმარებოდა... ორი თვის
ხელფასიც კი აალებინა ზედმეტად, რითაც
ქალბატონმა ქეთევანმა პალტო შეიძინა,
რომელიც ძალიან სჭირდებოდა მის გარდ-
ერობს. ამით, რა თქმა უნდა, თავს საფრთხ-
ეში იფლებდა ჭაბუკიანი – „ხალხის მტერს“
მოყვარედ აღიარებდა...

ვინ იცის... იქნებ უყვარდა კიდევ ვინმე...
მაგრამ მარტო ცხოვრობდა. მხოლოდ ძალიან
ასალეზარდას, ლენინგრადში ყოფნის დროს
ჰყლია მუელღე, რომელსაც დაშორებია...
შვილივით უყვარდა ძმისშვილი – სახელო-
ვანი ბალერინა ეთერ ჭაბუკიანი – მომხი-
ბლავი, ნიჭიერი მოცეკვავე. ამ ასალეზარდა
ქალბატონის მოულოდნელმა, ტრაგიკულმა
სიკვდილმა, სიცოცხლე გაუნახვერა ვასტანგ
ჭაბუკიანს. მოკლე ხანში შეიცვალა, მოტყდა,
სასო წარეკეთა. მისი ეს დიდი ტკივილი,
კიდევ ერთი ტკივილის მიყენების საბაბად
იქცა: შეაფიწროვეს, როგორც ხელოვანიც...

პოეტის სტრიქონები გაასწნდება კაცს:
„ღმერთი და ღმერთივით კაცები
სად და ვის ჰყვარებია, მორის...“

რა ჭუჭყი აღარ მოსცხეს, რა არ
დააბრალეს. საოცარია, მაგრამ ფაქტია: ოპ-
ერის თეატრის დაწვასაც ვასტანგ ჭაბუკი-
ანს აბრალებდნენ. ამის გამო კრებაც კი
მოუწვევით თეატრში... ქალბატონი ეთერ
გუგუშვილი იხსენებს, როგორ დაკარგა წონას-
წორობა ჭაბუკიანსადმი წაყ-
ენებული იმ უსაფუძვლო
ბრალდების გამო, როგორ
ურტყამდა მუშტს მაგიდას,
როცა დიდი მაესტროს
დასაცავად სიტყვას ამბობ-
და...

და მაშინ, სულ ორ კაცს
დაუცავს ვასტანგ ჭაბუკი-
ანი... კაცი, რომელმაც
საქართველოს ბალეტს სახ-
ელი გაუთქვა მსოფლიოში.
კოტე მარჯანიშვილს ჭა-
ბუკიანზე უთქვამს: მისი ყოვე-

ლი მოძრაობა მუსიკააო... პროფესიონალე-
ბი აღიარებენ, რომ მისმა შემოქმედებამ მსოფ-
ლიო ბალეტის განვითარებას უცვალა გეზი...

დახვეწილი შემოქმედი, დიდი მოცეკვავე,
დაუღალავი პედაგოგიც იყო. მთელი არსე-
ბით ემსახურებოდა ამ საქმეს. აღსანიშნავი
ფაქტია: თეატრალური საზოგადოების პლენუ-
მი უნდა დაწყებულიყო. დარბაზი სავე იყო,
„ცეკას“ წარმომადგენლებიც ესწრებოდნენ,
სხდომა კი არ იწყებოდა. როცა მიზეზი
იკითხეს – ჭაბუკიანს ველოდებითო, უთქვამთ.
იქნებ არ იცის, ან არ მოდის ჭაბუკიანიო?
როგორ არ იცისო, მაგრამ როცა უთქვამთ,
ამა და ამ დროს პლენუმი დანიშნულიო,
გულწრფელად გაჰკვირვებია: პლენუმის
გულისთვის რეპეტიციას ხომ არ ჩავშლიო!
რეპეტიციას ატარებდა და მხოლოდ მისი
დამთავრების შემდეგ წავიდა პლენუმზე.

საოცარია, რომ ასეთ პედაგოგს ათქვენენს:
თუ საბალეტო სტუდიიდან გამიშვებთ, თეა-
ტრის წინ თავს ჩამოვიხრჩობო...

დღემდე საქართველოში ჭაბუკიანის მხ-
ოლოდ მემორიალური დაფა არსებობდა,
არადა მისი გარდაცვალებიდან უკვე 9 წელი
გავიდა. მაღე მისი სახლ-მუზეუმიც გაიხს-
ნება. მისუელი ნივთები, ტანსაცმელი, ავეჯი,
წიგნები და სურათები მნახველს გადასცე-
მენ, უნიჭიერესი ხელოვანის ცხოვრების ამავეს,
რომელმაც, როგორც მოცეკვავემ ალაპარა-
კა მსოფლიო, როგორც ბალეტმეისტერმა
30 სპექტაკლი დადგა, დიდების ზენიტში
მყოფმა, უარი თქვა საბჭოთა კავშირის დიდ
თეატრში გადასვლაზე და თბილისის
ოპერისა და ბალეტის თეატრში დარჩენა
ამჯობინა... ხელოვანზე, რომელიც ბალეტის
ლევენდად იქცა...

P.S. წერილის მომზადებაში გაწეული
დახმარებისთვის მადლობას ვუხდი ქალბა-
ტონ ეთერ გუგუშვილსა და ბატონ დავით
ჯანგველაძეს.

**რეპეტიციებე-
პედაგოგი
ვასტანგ ჭაბუკიანი**





ცოდნა

ზეფალი და

თამარ გამაცაშვილი

აბაზანა აუცილებელი ჰიგიენური პროცედურაა, რომელიც ხელს უწყობს სხეულის გაკაფებას, გაჯანსაღებასა და გალამაზებას.

ჩვენი კანი დღის განმავლობაში ოფლითა და მტვრით იფარება. ამის „ნიღაგზე“ მილიონობით მიკრობი შეიძლება გამრავლდეს. დადგენილია, რომ კანის ერთ კვადრატულ სანტიმეტრზე 40 მილიონი ბაქტერიაა. ერთი აბაზანის მიღების შემდეგ დაახლოებით 10 მილიონი ბაქტერია ილუპება. მართლაც ამ მაგალითიდანაც ჩანს, თუ რამდენად მნიშვნელოვანია ჩვენი ჯანმრთელობისათვის აბაზანის მიღება. ბანაობის დროს ფორები იხსნება, კანი იწყებს სწორად ფუნქციონირებას და „ეხმარება“ ფილტვებსა და თირკმლებს.

ნებისმიერი აბაზანა ორგანიზმს დასვენებისა და მოღუწების საშუალებას აძლევს. მაგრამ იმის მიხედვით, თუ რა სახის აბაზანას მივიღებთ, ის ან გაგაკაფებს, ან დაგვამწვინებს, ან გაგვალამაზებს და, შესაძლოა, გვიკურნალოს კიდევ.

აბაზანის მიღებისას, შემდეგი რეკომენდაციები უნდა გაითვალისწინოთ:

- ახალდანაყრებული ნუ იბანავებთ;
- ცხელი აბაზანის (დაახლოებით 40 გრადუსი) შემდეგ აუცილებელია გრილი შხაპის მიღება;
- არ შეიძლება 10-15 წუთზე მეტხანს

აბაზანაში წოლა;

- აბაზანის მიღებისთანავე სასურველია მოსვენება და ძილი. თუ აბაზანა დღისით მიიღეთ, 15 წუთით მაინც წამოწეხით და დაისვენეთ;

- ცივი აბაზანა აკაფებს ორგანიზმს, მაგრამ უარყოფითად მოქმედებს თირკმლებზე;

- ძალიან ცხელი აბაზანა აღუწებს გულს, ამიტომ გულთ დაავადებულები მას უნდა მოერიდონ;

- ყოველდღიური ჰიგიენური აბაზანის მიღებისას, წყლის ტემპერატურა 36 გრადუსი უნდა იყოს. ასეთი აბაზანა დადებითად მოქმედებს ნერვულ სისტემაზე.

ახლა კი შემოგთავაზებთ სხვადასხვა სახეობის აბაზანას: არჩევანი თქვენზეა.

დასამშვიდებელი აბაზანა: რეკომენდებულია მძიმე და მომქანცველი სამუშაოს შემდეგ. ჯერ იბანავთ, შემდეგ აავსეთ აბაზანა თბილი წყლით, ჩაყარეთ ორი პეშვი მარილი და ჩაწეხით 15 წუთით. თუ ასეთ აბაზანას კვირაში ერთხელ მაინც მიიღებთ, ერთი თვის შემდეგ აშკარად იგრძნობთ ჯანმრთელობის საერთო მდგომარეობის გაუმჯობესებას.

ბალანის აბაზანა: მისი მიღება რეკომენდებულია კანის დაავადებების: მუწუკების, ფერიმჭამელების, სეპორეის დროს. მისი მიღება შეიძლება ზედიზედ რამდენიმე დღის განმავლობაში. თუმცა, უნდა ითქვას, რომ ამ აბაზანის კვირაში ერთხელ სისტემატური მიღებაც შესანიშნავ ეფექტს იძლევა.

ავილოთ 25-25 გრამი შემდეგი ბალანის: ცაცხვის ყვავილი, კრაზანა, გვირილა, ბეჭონდარა (იყიდება აფთიაქში), ბალანები ჩაეაწყეთ პატარა მიტკლის პარკში, დაეასხათ ორი ლიტრი წყალი, ავადულოთ და ნელ ცეცხლზე, ოცდახუთი წუთის განმავლობაში გაეაჩქიროთ. ნაყენი მილიანად ჩავასხათ აბაზანაში.

ნაოჭების საწინააღმდეგო აბაზანა: აიღეთ ნახევარ კილოგრამამდე კარტოფილის ფქვილი, მოაღუღეთ სახამებელი და ჩაასხით აბაზანაში. დაუმატეთ ერთი სუფრის კოვზი თაფლი. ამ აბაზანის შემდეგ ძალიან კარგი იქნება, თუ ჯერ კიდევ თბილ კანს მკვებავი საცხით ან კოსმეტიკური რძით დაიხელოთ.

ქერგის აღსადგენი აბაზანა: ეს აბაზანა ძალიან თბილი და ხანმოკლე – მაქსიმუმ 5 წუთიანი უნდა იყოს (უფრო ხანგრძლივი აბაზანა უკუეფექტს იძლევა). წყალს დაუმატეთ ორი სუფრის კოვზი წიწვის ექსტრაქტი. აბაზანის მიღებისას გაიკეთეთ ფეხების მასაჟი; ამ მიზნით უმჯობესია უხეში ჯაგრისის ხმარება. მასაჟი კეთდება წრიული მოძრაობებით, ქვემოდან ზემოთ (გახსოვდეთ, მასაჟი გულის მიმართულებით უნდა გაკეთდეს).

თუ საღამოს რაიმე მნიშვნელოვანი შეხვედრა გაქვთ ან წვეულებებზე ხართ მიწვეული, წიწვიან აბაზანას ერთი ჩაის კოვზი ექვალიპტის ზეთი დაუმატეთ. წყალში ყოფნისას, ეცადეთ, მოაღუწოთ კუნთები. აბაზანაში ყოფნის დრო კოსმეტიკური ნიღბის გასაკეთებლადაც შეგიძლიათ გამოიყენოთ. აბაზანის მერე 20-30 წუთის განმავლობაში მოისვენეთ, მოუსმინეთ მუსიკას. ყოველივე ამის შემდეგ, სარკეში საკუთარი სახის დანახვა ნამდვილად სიამოვნებას მოგანიჭებთ.

ზღვის წყლის აბაზანა: ზღვის წყალი აყურებს ტკივილებს, კურნავს კანის სხვადასხვა ინფექციურ დაავადებას, აშშვილებს ნერვულ სისტემას, ორგანიზმს უბრუნებს მხნეობას. ზღვის წყლის აბაზანის მისაღებად, სულაც არ არის აუცილებელი ზღვის სანაპიროზე გამგზავრება: აფთიაქებში იყიდება ზღვის მარილი. ორი შეკვრა ასეთი მარილი სავსებით საკმარისია ერთი აბაზანის მისაღებად. ეფექტის გასაძლიერებლად, წყალში ჩაყარეთ ერთი სუფრის კოვზი საკვები სოდა. წყლის ტემპერატურა არ უნდა აღემატებოდეს 36-37 გრადუსს. აბაზანის მიღების ხანგრძლივობა ექვსიდან თორმეტ წუთამდე შეიძლება მერყეობდეს.

ზღვის წყლის აბაზანები უნდა მიიღოთ ორ დღეში ერთხელ. ერთი კურსია რვა-თორმეტი აბაზანა. კურსის გამეორება მხოლოდ ექიმის რჩევითა და მხოლოდ რვა თვის შემდეგ შეიძლება.

ნიორი და მისი სამკურნალო თვისებები

ნიორი შეიცავს 0,5-0,3 პროცენტ ეთეროვან ზეთს – ალიცინს, რომელსაც სპეციფიკური სუნი და ძლიერი ანტიბაქტერიული მოქმედება აქვს (აფერხებს ბაქტერიების ზრდას 1:125000 პროპორციით განზავებისასაც კი). გარდა ამისა, ნიორის ბოლქვი ცხიმოვან ზეთებსა და C და B ჯგუფის ვიტამინებს შეიცავს. ფართოდ არის გავრცელებული ნიორის, როგორც ანტიბაქტერიული, სოკოს და ჭიების საწინააღმდეგო საშუალების გამოყენება. ნიორი აუმჯობესებს კუჭ-ნაწლავის მოტორულ და სეკრეტორულ ფუნქციებს, ამდენად, ხელს უწყობს მონელების პროცესს, ადამიანს უმატებს მადას. ნიორი მატონიზებელ ზემოქმედებას ახდენს სასუნთქი გზების ლორწოვან გარსზე, ათხელებს ნახველს და ხელს უწყობს მის გამოყოფას; ნიორის პრეპარატები ასტიმულირებს გულის მოქმედებას, აფართოებს კორონარებს. სწორედ ზემოთ თქმულიდან გამომდინარე, ნიორის პრეპარატებს კუჭ-ნაწლავის დაავადებების, ზემო სასუნთქი გზების ანთეზების, ბრონქიტების, ბრონქოექტაზიის, პნევმონიის, ბრონქული ასთმის, ლეიდიისა და ნალვლის ბუშტის დაავადებების დროს იყენებენ. პროფილაქტიკის მიზნით, ნიორს იყენებენ გრიპის ეპიდემიის, ათეროსკლეროზის, ჰიპერტონული დაავადების დროს. სასარგებლოა ნიორის მიღება ჭიებით ინვაზიის, განსაკუთრებით ენტერობიოზის (ე.წ. წვრილი ჭიების) შემთხვევაში. ნიორი აუმჯობესებს ძილს და ხსნის თავის ტკივილს კლიმაქტერიული ნევროზების დროს.

მიირთვით ყოველდღიურად 1-2 კბილი ნიორი – ეს უდავოდ წაადგება თქვენს ჯანმრთელობას.

შემოგთავაზებთ ნიორის სამკურნალოდ გამოყენების რამდენიმე რეცეპტს:

ყვიანახველის დროს

წვრილად დაჭერით ან დანაყეთ საშუალო ზომის ხუთი კბილი ნიორი, კარგად ჩახარშეთ არაპასტერიზებულ ერთ ჭიქა რძეში და ასვით ავადმყოფ ბავშვს რამდენიმე დღის განმავლობაში.

ბრონქოექტაზიის (ბრონქის გაფართოება და დაჩირქება), ბრონქიტის დროს

დანაყეთ ნიორი, დაასხით ცოტაოდენი



ცხელი წყალი და ამ ნაყენით გაიკეთეთ ინჰალაცია (უმჯობესია ინჰალატორით) ყოველდღიურად, 10 დღის განმავლობაში. თუ ინჰალატორი არ გაქვთ დანაყილი ნიორი ჩაყარეთ ცხელ წყალში, გადაიფარეთ თავზე პირსახოცი და წყლის ორთქლი ისუნთქეთ 10 წუთის განმავლობაში. ყოველი ინჰალაციისათვის ნაყენი თავიდან მოამზადეთ. ნახველი გათხელდება და ბრონქები ჩირქისაგან გასუფთავდება.

ჭიებით ინვაზიის დროს

თუ ბავშვს ენტერობიოზი (წვრილი ჭია აწუხებს, რომლის სიმპტომებია უკანა ტანის ქავილი (განსაკუთრებით ღამით და გამთენიისას), უმადობა, კბილების კრაჭუნი, მისთვის ძალიან კარგია ნიორის თბილი ნახარშის ოყნა. პროცედურა გაიმეორეთ ორ-ორი კვირის შუალედით 3-4-ჯერ.

მეჭუჭუბების, სირსველის, ეგზემის დროს

ნიორის ახალდამზადებული ფაფა ჩადეთ ღოღბანდში და დაიდეთ კანზე. ნიორს შეიზელონ აგრეთვე თმის ძირებში – თმის გამაგრების მიზნით. ასეთი ფაფით მკურნალობენ ჩირქოვან ჭრილობებს, ძნელად შესახორცებელ წყლულებს.



წნევის, ათეროსკლეროზის დროს

გაფცქვნით და გარეცხეთ 350 გრამი ნიორი, დაასხით ერთი ლიტრი სპირტი და დადვით ასე მინის ჭურჭლით, 3 კვირის განმავლობაში, გრილ ადგილას. მიღება დაიწყეთ ღოზის თანდათანობითი გაზრდით. ნაყენი უნდა მიირთვათ 3-ჯერ დღეში, რძესთან ერთად, ჭამის შემდეგ. პირველი მიღებისას დალევეთ 1 წვეთს, მეორედ – 2-ს, მესამედ – 3-ს და ა.შ. ვიდრე არ მიაღწევთ 20 წვეთამდე. 20 წვეთს 3-ჯერ დღეში სვამთ 2 კვირის განმავლობაში. და შემდეგ იმავე წესით, ღოზის შემცირება დაიწყეთ.

ეს ნაყენი ამცირებს სისხლში ქოლესტერინის შემცველობას და დაგაცავთ თრომბოზებისაგან.



... სწორედ ეს საფოსტო მაგარბული გაძარცვა ბიგსმა...



... სწორედ ამ ციხიდან გაიქცა ბიგსი

„საუკუნის მძარცველის“ სახელით მთელ მსოფლიოში ცნობილი რონი ბიგსის 35 წლიანი მიმალვის შემდეგ ბრიტანეთში უეცარი დაბრუნების შესახებ მოკლედ „გზის“ №20-ში ვიუწყებოდით. ამჯერად ლეგენდარული ბოროტ-მოქმედის ცხოვრების ამსახველი ნერული გვინდა შემოგთავაზოთ.

„საუკუნის მძარცველი“

მძარცველი

რონი ბიგსის სახლი რიო-დე-ჟანეიროში ყველა ტურისტულ ცნობარში შედიოდა, ბრიტანული ტურისტული სააგენტოები კი, ბრაზილიაში საგანგებო ბიგს-ტურებს აწყობდნენ, რომელშიც მისი სახლის „საპროგრამო“ მონახულება შედიოდა

ლონდონელი რონი ბიგსის პირველი ნადავლი ფერადი ფანქრების ნაკრები ყოფილა. ეს მოხდა 1942 წელს, როცა რონი მეთორმეტე წელში იყო. მართალია, ამ ფაქტის გამო სისხლის სამართლის საქმე აღიძრა, მაგრამ სასამართლო არ შემდგარა: მამამისმა ფანქრების საფასური გადაიხადა, პოლიციელებმა კი გადაწყვიტეს, რომ ამ წვრილმანი საქმით მაგისტრატის მოცდენა არ ღირდა, მით უმეტეს, სკოლაშიც და შინაც რონის თვინიერი ბიგის სახელი ჰქონდა, მაგრამ რამდენიმე წლის შემდეგ ბიგსი დაშნაშვე მოზარდების სკოლა-ინტერნატ „ბორსტალში“ მოხვდა და იმ დროიდან მოყოლებული, ლონდონის პოლიციის განყოფილებებისა და ციხეების ხშირი სტუმარი გახდა.

ერთ-ერთი პატიმრობის დროს მან გაიცნო ბრიუს რეინოლდსი და ლონდონური „ფსკერის“ წარმომადგენლისთვის იშვიათი წიგნიერებით გააკვირვა იგი (მაგალითად, ბიგსმა ზეპირად იცოდა შექსპირის ბევრი ნაწარმოები). როცა გათავისუფლების შემდეგ რეინოლდსი თავისი ყველაზე გრანდიოზული დანა-

შაულისთვის საგანგებო გუნდის ჩამოყალიბებას შეუდგა, რონი ბიგსიც არ გამოუტოვებია.

ლონდონის ერთ პაბში, კათხა ლუდის მირთმევისას, რეინოლდსმა მას გაანდო, რომ აპირებდა გლაზგოდან ლონდონში მიმავალი საფოსტო მატარებლის გაძარცვას, რომელსაც ფული გადაჰქონდა, და ამ გზით მილიონი გირვანქა სტერლინგის ხელში ჩაგდებას. ბუნებრივია, ბიგსსაც შესთავაზა ამ ოპერაციაში მონაწილეობა. თუმცა მას საკმაოდ მოკრძალებული როლი ეკისრებოდა: ოპერაციის მზადებისას, მას უნდა მოეძებნა კაცი, რომელიც მატარებლის მართვას შეძლებდა, ძარცვის დროს კი, რადიოკავშირი უზრუნველყო. ორივე ამოცანას მან საუცხოოდ გაართვა თავი.

რეინოლდსის თვაკაცობით, 18 ბანდიტის მიერ ჩატარებული ოპერაცია საუკუნის ყველაზე დიდ სარკინიგზო ძარცვის სახელით შევიდა ისტორიაში და ნამდვილ ლეგენდად იქცა. ამ დანაშაულის შესახებ დაიწერა წიგნები, შეიქმნა მხატვრული და დოკუმენტური ფილმები, მათ შორის დასავლეთში ძალზედ ცნობილი BUSTER-ი, რომელშიც მთავარ როლს



ფილ კოლინზი ასრულებს...

1963 წლის 7 აგვისტოს ღამით, გლაზგოდან ლონდონში მიმავალი მატარებელი სემფორის წითელ შუქზე გაჩერდა. მატარებლის მემანქანებმა არ იცოდნენ, რომ ეს სიგნალი მათთვის რკინიგზელებს არ მიუციათ. რამდენიმე წუთში მთელი შემაღენლობა ბანდიტების ხელში აღმოჩნდა, თანაც ისე, რომ არც ერთი გასროლა არ დასჭირვებიათ. თუმცა, ერთმა ბანდიტმა (და არა ბიგსმა), მაინც გაუტეხა თავი მემანქანე ჯეკ გილზს, რომელიც ამის შედეგად ხეივანი გახდა და ამ გრანდიოზული დანაშაულის ერთადერთ მსხვერპლად იქცა.

მძარცველებმა მატარებელი სათადარიგო ლიანდაგზე გადაიყვანეს და უზარმაზარი თანხით – 2,6 მლნ გირვანქა სტერლინგით (1963 წლის კურსით, 7,3 მლნ დოლარით, რაც დღევანდელ 50 მლნ დოლარს უდრის) ხელდამშვენებულები გაეცალნენ იქაურობას. ბიგსის წილი, რომელიც მან ორ ჯარისკაცულ ზურგჩანთაში მოათავსა, 147 ათას გირვანქას – დღევანდელი კურსით, 2 მლნ დოლარს აღწევდა.

პატიმარი №2731

გამოძიება, რომელსაც სკოტლენდ-იარდი აწარმოებდა, წარმატებით დასრულდა. 18-დან 14 ბოროტმოქმედი რამდენიმე კვირაში დააპატიმრეს, მაგრამ ხაზინაში გატაცებული თანხიდან მხოლოდ 343 ათასი გირვანქა სტერლინგის დაბრუნება მოხერხდა. დაპატიმრებულთა შორის რეინოლდსიც იყო და ბიგსიც. პოლიციელებს თავიანთ მთავარ მიღწევად რეინოლდსის დაკავება მიაჩნდათ, მაგრამ სასამართლომ სხვაგვარად განსაჯა.

ბიგსის, როგორც მარცხის მთავარი მოქმედი პირის შესახებ შექმნილი მითის ავტორი, მოსამართლე ედმუნდ დევისი აღმოჩნდა. ის რატომღაც იმთავითვე ბიგსის მიმართ სიძულვილით აღივსო და მისი საქმე ცალკეც კი გამოყო წარმოებაში: მასზე განსაკუთრებით დიდი შთაბეჭდილება მოახდინა იმ ამბავმა, რომ ბიგსი მრავალწლიანი სტაჟის მქონე რეციდივისტი იყო. ამის შედეგად, ოპერაციის მთავარ ორგანიზატორს – რეინოლდსს თხუთმეტწლიანი პატიმრობა გამოუტანეს, რონი ბიგსს კი მოსამართლე დევისმა მაქსიმალური სასჯელი – 30 წლით თავისუფლების აღკვეთა მიუსაჯა. რონი ბიგსი, რომლის ქონება იმ მომენტისთვის 100 ათას გირვანქა სტერლინგს აღემატებოდა (ბუნებრივია, მას არ უთქვამს, რომ ფული გადაძალადი ჰქონდა), უონდსვორტის სამეფო ციხეში გაგზავნეს და ის №2731 პატიმრად იქცა. თხუთმეტ თვეში – 1965 წლის ივლის-

ში მან სენსაციური გაქცევა მოახერხა და ნამდვილი ადამიანი-ლეგენდის სახელი მოიხვეჭა.

შემდგომი კაცის გაქცევის ორგანიზება ძნელი როდი იყო: მას საკანში თოკის კიბე და ხერხი მიაწოდეს, დათქმულ დროს კი ამ სახანოს ფანჯრის ქვეშ (რომელიც ციხის გარე კედელში იყო) ლეიბებიანი სატვირთო მანქანა იდგა. ცოტა ხნის შემდეგ, ბიგსის ძველ ნაცნობს, ვინმე პილ სიბორნს, როგორც რონის გაქცევის ხელშემწყობს, ოთხი წლით თავისუფლების აღკვეთა მიუსაჯეს, თავად ბიგსის კვალს კი ვერაფრით მიაგნეს.

ღვენილი

რამდენიმე დღის მანძილზე ციხიდან გაპარული ბიგსი ინგლისში იმყოფებოდა, შემდეგ საფრანგეთში ამოყო თავი, სადაც პლასტიკური ოპერაცია გაიკეთა. ამის შემდეგ, ტერი კუკის სახელით, ოთხი წლის მანძილზე სიდნეიში ცხოვრობდა, სადაც კინადამ დააპატიმრეს: კონსპირაციის მიზნით, რონი საშუალოზე მოეწყო და ერთ-ერთმა თანამშრომელმა, ქირურგთა მანიპულაციების მიუხედავად, მასში ის ადამიანი ამოიცნო, რომელიც „საუკუნის მარცხის“ ამსახველ დოკუმენტურ ფილმში ჰყავდა ნანახი, მაგრამ ბიგსმა აძვირადკ მოახერხა მიმალვა და ვიდრე პოლიცია მის კვალს დაადგებოდა, ჯერ პანამაში გაემგზავრა, ცოტა ხანში კი რიო-დე-ჟანეიროში დამკვიდრდა.

ყველაფერი საუცხოოდ აეწყო: ფული საკმარისი ჰქონდა, საკუთარი სახლიც შეიძინა. ერთადერთი, რაც მას აკლდა, გულის სიმშვიდე იყო. ყოველ სამ თვეში ერთხელ, ტურისტული ვიზის გასაგრძელებლად, პარაგვაიში ან არგენტინაში უწევდა წასვლა. 1974 წელს კი, ბრიტანული პოლიცია დაადგა მის კვალს.

ბიგსს შინ ეწვია სკოტლენდ-იარდის უფროსი სუპერინტენდენტი ჯეკ სლიპერი, რომელიც თავის დროზე იძიებდა „საუკუნის მარცხას“ და რონის დაპატიმრებაშიც მონაწილეობდა. ბიგსის შესახებ დაწერილ ყველა წიგნში შევიდა პირველი ფრაზა, რომლითაც სლიპერმა შეხვედრისთანავე მიმართა: „დიდი ხანია ერთმანეთი არ გვინახავს, რონი. იმედია, გახსოვარ“. ბიგსი დააპატიმრეს, მას ბრიტანეთში ექსტრადიციის რეალური საფრთხე დაემუქრა, მაგრამ ამ დღემდე ცოტა ხნით ადრე, საყვარელმა ვაჟიშვილი გაუჩინა – ბრაზილიის კანონის თანახმად კი,



მას შემდეგ, რაც ბიგსის ვაჟი მაიკლი სრულწლოვანი გახდა, რონის ახალი ექსტრადიცია დაემუქრა

ბოროტმოქმედი ან ეჭვიმთანილი, რომელსაც ბრაზილიაში არასრულწლოვანი შვილები ჰყავს, არ შეიძლება გადასცენ სხვა სახელმწიფოს. ბიგსი არა მარტო დარჩა ბრაზილიაში, არამედ ამ ქვეყანაში ოფიციალურად ცხოვრების უფლებაც მიიღო.

„რიოს პატიმარი“

ამ დროისთვის ბიგსს, რომელიც მანამდე შემდგომად ცხოვრობდა და თავს არაფერზე ეუბნებოდა უარს, დანაშაუნი შეუთხელდა. სილატაკემდე რომ არ მისულიყო, ბიგსმა ბიზნესს მოჰკიდა ხელი... შემოსავლის წყაროდ თვით „საუკუნის მარცხა“ აღმოჩნდა: იმ დროს მის თანამეინახეთა უმრავლესობა ჯერ კიდევ ინგლისის ციხეებში იმყოფებოდა, ამიტომ რონისთვის დიდ სიმძლავრეს არ წარმოადგენდა, საქმე ისე წარმოეჩინა, თითქოს სწორედ ის იყო ამ გრანდიოზული დანაშაულის სულის ჩამდგმელი და შემსრულებელი. ეს მით უფრო ადვილი იყო, რომ სხვა დამნაშავეთა სახელები არავის ახსოვდა, თუ საერთოდ იცოდა, აი, რობი ბიგსს კი მთელი მსოფლიო იცნობდა – ჯერ სასამართლო პროცესის (მეტადრე, მოსამართლე დევისის) წყალობით, შემდეგ კი – ციხიდან მისი სენსაციური გაქცევისა და ბრაზილიაში არანაკლებ სენსაციური აღმოჩენის გამო. დაბოლოს – მის სახელს წლიდან წლამდე იმეორებდა ვინისის რეკორდების წიგნი: უდიდესი სარკინიგზო მარცხის მსგავსი დანაშაული, მას შემდეგ არ მომხდარა.

ბიგსი მსოფლიო ვარსკვლავად იქცა. მასზე იღებდნენ ფილმებს, იწერებოდა წიგნები (თავად რონიმ თავისი მემუარების არაერთი ტომი გამოსცა, რომელთაგან პირველს „რიოს პატიმარი“ ეწოდებოდა), მასთან შეხვედრა რიო-დე-ჟანეიროში ჩასული ყველა სახელმწიფოებრივი ადამიანისთვის აუცილებელ ნაბიჯად იქცა. მას იღებდნენ (რასაკვირველია, შესაბამისი გასამრჯელოს ფასად) ჯგუფის – SEX PISTOLS-ის კლიპებში, უამრავი ნაწარმისა თუ მომსახურების სახეობის რეკ-



ბრამილია რონიმ ხეიბრის ეკლით დატოვა...



... მშობლიურ მიწაზე კი მტკიცე ნაბიჯით გაიარა

ლაქებში. დაბოლოს, მისმა შვილმა მაიკლმა შექმნა მუსიკალური ჯგუფი და ყველა გამოსვლისას აუცილებლად ახსენებდა მსმენელს, თუ ვისი შვილი იყო. ამის შედეგად, ჯგუფი იმდენად შემოსავლიანი იყო, რომ ბიგსს შეეძლო, საერთოდ არ ეზრუნა მაიკლის განათლების ფინანსურ უზრუნველყოფაზე...

1981 წელს რონი კვლავ კინალამ მოხვდა ბრიტანული იუსტიციის კლანჭებში: დაქირავებულ ინგლისელთა ჯგუფმა მოიტაცა იგი და კარიბის ზღვაში მდებარე კუნძულ ბარბადოსზე გადაიყვანა, რომელიც ფორმალურად, ბრიტანეთის სამეფოში შედის. მაგრამ ბარბადოსის ხელისუფლებამ უარი თქვა ბიგსის ლონდონისთვის გადაცემაზე და კვლავ ბრაზილიაში დააბრუნა. მას შემდეგ დღემდე ამბობენ, რომ ეს მოტაცება თავად ბიგსის მიერ იყო მოგონილი, რეკლამის მიზნით, რათა მეტი ყურადღება მიექციათ იმ დროს გამოსაცემად გამზადებული მორიგი წიგნისადმი „XX საუკუნის უდიდესი დანაშაულის შესახებ“.

პატრიოტი

ბოლო წლებში რონი ბიგსის ბიზნესს მისთვის დიდი შემოსავლები აღარ მოჰქონდა. პუბლიკაც თანდათან ივიწყებდა მმარცველს – რასაც ვერ იტყვი ბრიტანულ მართლმსაჯულებაზე: ლონდონში მისი ექსტრადიციის ახალი მცდელობისთვის ემზადებოდნენ: მთავარი დაბრკოლება მაშინ მოიხსნა, როცა მაიკლმა სრულწლოვანებას მიაღწია. ეს მოხდა ხუთი წლის წინ, მაგრამ ბოროტმოქმედის მაშინვე ხელში ჩაგდება ბრიტანეთმა ვერ მოახერხა: ხანში შესულ ბიგსს ინსულტი დაემართა და ექიმებმა მისი ტრანსპორტირება შეუძლებლად მიიჩნიეს.


ამრიგად, ბიზნესი უკან-უკან მიდიოდა,

მართლმსაჯულება კი სულ უფრო მეტ დაჟინებას იჩენდა. ბიგსიც ისევ მოწოდების სიმალლეზე აღმოჩნდა. ოფიციალური ვერსიით, მას იმდენად მოეატრა სამშობლო, რომ ლონდონში ელექტრონული ფოსტით გააგზავნა წერილი, რომელშიც მართლმსაჯულებისთვის ნებაყოფლობით ჩაბარებას იტყობინებოდა. რაც შეეხება არაოფიციალურს – მან გადაწყვიტა, დაესწრო მოვლენებისთვის და თავისი ნებით ჩაბარება გაეთამაშებინა. ამ შემთხვევაში, მას კეთილგანწყობილი მიღება და ციხიდან მოკლე ხანში გათავისუფლება ექნებოდა გარანტირებული – იმ შემთხვევაში, თუ საერთოდ წამოიჭრებოდა დარჩენილი 28 წლის პატიმრობის საკითხი. მაგრამ ბიგსი რა ბიგსი იქნებოდა, სამშობლოში თავისი დაბრუნებით მატერიალური სარგებელი რომ არ მიეღო?! ბიგსის ბრიტანეთში დაბრუნების ორგანიზების მზადყოფნა პოპულარულმა გაზეთმა THE SUN-მა გამოთქვა. მისი წარმომადგენლები შეხვდნენ ხელისუფლებას, მან გაუგზავნა მმარცველს თვითმფრინავი, უზრუნველყო მისი დაშვება ლონდონის მახლობლად მდებარე სამხედრო ბაზაზე. ბრაზილიური გაზეთების ინფორმაციით, ამისთვის ბიგსმა რედაქციისაგან 500 ათას ლოლარზე მეტი მიიღო. სიმართლეა ეს თუ არა, ბრიტანეთის ხელისუფლება გაარკვევს.

ღირსშესანიშნავ დღემდე ერთი კვირით ადრე, რონიმ კვლავ დაიწყო ინტერვიუების მიცემა, რომლის დროსაც ამბობდა, რომ მშობლიურ მიწაზე უნდა მოკვდეს, რომ ოცნებობს ინგლისურ ლუღსა და ექსტრაქტზე MAZMITE, „მაპატიებენ თუ არა – ეს ნაკლებად მალეკვებს“, – ამბობდა ბიგსი (მაშინ, როდესაც მისი ბრიტანელი ადვოკატები უკვე ამზადებდნენ შუამდგომლობას მისი შეწყალების თაობაზე,

ჯანმრთელობის მძიმე მდგომარეობის მოტივით). ლონდონში გადაფრენის დღისთვის, საზოგადოებრივი გამოკითხვის თანახმად, ბრიტანელთა უმრავლესობამ მის შეწყალებას დაუჭირა მხარი. როცა ტელევიზიით უჩვენეს რიო-დე-ჟანეიროს აეროპორტში ხეიბრის ეტლში მჯდომი ხნიერი კაცის გულის ამჩუყებელი კადრები, მაყურებელთა კეთილგანწყობილ გრძნობებს საზღვარი არ ჰქონდა...

ლონდონში ბიგსი თვითმფრინავის ტრაპთანვე დააპატიმრეს და სასამართლოში მიაბრძანეს. მოსამართლემ, როგორც ეს მოსალოდნელი იყო, მისი პატიმრობაში აყვანის გადაწყვეტილება გამოიტანა. მიუხედავად ამისა, ბრიტანეთში არავის ეპარება ეჭვი, რომ ის ძალიან მალე გამოვა ციხიდან. კანონის თანახმად, გამონაკლის შემთხვევაში, შინაგან საქმეთა მინისტრს აქვს პატიმართა ვადამდელი გათავისუფლების უფლება. რონი მართლაც, მოხუცებული კაცია, მისი ჯანმრთელობის მდგომარეობაც ძალზედ აწუხებს ექიმებს. მისი ვადამდელი გათავისუფლების საფუძველს მხოლოდ ეს გარემოებაც იძლევა. მაგრამ მთავარი ის არის, რომ სამშობლოში დაბრუნებისას ბიგსი ლამისაა, ეროვნულ გმირად იქცა. ცნობებმა მისი ჩამოსვლის შესახებ თვით პარლამენტის ვადამდელი დათხოვნის ამსახველი ინფორმაცია მეორე პლანზე გადასწია. ასეთი ადამიანის ციხეში გაჩერება ბევრ ამომრჩეველს არა მარტო ბარბაროსობად, არამედ, როგორც ინგლისელები იტყვიან ხოლმე, „არასპორტულადაც“ მიაჩნია. ეს კი იმას ნიშნავს, რომ ბიგსს, უკვე თავისუფალი მოქალაქის რანგში, საშუალება მიეცემა, მონაწილეობა მიიღოს ვადამდელ საპარლამენტო არჩევნებში, რომელიც 7 ივნისს უნდა გაიმართოს.



ადამიანის შემსწავლელი მეცნიერება	↘	იასონის ეკიპაჟის წევრი	↘	ძვრფასი ქა კვილი გაზისხულებთ	↘	ათასწლეული	↘	სწერი მვიდა გადმოსწევი ფიცრით
↗				↘	↗			სულ მცირე პატარა (ძვ.)
აკუმულატ. სიმკვრივის საზომი ხელსაწყო						სვანური სიმღერა	↖	↘
↖								↘
მსახიობის მსატყრების, მუსიკოსთა წრე		არქტიკის ნორვეგიული მკვლევარი	↗	ქართული სახელწოდება	↗			

↘	მთ.კათოლიკური ღვთისმსახურება	დიდი მტაცებელი ფრინველი		ნაწარმობის სასინჯი შესრულება	↘	მტკიცე ქოვლისგან შეკერილი სათაფსი	შოტლანდ. ფილოსოფოსი და ცონიზმისტი	უბედური შემთხვევა	↘	ხალხთა მტკიცე ერთობა
	↘					ქართველი პოეტი - აკადემიკოსი		↘		↖
		დამუხტული ნაწილაკი		ნეგატივის ანტი პოლი	↗					ფართის საზომი ერთეული
		მდინარე ვოლგის ძვ. სახელწოდება	↗			პროფესიონალი მონადირე	სამაგილო თამაში		↘	ტურ ჭეერალის პაპირუსის ნაწი
ოპერა „დაისი“ (პერსონაჟი)							სხეულთა გადავლება უკონტაქტო	↘		


↘	„... - ადამიანი?“					მეღვინეთუხუცესი, იოსელიანი				
↗					გერმანიის სასაზღვრო მდინარე	↘				
	ივავ...	საკვების ნორმა გარკვეული ვადისთვის	↗	მიმღებ-გადამცემი რადიოსადგური						
↗										
↖	ორგანიზაციის ფასეულობა მცველი	↗	„ავკასიური ცარცის წრე“ (პერსონაჟი)	↖	გარეული ცხოველი (ზოგადად)					
↖										
	ბართლომეს ღამის ერთ-ერთი ორგანიზატ.	წარწერა გერბზე	↗	ლაბისტი მსახიობი	↗					
						შაადჰინა რამაზ ალანიამ				



30-ე გვერდზე გამოქვეყნებული ტესტის პასუხები: 1-ა; 2-ა; 3-ა.
 45-ე გვერდზე გამოქვეყნებული ტესტის პასუხები: 1-გ; 2-ა; 3-გ; 4-გ.

კვირის (4 - 10 ივნისი) ასპროლოგიური პროგნოზი

მარსი - 22/V-21/VI




სასიამოვნო, რომანტიკული კვირა გელით. სამუშაოზე სიამოვნებას მოგანიჭებთ კოლეგებთან და პარტნიორებთან ურთიერთობა (რაც, სხვათა შორის, მოგებიანი გარიგებების დადებაში დაგეხმარებათ), ხოლო თავისუფალ დროს გული გაგიწევთ იმ ადამიანებისკენ, რომლებთანაც ტკბილი მოგონებები გაკავშირებთ.

პირნი - 22/VI-22/VII



ამ კვირაში ლოგიკური აზროვნების არაჩვეულებრივ უნარს გამოამჟღავნებთ. ყველაზე ჩახლართულ პრობლემებსა და ურთულეს თავსატეხსაც კი გაუმკლავდებით; მაგრამ უფრთხილდით საკუთარ ეგოცენტრიზმს. პარასკევისთვის კი, უძვობესი იქნება, თუ გონებას დაასვენებთ და გულისთქმას მიენდობთ.

ლოპი - 23/VII-23/VIII



ამჟამად თქვენთვის საუკეთესო გამოსავალი - ტელევიზორთან ჯდომაა. არავითარ შემთხვევაში, არ მიიღოთ მონაწილეობა არანაირ კონფლიქტში. გაუთავებელი საქმეებით ძალზედ გადაიღალეთ და თუ არ ამოისუნთქავთ, შესაძლოა, ყველაზე ძვირფასი - ჯანმრთელობა შეგვერყეთ. ამიტომ, ეს კვირა ოჯახის წევრებს დაუთმეთ და განიტვირთეთ.

ქალწული - 24/VIII-23/IX



ყველაზე მხიარული წვეულებიდანაც კი გული შინისკენ მიგიწევთ. ამ კვირაში მხოლოდ შინ და მხოლოდ ახლობელი ადამიანების გარემოცვაში იგრძნობთ თავს კომფორტულად და მშვიდად.

სასწორი - 24/IX-23/X




თავს ძალა დაატანეთ და შეეცადეთ, გარშემომყოფთა ტკივილი გულთან ახლოს მიიტანოთ და შეძლებისდაგვარად დაეხმაროთ მათ. პასუხისმგებლობით მოეკიდეთ საერთო პრობლემებსაც და მთელი ტვირთი საკუთარ თავზე აიღეთ. თუმცა, სასწორებო, ცოტათინი ეგოიზმი თქვენც არ გაწყნდა!

ღრიანკალი - 24/X-22/XI



მშვიდი და უღრუბლო დღეები გელით. ახლა შეგიძლიათ ყოველგვარი წყენისა და საყვედურების გარეშე გადაჭრათ ნებისმიერი პირადი პრობლემა. განსაკუთრებულ სიამოვნებას კი კლასიკური მუსიკის მოსმენა, კარგი წიგნის წაკითხვა, საინტერესო ფილმის ნახვა და უბრალოდ, ბუნებაში გასეირნება მოგვგრიტ. მაგრამ მაღალია ფიზიკური ტრავმის მიღების ალბათობაც.

მეზღვრისი - 23/XI-21/XII



ძალზედ სერიოზული და პრაქტიკული იქნებით, რამაც, შესაძლოა, გარკვეული პრობლემები შეგიქმნათ - როგორც კოლეგებთან, ისე მეგობრებთან ურთიერთობაში. სამაგიეროდ, წარმატებას მიაღწევთ საქმეში. მიუხედავად ამისა, ხანდახან მანც უნდა გაიღიმოთ.

თხის რქა - 22/XII-20/I



ნაცნობ-მეგობრების წრის გაფართოება და განახლება არ გაწყნდათ. უარს ნუ იტყვით მიპატივებაზე და ელიტის ცხოვრების წესს დროის ფუჭ ხარჯვად ნუ მიიჩნევთ. გაუთვალისწინებელმა და მოულოდნელმა შეხვედრამ, შესაძლოა, რადიკალურად შეცვალოს თქვენი ცხოვრება.

მარსი - 21/VI-19/VII



ამ კვირაში სასურველია, დიდი ხნის უნახავი მეგობრები და ახლობლები მოინახულოთ, სახლის რემონტის ჩატარება და ახალი ბიზნესის წამოწყებაც შეგიძლიათ. ნუ გეწყინებათ, მაგრამ ამ დღეებში ინტელექტუალური ამოცანების გადაჭრას ნამდვილად ვერ შეძლებთ. ასე რომ, ჯერჯერობით ემოციებს მიენდეთ.

თევზი - 20/VII-20/VIII



თუ უბრალო, რიგითი თანამშრომელი ხართ, ჩათვალეთ, რომ გაგიმართლათ. აი, თუ ხელმძღვანელი მუშაკი ბრძანდებით, იცოდეთ, რომ ქვეშევრდომებს ვერანაირ დავალებას ვერ მისცემთ - იმ უბრალო მიზეზის გამო, რომ თავში არაფერი მოგივათ, რადგან ახლა მთელი არსებით, სასიყვარულო გრძნობებში ხართ ჩაფლული.

მშვიდი - 21/VIII-20/IX



გეჩვენებათ, რომ სიტუაცია თქვენგან საგმირო საქმეებს, გადამჭრელ ნაბიჯებსა და სარისკო ავანტიურებს მოითხოვს. მაგრამ არავითარ შემთხვევაში მსგავსი არაფერი მოიძოქმდეთ! ცდუნების დასაძლევად საუკეთესო წამალი თქვენთვის ახლა შრომაა და, რაც უფრო მძიმე და მომქანცველი იქნება სამუშაო, მით უკეთეს შედეგს გამოიღებს „მკურნალობა“.

მარსი - 21/IV-21/V



არაჩვეულებრივად ახერხებთ შემოქმედებითი აქტივობისა და კომერციული საქმიანობის შერწყმას, დიდ წარმატებასაც მიაღწევთ ნებისმიერ საქმეში და არა მარტო საქმეში - სიყვარულშიც გაგიმართლებთ, რადგან გულგრილს, უბრალოდ, არავის დატოვებთ.

მხოლოდ ქალაქისთვის როგორი ქმარი გყავთ?

ცნობილია, რომ ერთნაირი ხასიათის ორი ადამიანი არ არსებობს. და მაინც, თითოეული ჩვენგანი მეტ-ნაკლებად რომანტიკულია; თუ რამდენად — ეს უკვე კონკრეტულ ინდივიდუუმზეა დამოკიდებული.

სცადეთ, თქვენი ცხოვრების თანამგზავრს სწორედ ასეთი თვალთ შეხედოთ. ნაიკითხვით ქვემოთ მოყვანილი შეკითხვები და შეარჩიეთ პასუხების თქვენთვის ყველაზე შესაფერისი ვარიანტი:

1) როგორი წიგნების კითხვა უყვარს?

- ა) ისტორიული რომანების - 3;
- ბ) ფანტასტიკის, მოგზაურობის შესახებ - 2;
- გ) ყველაფერს კითხულობს - 1;
- დ) საერთოდ არ კითხულობს წიგნებს - 0.

2) როგორი მუსიკა უყვარს?

- ა) საცეკვაო - 2;
- ბ) საესტრადო - 2;
- გ) კლასიკური და ხალხური - 3;
- დ) გულგრილია მუსიკის მიმართ - 0.

3) რითი ერთობა თავისუფალ დროს?

- ა) მიდის სტადიონზე - 2;
- ბ) უყურებს ტელევიზორს - 1;
- გ) სეირნობს ქალაქში ან ბუნებაში - 3;
- დ) ძირითადად ეზოში „ერთობა“ - 0.

4) როგორ ურჩევნია შევბუღების გატარება?

- ა) დასასვენებელ სახლში - 1;
- ბ) ტურისტულ მოგზაურობაში - 2;
- გ) ახალ, უცნობ ადგილას გამგზავრებას ამჯობინებს - 3;
- დ) ამ სფეროში რაღაც განსაკუთრე-

ბულ მიდრეკილებას არ იჩენს - 0.

5) გრუქნით თუ არა ყვავილებს?

- ა) ყვავილების ჩუქება არასოდეს ავიწყდება - 3;
- ბ) ამას ზედმეტად თვლის - 0;
- გ) მხოლოდ დაბადების დღეზე - 2;
- დ) მხოლოდ შესხენების შემდეგ - 1.

6) ახსოვს თუ არა თქვენი შეუღლების დღე?

- ა) ეს დღე თქვენს ოჯახში ნამდვილი დღესასწაულია - 3;
- ბ) ამ დღეს ყვავილებს ან საჩუქარს გრუქნით - 2;
- გ) მხოლოდ ბოლო წუთს ახსენდება - 1;
- დ) მისთვის ეს დღე ქეიფის მშვენიერი მიზეზი ხდება - 0.

7) შეუძლია თუ არა მოამზადოს სადილი?

- ა) შეუძლია, თუ ფანტაზიასა და მონდომებას გამოიჩენს - 3;
- ბ) მისი შესაძლებლობების მაქსიმუმი ერობოკვერცხი და გახსნილი კონსერვის ქილაა - 1;
- გ) მარტივი კერძების მომზადება შეუძლია, ოღონდ უხალისოდ - 2;
- დ) ურჩევნია, დარჩეს მშვიერი და



გაბრაზებული - 0.

8) როგორ საჩუქარს გრუქნით დაბადების დღეზე?

- ა) ყვავილებს, სუნამოს ან კანფეტებს, გულითადი სიტყვებით სავსე მოსალოც ბარათთან ერთად - 3;
- ბ) რაიმეს ქალისთვის შესაფერისი ნივთებიდან - 2;
- გ) საოჯახო ნივთს (ჭურჭელს ან ჩაიდანს) - 1;
- დ) მოუცვლელობას იმიზეზებს, ფულს გაძლევთ და გთავაზობთ, თავად შეარჩიოთ სასურველი საჩუქარი - 0.

შეაჯამეთ მიღებული ქულები და გაარკვიეთ, რომელ კატეგორიას მიეკუთვნება თქვენი მეუღლე, შემდგომ, შესაბამისი დასკვნების გაკეთებაც არ დაგავიწყდეთ.

დააჯამეთ მიღებული ქულები

18 და მეტი ქულა: თქვენი მეუღლე ხასიათითა და მიდრეკილებებით ნამდვილი რომანტიკოსია. მას აქვს უნარი, ჩვეულებრივი დღე დღესასწაულად გიქცით. თქვენი ოჯახური ცხოვრების ბევრს შურს. ეცადეთ, ურთიერთგაგებით მოეკიდოთ მის ქცევას, თორემ რომანტიზმი შეიძლება დროთა განმავლობაში გახუნდეს.

11-17 ქულა: თქვენს მეუღლეს რომანტიკოსობისკენ მიდრეკილება აქვს, მაგრამ ამ ღირსების ღიად წარმოჩენა, რატომღაც ერიდება. შეიძლება მას სამუშაოს გამო არ სცალია რომანტიკისთვის, ხანდახან კი ის სენტიმენტალურ გუნებაზე ღვება და მაქსიმალურ ყურადღებასა და სინაზეს იჩენს. მთლიანობაში,

ის კეთილი და რეალისტი ადამიანია, ეს კი ნამდვილად დასაფასებელია.

6-10 ქულა: თქვენი მეუღლე ძალიან საქმიანი ადამიანია, მისი რომანტიკული თვისებები (თუკი საერთოდ აქვს) ძალიან დათრგუნვილია. მხოლოდ თქვენ შეგეძლიათ მისი ხასიათის რომანტიკული თვისებები აღმოაჩინოთ და გააღვივოთ.

5 და ნაკლები ქულა: სჯობს სიმართლეს თვალი გაუსწოროთ: თქვენს მეუღლეს რომანტიკულობის ნატამალიც კი არ გააჩნია. შეეგუეთ ამას, ეცადეთ სხვა, საუკეთესო თვისებები აღმოაჩინოთ მასში და ამ გზით მოახდინოთ მისი არარომანტიკულობის კომპენსაცია.

თამაში მოხიცილებსაც უყვართ

ლონდონში, ოქსფორდ-სტრიტზე დიდი გამოცოცხლება გამოიწვია ერთ-ერთი მაღაზიის ახალმა ვიტრინამ, რომელსაც „ქალწული“ ჰქვია და ცოცხალი წყვილით არის „გაფორმებული“. ვაჭრობის ნოვატორთა ჩანაფიქრის თანახმად, ორი ცოცხალი მოდელის მიერ სასიყვარულო პრელუდიის სცენის შესრულებამ რეკლამა უნდა გაუწიოს მოზრდილთათვის განკუთვნილ სამაგიდო თამაშს, რომელსაც NOOKII ჰქვია. მაგრამ ვის ახსოვდა თამაში? გამვლელები გაშტურებულები შეჰყურებდნენ მსახიობებს და ფოტოკამერებსაც ახსაკუნებდნენ. მაღაზიის თანამშრომელი კი, ფხიზლად აკვირდებოდა – ემანდ „ხელი არ წაუცდეთ“, და ზედმეტი არ მოუვიდეთო...



ახალი „ხელსაწყო“ მანიქოსნების დასაცავად

ჩრდილოეთ აფრიკელმა ექიმმა, აიაჰ ხაუმანმა ქალებისთვის მოძალადისგან დასაცავი საფენი გამოიგონა. თავდაცვის ამ ორიგინალურ საშუალებაში ჩამონტაჟებულია საპარსი, რომელიც მაშინვე „ამოხტება“ ხოლმე, როგორც კი საფენს დააწვებიან. მიუხედავად იმისა, რომ ლაბორატორიულმა ცდებმა საფენის ეფექტურობა დაადასტურა, ქალთა ორგანიზაციებმა „მკვლელ-საფენად“ შერაცხეს იგი და აქტიურად შეეწინააღმდეგნენ. მათი ერთ-ერთი მთავარი არგუმენტი ის არის, რომ საპარსის მოქმედებით გამწვანებულმა მოძალადემ, მსხვერპლის სიცოცხლეც შეიძლება ხელყოს. „ამ ქალბატონებს არ ესმით რას ამბობენ, – აცხადებს ექიმი ხაუმანი. – ფალოსი მამაკაცის უმთავრესი ორგანოა – უფრო მთავარი, ვიდრე გული ან ფილტვები, ამიტომ საპარსის მოქმედების შედეგად მოძალადეს უმალ დაავიწყდება ქალი და ის თავის საშველად გაიქცევა...“

ჩემპიონი ძილისგუდა

ჩეხეთში მიმდინარე ძილისგულების შეჯიბრებაში, რომლის ლოზუნგი იყო – „ხანგრძლივი ძილი ერის ჯანმრთელობისა და კეთილდღეობის ნიშანია“, 13 წლის გოგონამ, იანა ლიბოტოვიცკამ გაიმარჯვა. მას 20 სთ და 32 წთ ეძინა და შეჯიბრების 32 სხვა მონაწილეს სძლია. ერთ-ერთი მათგანი – 50 წლის ევა ნოვა საერთოდ ჩაფლავდა: მხოლოდ ერთი საათით შეძლო დაძინება და ეს კი იმით ახსნა, რომ საკუთარ ლოგინში არ იწვა.



„დამნაშავე“ დაქალები

ქაბულში, მავნებლური დასავლური მოდის პროპაგანდის ბრალდებით, 22 დალაქი დააპატიმრეს. მიზეზი „ტიტანიკის“ მთავარი როლის შემსრულებელი ლეონარდო დი კაპრიო და მისი ვარცხნილობაა: მიუხედავად იმისა, რომ რამდენიმე წლის წინ თალიბებმა დასავლეთში წარმოებული ნებისმიერი კინო და ვიდეოფილმები აკრძალეს, ახალგაზრდები მაინც ასერხებენ მძაფრსიუჟეტისანი ამერიკული ფილმების ნახვას, მათ შორის ყველაზე გულადებმა კი, თავიანთ კერპს რომ დამგვანებოდნენ, იერის შეცვლაც გადაწყვიტეს. ადგილობრივმა წესრიგის დამცველებმა ახალგაზრდების ასეთი საქციელი, საზოგადოებრივი მორალის საწინააღმდეგო აქტად ჩათვალეს, რომელიც წვერისა და დოლბანდის ტარებაში გამოიხატება. თუმცა „დამნაშავე“ დალაქებს ამჯერად ჯარიმასა და ჯოხის რამდენიმე დარტყმასთან ერთად, მხოლოდ თავის გადაპარსვას აკმარებენ.

ფანტაზია • ფანტაზია • ფანტაზია • ფანტაზია

ჩვენი ჟურნალის წინა ნომერში შემოთავაზებული რუბრიკის – „ფანტაზიის“ პასუხად მკითხველთა მიერ გამოგზავნილი ქვითრების მიხედვით, გაიმარჯვა ბატონმა მიხეილ მაჭავარიანმა ვულოცავთ ბატონ მიხეილს და ვუსურვებთ წარმატებებს!

ჰაა, არის რაში?!

(მკითხველის გვარი, სახელი)


(ცნობილი პიროვნებები)

ამ რუბრიკით თქვენი წარმოსახვის გაფარჯიშებას გთავაზობთ. გაითვალისწინეთ ჩვენი კომენტარი და ფოტოზე აღბეჭდილ სახეს ის ცნობილი პიროვნება მთარგეთ, რომელიც ყველაზე მეტად მოუხდება. ჟურნალის შემდეგ ნომერში ფოტო იმ პიროვნების სახით გამოქვეყნდება, რომელიც ყველაზე მეტ ხმას დააგროვებს. გთხოვთ, შეავსოთ ქვითარი და პასუხები გამოგვიგზავნოთ, თბილისში განთავსებული „კვირის პალიგრის“ საფოსტო ყუთების საშუალებით. ქვითარი ჩააგდეთ სამშაბათის (5 ივნისის) 13 საათამდე.



„უანტაშიკივ“

კიპა. ბარო წააბი?!



„უანტაშიკორებს
მკითხავალო“

კონტრბანდისტივობის
სიხარული



66/23



კრემი სკინორენი

სერკესპოით კრიკლა კანი



**სამკურნალო
საშუალება
თქვენი
კანისთვის**

